



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Her. 2323 &
2323 (1)

PHILIPPI COMINAEI
EQUITIS, DE RE
BUS GESTIS LUDOVICI VN-

decimi, Galliarum regis, & CAROLI
Burgundiæ Ducis, Com-
mentarij.

EX GALLICO FACTI LATINI,
à Ioanne Sleidano.

ADIECTA EST BREVIS QVAEDAM IL-
lustratio rerum, & Galliaë descriptio.



ARGENTORATI Excudebat Iosias Rihelius.
cum D. francisci Lud. de Gasquinj's Rom. Pr. March.
Viterb. et Spolet. Equitis ord. mil. An. 1667
1548

ILLVSTRIS

SIMIS PRINCIPIBVS,

IOANNI FRIDERICO, SAXO-

NIAE DVCI, ELECTORI, ET

Philippa Lantgrauio Hefie. Joannes

Sleidanus S. D.



E LAVDIBVS HISTORIAE

multi copiose dixerunt & eleganter, illustrissimi Principes, ac ut nulli dixissent. omnium tamen sensibus & oculis expositum est, quantam illa rebus humanis utilitatem adferat. Itaq; in re satis per se commendata & aperta, non utar pluribus uerbis, deq; his commentarijs & eorum authore speciatim loquar. Is fuit nobili genere natus, & ubi per annos aliquot cum Carolo Burgundie Duce fuisset: accessit ad Ludouicum undecimum, Gallie Regem, qui illius opera summis in negocijs utebatur, Historie prima laus est, & unica prope, si uere conscripta sit. Hanc ille in magno scriptorium numero, iure sibi potest arrogare. Quam uero sit in scribendo rationem secutus, clare testatur eius praefatio. Cum Carolus octauus, Ludouici Regis filius, Gallie praecesset: in lucem haec emisit, quo tempore, si quid

* ij

IOANNIS SLEIDANT

alienum à vero dixisset: facile poterat à multis, qui spectatores fuerant eorum, de quibus agit, insimulari mendacij. Quin uera sit igitur eius narratio, dubitari non debet. Loquitur autem de rebus maximis, & quod in præfatione scribit, se nouisse plerosq; omnis Europæ Reges, atq; consilia cum ipsis communicasse; quotusquisq; est omnium historicorum, qui hoc sibi uendicare possit? Nihil hic est uanum, nihil uulgare, nihil ex auditione aliqua leui perceptum: sed spectator & actor ipse fuit, & adeo quidem diligenter omnia notauit, ut uideatur nihil aliud spectasse, quàm ut posteris prodesset. Atq; ex eo facile intelligi potest, quanta fuerit in ipso naturæ felicitas, & ingenij bonitas, & rerum experientia, qui cum nullam eruditionis partem attigisset, tam aptè & concinnè, tamq; sententiose scripsit. Vtriusq; autem uitam, mores ac ingenium eleganter depingit, ita ut Ludouicus Rex, uideatur esse callidi, nec omnium innocentissimi: Carolus autem industrii & laboriosi, & acris & aperti Principis exemplar. Quod in utroq; reprehendendum, aut etiam predicandum fuit, nihil in eo dissimulat: longe diuersus à plerisq; nostræ præsertim ætatis hominibus, qui dum in similibus argumentis uersantur: nimia uel laudatione uel uituperatione modum omnem excedunt, sic ut Panegyricum aut Verrinam aliquam actionem uideantur uelle conscribere: quo nihil esse potest magis indecorum. Est enim intolerabilis in
omni

P R A E F A T I O .

omni historia falsitas & mendacium. Qui sunt Regibus familiares, pulcherrimas habent scribendi occasiones, uerum ex ijs plerique non adficiuntur ea cura, & rebus alijs, unde maius emolumentum sperant, intenti sunt. Quò fit, ut hoc munus ferè sibi sumant homines priuati, & à principum negocijs alienissimi, quem admodum & superiori etate, & nostra memoria uidemus, in eo genere occupatos fuisse monachos, ita quidem, ut à multis iam temporibus, nulla propè sit conscripta historia, cui fides haberi possit. Omnes enim, uel deprauatis iudicijs eorum, qui scripserunt, uel incertitudine narrationis, facta sunt mendosiores. Antiquitus proprium hoc erat munus maximorum uiro-
rum, qui uel ipsi praefuerant rebus, uel cum ijs, qui gesserunt, familiariter & domesticè uixerant. Tales fuerunt olim, Thucydides, Caesar, Polybius, Salustius, Tacitus, & alij quidam. Oportet sanè historicum, non minus quàm oratorem, esse uirum bonum, qui falsi nihil admisceat, in quo nullum impotentis affectus appareat uestigium, qui cupiat lectorem fieri prudentiorem, ex cognitione rerum, quas tractat, & meliorem. Qui hoc praestare nò potest, is ad eam prouinciam se fateatur esse minus idoneum. Pertinet enim ad bonos mores, ac Reipublicae interest, nè quid omnino, nisi quod sit compertum & exploratum, in lucem exeat. Est igitur summa res difficultatis; bodie, conscribere ueram & puram narrationem. Nam qui id omnium optime

IOANNIS SLEIDANI

efficere possunt, Regum & Principum familiares, si
 uel planè cessant, uel gratie & fauori plus quàm equum
 est, tribuunt. Reliqui omnes, quin multa parum fide-
 liter & integrè recitent, dubitari non debet. Nimirum
 profecto longè recessimus à ueterum fide ac diligentia.
 Et sicut illorum industriam in plerisque rebus omnibus
 assequi uel equare non possumus: ita quoq; in hac eru-
 ditionis parte cum ipsis collati, multis passibus à ter-
 go relinquimur. Si quis autem est omnium, uel nostræ
 uel etiam paulò superioris ætatis, qui prudentia &
 ueritate proximè ad illos accedat: is meo quidem iu-
 dicio est hic author, quoniam grauissimas deliberati-
 ones, habitas in ipsis regum penetralibus, antequam
 in actum uenirent, ponit ob oculos, & diligenter ex-
 plicat. quod uix pauci fecerunt, & pauciores multò
 prestare possunt, & ut possint, uix tamen audent, ne
 quid offendant. Quod cum ita sit: & quia simulachrum
 quoddam in his libris continetur, atq; pictura horum
 temporum in quibus uersamur: idcirco putauit me fa-
 cturum esse rem, nec ingratam, nec inutilem Germani-
 æ, si scriptorem optimum, qui per Galliam & pro-
 bitatis & fidei amplissimum à morte testimonium ha-
 bet, latinitate donarem. Nullum enim extare puto scri-
 ptum, eius quidem generis, magis aptum nostris temporibus,
 & quod formandæ prudentiæ ciuili, ac ipsis, qui
 principum negocijs et Respub. præsent, plus conferre
 possit. Idem opinor omnibus esse iudicatu-
 ros, qui dili-
genter

PRAEFATIO:

gentes totum euoluerint. Si post illum, alij similem diligentiam prestitissent, eaq; fide et religione seriem historiae deduxissent ad hoc usq; tempus: an dubitet aliquis, nostra cū ueteribus posse conferri? Excitauit Deus his nostris temporibus maximas rerū mutationes, inter quas primum obtinet locum, causa religionis, quae ab humili et contempta origine, paucis annis, contra omnium hominum expectationem, itā creuit, ut sine admiratione summa nemo possit ea de re cogitare. Et quemadmodum maxima nostrae aetatis uituperatione futurū sit, si non haec omnia transmittantur ad posteritatem: ita quoq; praecelaram et insignem consecuturi sumus laudem, si rem omnem ab ipso statim primordio, diligenter et bona fide literarum monumentis inferemus. Quod ut fiat, in uobis, illustrissimi Principes, positum est in primis, qui in ista causa nullum aut laborem aut periculum haecenus defugistis, et palam saepeuenero estis contestati, malle uos omnia uobis eripi: quam humani actionis patrocinium atq; tutelam deponere. Ad uos igitur proprie pertinet, providere, ac operam dare, ut quid privatim et publicè uobiscum, et cum uestri ordinis hominibus, à multis nunc annis actum sit, omnes intelligant, et iudicium inenarrabile potentiamq; Dei reuerenter agnoscant. Oportet enim eum, qui uerè et integrè tractare haec omnia uelit, ex uestris bibliothecis instructum prodire, et à uobis socijsq; uestris materiam scribendi desumere. Sunt non pauci

magna

IOAN. SLEIDANI PRAEFATIO.

magna uirtute & eruditione uiri, qui hoc à uobis praestari, magnopere cupiunt, & ut rem in primis utilem, ac posteritati quoque necessariam, ualde requirunt. In his etiam est Iacobus Sturmius, patricius Argentinenſis, qui & uobis, ob excellentem ac ſepe cognitam uirtutem, eſt pergratus, & toti Germania, propter ſingularem ipſius, ac perpetuam fidem ſtudioꝝq; erga Rempublicam debet eſſe longe chariſſimus. Quoniam uero ipſi, pro ueſtra prudentia, huius rei dignitatem ſatis intelligitis: multi in bonam ſpem ueniunt, nō defuturos eſſe uos publicis utilitatibus. Atq; ut magis appareat, quā ſit res illuſtris, uere & prudenter ſcripta hiſtoria: uolui hos Commentarios, Gallice perſcriptos ab authore, latino ſermone noſtris hominibus exhibere, & ſub ſplendore ueſtri nominis emittere: qui quoniam inſignem obtinetis locum, inter alios Germania Principes, ac plurimis pro ueſtro munere eſtis occupati negotijs: non pauca, meo quidem iudicio, reperietis in hoc libro, ueſtris actionibus & inſtitutis accommodata. Deum precor, ut ad uominis ſui gloriam, & ad patrie ſalutem, conſilia ueſtra gubernet. Argentinae,
Calendis Ianuarij.

1545.

Authoris

AVTHORIS, AD AR
chiepiscopum urbis Viens
næ, in Gallijs, præ
fatio.



SAEPENVMERO A ME
petijsti, ut ea, quæ mihi comperta essent
de rebus gestis Ludouici undecimi, Prin
cipis nostri, uir clarissime, tibi conscri
berem. Feci, quod mandasti, & quàm uerissime omnia,
quæ mihi quidem in mentem uenerunt, notauî. Quæ
fuerit eius uita, iuuenilibus annis, præter ea, quæ mihi
aliquando recitauit ipse, nihil habeo: Sed posteaquàm
cœpi cum eo domestice uiuere: ex meis collegis, nemo
crebrius & familiarius apud eum uersatus est. Nam
aut ex intimis cubicularijs eram, aut alioquin occupa
bar in maximis illius grauissimisq; negocijs. Habebat
suas uirtutes, habebat quoq; uitia, sicut omnes alij prin
cipes, quos ego quidem nouerim. sunt enim homines, ac
in solum Deum cadit omnis perfectio: Veruntamen,
quando, quod prauum est atq; uitiosum, fugiunt, &
uirtuti sese tradunt: magnam sane merentur laudem,
eò quòd indulgentius & mollius educantur, & natura
serè propendunt ad uehementiores affectus, quos nemo
cohercet, & postquam excreuerint, illorum & auri
bus & ingenio moribusq; pleriq; seruiunt. Quantunt

A

ad me pertinere, uere omnia perscribam, nec enim mentiri libet. Atque ita fortasse fiet, ut aliqua loca incidant, quae parum ad ipsius laudem spectare uidebuntur. Sed spero futurum, ut qui lecturi sunt, cogitent secum atque perpendant eas, de quibus antea diximus, rationes, ac ueniam mihi dent, ubi rem ipsam spectasse, et ueritati omnia, nihil autem affectui priuato me tribuisse animaduertent. Hoc tamen ausim de illo confirmare, nullum me nouisse principem, in quo minus esset uitiorum, si quis generatim omnia complectatur et inspiciat. Vidi enim plerosque reges ac principes, non Galliae tantum, sed et Britanniae, et Flandriae, et Germaniae, et Angliae, et Hispaniae, et Lusitaniae et Italiae, nec solum uidi, uerumetiam res maximas egi, et consilia cum ipsis communicauimus, sic, ut ex meis aequalibus et coeuis, nemo per Gallias ampliorem habuerit eorum noticiam. Alios autem non uidi quidem ipse: uerum, quo essent ingenio praediti, ex legatis, quos mittebant, et literis, non obscure cognoui. Sed dum illius uirtutes praedico: nolim aliorum principum honori et gloriae per me quicquam esse detractum. Et quicquid à me notari potuit, simpliciter et bona fide tibi mitto. Nam arbitror ideo te requirere hanc meam operam, ut quicquid Gallice scripsi tu inter alia referas in opus latinum, quod constituisti aliquando perficere. Quod cum exibat: et Ludouici regis maxima uirtus, et ingenij tui praestantia fiet illustrior. Quicquid à me peccatum, aut minus

aut minus bene perscriptum, aut etiam prætermisissimū
 erit: facile suppleuerit & Bocagius, & quidam alij,
 qui plenius omnia sunt & ornatus multò dicturi. Si
 quis autem ad intimam illius & familiarissimam con-
 suetudinem, ac meritorū magnitudinem respiciat: ne-
 mo est omnium, qui maiorem, quàm Bocagius & ego,
 cognitionem habeat. Et quum ipsius morte magnum
 mihi sit inflictum uulnus: non debet cuiquā uideri mi-
 rum, si quantis ab eo, dum uiueret, affectus fuerim be-
 neficijs, memoria optime complectar. Vsitatum est
 enim, ut ab interitu summorum principum, magnæ fi-
 ant rerum conuersiones: dum alij crescunt & locuple-
 tantur, alij uerò detrimentum accipiunt, & in uarias
 acerbitates incidunt. Honores enim & opes, & quic-
 quid est eius generis, ab alieno pendent arbitratu. Atq;
 ut certò perscribam de tempore, quo familiariter cum
 eo uixi: opus est, ut eius quoq; temporis memoriam,
 quo nondū in ipsius familia eram, prius percur-
 ram & repetam. Ordine deinde totam
 narrationem, ad extremum usq;
 uitæ illius diem, persequar.

Philippi

4
PHILIPPI
GOMINAEI COM
mentariorum Liber
Primus.



QUVM IN EA ES.
sem etate, quae laborem eque-
strem ferre poterat : dedi ma-
in familiam Caroli, cui pa-
ter erat Philippus Burgundiae
Dux. ad quem, cum esset in
sulis, oppido Flandriae, pau-

cis post diebus uenerunt Ludouici undecimi, Galliarum
regis, legati, Cancellarius Moruillierius, & Archiepisco-
pus Narbonensis : qui conuocato concilio, palam suae
legationis causam ad hunc modum exponebant. Caro-
lum, quo tempore fuit in Hollandia, cepisse nauigium
quoddam Gallicum, armatum, & in eo Rubemprium,
uirum nobilem, ac in carcerem coniecisse illum, oblata
criminatione, quasi eo sui capiendi causa uenisset. Hoc
autem eo esse grauius & indignius, quod eius rei fama
passim, maxime uero Brugis, oppido Flandriae celebra-
rimo, esset disseminata iussu Caroli, per Oliuarium
quendam Marchianum, uirum equestris ordinis. Reo
gem igitur

A^o
1464.

Philippus Gominaei
Comentarius

Liber I

gem igitur, quoniam hoc ipso magnam sibi factam esse
 putet iniuriam: postulare, Oliuarium ad se mitti Lu-
 tetiam, exempli statuendi causa. Philippus ad egressum
 ait, Oliuarium ducere originem è superiori Burgundia,
 & esse unum è suis præfectis domesticis, nec ulla ratio-
 ne subiectum esse regis imperio: se tamen diligenter
 inquisiturum, & si quod deprehendat eius factum, quo
 regis honor uiolatus esse uideri possit, seuerè & graui-
 ter animaduersurum. Rubemprium uero, non leuibus
 de causis fuisse captum, præcipuè uero, quod apud Haa-
gam, Hollandiæ uicini, ubi tum Carolus filius erat, ha-
 sisset instructus & armatus. Se quidem nullo unquam
 tempore suspicionibus indulgisse: quod si filius in su-
 spicionem propendeat, in eo ipsum representare na-
 turam & ingenium matris, quæ fuerit admodum sus-
 piciosa mulier: ueruntamen idem se fuisse facturum
 in eo rerum statu, quod filius fecit, habiturum se nihilo-
 minus questionem, & si quo tempore constet de illius
 innocentia, fore, ut liber factus, ad regem, sicuti petiis-
 sent, remittatur. Cancellarius deinde multum acerbè
 inuectus in Franciscum, Britannicæ minoris Ducem, as-
 firmabat, Carolum iniisse foedus cum illo, quo tempore
Turoni apud Regem fuisset, eamq; rem atrociter ad-
 modum & odiose exaggerabat, Carolus, qui indignissi-
 mè ferret iniuriam hanc fieri socio & amico: uoluit
 non semel ad ea respondere. Sed Cancellarius dicentem
 interpellans, non inquit, huc ueni, ut tecum agerem, est

1454

Hagen vrs
Hollandia
D. S. Gub. Hagen

C. v. r. b.

COMMENTARIORVM

mihi solum res cum tuo parente. Tum ille patrem ob-
testatur, ut sibi dicendi potestatem faceret. Ad hæc ille:
equidem pro te sum locutus, ait, ita ut patrem decet,
sed tamen si cupis omnino respondere, præcogites ho-
die, quid tibi dicendum sit, & quæ putabis ad rem per-
tinere, cras in medium adferas. Superiori sermoni Can-
cellarius hoc etiam addebat, non uidere se, quamobrem
foedus illud inierit Carolus, nisi quod Rex annuam pen-
sionem, ^{non} ^{non mandauit} & Normanniæ præfecturam ipsi ademisset.

Postridie coacto iterum concilio, Carolus genu ad ter-
ram inflexo, & subiecto puluino, conuersus ad paren-
tem, initio demonstrat, iustis de causis captum fuisse
Rubemprium; deinde, non diffitetur, habere se quidem
foedus cum Britanno; sed id non spectare ad detrimen-
tum aliquod regis, imò futurum ei utile, temporibus
necessarijs, Pensionis autem annuæ, quam sibi Rex ad-
emisset, se nihil unquam accepisse, præter Trientem, ad
nouem circiter francorum millia, non se petiisse illam
à Rege, neo etiam Normanniæ ambiisse præfecturam;
facile carere se posse omnium aliorum munificentia,
quamdiu patrem habeat amicum & beneuolum. Erat
haud dubie dicturus multò asperius, nisi patrē, ad quem
sermonem instituerat, fuisset reueritus, qui prudenter
admodum & demisso tandem petebat, ne Rex, uel de
se, uel de filio suo temere aliquid sinistri crederet. Po-
steaquam deinde uinum fuit allatum: quod apud Prin-
cipes fieri solet, legati parant abitionem, in eoq; tem-
poris

poris puncto, Carolus, qui aliquantò remotior erat à parente, conuersus ad Archiepiscopum Narbonensem: commendabis, inquit, me Regi, meisq; uerbis dices, quemadmodum per Cancellarium suum pro dignitate me tractarit. sed antequàm exierit annus, poenitebit eum huius facti. Ille in Galliam reuersus, exponit mandata. Rex eo sermone multū offensus, grauè suscepit odium. Ad hanc offensionem illud etiam accessit, quòd rex non ita pridem receperat Ambianum, Abbeuillam, Sancto-
quintinum, & alia quædam oppida Picardie, ad So-
miam flumen, quæ Carolus septimus Gallie rex, pater Ludowici, dederat Philippo Duci, quo tempore cum eo transegit apud Atrebat, & dederat tum ipsi, tum ip-
 sius liberis masculis, ea conditione, ut cuius Gallie re-
 giliberum esset ea redimere quadringentis aureorum millibus. Cum autem Philippus esset etate grauis: pro-
 curabant eius negocia nobiles è familia Croiorum, qui
 per Hamoniam & Flandriam magnas retinent pos-
 sessiones. In eos culpam transferebat Carolus, quòd pater, accepta pecunia, reddidisset eas urbes, & quoniam in finibus posite sunt, impatientissimè ferebat. Paulo post abitionem legatorum; uenit Insulas Ioannes Bor-
 bonie Dux, ut Philippum auunculum, officij & hono-
 ris gratia, sicuti præ se ferebat, inuiseret. Inter omnes enim Principum tribus ualde amabat Burgundicam, & erat è sorore nepos Philippi, quæ cum esset uidua: commorabatur unà cum liberis apud fratrem. Sed ue-

A iij

Ann

1464

amien ab-
beuill. S. m.
Quintiny

Atrebat

Croz eling
martyr m.
Jours d'Arche

Fij, 1464

COMMENTARIORVM

14. cum aduenisset, hæc erat causa, ut eum incitaret, quod
 in sua ditione conscriberet exercitum, affirmans futu-
 rum, ut reliqui Gallie Principes idem facerent, eo uide-
 licet consilio, ut Regem, qui multa insolenter ageret
 & iniquè, cogant sanio-rem Reipublice formam insti-
 tuere, & quia bellum hoc uidebatur suscipi pro Re-
 publica totius Gallie, uocatū deinde cognomento fuit,
 Bonum publicum. Philippus non difficulter quidem
 assensit, uerum non detegebatur ei tota res, neq; fore
 putabat, ut ad arma ueniretur. Collectæ sunt igitur co-
 pie, & Sanctopauli Comes, ^{Comitum Pauli} Cameracum, ubi tum Phi-
 lippus erat una cum filio, accessit, cumq; uenisset etiam
 eò Burgundie Mareschallus Nouocastrensis, Carolus
 indicto concilio, pronunciat, familiam illam Croiorū,
 sibi, suoq; patri summè aduersariam & inimicam esse.
 At quanquam ex ijs quidam habebat uxorem Sancto-
 pauli Comitij filiam, proscripti tamen fuerunt omnes
 ab eo, & facultatibus exuti, & e uestigio, nulla inter-
 iecta mora, salutem sibi fuga petere cogebantur. Acgre
 quidem ista tulit Philippus, e cuius etiam cubicularijs
 quidam, eò quod esset eius familie, cum salutandi Prin-
 cipis non haberet spacium, subito & tacitè profugit,
 sed grauior etas in causa fuit, ut patientius omnia fer-
 ret. Carolus deinde placato patre, copias, quibus Comi-
 tem Sanctopauli præfecerat, educit, nempe circiter tre-
 centos equites cataphractos, & quatuor sagittario-
 rum milia, & inter hos, complures Artesie & Hamen-
 nie &

Cambrin

hinc

Guy J. J. J.

100 r. yndes
 1000 sagitta
 no. 2. 10
 de huius. 10. hinc go u. 10.

nie & Flandrie viros nobiles, deinde Ranstonius frater Ducis Cluensis, habebat non pauciores copias, & inter alios belli Duces, erant duo quidam, summe apud Carolum authoritatis, Haubordinus & Contaus, quorum ille uersatus erat in ijs bellis, quae Angli confederati Burgundionibus, gesserunt in Gallijs, quo tempore Henricus quintus rerum apud Gallos potiebatur, alter eiusdem erat cum Haubordino statis. Totus exercitus erat circiter mille quadringentorum equitum cataphractarum, sed quoniam insolentes erant belli, diuturnitate ocij, ut qui post Atrebatensem illam pacificationem, per totos triginta, nisi fallor, annos, nullum gesserant externum bellum, male erant instructi, & parum exercitati plerique omnes. Sagittarii surgebant ad nouem milia, & habito delectu, quanta fuit antea difficultas in conducendo, tanta tunc extitit in dimittendo, seruatis tantum lectissimis quibusque, Ceterum, ob diuturnitatem pacis, & Principis Philippi bonitatem, florentissima erant omnes ille provinciae, cumulate omnis generis opibus, ita quidem, ut cuius populo preferri possent, ea re ferociore facti, nullius Principis potentia labefactari se posse putabant, sed qui fuerunt antea plurimis annis omnium gentium fortunatissimi, nunc ita sunt adfligti, ut erumnosiores hodie populum non nominem, & est credibile, iam ipsos dare poenas eorum, quae rebus prosperis elati admiſerunt. Nam & cultu corporis, & uestitu, & quotidiano uictu, & balneis & epu-

de Bicerabing
Saut Bordin, B.
Biserabing
Vim Bordin 99
1464

1400 7/10

Sagittariorum
9800

lis, & omnino rebus omnibus modum excedebant, obli-
 ti pudoris & honestatis. Instructo exercitu, progre-
 ditur Carolus, erant autem equites omnes, præter eos,
 qui adducendis tormentis, quorum maximam vim ha-
 bebat, alijsq; operibus destinati erant. Profectus igitur
Noviodunum, castellum Nelam^{us} ijs locis obsidet, ac licet
militum presidij firmatum esset, paucis tamen diebus
deditione capit. Obequitabat non procul à Carolo Io-
 achimus Gallie Marescallus, à Perona digressus, uerum
 quòd exiguas habebat cohortes, non poterat impedire
 illum, quò minus ad Lutetiam propius accederet, quam
 tamen ipse prior ingressus est. Toto itinere, quò transi-
bat Carolus, iubet à ui & maleficio abstineri, neq; pas-
sus est ullum detrimentum alicui inferri, ciuitates etiam
ille, quæ sunt ad Somiam flumen, & aliæ quæcunq;
modicis cohortibus nos recipiebant, & accepta pecu-
nia, suppeditabant, quæ usui esse poterant, & uideban-
tur belli euentum expectare. Ventum est tandem San-
 ctodionysium, quod oppidum duobus miliaribus abest
 à Lutetia, quò & reliqui Gallie Principes confœdera-
 ti, sese uenturos esse promiserant. Pro Duce Britannie
 aderat Procancellarius, qui chartas aliquot habebat
 puras, sui Principis sigilla consignatas, cuiusmodi so-
 lent aliquando dari discendentibus Legatis, in ijsq; pro
 ratione temporis & negotiorum, subinde scribebat
 quicquid uisum esset. Valebat quidè ingenio, sed certè
 propter excitatā non semel aduersus eum indignatio-
 nem &

Novi

Sunt Denijs

nem et fremitum in castris, opus etiam ipsi erat magna dexteritate et industria. Carolus Lutetiam usque progressus, lenioribus praelijs laceſſebat oppidanos, qui praeſter Ioachimū, et eas, quibus ille praeerat, cohortes, nullū habebant praesidium. Itaque tanta fuit ibi consternatio multitudinis, ut subinde clamarent, hostem iam superasse moenia. Haubordinus, eo quod habitasset aliquando, et ingenium loci non ignoraret, suadebat oppugnandam esse, et quanquam equitatus idem sentiebat, ut qui contemnerent hostem, excursiōibus factis in ipsas usque portas: Carolus tamen Sanctodionysium reuersus, postridie conuocato concilio, deliberat, an esset obuiam iturus Biturigum Duci, fratri Regis, et Britanno, quos Procancellarius in propinquo esse dicebat cum exercitu, conatus fidem eius rei facere, demonstratis literis, quas ipsemet finxerat in ijs, quas diximus, chartis, cum nihil tamen haberet certi. A multa deliberatione placuit, traiciendum esse flumen Sequanam, tametsi complures dicerent, quoniam socij et confederati ad diem non uenissent, posse Carolum honeste redire domum, qui traiecto Somia et Matrona flumijs, officio satisfecerit, nec opus habeat longius progredi. Quod ipsum eo uehementius aliqui contendebant, quod maius uidebant esse periculum, ideo quod a tergo nulla haberent loca munita, in quae, temporibus coacti, sese reciperent. Et quanquam magnus erat fœditus omnium aduersus Comitem Sanctopauli, et Britannia,

Carolus
gerit

Anno
1464

Sequane

marne

profectus ha
flumini a longi
tunc munita

*Caroli in hunc
ad pontem Sancto
Claudio*
 annie Procancellarium, qui progressionē suadebant,
 Carolus tamen, transmissso flumine, castra ponit ad pon-
 tem Sanctoclaudianum, qui vicus infra Luteciam est
 ad alio miliaria. Postridie, quā eō uenit, certior fit lite-
 ris scēminae cuiusdam nobilis, Regem ex Borbonia ma-
 gnis itineribus ipsum petere. Cum enim excitatos in se
 Rex uideret Gallie Principes, cogitabat huic rei prae-
 uertere, et prior ipsos adoriri, sed in primis Borboni-
 am, quod et hunc sibi crederet infestiores, et ditio-
 rem eius putaret magis oportunam esse iniurijs, Impe-
 tu igitur in eum facto, multa iam ademerat, occupatu-
 rus etiam reliqua, nisi uicini Burgundiones, atq; etiam
 Aquitani aliquot Proceres subsidio uenissent. Cum igi-
 tur ibi non posset, quod cupiebat perficere, tempore
 exclusus, eō quod Carolus immineret Lutetiae, et ueri-
 tus, ne reciperetur, praesertim aduentante fratre cum
 Britanno, maximē uero, quod praeseferrent, bellū esse
 necessario pro Repub. susceptum, et quia in Luteciam
 illis receptis, uidebat reliquas urbes, facili momento,
 ut idem facerent, posse impelli, his de causis magna cele-
 ritate eō proficisci constituit, et prohibere, ne duo illi
 exercitus coniungerentur, nihil autem minus decreue-
 rat, quā praelio concertare, sicut ipse mihi non semel
 retulit, delapsus in mentionem eius belli. Carolus igitur
cognito Regis aduentu, statuit obuiam ei properare,
et tunc demum recitatis literis, quas acceperat, tacito
nomine authoris, demonstrat se uelle tentare fortunā,
 et ad

Et ad uirtutem cohortatus militem, cum aliquantulum
 esset progressus, castra posuit ad Longumecum, qui uia
 abest à Lutetia, quatuor miliaribus, uia Aureliana.
 Primum agmen ducebat Sanctopauli Comes, qui prope
 Monthericum duobus miliaribus longius à Carolo
 confedit, multis huc illuc emissis exploratoribus, qui
 de Rege aliquid cognoscerent, et quam uiam esset in-
 gressus, nunciarent. Cum deinde prelio delectus esset
 idoneus locus apud Longumecum, ita cōuenit, ut si Rex
 eò accederet, Sanctopauli Comes, reductis copijs, cum
 Carolo sese coniungeret. Cenomanorum autem Comes,
 cum octingentis cataphractis ibat in exercitum Britan-
 nicum aduentantem, in quo multi erant egregij et ho-
 nesti uiri, quos Ludouicus, tametsi bonam operam na-
 tassent ipsius parenti, simul atq; principatū obtinuit,
 dimiserat. Cenomanus autem uiribus inferior, non aus-
 sus ad hostem propius accedere, sed intervallo aliquo
 precedens. Regem petebat: Britannus uero et Bitu-
 rix cupiebāt sese coniungere Carolo, qui cum esset Lon-
 gumei, cognouit ex captiuo, Regem, adiuncto sibi Cen-
 nomano, et collectis undiq; copijs, habere ad duo mi-
 lia cataphractorum. Re deliberata cum Cenomano et
 Normanniæ Prefecto et Amiralio, Rex omnino con-
 stituit, euitato prelio, Lutetiam sese conferre, tametsi
 diuersum aliqui suaderent. Quia suspectum habebat
 Normanniæ Prefectum, familiariter eum rogat, num
 fidem Principibus dedisset, ad quod ubi ille iocose re-
 spondit,

Longumecum
Longumecum

Montgerij

Anno
1464
die 9 mensis Iunij

die 9 mensis Iunij
1464

opp. de B. l. l.
St. Germain

spondit, ac faceret suo more, placatus Rex primam aciem
 ei attribuit, et uia duces adiungit, eo quod ab hoste
 uellet desistere. Tum Praefectus ille, ut erat liberali in-
 genio, cuidam ex suis familiaribus, hodie inquit, ita pro-
 pè sistam utrumque exercitum et arcte, ut eum, qui uelit
 dirimere praelium, oporteat insigniter esse rei militaris
 peritum, atque hunc eius sermonem Rex aliquando mihi
 recitauit. Progressus igitur ille cum suis copiis, uenit
 Monthericum, eam rem Sanctopauli Comes, qui ibi con-
 sedit, ut supra diximus, Carolo celeriter renunciat,
 orans, ut quandoquidem sibi non sit integrum retroce-
 dere, subito mittat auxilia, ne si discedat, fugientis ui-
 deatur praebere speciem, quod toti exercitui futurum
 sit ualde periculosum. Carolus igitur mittit alias cohortes,
 eisque Anthonium, ex familia Burgundica, nothum,
 praeficit, cumque secum aliquandiu deliberasset, progre-
 ditur et ipse, ac in castra uenit. Iam aliquot hostium
 signa uenerant, positis castris secundum fossam quan-
 dam spaciosam, quae inter utrosque erat media. Prae-
 cellarius autem Britanniae et alius cum eo uir nobilis,
 metu periculi, eo quod Principes, de quorum aduentu
 maximam spem iniecerant, non adessent, profugiunt,
 et ad ea loca, ubi credebant se posse reperire Britan-
 nos, contendunt. Habita uero deliberatione, placuit Ca-
 rolo, ut pedites pugnarent omnes: commutato deinde
 consilio, cataphracti omnes conscendunt equos, uerum
tamen ex nobilitate complures, eius mandato, relictis
 equis,

equis, coniungunt se sagittarijs peditibus, quod ex ho-
norificum erat, & reliquis addebat animum, eumq;
morem acceperant Burgundiones ab Anglis, quando
foedere ipsis coniuncti, bellum gesserunt in Gallijs, per
totos triginta duos annos, nullis interpositis inducijs.
 Principio, cum se nobis ostenderet hostis, è uicina syl-
 na, erant circiter quadringenti cataphracti, quod si
 tum fuisset eos adorti, multorum iudicio facile pro-
 fligassetur. Nam qui subsequebantur, non poterant,
 nisi cum modicis cohortibus, progredi, tametsi paula-
 tim augebantur. Ibi tum Contaus ad Carolum, Si ue-
 lis, inquit, uictoria potiri, opus est ut acceleres, quod si
 maturius fecisses, iam uideres debellatum hostem, quic-
 quid intercedit temporis, hoc omne uictoriam mora-
 tur: Fuerunt initio pauci, cum nobis primum appare-
 rent, & ne nunc quidem satis multi sunt, ut resistent,
 & uides ut augeantur. Hic ceptum est agitur multuo-
 sius, nullo seruato ordine, & perturbatis consilijs,
 dum singuliq; sententiam dicit, iamq; ad exitum Mon-
 therici, committebatur utrinq; leuius praelium à sagit-
 tarijs, & quanquam nos sine ordine pugnabamus,
 multitudine tamen eramus & numero superiores. In
 concilio decretum fuit, quoniam longius erat interual-
 lum, ut non continua progressione, sed dato ad respi-
 randum spacio, pedetentim iremus in hostem, excitato
 autem clamore, & concursatione illa facta, ut dixi-
 mus, Carolus inuicem eius, quod antea constituisset,
 subito,

Anno
1465

subito, celeriterq; progreditur, hostes erant ad castellum Montherici, à fronte muniti ampla quadam fossa et sepe syluestri, totus ager confitus erat frugibus et fabis, alijsq; leguminibus, Carolus antecedeant sagittarij, absq; ordine ferè. Meo quidem iudicio, cum esset dimicandum, nullum genus militum prestat sagittarijs, uerum ita, si sint aliquot millia simul, et uel equos habeant tales, quorum iacturam leuiter ferant, uel proprius non habeant: ex ipsis autem, ij qui praelijs nunquam interfuerunt, potiores sunt exercitatis, et ita quoque sentiunt Angli, qui in eo genere quosuis antecellunt. Constitutum fuerat, ut dixi, dum iretur in hostem, bis quiescendum esse, quò pedites ad pugnam essent recentiores, eò quòd præter uiae spaciũ, segetes etiam impedirent iter, sed Carolus continenter accelerabat. Hostes obiectam sepe, duobus diuersis locis, quæ poterant, transeunt, cumq; tam essent uicini facti, ut hastas aptarent ad cõcursum, noster equitatus, perruptis et disiectis sagittarijs nostris, prouolat, sic ut spaciũ illis non darent telum ullum eijciendi, cum tamen in ijs omne robur et spes tota consisteret. Nam ex mille ducentis equitibus, uix quadringenti erant, sic ut oportet, armati, et ex his ipsis arbitror non fuisse quinquaginta tractandis hastis idoneos, è famulis autem, ob diuturnum ociũ, nemo quisquam armatus erat, Duces enim Burgundie, ne multitudini grauiora onera iniungerent, nullos aiebant equites extra belli tempus. Ad hunc modum,

modum, florem ipsum exercitus, & spem maximam, sagittarios, perturbant & disijciunt ipsi, & quanquam in eo summum erat periculum, Carolus tamen, qui ad dextram erat, prope castellum, nemine ijs locis magno pere resistente, uincit. Eram tunc una cum eo, et quod periculi magnitudinem per etatem non intelligebam, animo sui maxime securo & ocioso. Ad sinistrum latus erant Rauestenus & Iacobus, Sanctopauli comitis frater, & alij complures, qui cum essent numero inferioriores, in fugam conijciuntur, & ex ipsis plerique omnes in propinquam syluam excurrunt, alij, qui ad impedimenta & carros in fuga subliterant, sese recolligunt, Sanctopauli quoque Comes in syluam sese recepit. Carolus ex diuersa parte, cum paruo comitatu insequitur fugientem hostem, ultra Monthericum, & cum nemo quisquam resisteret, suam esse putat uictoriam: ibi nobilis quidam uir Lutzenburgicus, etate grauis, Anthonius Britannus, equo celeriter aduectus, nunciat ei, hostes denuo collectos redintegrare pugnam si longius progrediatur insequendo, periculum ipsi imminere, nihil autem commotus eo sermone, pergit, mox idem nunciatur a Conteo, & ita quidem acriter, ut tandem ab incepto desisteret, quod si paulo fuisset prouectus longius, incidisset in eorum manus, ut quidam alij, qui proxime ipsum antecedeabant. Reuersus itaque per Monthericum, reperit cohortem peditum fugientium, quos insecutus, cum centum circiter equis, ictus est a quodam

B

Anno 1465

d. Butter
van Cominre
guarde.

pedite, qui et solus in fuga resistit, et interemptus fuit, reliquis fere omnibus elapsis per uicinos hortos. Cum propius ad castellum praterueheremur, ecce conspiciamus ibi sagittarios stipatores Regis, ad portam, immo nos, inirum hoc uidebatur Carolo, nullum enim super esse putabat hostem, qui resisteret. Deslectens igitur ad planiciem, inuaditur à cataphractis aliquot, numero sedecim, et quoniam è suis pleriq; erant dispersi, in summo uersabatur discrimine, adeo quidem, ut in gut tura accepto uulnere, circumdatus et comprehensus, urgeretur ab hoste, ut sese dederet, neq; sineret interfi ci, ut qui agnosceretur, Ipse contra moratur et sustinet impetum, quantum potest, donec medici cuiusdam Pa risiensis filius, Ioannes Cadetus, uasti corporis homo, per mediam turbam inuectus ingenti equo, disijcit tur bam, et ipsum eripit. Hostes deinde ad oram eius fosse, ubi constituerant ante praelium, sese recipiunt, eò quòd cohortes aliquot nostras in propinquo conspicerent. Carolus ex uulnere totus sanguinolentus, rectà contendit ad suos, eramus autem in uniuersum circiter septuaginta, sumpto deinde recenti equo, rursus euolat, ut suos recolligeret, quo quidem tempore, si uel centum modo equites aduersum nos exiissent, fugæ nos mandessemus. Nostri enim milites uix tandem paulatim aduentabant cum modicis cohortibus, partim saucij partim ex itinere et labore defatigati, nam et segetes grandiores impediabant euntes, et tanta erat

uis

his pulveris, ut prospectus non pateret, & quocunque
 respiceret, coopertum erat solum militibus & equis
 interemptis. Interea prodit Sanctopauli Comes, è pro-
 pinqua sylva, cum quadraginta circiter cataphractis,
 & ad nos contendit, inter eundem plures undiq; ad eum
 ex fuga confluunt. Nos, quibus uidebatur esse pericu-
 losa mora, missis ad eum nuncijs, hortamur ut properet,
 ille uero nihil eo commotus, placide progreditur, &
 hastas iubet à suis tolli, quæ passim iacebant humi,
 deinde se nobis adiungit, & iam eramus circiter octin-
 genti cataphracti, pedites uero perpauca, quæ res in
 causa fuit, quo minus integram obtineret uictoriâ Caro-
 lus. Ex hostium numero profugit Cenomanus & alij
 multi, cum octingentis cataphractis: erant qui dicerent
 eam communicasse consilia cum nostris Principibus,
 sed opinor iniuriam ei factam esse, breuiter, ingens fuit
 utrinque fuga, sed hoc est in primis memorabile, quod
 Principes ambo non excefferunt è campo. Cum igitur
 ad hunc modum starent hinc illinc instructæ acies, di-
 remptæ solam fossa & sepe syluestri, tormentis utrinq;
 cadunt aliqui, pugnam nemo amplius affectabat, &
 eramus numero superiores, ueruntamen Regis presen-
 tia magnum suis attulit momentum, quando militem, &
 præsertim equites, ad uirtutem cohortabatur, nam alio
 qui crediderim omnes fuisse præcipites in fugam abi-
 turos. Ex nostris aliqui cupiebant redintegrari præ-

Anno
1465

B ij

lium, in primis vero Haubordinus, eò quòd diceret se uidere cohortem aliquam hostium fugientem, quòd si centum modo sagittarios habuissent instructos, qui tela coniecissent trans illam septem, exercitus non fier omnis fuisset progressus. Interea dum sic deliberamus, & administratio belli consistit, Rex, interuentus noctis, Corbelium, quod est supra Lutetiam septem miliaribus oppidum, ad Sequanam, sese confert, tum nos crederentus eum in castris pernoctare. Forte eò loci, ubi Rex fuerat, excitatus ignis, longè lateq; uagabatur per carros, & septem illam, de qua diximus, ibi Sancto-pauli Comes & Haubordinus iubent carros omnes adduci in eam partem, ubi tunc eramus, & totum exercitum eis circumcludi. Dum hæc geruntur, ex hostibus complures, qui nostros fugientes insecuti fuerant, redeunt, arbitantes uictoria se potitos esse, coacti transire per nostras munitiones, pleriq; omnes occumbunt, paucis admodum elapsis. Ex aduersarijs cecidit statim inter alios, commisso prelio, Normannie Prefectus, à nostris desiderati sunt plurimi pedites, ab illis autem equites, utrinq; cæsa sunt ad duo millia. Magnū quiddam est, meo quidem iudicio, restaurare copias à conflictu, & per horum aliquot, in acle utrinq; consistere propius, & merito Principes complectantur eos, à quibus in tali rerum statu non fuerūt deserti, uorum, ut fieri solet, nō admodum erant memores officij: Quiddam, eò quòd profugerant, loco fuerunt & dignitate submoti,

Submoti, alij cōtra, qui multo longius abierant in fuga,
honoribus aucti fuerunt & beneficijs, ex nostris qui-
dam auctoritate omni excidit, iussus ē conspectu Prin-
cipis abire, mensem unū post, illustriori loco fuit, quā
antea. Cum totus exercitus esset receptus intra muni-
tiones, ut supra demonstrauimus, reficiebat se quisq;
utcuq; poterat. Ex nostris quāplurimi erant sauci,
pleriq; etiam animis damisi, quoniam uerebantur, ne
Parisienses cum equitibus cataphractis egressi, quibus
præerat in urbe, is, cuius antea meminimus, loachimus,
nos adorarentur, cumq; metum auxit, quōd crederent
Regem in propinquo uersari. Emittimus ergo de nocte
quinquaginta cataphractos, qui de Rege aliquid explo-
rarent. Carolus interea sumpto cibo reficit se nonnihil,
& acceptum uisum in gutture, curat, quo loco cœna-
bat. Submouenda erant aliquot cadavera, positis deinde
duobus fasciculis straminis, asidet, dum loco mouentur
cadavera, unus ex uiferis illis potum flagitat, iijcitur
illi in os aliquid eius potionis, quæ Carolus utebatur,
statim incipit habere melius, cumq; agnosceretur, cura-
tus fuit, & aletudini restitutus, erat autem unus ē sa-
gittarijs stipatoribus ipsius. Deliberatur postea quid
facto sit opus, omnium primus sententiam dedit Sancto
pauli Comes, uersari nos in magno periculo, sibi uideri
præloco mouenda esse castra, et petendam Bargun-
diam, exusta parte aliqua impedimentorum, & abdu-
ctis tamen tormentis, fieri non posse, ut mediū inter regē

Anno
1465

*Episcopo Curia
ani huiusmodi in
fudino*

atque Lutetiam, diutius ibi sine commatu perdere-
 mus. Haubordinus deinde, et alij quidam post eum, licet
 ignorarent, quid essent allaturi, qui exploratum fuerat
 emissi, non dissentiunt ab illo, Contenus autem omnium
postremus, ait futurum, ut milites, re intellecta, propter
timoris suspicionem perterriti, sese mandent, et ab
hoste intercipientur, prestare multò, ut rescriptis nonni-
hil corporibus, hostem prima luce statim adorianur,
aut uictoriam esse reportandam, aut fortiter ibi pugna-
do moriendum, hoc sibi uideri non solum honestum, ue-
rum etiam ad salutem utilius atq; tutius. Ea laudata sen-
 tentia, Carolus iubet, ut quieti sese darent omnes per
 horas duas, et ad tubæ clangorem essent expediti, inte-
 rea per homines idoneos militem cohortatur ad uirtu-
 tem. Sub mediam noctem reuersi equites nostri explo-
 ratores, nūciant Regem esse in propinquo. Statim emit-
 tuntur alij, qui certius aliquid cognoscerent. Post hor-
 ram deinde unam, arma capiunt omnes, et ad prelium
 sese instruunt, sed profecto pleriq; omnes fugam specta-
 bant. Exploratores, quos secundo loco misimus, obuii
 facti cuidam aurigæ, cognoscunt Regem demigrasse cū
 toto exercitu, qua re nobis nunciata, ipsi longius pro-
 grediuntur, cumq; uerum esse, quod dixerat ille, cōpe-
 rissent, reuersi maximam in castris letitiam excitant,
 neq; tum decrant, qui cū paulò ante fuissent animis de-
 iecti, dicerent persequendū esse fugientem hostem. Erat
mibi tū equus, et uetulus admodū et fractus laboribus,
 is forte

is forte situlam uini repertam hausit, eaq; potione sic
fuit recreatus, ut alacriorem antea nunquam fuerim ex
pertus. Cum illuxisset, conscendimus equos, ibi mona-
chus quidā Franciscanus, à Carolo summissus, confirma
bat adfuturum eo die Biturigem et Britannum, ex quo
rum castris ipse iam iam uenisset, ea res animū addebat
nostris, tametsi non omnes haberent fidem, et artē intel
ligerent, ueruntamen sub meridianum tempus, redijt ad
nos Britanniae Procancellarius, qui paulò ante praelium
se subduxerat, quoq; maiorem faceret fidem, duos è nu-
mero stipatorū sui Principis adduxit, magna per exer-
citum excitata leticia, cumq; suae fugae causam rogatus
exposuisset, ualde laudabatur ab omnibus, quod autem
rediisset, eò uero nomine pergratus erat. Carolus totum
diem in campo cōmoratus, belli omnē laudem ad se per
tinere putabat, letus admodū, sed ista gloria magno des
inde constitit ei. Nam ab eo ferè tempore, aliorum repu
diatis consilijs, pro suo unius arbitrio gerebat omnia,
quae res in causa fuit, ut tandem in uita discrimen addu
ctus, et occisus, grauiissimū uulnus populo puincijsq;
suis inflixerit. Qui ordine praecesserunt ipsum, pater,
auus, atq; proauus, honoratissimi fuerant potētissimiq;
principes, adeo quidem, ut praeter Galliarū reges, pauci
admodū illis praeferrī possent. Modestia sane decet om
nes hominū ordines, in primis uero principes uiros,
ut intelligāt, et sint memores in omni actione, esse Deū
à quo pfiscuntur et emanāt omnia. Erāt in eo duae res,

Calixtus Cuschi

Anno 1465

Caroli

845

maxime memorabiles laborum patientia, et animi robur incredibile. Militavi sub eo per annos septem, neq. ullum vidi tempus, quo vel lassitudinis, vel timoris daret significationem, moliebatur in animo res maximas, et fortasse maiores etiam viribus humanis. Postridie, qui tertius erat dies à prælio, recipimus nos Monthericum, ex agris omnes confugerant vel in turrim templi, vel in castellum, sed Carolus et reuocari omnes, et à maleficio abstineri iubet, secutus deinde consilium Contei, Stampium, quod est inter Lutetiam et Aureliam oppidum, loco multum fertili sese confert, ut et Britannico exercitui praeuenteret, et militem ex vulncribus, alijsq. incommodis male affectum, recrearet. hec enim diuersiorum oportunitas, multos, qui periclitabantur alioqui, seruabat. Aduenientibus Biturigi et Britanno, obviam proficiscitur cum primis ordinibus, et ipsos quidem Principes in oppidum recipit, equitatum autem omnem in campo contineri mandat. Erant circiter sex equitum milia, tam cataphracti quam sagittarii, bene instructi, et inter eos multi honesti homines, quos Ludouicus, ut supra diximus, dimiserat. Quanta esset Britanni potentia, facile erat ex eo apparatu cognoscere, nam eius exercitus potissimam partem ipse unus alebat. Interea Rex, Corbelio relicto, Normanniam petit, ut copias ibi cogeret, et ne quis per ipsius absentiam oriretur motus, circa Lutetiam, quibus locis maxime necessarium esse videbatur, equitum presidia disponit. Quo die Principes conveniunt
Stampij;

Stampij, multus fuit inter eos sermo de uarijs rebus. Britannii, ex hostibus, qui profugerant, nonnullos ceperant, & si paulò fuissent propinquoires, bonam exercitus partem profligassent: Ex captiuis acceperant Regem interiisse, sic enim illi putabant, eò quòd commissò praelio, in fugam abierant. Exhilarati eo nuncio, magna sibi pleriq; promittebant à Biturige, ad quem, morte fratris, imperium deferri sciebant, & ut accipi à quodam fide digno, qui ei concilio interfuit, deliberauerant de nobis opprimendis, uerum nò admodum diu ea letitia fruebantur, atq; hic uidere licet, qui sit rerum status, & quæ perturbationes oriantur, quum aliqua sit imperij commutatio. A coena, cum multi passim deambularent, Biturix et Carolus, ex fenestra, cui innitebantur, serio de suis rebus colloquuntur. Erat inter Britannos homo plebeius, cui pro ludo fuit, in aërem iaculari ignem artificiose compositum, Galli uocant fusas, quæ cum è sublimi deciderunt, huc illuc discurrunt, & flammeum quiddā emittunt, ex ijs cum eiecisset aliquot, una forte impegit in fenestram, ad quam illi colloquebantur, attoniti ambo & subito erecti, respiciunt alter in alterum, admirabundi, collecta suspitione, de industria factum esse, ledendi causa. Conteus, quum secreto quiddam dixisset Carolo, descendit, & in armis esse iubet ilicò cataphractos omneis & sagittarios, ut idem faceret, Biturigem hortatur Carolus. Inquiritur postea de autore, is, qui coniecerat ignem,

Anno 1465

proiectus ad pedes Principum, fatetur à se factum esse, & veniam deprecatus, quò suspicionem omnem tolleretur, rursus ei aculatur, ad hunc modum risu soluta turba, deponuntur arma. Postridie, conuocato concilio, deliberant Principes, quid agendum sit, & quoniam diuersarum gentium erant, nec uni alicui parebant, quod in eiusmodi rebus necessarium est, uariabant sententie. Sed notatum fuit in primis & exceptum, quod Biturix, qui per aetatem nullum habebat rerum usum, neq; talibus assueuerat spectaculis, uidebatur ita loqui, quasi iam tederet ipsum bellum, deplorans miseriam eorum, quos in exercitu Caroli uiderat saucios, & corporibus male affectos, nam eo tandè delapsus est, ut diceret, prestare, bellum non fuisse inchoatum, quàm sui causa tantas existere calamitates. Eum sermonem grauitè tulit Carolus, ueruntamen re deliberata, placuit traducendū esse exercitum Lutetiam, & tentandum, an oppidani unà cum ipsis uellent animū adiungere ad procurationem reipublice, pro qua bellum se suscepisse dicebant, quòd si ea ciuitas permoueri posset, de reliquis, quin idem essent facturæ, nihil dubitabant. Carolus priuatim ad suos locutus, de Biturigis oratione, ecquid uobis, inquit, uidetur? ille, quòd saucios uiderit nonnullos, qui ad ipsum tamen nihil pertinent, animo est demisso & languido, quid faciat, si quod detrimentum ipsius milites acciperent? sine lœui aliquo momento queat impelli, ut nobis desertis,

feris, cum hoste paciscatur. Propter diuturnum enim
bellum, quod inter ipsius et meum parentem inter-
cessit, et propter ueteres inimicitias, facile sit, ut con-
iunctis ambo uiribus, nos oppugnent, noue sunt tunc
tentanda amicitia. Fuit haec sola causa potissima
causa, cur ad Eduardum Angliae Regem misso statim
legato, mentionem aliquam iniret: connubij cum
illius sorore: quum enim sciret hoc uehementer ei
placere, uidebat facile ipsum ad amicitiam posse adduci,
et quoniam id temporis non agabat serio, dixit
tamen eam postea uxorem, quod eo libentius refre-
re ut ostendam, eiusmodi multa sepius exire ex opulenta
ne aliqua leuiter suscepta, maxime uero inter Brin-
pes, qui propter delatorum multitudinem, suspicionibus
seu indulgent. Commorati per dies aliquot Stan-
pij, Sanctomatiurinum et Morettam proficiscimur,
quod est prope Sequanum oppidulum, ad sedecim san-
pra Lutetiam milliaria. Carolus in planiciem progressus
suis, castra ponit iuxta flumen: iusserat autem, ut uicini
aliquem anusquisque secum deferret, religandis equis
identem; carris etiam dederat naues aliquot, et
uasa dissoluta, ut ex ijs effecto ponte, Sequanum con-
iungeret. Cum ad fluitium peruenit, exoneratis et de-
positis sarcinis, occupatur insula, sagittarij Galliconi
bantur nos aditu prohibere, sed cum iniquo loco pugna-
rent, tormentis reiecti fuerunt. Sub uestigio iubet pon-
te fieri, ipse tensis tabernaculis, cum quinquaginta catu-
phraetis

Anno 1465

24. COMMENTARIORUM

piratis ibi pernoctat: postero die circa meridianum
 tempus, perfecto ponte, exercitum omnem et tormen-
 ta inducit, idem postridie faciunt Biturix et Britan-
 narum suis copijs, collaudato opere. De nocte appa-
 rent nobis plurimi ignes à longinquo, pleriq; regem
 esse putabant, sed aliquot horis postea cognouimus,
 Iohannem Calabrie Ducem, Renati Sicilie regis filium,
 castra ibi posuisse. Ducebat ille insignem equitatum ex
 utraq; Burgundia, pedites uero non ita multos, et in-
 ter hos, circiter quingentos Heluetios, qui primi omnia
 sue gentis nostris temporibus in Gallia uenerunt,
 et sua uirtute reliquis nomen et auctoritatem ma-
 gnam conciliarunt. Hæ copie, cum prima luce castra
 mouissent, eo die pontem transeunt, Burgundionibus
 præerat Marschallus Nonoeslensis, erat cum eo
 frater Montagum, et Marchio Rathelensis, et in-
 gens nobilium turba, quorum nonnulli militauerant
 Borbonio, quoniam bellum ei Rex inferret, hi omnes, per-
 riculi uitandi causa, conueniunt se cum Duce Calaa-
 brie, quem propter fortitudinem et rei militaris sci-
 entiam Carolus in magna habuit honore. Exercent
 omni tractatu, qui sane longe maximus erat, Lutetiam
 cum uniuersis copijs contendunt. Primum uicem duce-
 bat Sanctopauli Comes, et cum eo Britanni aliquot
 et Burgiges, in reliquo agmine erant ipsi Principes.
 Carolus et Calabrie Dux, ut homines militares docet,
 in hoc totum erant, ut pedes omnibus diligenter provide-
 rent,

tent, nec obscurè præ se ferebant, cupere se aliquid
 magni perficere, Biturix et Britannus uehebantur
 paruis equis, leuiter admodum armati. Vbi Carenta-
 nium uenissent, qui uicius ad Matronam positus, Late-
 tia distat duobus miliaribus, occupatur ibi pons, fra-
 stra resistentibus sagittarijs Gallis, eū ubi transissent,
 Constantium progressi, quod est in propinquo, Carolus
 occupata planicie, copias suas omnes et tormenta,
 carris, alijsq; munitionibus cingit, adiuncto sibi Cala-
 bria Principe. Biturix et Britannus, cum magna sui
 exercitus parte, Sanctemaurum, qui uiciis modico di-
 stat intervallo, sese conferunt, reliquum agmen Sancto-
 diorysiū abire iubetur. Postridie, quam eō uenerant,
 faciunt excursionem ad urbem, non absq; magna tre-
 pidatione iulgi. Erant inter alios ordines multi non
 alieni à Principibus, et eorum institutum iudicabant
 esse utile ac salutare Gallie, è ciuib; etiam multi ad-
 dicti erant Burgundionibus, eorumq; negocia procu-
 rabant, spe consequendi publica munera, quæ Lutetie
 sunt, et plurima, et admodum questuosa, dum quisq;
 non quantum equitas permittit, sed quantum omnino
 potest, extorquet. Nostri, cum hoc non ignorarent,
 amplis pollicitationibus eos sollicitant. Tertio post
 die, cogitur in urbe Senatus, et acceptis principum
 postulatis, qui Reipub. salutem se procurare ostenda-
 bant, placuit legationem esse mittendam. Ea decerni-
 tur Gulielmo Carterio, Parisiensi Episcopo, homini
 singulari

Anno 1465

ſingulari uirtute. Principes omnes Sanctoniduri con-
 uenerant, præſidebat ei concilio Biturix, reliqui aſta-
 bant, hinc Britannus & Calaber, illinc uero Carolus,
 præterquam capite, totus armatus, & teſtus elegant
 pallio, uenerat enim Conſlantio, & quoniam hoſtes
 in propinquo tenebant Vincennium arcem, non po-
 terat niſi magno comitatu eò proficiſci. Summa pen-
 ſationis hæcerat, ut urbem pateſciant, quò cum reli-
 quis ordinibus communicato conſilio, rationes ineant
 bene conſtituendi regni, quod inſolenter admodum, &
 iniquè per Regem adminiſtrari dicebant, multis in-
 eum effuſis criminationibus. Ad quæ cum legati ami-
 cè reſponſiſſent, ſumpto ad deliberandum die, do-
 mum reuertuntur: priuatim autem Principes unum-
 quemq; ſollicitabant, & opinor ſic inter eos tunc fuiſ-
 ſe decretum, ut ipſi quidem una cum ſuis neceſſarijs
 ingrederentur, exercitus autem modicis cohortibus
 per interualla tranſiret, quo facto, perfeciſſent, quod
 inſtituerant, multis enim de cauſis facile traduxiſſent
 ad ſe populum, ac deinde, quod ea ciuitas feciſſet, aliæ
 quoq; per Galliam urbes ſine contentione erant factu-
 ræ. Priuſquam legati retuliſſent ad Senatum, Rex Lu-
 tetiam uenit cum maximis copijs, nam ad duo cata-
 phractorum millia, & è Normannia nobilitatem in-
 ſignem, et ſagittarios complures, ſtipatores ſuos, alios-
 que multos, præſidio ibi collocat: Ita & conſilium no-
 ſtrum intercidiť, et populi fuit immutata uoluntas ne-
 mo iam

nos iam audebat amplius de pactione nobiscum facienda loqui, nonnulli etiam, quod in colloquutionem uenissent, poenas persoluerunt, exuti ijs, quibus erant prepositi muneribus, et alio relegati, quae sane moderatio laudanda mihi uidetur in Rege, quod atrociori uindictae genere non sit usus. Nam si, quod moliebantur Principes, id effecissent, perierat, et non semel ipse mihi retulit, quod si fuisset ab ea urbe interclusus, recta se uel ad Heluetios, uel ad Mediolani Ducem Franciscum, de quo magnam habebat amicitiae opinionem, profecturum fuisse. Is enim, Galeacio filio Duce, auxilio prius miserat quingentos cataphractos, et peditum ad tria millia, qui in Aruerniam usque progressi, bellum inferebant Borbonio, facturi maiora, nisi allatus de morte Francisci nuncius, domum ipsos reuocasset. Idem etiam, ubi de fortuna Regis, et Principum audiuit conspiratione, per Legatos admonuit eum, ut tota mente et animo hanc illorum societatem distraberet. Rex Lutetiam ingressus, bello nos undique laceffit, maxime uero pabulatores nostros, qui longius prodire cogebantur, et ad sui tuitionem, opus habebant maiori comitatu. Sane magna est eius urbis opportunitas, et ingens uicinae regionis copia, quae duos tam potentes aleret exercitus, Nobis enim nihil unquam deerat, et in urbe nulla fuit annonae caritas. Non intermittebatur dies, quo non leuius aliquod praelium fieret, hostes equitatu praestabant,

Anno 1465

bant, nos autem peditatu, Britanni circum Sanctodenisium populabantur agros, Ex Aquitania quoque nonnulli Principes auxilio nobis ueniebant, cum sex milibus equitum, sed Carolus metuens, ne, si propius accederent, inedia consisteremus, missa pecunia, quæ comiteatum emerent, renunciat, ne progredierentur longius. Præter quotidiana illa prælia nihil magnopere agebatur, nolebat enim Rex totis uiribus dimicare, neque suis permittebat, ut magno numero prodirent, eò quod suas Gallieque fortunas nequaquam uellet in dubium deuocare, sed hoc solum spectabat, ut pace quocumque modo facta, foedus illud Principum dirimeret, certo tamen die, prima luce sagittarij, ad quatuor milia, è regione Conflantijs, iuxta Sequanam castra ponunt, ab his nobiles Normanni, et cataphracti aliquot modico distabant interuallo, pedites etiam non longe aberant in pulcherrima planicie, et Sequana tantum erantius diuisi, statim incipiunt accumulare aggeres, et è terra materiaque castellum efficiunt, quàm longe nostra patebant castra, interlabente, ut diximus, flumino, dispositis deinde tormentis, Carentonio eijciunt cohortes aliquot Calabriae dueis, ita quidem, ut hæ cogerentur se nobis adiungere, desideratis nonnullis et militibus et equis. Deinde in nostras etiam munitiones emissis tormentis, extulerunt aliquot, et cum in conuallum Caroli bis elaculati essent, inter prandendum, ex famulis quendam, qui cibum deferrebat, in gradibus occidunt.

Occidunt. A prandio Carolus descendit in inferius tabulatum, ueniebant ad eum quotidie Principes consilij causa, quo dimisso, prandebant simul. Re deliberata, placuit, ut nostra tormenta statim opponerentur hosti. Perforatis igitur muris, qui sunt prope Conflantium, iuxta flumen, collocantur ibi quorum maximus erat usus, & alia deinde alijs locis, quam fieri potuit commodissime. Aggeres illorum longe se diffundebant uersus urbem, exhaustam uero terram, eiciebant in eam partem, quæ ad nos pertinebat, ut ab ictu telorum tuti essent, in fossis enim continebant se, nec caput modo proferre audebant. Tormentorum tanta uis fuit & impetus, ut maiorem non uiderim, nam è Lutetia suppetebant eis omnia copiose: quatuor ita sunt consumpti dies, ab utraq; parte maior fuit metus, quam iactura, nemo enim, qui in aliquo esset numero aut honore, interijt. Principes ubi uident hostem non commoueri loco, iudicabant hoc pertinere ad suum non dedecus modo, sed & periculum, eò quòd oppidani firmiori essent animo futuri, quàm superiori quodam die, per inducias, maximo numero, spectandi gratia prodiissent. Mandant igitur è nauibus pontem fieri, traducendis copijs, in eum usum maiores etiam naues aliquot fuerunt adductæ, quibus transmitteretur flumen, & in hostem impetus fieret. Qui ad hoc opus efficiendum delectus fuit, elus hæc erat sententia, illos aggeres, & terram eiectam ab hoste, nobis usui fore, quòd traiecto flumine, illi essent

loco futuri inferiores, nec auderent metu tormentorum
 è fossis prodire. Quare cognita, maior nobis incessit cu-
 piditas transeundi. Perfecto ponte, et in usum accom-
 modato, accurrit ab hostibus foecialis, affirmans hoc
 ipso uiolari inducias, quæ et in biduum pactæ fuerant,
 et eo die sub uesterum cedebant. Venerat autem, ut quid
 ageretur à nobis, cognosceret. Pons ea magnitudine
 erat, ut tres simul equites hastati facile transfirent, sex
 præterea naues onerariæ aderant, quæ singulæ transpor-
 tabant mille milites, et alia minora nauigia magno
 numero, ut ipsorum adminiculo tormenta eò lenius
 prouherentur. Ex omni igitur exercitu deliguntur, qui
 transeant, ijs præficitur Sanctopauli Comes et Haubor-
 dinus, Post mediam noctem, sumptis armis, antequam
 illucesceret, instructi erant omnes. Eram ea nocte in
 excubitorum numero, nam immunitatem nemo quis-
 quam habebat, hic subito exaudimus clamorem sub-
 latum ab hostibus, quum enim castris incensis et ab-
 ductis tormentis abirent, acclamatione facta, nobis
 illud significabant. Nostri ad eam rem delecti, iam coepe-
 rant transire flumen, animaduerso autem illorum dis-
 cessu, læti ad nos redeunt. Fuerant autem illi à Rege
 in hoc solum emissi, ut nos ex longinquo lacefferent,
 non etiam ut prælio concertarent. In hoc enim totus in-
 cumbebat, ut quocunq; modo pacifceretur, et nos dissi-
 paret, ideoq; subinde fiebant induciæ, per quas alij ad
 alios commeabant, dirempti fossæ, quam transire uetitum
 erat

Erat, interea proponebantur aliquæ rationes pacis,
 & utrinq; multi ad defectionem sollicitabantur, ab illis
 mittebatur internuncius, Cenomanus, à nobis, Sanctos-
 pauli Comes, & quanquam nihil magnopere perfice-
 rent, integræ tamen erant induciæ, nec ullus intercede-
 bat dies, quo non ex ipsis aliqui ad nos, & ex nostris in
 illorum castra perfugerent. Eiusmodi sane collocutio-
 nes nō vacant periculo, & ei præsertim, cuius infirmio-
 res videntur esse partes, magnum sæpe detrimentum
 adferunt. Sit enim inter homines comparatum est, ut
 & augescere cupiant, & sua tueri, eoq; facile fit, ut se
 se potentioribus adiungant, et cum in principem libera-
 lem incidunt, idoneamq; comparandis hominum gra-
 tijs, leui momento traducuntur aliò. Pacis igitur tra-
 ctatio prudentibus atq; fidis hominibus est committen-
 da, eos à legatione reuersos, separatim audiat princeps,
 ac solus, ne si minus iucunda renuncient, pauorem ea-
 res atq; metum inferat multitudini. Sunt enim om-
 nes cupidi rerum nouarum & non desunt, qui cum fa-
 miliariter norint legatos, audent sibi polliceri, fore, ut
 omnia resciscant, uerum si iudicio sint præditi illi, caue-
 bunt modis omnibus, ne quid efferant, quod uel alte-
 nationem animis, uel trepidationem excitare possit.
 Hoc ideo mihi dicendum fuit, quod principes à suis
 non raro circumueniri sciam in eiusmodi actionibus,
 illos præsertim, qui præ fastu & arrogantia, quæ sit
 aliorū sententia, non auscultant, nam qui se demittunt,

ac libenter aliorum iudicia cognoscunt, ij minus falluntur. Omnium autem principum, quos ego quidem noui, Ludouicus rex optime tenebat rationem ex rebus aduersis eluctandi, cultu corporis erat admodum simplici, & sermone demisso, quos uel metueret, uel à quibus aliquid speraret, eos omni ratione studebat ad se traducere, et si forte repulsam ferret, nihilominus & donis & magnis pollicitationibus instabat: Quos rebus secundis eiecerat, eos in necessitate positus, magno sibi reconciliabat, corūq; utebatur opera, neq; propter ueteres inimicitias oderat. Homines mediocris conditionis, naturaliter amabat, potentioribus autem, & ijs qui facile ipsius ope carerent, minime fauebat, diligenter de singulis rebus perconstabatur, & cupide audiebat omnes, eaq; ratione hoc effecit, ut qui per Europam essent in autoritate, et aliquo numero uiri, omneis cognosceret, hac industria & uirtute, se suaq; facultates omnes seruauit, quæ sanè in dubium & præsens periculum deuocata fuerant, hoc principum exorto bello, & plurimis in eum excitatis aduersarijs, largitionibus autem et liberalitate admodum proficiebat, & ut rebus aduersis multum erat prouidus, ita quoq; secundis, & in ocio captabat offensiones ac similitates, neq; diuturnam ullam pacem ferre poterat, & leuiter de hominibus iudicabat aliquando, etiamsi corā adessent. Veruntamen quia timidior erat à natura, ne
quid.

quid de ijs, quos metuebat, diceret, diligenter cauebat, cumq; per intemperantiam linguæ detrimentum aliquod accepisset, agnouit culpam, et conuersus ad eum, quem offenderat, non me latet, inquit, obfuisse mihi linguam, sed & profuit aliquando, nunc autem, ut, quod illa peccauit, emendem, æquum est, ac simul, cum ad eum modum familiariter ageret, donum aliquod dabat non contemnendum. Est profecto magnum Dei beneficium, agnoscere quod uiciosum est, ac mentem ad meliora conuertere, mea quidem hæc est sententia, ut arbitrer, eam sollicitudinem atq; molestiam, in qua iuuenilibus annis fuit, quo tempore, deserto patre, uixit apud Philippum Burgundiæ Ducem, per annos sex plurimum ei profuisse. Nam in eorum statu cogebatur accommodare se, & seruire plurimorum affectibus, & providere, ne, quorum opera carere non poterat, eos offenderet, & hoc quidem boni attulit ei fortunæ inclementia. Post mortem patris, delato ad ipsum principatu, studebat ulcisci, quas putabat sibi factas esse iniurias, uerû poenituit eum, accepto detrimento, & quos prius à se alienauerat, cû ijs ipsis in gratiâ deinde redijt. Quod si fuisset educatus, ita ut hodie pleriq; nobiles per Galliam, arbitror eum ex illis tempestatû fluctibus non fuisse emersurû, sic enim hodie cõplures instituntur, quasi ad ludum essent facti & iocum in uestitu et omni sermone nihil moderate faciunt, aut prudenter, literarum nullam cognitionem habent, uiris nobis atq;

Anno 1465

peritis nō patet ullus ad eos aditus, de negocijs aut suis, aut populi non cognoscunt ipsi, uerum in familiares omnia reijciunt, qui per hanc illorum ignauiam atque socordiam, suas facultates insigniter amplificant, et hoc serè solum agunt, si quis est aliquando, qui forte, tanquam ex ueterno expergefactus, animum rebus gerendis adijciat, hoc sero admodum fit, amissis prope modum occasionibus. Indubitatum enim est, eos, qui in ulla re unquam excelluerunt, matùre puerilibus annis ad eam rem accessisse, Totum hoc consistit, primum in beneficio Dei, proximè in educatione. Suprà diximus de discessu hostium, qui è regione nostrarum munitio- num, ad Sequanam confederant. Induciæ serè fiebant in unum diem et alterum, ijs finitis, res agebatur excursi- onibus utrinq; et leuioribus prælijs, è Lutetia qui- dem non prodibant magnis cohortibus, nisi quòd spe- culatores nostros equites subinde reijciebant, Suffitio- nem habebat rex de plerisq;, nulla magnopere de cau- sa, noluit igitur confertis copijs pugnari, et suos à præ- lio continuuit. Retulit aliquando mihi, se nocte quadam reperisse arcem, quæ est ad portam Antonij, patefactâ, ea parte, quæ ad campum pertinet, ea res suspitione au- gebat. Qui erant Lutetie belli duces, cōstituerant nos adoriri tripartitò, sed detecta res fuit per adolescentē, qui ex aduersa fluminis ripa, clamore nobis enūciabat istud, emissus ab ijs, qui principum rebus fauebant, è quibus etiam nōnullos fidei faciendæ causa, nominabat

Prima

Prima luce ueniunt duæ hostium cohortes diuersis itineribus ad pontem Carentonij, quo loco tormenta nostra erant disposita. Fit tumultus totis castris, dum creditur hoc illud esse, quod antea significatum fuerat: confestim arma capiunt Carolus et Calabriae dux, et temporis serè momēto instructus erat omnis exercitus, pedites eramus omnes, ac ducenti solum equites obsequitabant, ut quid hostis moliretur, obseruarent. Eo primum die res uidebatur ad prælium spectare. Biturix et Britannus, quos antea non uideram armatos, ilico sese nobis adiungunt. Quum ad pontem propius accederet hostis, quàm plurima in eos emisimus tormenta: Parisienses autem ex moenibus ad nostras usq; munitiones suis machinis penetrabant. Coelū erat obscurius, et nostri equites, qui propius ad urbem accesserant, credebant se uidere ingentem numerum hastarum, arbitratū regem ibi copias omneis atq; uires habere coactas, reuersi igitur, celeriter hoc perferunt ad principes, et confirmant prælio decertandū esse. Ex hostibus autem, qui præmissi fuerant equites, speculandi causa, cum uiderent nostros retrocedere, confectati eos, augebāt nobis illam, de qua diximus, opinionem. In eo rerum statu, Calabriae dux, confociatis armis, militem ad uirtutem hortatur, oblatam esse dicēs illam toties optatam dimicandi occasionem. Nostri equites, quod uiderent hostē, qui prius insequabatur, Lutetiam reuerti, et simul illū, quem putabant esse confectum exercitum, conspicerēt.

non moueri loco, dubitare secum incipiunt, et progressi longius, coelo iam sereniori, cognoscunt eum locum, in quo putabant hostem consistere, consitum esse præ altis carduis, qui ex longinquo præbebant hastarum speciem. Proiecti igitur ad urbem usque, Principes de eo certiores faciunt. excusabat autem eos et coeli obscuritas, & allatus nocte superiori nuncius.

PHILIPPI COMINAEI COMMENTARIORUM Liber secundus.



ACIS conciliandæ rationes, inter regem præcipue & Carolum, qui duo longe primi erant, minime intermittebantur. habebant autem postulata principum magnam difficultatē. Biturix enim Normanniam à rege fratre petebat, uti portionē iure hereditario sibi debitā, Carolus autem, Ambianū, Abbeuillā Sanctoquintinū, Peronam, et alia quæ sunt ad Somian oppida, quæ rex ante menses quatuor à Philippo principe recuperauerat quadringentis aureorum millib. uolebat sibi restitui, affirmans, quamdiu ipse superesset, non esse regi licitum, illa sibi adimere, simul commemorat, quantum Burgundicæ familiæ rex debeat, in qua, multis annis, cum à patre secessionē fecisset, liberaliter et honorifice tractatus, ac deinde mortuo patre. R. bemos et Lute-
tiam

tiā esset ipsorū sumptu deductus, et regio inauguratus. Post crebras utrinq; missiones, Rex aduerso flumine, nauigio subuectus, uenit ad eam partem, quæ ad nos pertinebat. ad oram fluminis comitabatur cum magnus equitatus, in naue pauci admodum erant. Prius, quàm exponeretur, conuersus ad Carolum, qui unā cum Connestablio ad ripam expectabat, an fidem mihi das, inquit, sororie? (nam in matrimonium aliquando Carolus habuit eius sororem) illo affirmante, egressus, ubi salutasset amanter, agnosco, ait, te uere nobilem, et è Franciæ regum stirpe procreatum esse. rogatus à Carolo, quid ita? Nuper, ait, quo tempore legationem misi ad parentem tuum, cognatum meum, atq; te, cum ineptus ille Moruillierius, tam illiberaliter te tractaret, denunciabas mihi per Archiepiscopum Narbonensem futurum, ut intra annum me poeniteret eius facti: seruasti nimirum promissa, et citius quidē opinione: Rides et hilariter ista loquebatur, quod illum eiusmodi sermone sciret oblectari: Pergens deinde, cum id genus hominibus, ait, qui non discedunt à promissis, uolo mihi commercium intercedere. Post hæc, sui purgandi causa, negabat se Cancellario quicquam eorum, quæ libenter et inepte dixerat, mandasse. Medius obambulabat inter Carolum et Sanctopauli Comitem, et propinquo diligenter obseruabant à Carolo dispositi equites. Postulata erant eius generis, ut paulo supra demonstrauimus, et cum antea prætexerent bello,

Anno 1465

4. COMMENTARIORVM

commodum Reipub., de priuatis rationibus iā singulis cogitabant. Vt fratri Normanniam daret, non potuit omnino rex adduci, reliqua facile permisit, et ut Carolo gratificaretur, deferebat Comiti Sanctopauli Conestabliatum, quod est totius Gallie maximum munus, et honor amplissimus, atque ita quidem tunc nulla re alia perfecta, disceditur. Consumptis ad hunc modum aliquot diebus, etsi non tam crebro commeabant utrinque, pacis conficiende causa, ut prius, rex tamen et Carolus, etiam ardente bello, per internuncios, homines obscuros de pace agebant: id reliqui principes egre tulerunt, et collecta suspitione, tenebat eos bellici, et longioris moris, et nisi magno casu quiddam interuenisset, de quo postea sum dicturus, non absque ludibrio domum reuertissent. Vidi, quo tempore in eodem coenaculo, cum adessent omnes, alij cum alijs separatim consultarent, id moleste admodum tulit Carolus, quoniam se presente bis iam acciderat, et alioquin sic erat, ut ferre non posset collocutionem ullam in aspectu suo fieri, cui non et ipse adhiberetur. Hunc suum dolorem, ad Conteum, magna uirtute uirum, non dissimulat, is hortatur, ut moderatè ferat, nec ullam præbeat offensionis causam, illos ad gratiam et amicitiam regis habere faciliorem receptum, uarijs de causis, quemadmodum sit omnium longe primus et potentissimus, ita etiam equum esse, ut sit prudentissimus, caueat modis omnibus, ne quod oriatur dissidium, sed egritudinem

dinem illam animi dissimulet, & amanter cum socijs
 agat, non esse nihil, quod offendantur illi, displicere
 multis, etiam aliquot ipsius necessarijs, tam humilis
 conditionis homines, agere de pacificatione, & tra-
 ctare negocia tam ardua, quod eo sit periculosius, quo
 magis rex in largitiones propendeat, quibus expu-
 gare queat etiam constantioris hominis animum. Sen-
 cutus hoc consilium, fingit uultum, et incipit agere sa-
 miliarius, & sua cum ipsis consilia subinde communi-
 cat, prudenter quidem, & tempore ualde necessario,
 mea sententia, nā alioquin ad defectionē omnia spectas-
 bant. Multum hercle positum est saepe in unius homi-
 nis uirtute, modo fidem & auctoritatem obtineat, sed
 ferè sit, ut principes, nisi necessitate coacti, non agno-
 scāt, alij quid alijs praestent. magna enim ex parte, praeser-
 tim iuuenilibus annis, complectuntur eos, qui sunt
 ipsorum affectibus magis accommodati, & cupidita-
 tum ministri, uerum qui sapiunt, etiam si iudicio lapsi
 fuerint aliquando, sanare tamen student errorem, &
 ex uirtute suos estimant. Id omnium optime sciebat
 Ludouicus, et tum quoque temporis, Carolus, & Eduar-
 dus Angliae rex, quos omneis eo loci adductos esse uidi,
 ut ijs, quos aliquando despexerant, uehementer opus
 haberent, eosque desiderarent. Supra demonsttrauimus,
 & quid periculi sit in illis conuentibus, qui fiunt per
 inducias, & quemadmodum principes providere de-
 beant, ut idoneis hominibus negocia sua committant,
 illi praes

Anno 1465

44 COMMENTARIORVM

illi præsertim, qui uiribus & causa sunt inferiores. Nunc autem, cur ei loco sim diutius immoratus, exponam. Interea dum de pace agitur, & utrinque mittuntur nuncij, inita fuerunt à quibusdam clandestina consilia, de Biturige in Normanniam recipiendo, & eò tandem deducta res fuit, ut eius ditionis præfecti uxor, uidua, & simul nobiles aliquot, Borbonio, tam arcis, quam urbis Rothomagi possessionem traderent, quò Biturigi bona fide restitueret. In eam rē facile populus assensit, ut qui principi alicui suo parere malint, quam regis imperio subiecti esse. Pro magnitudine enim prouinciæ & facultatibus, honestius id esse ducunt, ut qui nongenta francorum millia pendant quotannis. Recepta ad hunc modum arce, ciues fidem dant Borbonio, nomine Biturigis, prætor autem urbis, qui cum rege fuerat educatus, & Gulielmus Picardus, ad quem eius prouinciæ questura deinde est delata, et is, qui hodie est eius regionis præfectus, adduci non potuerunt, ut iurarent, tametsi omne negotium ipsius præfecti mater confecisset. Ea re cognita, rex, cum aliud non posset, decreuit omnino pacisci, cumque diē colloctioni Carolo constituisset, egressus è Lutetia cum centum circiter equitibus, magna ex parte Scotis, Constantium uenit, ibi reperto Carolo, deambulans exponit, quid accidisset Rothomagi, fortuna & casu factam nunc esse pacem dicebat, se quidem sua sponte non fuisse daturum fratri Normanniam, nunc uero, posteaquam

Normanni

Normanni ipsi flatum imperij mutassent, & res noua
esset oblata, se non repugnare, & placere pacis condi-
tiones illas, de quibus antea non semel agitation fuis-
set. Eo sermone Carolus admodum fuit recreatus,
propter annonae & pecuniae inopiam, quae tanta erat,
ut si in Normannia casus hic non incidisset, nulla re per-
fecta discedendum nobis fuisset, quanquam paucis in-
teriectis diebus, auxilio uenerunt, missi à Philippo cen-
tum & uiginti cataphracti, mille et quingenti sagittar-
ij, telorum & arcuum maxima uis, ad haec, centum et
uiginti aureorum millia, summo certe nostro cum gau-
dio, nam metus erat, ne socij, nobis desertis, cum rege *Anno 1465*
paciscerentur. Inter deambulandum sic erant ambo in-
tenti sermone, ut quò deflecerent, non animaduerte-
rent. Nam ingressi uia, quae Lutetiam ducit, ueniunt in
castellum illud ab aduersarijs exstructum è regione no-
strarum munitionum, ut supra diximus, quo quidem
ex loco tutus erat in urbem receptus. Erant apud Ca-
rolum perpauci quidam ipsius familiares, ilico percul-
si nouitate rei, obstupescunt omnes, ipse utcumq; pos-
terat, dissimulat: Is nuncius in castra perlatus, magnam
excitauit trepidationem. Collecti subito duces, ac mi-
litum praefecti, uehementer incusant hanc illius auda-
ciam, & eorum, qui cum ipso essent, incogitantia ual-
de uituperant, facta mentione eius temporis, quo ipsius
auus, Ioannes Burgundiae dux, quando in collocutionem
uenit cum Ludouici patre, miserabiliter truci-
datus

datus fuit. Reuocatis igitur omnibus copijs intra muni-
 tiones, Burgundiae Mareschallus, etiam si iuuenis
 hic, et stolidus, inquit, princeps, in praecipitium ali-
 quò discessit, nobis tamen providendum est, ne Philip-
 pi principis, à quo sumus emissi, fortunas in discrimen
 adducamus, optimum mihi uidetur, ut instructi quem-
 libet euentum expectemus: coniunctis uiribus, omnem
 impetum sustinebimus, et uel in Hannoniam, uel Pi-
 cardiam, uel Burgundiam, ui armorum atque ferro pe-
 netrabimus. Post haec, Sanctopauli Comes, equo cir-
 cumuectus, respicit, nam quos uideat uia Parisiensi,
 tandem ecce conspiciatur ad quinquaginta equites, qui
 missi à rege, Carolum reducebant incolumem, Is cum
 appropinquaret castris, dimisso comitatu Gallorum,
 sermonem ad Mareschallum, quem ob excellentē uirtu-
 tem reuercebatur, conuertit, qui grauius eū obiurgans,
 tuus inquit, parens me tibi attribuit, alioqui non sum
 tibi deuinctus. Ille uero leniter, noli, ait, increpare me,
 culpam agnosco, sed non prius deprehendi, quàm essem
 castello propinquus. Atqui, me, inquit ille, absente et
 inscio, fecisti. Carolus demisso capite et uoce compres-
 sa, ubi in castra uenit, magnam intulit letitiam, regis
 fidem praedicabant omnes, ueruntamen ab eo tempore
 nunquam in eius potestate ille rediit. Postero die Caro-
 lus delectū habet totius exercitus, praeter quam eorū,
 quibus Burgundiae Mareschallus praerat, hic enim in-
 festior erat regi propter ademptū sibi quoddam oppi-
 dum in

dum in Lotharingæ finibus. Constitutum erat, ut prin-
 cipes omnes regis beneficiarij & clientes, ad certum
 diem adessent Vincennij, prope Lutetiam, & ne qua
 doli suspicio resideret, permittebat rex Carolo, uti mi-
 litum suorum præsidio muniret eam arcem, donec peracti
 essent conuentus. Postquam eo uentum est, Biturix, ea di-
 tione, quam hæcenus possederat, relicta, fidem regi dat
 pro Normannia, Carolus autem pro illis Picardiæ op-
 pidis, quæ sunt ad Somiam flumen, Sanctopauli Comes
 delatum sibi munus à rege, Connestabliatum, iurat bo-
 na se fide administraturum. Est apud nos quotidiano *Anno 1465*
 sermone tritum prouerbiū, quod dicitur, in splendidis-
 simis etiam epulis existere semper aliquos, qui minus
 bene tractentur: Idem usuuenit in hac quoque pacifica-
 tione, dum alij, quod uellent, adepti sunt, alij spe & ex-
 pectatione deciderunt. Mediocris conditionis homi-
 nes rex ad se traducebat, reliqui Normanniæ ducem et
 Britannum sectabantur. Confectis apud Vincennium
 literis de pacificatione & præteritarum offensionum
 abolitione, discedunt pariter omnes. Abeuntem Caro-
 lum in Flandriam, rex cum paruo comitatu, per aliquot
 miliaria deducit, subsequenter eum circiter ducen-
 tis cataphractis, qui reducerent. Carolus, multa nocte,
 cum se quieti daturus esset, ea de re certior factus, colle-
 cta suspicione, iubet suos esse in armis. Atque ita uidere
 licet, quam ægrè consistat inter principes amicitia, pro-
 pter diuersitatem eorum, quæ singulis propè momen-
 tis ad

tis ad ipsos deferuntur. Cauere igitur debent, ne in col-
 locutionem ipsi ueniant, sed per legatos, uiros pruden-
 tes, qui quod utrinq; peccatum est, sanare possint, sua
 negocia conficiant. Postero die rex, humaniter et per-
 benignè dimisso Carolo, redit Lutetiam, ille per Noui-
 odunum facto itinere, quacunq; transibat, honorificè
 fuit exceptus, mandato regis. Cum peruenisset Ambia-
 num, prouinciam illam omnem, quam hac pacificatio-
 ne recuperauerat, in sua uerba per iusiurandum adi-
 git. Illinc proficiscitur aduersum Leodios, qui per ip-
 sius absentiam, aliquot mensibus, bello uexauerant
 Philippum Principem, incursionibus factis in Braban-
 tos et Namurcos. hyemis autem interuentu exclu-
 sus, et impeditus, nulla re maiori perfecta, uicos et
 aedificia multa uastat incendijs. Facta deinde pace, quā
 illi constituta poena iurabāt minime se uiolatu-
 ros esse, ad Brabantos reuertitur. Inter Normannum autem et
 Britannum, ubi Rothomagum uenerunt, natæ sunt
 dissensiones: eas alebant ipsorum familiares, qui cum
 aliquando re lauta fuissent apud Carolum septimum,
 non mediocriter doluerunt ex ista commutatione for-
 tunc. Britannus autem, quod omnem serè belli sum-
 ptum sustinuisset, æquum esse putabat, aliquam admi-
 nistrationis partem ad se pertinere. Simultas eò usq;
 creuit, ut Britannus, in montē, qui proximus urbi im-
 minet, sese recipere cogeretur, cumq; ne ibi quidem sa-
 tis esset in tuto, domum reuertitur. Quare intellecta,
 quum

quum alioqui rex calleret artem dirimendi amicitias,
 scilicet sibi futuram esse videns eam factionem, cum ex-
 ercitu propius ad Normanniam accedit, Qui erant ijs
 locis præfetti, cōplures in deditiōem ultro ueniebant,
 ut ad eius gratiam receptum haberent. Et ut Britan-
 num à fratre diuelleret, auxiliaq; detraberet, in colloca-
 tionem cum eo uenit, eò quòd inferioris Normanniæ
 loca quadam ille tenebat, de quibus, cum ex utriusq;
 arbitrio constitutum esset, Britannus domum redit, *Anno 1465*
 ipse uerò exercitum in fratrem educit, qui repentino
 bello perterritus, amissis iam aliquot oppidis & castel-
 lis, in Flandriam statuit profugere. Carolus, qui tunc
 erat in Leodiorum finibus, implicatus bello, per hye-
 mem, dissidium hoc grauissimè tulit. Cupiebat enim in
 primis, ut Normannia suum separatim haberet princi-
 pem, sic enim tertii serè parte uidebat imminutam esse
 regis potentiam. Conducit igitur copias, quæ præsidio
 essent Depæ, maritimo Normanniæ oppido, decem à
 Rothomago miliaribus, uerū antequam adducerentur,
 eius loci præfectus paciscitur, atque ita Normanniam
 rex omnem recuperat, præter ea loca, de quibus inter
 ipsum & Britannum certis conditionibus antea conue-
 nerat. Normannus, ut supra dixi, constituerat in Flan-
 driam sese recipere, sed interea facta fuit inter eum &
 Britannum amicitia, uidebant enim uterq; quemadmo-
 dum hac simultate fortunas suas omnes & facultates in
 discrimen adduxissent. Est sane difficile admodū, ut qui

D

sunt æquali potentia principes, diuturnam colant amicitiam, nisi maiori alicuius authoritate cohibeantur, eius rei multa ipse uidi & cognoui documenta. Sic enim est inter homines comparatū, ut facile suscipiant inimicitias, neq; respiciant ad eum, qui serè comitari solet, tristem & luctuosum exitū. Mea sic est sententia, ut existimem, eum, qui solus in potestate habet decem hominū millia, magis esse metuendum, quā decem confederatos, qui singuli senis millibus præfunt, nam quia nullius hic est præcipua uel singularis authoritas, multa quotidie in disceptationem incidunt, & antequam aliquid constituatur, prætereunt serè occasiones. Normannus, amissa ditione sua, cum ipsius familiares prope omnes regi sese dedissent, ad Britannum proficiscitur. Pro uerbo dici solet de Britannis, quod isti sapiant: illud hic locum habet. Inter regem et principes ultrò citroq; crebri commeabant nuncij, partim, ut de rebus, quæ gerebantur, cognoscerent, partim, ut ad defectionem aliquos sollicitarent: alij etiam, ut res turbatas componerent, & hi quidem minus prudenter, nimis enim erant circumspecti, & ad rem suam intenti, rex atq; Carolus. Sed est quoddam genus hominū, qui sibi persuadent ipsi, explicare se posse negocia, quæ tamē cuiusmodi sint, magna sæpe ex parte ignorant, eò quod ij, à quibus emittuntur, non semper se patefaciunt illis totos, et sicut Principes providere debent diligenter, quibus hominibus rerum tractationem committant, ita quoque

nificum

lucisim illi, qui mittuntur, debent explorare suas vires, neque munus ullum, cui se putent esse impares, subire. Nec enim paucos noui, magnos alioqui viros, qui similium rerum tractationibus adhibiti, summam offenderunt difficultatem. Sunt omnino duo genera principum, alij tam sunt acuti & suspiciosi, ut uix egrè sustineri possint, ferè enim est, ut se circumueniri putent & ludificari. Alij, suspicionibus quidem non indulgent, uerum ingenio sunt ita stupido, & ignauo, ut quid utile sit, quid minus, non intelligant, atque in his parum est constantis animi, facile enim & ab amicitia discedunt, & ab odio transeunt ad amicitiam, & quanquam illaudatum est utrumque genus, ut in quo non possis acquiescere, cum priori tamen illo malim mihi rem esse, quia multæ sunt rationes tuendi se apud illos, cum altero nihil recte perfeceris, eò quod ipsi rerum omnium securitatem in suos familiares omnia reijciunt. Rex impeditum uidentem Carolum bello contra Leodios, moliebat, semper aliquid aduersum Britannos, et ipsis quoque Leodijs auxiliorum aliquid summittebat. Id animaduertens Carolus, dabat operam ut socios defenderet, nonnunquam de inducijs cum rege paciscebatur. Ad hoc fere tempus captum fuit Dinantum, quod est in Leodiorum finibus oppidum, ad Mosam, ualde munitum & locuples. Philippus Caroli pater, & si etate confectus erat, uoluit tamen ad obsidionem eius urbis deferri lectica. Propter

Anna 1465

1466. insignem enim atrocitatem eius populi in Burgundiones, oderat eos infestissime, nam & perpetuis incursionibus uexauerant antea Bouillos, qui sunt ad alteram fluminis ripam, Burgundici imperij, et recens, per octo menses durissime illos circumuallauerant, ita quidem, ut miseri, tormentis et alia ui maiori coacti, abderent sese in loca subterranea, cumque sint plane uicinae haec duae urbes, dici tamen non potest, quam acerbè & hostiliter inter se dissideant, atque id eò mirabilius est, quòd matrimonia inuicem coniungunt, quoniam ab alijs oppidis sunt aliquanto remotiores. Anno superiori, priusquam euerterentur, quo tempore Lutetiam uenit Carolus, pacem fecerant cum Philippo, & pecuniae summa aliqua persoluta, discesserant à foedere Leodiorum, & sua separatim negotia tractabant, quod ipsum erat indubitatum interitus ipsorum ueluti praeludium quoddam. Quoties enim illi, qui foedere coniuncti sunt, secessionem faciunt, & se dissipari patiuntur, dubitari amplius non debet, quin paulatim omnes cladem aliquam accipiant, idque pertinet tam ad principes quam ad ciuitates, & quoniam eius rei plurima existunt documenta, longiori sermone nihil est opus. Omnium uero mortalium optime callebat Ludouicus rex artem dirimendi societates atque foedera, in eoque non parcebat ulli, uel sumptui uel labori, modo perficeret quod uellet, neque uero principes tantum, uerum etiam familiares ipsorum sollicitabat. Non multo post, poenituit

Dinan

Dinantenses eius factionis, ideoq; de quatuor ciuibus, qui illius consilij principes fuerant, graue sumpserunt supplicium, redintegrato bello, quod uicinis Namurcis inferebant, Circumsedit igitur eos Philippus, sed bellum gubernabat Carolus. Venerat eò Sanctopauli comes, Gallie Connestablius, ut eis opem ferret, non quidem inssus à rege, uerum sua sponte, coacta militum manu in finibus Picardie. Octauo die postquam tormentis admodum fuissent oppugnati, fecerunt eruptionem, sed non absq; summo detrimento, ita quidem, ut socijs ipsorum deesset spaciū auxiliandi. Captum enim oppidum, solo fuit equatum, & qui à cede supererant, circiter octingenti captiui, è regione, & in conspectu Bouillorum, in flumen præcipitati submergebantur. Atrox admodum fuit ista uindicta, sed credibile est diuinitus accidisse, propter antea actam ipsorum crudelitatem in uicinos. Postero die Leodiorum maxima uenit manus, ut illis esset subsidio, plane contra datam fidem, nam ex pacto discesserant ab ipsis. Confecto eo bello, Philippus ob grauem etatem domum reuertitur, Carolus cum exercitu in Leodios proficiscitur. Occurrimus autem illis opinione citius, eò quod primum nostrum agmen aberrasset à uia, & tametsi dici tempore excluderemur, tamen instruimus actem. In hoc ipso tempore, legati ueniunt ad Carolum, oratum, ut ignoscat multitudini, ipsi uero Leodij præ se ferebant desyderium quoddam et ardorē pugnae,

1466.

*Dinantenses
captiui & ph
regnum*

neq; uidebantur idem sentire quod legati, ueruntamen
 ultro citroq; missis nuncijs, Carolus his conditionibus
 paciscitur, eosq; recipit, ut anni superioris pactiones
 seruent, ut certam pecuniæ summam dependant,
 ut trecentos dent obsides ante horam octauam insec-
 quentis diei, eorum nomina fuerunt scripto compre-
 hensa. Fuit ea nocte ualde à nobis trepidatum, quòd
 neq; munitiones ullas haberemus, & longiori inter-
 uallo essemus dirempti, loco ualde iniquo, cum & he-
 stium copiae essent pedestres omnes, & loci naturam
 optime tenerent. Ex ipsis pleriq; cupiebant nos adori-
 ri, nec absq; causa, meo quidem iudicio, sed qui fuerant
 pacificationis authores, obsistebant. Prima luce cogi-
 tur omnis noster exercitus, cataphractorum circiter
tria millia, sagittariorum ad quatuordecim millia, &
 peditatus mediocris ex uicinia collectus. Expediti con-
 tendimus ad illos, accepturi promissos obsides, uel nisi
 darent, praelio dimicaturi. Postquam eò uentum est, of-
 fendimus eos dispersos, absq; ordine, ut fieri solet in po-
 pulo, qui nullo cōtinetur imperio. Iam multus erat dies,
 cum obsides nondum dedissent, Carolus perquirere
 sententias quid sit agendum. Burgundiae Mareschallus
 primus omnium rogatus, ait, impetum in eos debere
 fieri, facile citra periculli posse eos profligari, & ipsos
 adeo in culpa esse, qui datam fidem non seruassent. Pro-
 prius Contaus, ea comprobata sententia magis etiam
 instigat,

insingat, pulchriorem offerri non posse ullo tempore occasione, et simul demonstrat, quemadmodum nullo ordine, et sine timore usgarentur, non esse igitur diutius morandum. Connestablius contra suadebat, si illos adoriatur, fore, ut estimationis et honoris iacturam subeat, tantam hominum multitudinem, in re tam ardua, non posse tam facile statuere, mittendum esse potius legatum, qui de uoluntate ipsorum cognoscat, Carolus diu multumq; nunc in hanc nunc in illam partem fluctuat, hinc stimulabat eum uetus in illam gentem odium, quam facile posse deleri totam uidebat, illinc mouebat eum pudor et honestas. Tandem mittitur legatus, ei in itinere obsides sunt obuij. Connestablij sententiam ualde improbabant milites propter ereptam praedam. Leodium continuo mittuntur legati, ut pacificationem illi confirmarent. Vulgus hominum, ut est leue et inconstans, praeter alia multa, quae proterue in legatos admiserunt, hoc quoq; dicebant, Carolum non fuisse ausum concertare praelio. His rebus perfectis, in Flandriam redit, et ad hoc fere tempus e uita discessit ipsius pater Philippus. Agitabatur semper aliquid inter principes. Rex iratus erat et Carolo et Britanno, inter quos difficilis erat conuictus, propter itinerum impedimenta, et belli quidem tempore, non nisi per mare et Angliam patebat transitus, et a Caletis ad Carolum, nisi per ambages, et cum periculo ueniri non poterat. In his rerum difficultatibus, dum nunc bellum

A 1466

Philippus Carolus
A 1466

geritur, nunc induciæ fiunt, nunc alij in alios intenti sunt, et suos quisque socios in pacificationibus comprehendunt, hoc beneficij Deus præstitit Gallia, ut factio-
 nibus et bellis ciuilibus Anglia diuexaretur. Nam alio-
 qui Gallia dubioprocul in magno fuisset discrimine.
 Rex totus in hoc erat, ut Britannum debellaret, eò quod
 ad iniuriam uideretur esse opportunior, et quod suis
 hostibus præberet hospitium, in primis autem fratri,
multisque alijs, quorum in Gallia non leuis erat autoritas.
 Sollicitabat igitur omni ratione Carolum, egregijs pro-
 positis conditionibus, ut fratrem atque Britannum dese-
 reret, atque ut facilius hoc impetraret, pollicetur se quo-
 que Leodios, et alios ipsius aduersarios deserturum esse,
 uerum Carolus ijs omnibus repudiatis, exercitum in
 Leodios iterum educit, qui pacem nuper factam, ui-
 lauant, tametsi dedissent obsides, ea quidem conditio-
 ne, ut si quid contra pactiones facerent, integrum
 esset ipsi, supplicium de illis sumere. Dum Carolus
 apud Louanium copias cogit, regis legati, Connestab-
 blius, qui iam totum sese dederat Gallia, et Cardinalis
 Baluensis, cum eiusmodi mandatis, eò ueniunt, Leo-
 dios esse comprehensos in inducijs, quod si bellum
 in eos moueatur, regem ipsis non deserturum, uerum-
 tamen si patiatur, Britanno bellum ex Gallia infer-
 ri, discessurum esse regem ab eorum defensione. Caro-
 lus ad hæc respondit, non se belli authorem esse, uerum
 Leodios,

1) 2)
 Gens. q. n. n.
 ingens. B. d. n.
 ingens. B. d. n.

1) 2)
 Leodios. n. n. n.
 p. n. n.

1) 2)
 Leodios. n. n. n.
 p. n. n.

Leodios, qui pactas inducias uiolassent, ut autem socios & confederatos prodat, nullam esse iustam causam. Eo dato responso, discedentibus iam legatis, clara uoce dicebat, orare se regem, ne quid in Britannia moueret. Tum Connestablius, qui paulò magis urgebat, Tu uero inquit, optione data, nò eligis, sed utrumque tibi sumis, bellum uis inferre quibusuis pro tuo arbitratu, nostris etiam amicis & confederatis, atq; interea iubes, ut ociosi spectemus, nec hostem ulciscamur, fieri ista non possunt, neq; rex admissurus est. Ad hæc Carolus, Hostes, inquit, coactis copijs expediti sunt, et opinor intra triduum mihi dimicandum esse, quòd si me uinci contingat, facietis quod erit ex usu uestro, sed si prælio sim superior, non infestabitis Britanniam, atq; ita legati discedunt. Carolus Louanio digressus cum insigni exercitu, obsidione cingit Centrones oppidum. Sed antequam eò ueniret, conuocato concilio, deliberauerat, quid de obsidibus statuendum esset. Dicebant aliqui necandos esse, Conteus in primis, cuius sententia præter morem et ingenium ipsius, uisa mihi fuit admodum atrox. Optimum igitur est, ut principes multorum audiant sententias. Sepe enim accidit, ut prudentes etiam uiri labantur, et errent in dicendis sententijs, quando uel gratia, uel odio, uel emulatione quadam impulsì, diuersum ab alijs dicunt, deinde non semper sumus eodem animi uigore, nam quæ fiunt à prandio consultationes, inter de-

Anno.
1468

*De hoc loco Carolus
pro se habet
in obsidibus Centrones*

*Conuocato concilio
audiant principes*

B COMMENTARIORVM

~~creta referri non debent. Quod si quis putet, eos, qui~~
~~fic aberrant et labuntur, non esse principum adhiben-~~
~~dos consilij, ille meminerit, neminem esse omnium ho-~~
~~minum, qui non fallatur aliquando, atq; ex affectibus~~
~~aliquid agat, ideoq; in magno deliberantium numero~~
~~hoc boni est, quod aliqui semper existunt, qui quod~~
~~ab alijs peccatum est, emendant atque sanant. In~~
~~hoc concilio quidam, praiudicio Contae decepti, se-~~
~~quebantur eius sententiam, quod magna esset autho-~~
~~ritatis. Nam in omnibus fore conuentibus non desunt,~~
~~qui nihil quidem ipsi pronunciant, sed aliorum senten-~~
~~tiam, et si nihil intelligant, sequuntur, eoq; ipso place-~~
~~re sepe student, et gratificari ei, quem uident in illustri~~
~~loco positum esse. A Contaeo rogatus Imbercortus~~
~~Ambianus, uir nobilis, et singulari uirtute, ait, in~~
~~primis cauendum esse, ne Deus aliquo scelere offen-~~
~~datur, debere Carolum ita se comparare, ut hoc uno~~
~~fatto clarum faciat, et demonstret omnibus, quam non~~
~~fit, aut crudelis, aut uindictae cupidus. Sibi uideri,~~
~~dimittendos esse obsides, qui suorum fidem secuti, pro~~
~~salute patrie in discrimen uenissent, abeuntibus autem~~
~~illis declarandum esse beneficium, quo sint affecti, et~~
~~mandandum, ut modis omnibus hortentur suae ciuita-~~
~~tis populum ad aequitatem et pacem colendam, quod~~
~~etiam si non impetrent, ut tamen ipsi memores accepti~~
~~beneficij, non sumant arma, uel in Carolum, uel in~~
~~Episcopum suum. Haec sententia cum in concilio ui-~~
cisset,

Nota

*Ergo in
sententia*

cisset, liberati obsides, fidem dabant, se satisfacturos
 esse mandatis. Tum ex illud additum fuit, quod si qui
 deprehenderentur ex ipsis, ullo tempore, cum armis
 aduersus Carolum, magno id eorum capitis periculo
 futurum. Posteaquam Contaus tam atrociter dixisset
 in miseros obsides, qui simplicitate persuasi, in eas an-
 gustias deuenerant, ex nostris quidam ad me tacite, Vi-
 des, inquit, Contaum licet etate sit grauis, firma ad huc
 esse ualetudine, sed ausim affirmare, quandoquidem
 adeo crudeliter sententiam dixit, intra annum esse mor-
 riturum. Atq; ita quidem accidit, sed ante mortem Prin-
 cipi suo bonam operam nauauit, ut postea sum dictu-
 rus. Erant in eo oppido, quod obsidebatur, Leodienses
 ad tria millia, ijs praeerat uir quidam nobilis, egregia
 uirtute, is ipse, qui de pace legatus ad nos uenerat, cum
 obuio illos haberemus, ut supra diximus. Tertio
 obsidionis die, Leodienses, ad triginta circiter millia,
 pedites omnes, praeter quingentos equites, cum ma-
 xima ui tormentorum, auxilio illis uenerunt, paulo
 sub meridiem. Aberant a nobis ad dimidium millia-
 re, in quodam uico, quem ab altera parte aluebant pa-
 ludes. una cum ipsis erat Franciscus Roietus, legatus
 regis. Ilico propius ad nostras munitiones excu-
 runt, in hoc enim errauerat nostri, quod potiores equi-
 tes longius emisissent, ex de hostium aduentu primum
 ex pabulatoribus nostris cognouimus. Carolus eo
 die, praeter morem ex consuetudinem optime distribuit
 exercitum.



Anno 1466

66 COMMENTARIORVM

*Distributio
exercitus
Hann*

exercitum. Cohortes enim aliquot, & inter hos circiter sexcentos Anglos ad obsidionem reliquit, ad utrumque latus uici disponit mille ducentos cataphractos, ipse paulo longius, è regione, cum octingentis cataphractis & sagittarijs, & magno peditum numero consistit. Primam aciem ducebat Rauesternus, pedites omnes. Hi cum uenissent ad oram fossarum, quæ et latæ erant, & altæ, & aqua plene, telorum multitudine hostem reperiunt, occupatis fossis & tormentis, sed cum nulla iam nostris tela superesset, illi redintegrato animo præ longis hastis impetum faciunt in nostros sagittarios, occisis in eo temporis uestigio circiter quingentis, ita quidem, ut ad fugam nostri propemodum spectarent, deum in eo rerum statu, Carolus iubet progredi reliquam manum sagittariorum, quibus præerat Cordus: Hi magnis animis hostem adorti, primo statim consursu profugant. Equites nostri, qui ad latera uici erant dispositi, & Carolus etiam, ex eo loco ubi constiterant, impediti paludibus, uim ullam inferre hosti non poterant, sed hoc solum expectabant, ut si primo nostro agmine pulso, & superata fossa, in planiciem illi nonissent, exciperent eos. Disiecti igitur illi à nostris sagittarijs, fugiunt per loca palustria, & præterquam pedites, nemo consecratur eos. Ibi Carolus cohortes aliquot equitum emittit, qui persequantur, sed ipsi paludibus intrati, cogebantur longius oberrare, superueniens deinde nox, periculo multos eripuit. Carolus postea

lus postea magno per oppidum audito fremitu, ueritatem
 eruptionem illorum, nouas eò mittit equitum cohore
 tes. Id quod metuerat, accidit. Ter enim conati eruptio
 nem facere, reiecti sunt. Qui non profugerant, col
 lecti denuo circa munitiones, aliquantulum resiste
 runt. Desiderata sunt in eo praelio ad nouem milia,
 quòd nisi nox persequendi finem fecisset, edita fuisset
 multò maior cades. His rebus peractis, Carolus multa
 iam nocte redit in munitiones cum toto exercitu, præ
 ter mille et ducentos illos equites, qui ad duo milia
 ria progeffi, persequabantur fugientem hostem, quem
 propter interiectum annum alioqui non potuissent
 assequi, tametsi tenebris impediti, nihil magnopere
 efficiebant. Eo die Carolus egregia usus est opera
 Contet, in instruenda acie, ab eoque praelio paucis post
 diebus è uita ille decessit, cum in obsides adeo fuisset
 asper et implacatus, ut supra docuimus. Depositis
 armis, Carolus scribam accersit, dat literas ad Con
 nestablium, et alios regis legatos, qui ante quatrida
 um ab eo discesserant, nunciat casum et profligatum
 esse hostem, ideoque petit, ne qua uis inferatur Britan
 niæ. Biduo post praelium, oppidani obseffi, quòd ara
 bitrarentur cadem suorum esse multò maiorem, con
 ditionem faciunt, et decem ex omnibus uiros dant in
 potestatem Caroli. De his supplicium capitis sumitur,
 ex ijs erant sex, qui cum recens fuissent obsides, benefi
 cio Caroli sub conditione fuerant dimissi, ut diximus.

Est sanè

Comiso Tho
 Comiso 900

luis &
 mors Comari

Comiso
 Jo indit

COMMENTARIORVM

Est sanè res plana periculi, dimicare praelio, propter incertissimum euentum. Nam etià ut modica sit accepta clades, fieri tamè non potest, quin aliqua fiat rerum conuersio, partim metu hostium, partim contemptione et despectu illius, qui infœliciter pugnauit, oritur fremitus et indignatio militum, qui et magnis iacturis conciliandi sunt. Optimū igitur est, ut qui praelium aduersum fecit, contineat se quantum fieri potest, intra suas munitiones, et experietur, si qua ratione non difficili possit recuperare amissam gloriam, ut suis animum addat, et eos metu liberet. Dici enim non potest, quantas ~~seu~~ incommoditates trahat secum aduersum praelium: ubi qui uictoriam adeptus est, auctoritatem suam amplificat, et facile quiduis impetrat, et militem habet ad quæuis obsequentiozem. Sed a uictoria, prestanti quadam opus est moderatione ac temperantia, ne quis prospero fortune cursu fiat insolentior, et ea deinde consilia sequatur, quæ ad precipitium deducunt, id quod non paucis florentissimis uiris accidisse constat. Carolus, in deditionem acceptis Centronibus, Tongros obsidet, qui et ipsi quod infirmum esset oppidū, non expectata ui ulla maiori, deditionem faciunt, traditis etiam in potestatem illius decem uiris, inter quos et ex obsidibus aliqui erant: De his quoque sumptum est supplicium. A Tongris contendit Leonardum. Diuisa erat ciuitas, nonnulli resistendum esse putabant, alij, quod uiderent omnia circum incendijs atq;

Atq; depopulationibus uastari, pacem dicebant esse redimendam. Vbi propius ad urbem uentum est, inuiti sunt aliquæ rationes pacis, eoq; rem deduxerunt quidam ex priorum obsidum numero, memores accepti beneficij, ut ex primarijs ciuibus trecentos adducerent, cultu corporis miserabili, qui ad Carolum delatis portarum clauibus, in fidem ac potestatem eius sese dabant, ea lege, ut ab incendio & direptione abstineretur. Erant tunc apud Carolum legati regis, missi, ut idem quod antea Connestablius, sollicitarent. Quo die cum Leodijs transactum fuit, Carolus ingressurum se putans in urbem, præmisit Imbercortum, qui, quod et ciuitati aliquando præfuiisset, acceptus erat multitudini. Is cum non admitteretur, in uicinam abbatiam sese recipit cum ducentis circiter militibus, in eoq; numero & ipse eram. Nunciabat ei Carolus, quod statim ibi esset, ne discederet, sin minus, ut in castra rediret, propter incommoditatem enim loci, & uastissimas rupes non facile poterat ei subuenire. Imbercortus, quoniã erat in loco munito, constituit ibi manere, & ex oppidanis, qui supplices uenerant, ut diximus, quosdam apud se detinuit certo consilio, ut postea sum dicturus. Noctu, sub horam nonam, audimus pulsari campanam. Ad hoc signum oppidani conueniebant, & uerebatur Imbercortus, ne consilium inirent nos adoriendi. Certior enim factus fuit, esse quosdam in urbe potentes & locupletes homines, qui pacem repudiarent,

diarent, & uera fuit eius coniectura: Nam hoc ageba-
 tur, ut nos inopinantes opprimerent. Ibi tunc ille, quod
 si possumus, inquit, sustinere ipsos, & demorari ad
 mediam usq; noctem, salui sumus. defatigati uolent se
 se reficere ex labore & uigilla, & qui sunt infestiores
 nobis, re parā feliciter tentata, fugae sese mandabunt;
 Atq; ut commodius perficeret, quod habebat in animo,
 ex oppidanis, qui cum ipso erant, duos mittit in urbē
 cum mandatis & pacis conditionibus, eo consilio, ut
 interea, dum illi super ijs rebus deliberarent, tempus
 extraheret. Est enim eius populi perpetua consue-
 tudo, ut quoties grauioris rei aliquid allatum est, in cū-
 riam, ad sonitum campanae, conueniant. Cum ciues
 illi duo, quos emisimus, ad portam uenissent, offen-
 derunt magnam uim hominum, quorum alij prelium,
 alij pacem poscebant. Ibi nostri legati, clara uoce di-
 cebant urbis Praefecto, adferre se non iniquas condi-
 tiones ab Impercorto, Caroli legato: rectē facturos
 igitur, si in curia tributum collecti de summa rei cognos-
 ceant. Placuit ea sententia, & continuo pulsatur cam-
 pana, quo signo facillē intelligebamus eos occupari ne-
 gocio. Nostri quidem legati non redibant, sed horam
 unam post, multo quā antea maiorem fremitum ex-
 audimus ad portam. Confluebant enim eō maxima
 multitudo, & ex moenibus proteruē multa, & in-
 uariōse in nos dicebant. Impercortus, quod intelli-
 gat nos in maiori esse periculo, quā antea, reliquos
 quatuor

quatuor obsides emittit ad illos cum literis in hanc sententiam: Quo tempore ipse mandato Caroli presuisset urbi, per benigne se & amanter ipsos tractasse, uelle tunc quoq; se tota mente et animo prouidere, ne quod detrimentum ea ciuitas accipiat, cupere se modis omnibus ipsorum salutem, quam si consequi uelint et retinere, opus esse, ut quemadmodum fuissent pacti, Carolum in urbem recipiant. Præter eas literas, ipsos etiã apudanos, qui mittebantur, quæ dici uellet, edocuit. Qui cum eo uenissent, patentes reperiunt portas, pleriq; contumeliosis uocibus, & grauib; interminationibus eos excipiebant, alij, quò minus audirentur, non repugnabant, itaq; redierunt in curiam, cumq; notū dampnæ sonitū denuo exaudiremus, ualde sumus exhorati, et paulatim non remittebatur ille, qui fuerat ad portam tumultus. Cum ad secundam usque horam post mediam noctem deliberassent, placuit seruandas esse priores pactiones, & postero die unam ex portis Imbercortis tradendam esse. Quo facto decreto, Rastus Lutritius, ur̃ potens & nobilis, qui pacem dissuaserant, cum sua clientela omni profugit. Immoratus sum huic loco diutius, ut ostendere per eiusmodi ratiões, quibus usum esse uidemus Imbercortum, magna sepe pericula & incommoda posse declinari. Postridie prima luce ex obsidibus ad Imbercortum multi ueniunt oratum, ut in curiam, ubi coactus esset populus, ueniat, & iurando ipsis caueat de incendio & direptione, quod

si faciat, fore, ut in portæ possessionem mittatur. Ea re
 prius ad Carolum nunciata, proficiscitur in urbem, &
 data fide, quam petebant, redit ad portam, eamq; muta-
 tis custodibus, in suam potestatem recipit, & vexillum
 Caroli ad eam præfigit. Occupatas deinde tres alias por-
 tas, firmo præsidio munit. Erat id temporis Leodium,
 urbs florentissima, & populosa ualde. Nam ex vicinis
 locis quàmplurimi eò se receperant, sic, ut è superiori
 clade nullos uiderentur desiderare. Non premebantur
 ullis angustiis rerum necessariorum, & hyems erat, &
 perpetui imbres, & ipsum alioqui solum eius regionis
 ualde coenosum. Nos autem in magna eramus difficulta-
 te et pecuniæ & annonæ, neq; decreuerat Carolus ob-
 fidere urbem, & ut uoluisset, non poterat tamen, & si
 per biduū modo sustinuisset illi, nulla re perfecta, tem-
 poris incommoditate & rerum inopia exclusus, domū
 reuertisset. Hoc eò pertinet, ut demonstrē, Imbercortē
 maximam fuisse uirtutem in huius rei tractatione, &
 haud dubiè gubernabat ipsius consilia Deus, eò quòd
 tam clementem & humanam sententiam dixerat pro-
 miseris obsidibus, ut supra docuimus. Eoq; libentius
 ista commemoro, quòd Principibus aliquando dolet,
 contulisse beneficium in aliquem, seq; deinceps nō tam
 faciles futuros esse dicunt, cum tamen propriū sit ip-
 sorum munus, de quàmplurimis bene mereri. Malū igitur
 iudicium faciunt, qui ita sentiunt. Nam cum, qui
 nunquam circumuentus est, truncum esse dixeris, aut
 stipitem

ſupitem potius, quàm hominem, propterea, quòd inter
pravi ex multis, quid inter ſit, dijudicari non poteſt.
 Deinde, non omnes eodem ſunt ingenio, neq; propter
unius aut alterius improbitatem intermittende ſunt
benè de quàm plurimis merendi occaſiones. Hoc tamen
 ſuaſerim, explorandum eſſe, cuiusmodi ſint, qui bene-
 ficium petunt, nec enim omnes digni ſint qui accipiant
 et mihi quidem abſurdum quiddam eſſe videtur, homi-
nem prudentem poſſe ingratum eſſe. Quamobrem op-
 timum eſt, ut Principes adhibeant ſibi viros magna uir-
 tute præditos. Sic enim exiſtimabunt omnes, quandoqui-
 dem eiſdem uirorum conſuetudine delectantur, ipſos
 quoq; eiſdem eſſe uirtutibus ornatos, et ut paucis ab-
 ſoluiam, ſemper benefaciendum eſt alijs. Fieri enim po-
 teſt, ut unus aliquis, licet tenui ſit beneficio affectus, in-
 ſignem aliquam operam præſtet, et reliquorū ingratu-
 tudinem cumulatè reſarciat, et compenſet, cuius rei do-
 cumentum ſumi poteſt ab iſtis obſidibus; è quorum nu-
 mero, tametſi pleriq; omnes ingrati eſſent, et illibera-
 liter agerent, pauci tamè quidam, memores accepti mi-
 neris, hanc tantam rem, magna tū gloria Caroli et uti-
 litate perſecerunt. Poſtero die Carolus magnifice in ur-
 bem ingreditur, proſtrata ac diruta parte aliqua muni-
 et adæquata ſeſſa. Stipatus erat duobus cataphractorū
 millibus, qui pedites erant omnes, et totidem ſagittas
 rijs, magnam etiam manum in caſtris reliquit. Ipſe equo
 neſtus, ingreditur ſplendide uestitus, cumq; ad ſacrum

eadem eius urbis summam uenisset, ex equo descendit.
 Commoratus ibi per dies aliquot, supplicium sumit de
 sex, qui erant ex obsidum numero, de quibus tabella
 lario quodam, quem acerbè oderat, sunt aliquot leges,
 et pecunie magnam summam imperat, quam sibi
 deberi confirmabat ex uiolata superiorum annorum
 pace, deinde tormenta omnia ipsis edimit et arma, tur-
 res etiam et moenia solo equari iubet, post, domū reuer-
 sus, honorifice fuit exceptus à populo, præsertim autē
 à Gandauensibus, qui priusquam in Leodium proficisce-
 retur, cum alijs quibusdam urbibus ad rebellionem spe-
 ctauerant, nunc uero posteaquam uictor rediisset, re-
 uerenter ipsum habebant, et per primores ciuitatis,
 signa sua militaria Bruxellam usque deferri ad ipsam
 iusserant. Nam à morte patris, Carolus, quod amari se
 crederet ab eius ciuitatis populo, solenniter, omnium
 primum ad ipsos ingressus est, futurum sperans, ut si
 liberaliter ab eis haberetur, ad alias quoq; urbes ea res
 magnam ipsi conciliaret auctoritatem, sed postridie,
 quam eò uenit, in forum armati ciues confluent. Eò
 tandem et ipse descendit, ut turbam sedaret, sed frus-
 tra. Per totos enim octo dies ibi constiterunt, et inter
 alia petebant sibi restitui omnia, quæ ipsius pater Phi-
 lippus ademisset, deinde, ut singulæ opificum tribus ha-
 berent suum quæq; uexillum, ut antiquitus institutum
 esset. Cum aliud non posset, neq; satis in tuto uersare-
 tur, temporibus coactus, largitur eis omnia, et quæ
 postula-

postulabant priuilegia, concedit. Mox illi in foro signa sua proferunt et affigunt, multo ante parata, non obscure praeseferentes, etiam si non impetrassent ab eo, se tamē illa fuisse priuilegia auctoritate recuperaturos. Dixerat antea Carolus fore, ut reliquae urbes, Gandauensium sequerentur uestigia, et quia passim erant exortimotus, uoluit ad eos primum, a quibus diligere se putabat proficisci, quod sic alias urbes contineret. Prouerbio dicitur, Gandauenses amare quidem sui Principis filium, sed non ipsum principem, ei dicto si fidem habuisset, non fuisset in eas redactus angustiae. Proxima enim secundū Leodias, ualde sunt mobiles et inconstantes, uerū hoc est in ipsorum tumultibus boni, quod principi uim nullam adferunt: Honestiores etiam ciues, uulgi leuitatem et inscientiam ualde detestantur. Hanc illorum proteruitate id temporis ferre cogeatur Carolus, ne bellidaret occasionem tam suis quam Leodijs, interea tamen non dubitabat, quin, si Leodios debellaret, facile ipsos esset cohibiturus, atque ita quidem accidit. Parta enim uictoria, proceres urbis, pedites omnes, et uexilla et priuilegia, et literas, quas Gandauo discedēs coactus fuerat ipsis largiri, deferrebant ad eū Bruxellam, ut dixi, magna circumfusa nobilium et legatorum multitudine, ut de ijs pro suo arbitratu decerneret. Ex ipsius foecialibus quidam, iussus ab eo, detrahit signa de hastis, quibus erant alligata, atque ea deinde deferrebantur Boloniam, quod oppidū a Caletis abest octo milliaribus, ad mare.

Exhibitis postea privilegijs, Cancellarius, quod prædictum ex ijs erat, et ad ipsorum administrationem pertinet, abrogat. Cum enim per omnes Flandriæ urbes, Princeps magistratum constituat quotannis, et rationes ab eo poscat, apud solos Gandauos, per hoc privilegium ei non erat integrum, creare supra quatuor senatores, ipsi uero reliquum numerum implebant: et sunt in ea urbe uiginti sex omnino senatores, in quorum manus est, uel instigare populum aduersus principem, uel in officio continere, et obsequentem efficere. Multatis ad eum modum Gandauensibus, reliquæ ciuitates, quod nihil grauius admisissent, data pecunia, ipsum placabant. Ex qua una re uidere licet, quantum in uictoria positum sit, et quam sit periculi plenum, facere aduersum prælium. Non est ergo, nisi necessario, dimicandum, et ante prælium de summa rei cogitandum est. Nam qui meticulose aliquid faciunt et pauide melius se re suis rebus prospiciunt, et sapius uincunt, quam illi, qui fastuose et superbe progrediuntur, tametsi cum Deus aliquid decreuit, frustra sumitur omnis labor, ut in Leodiensium causa uideri potest, qui, licet ipsis interdictum esset sacris, obstinate tamē pergebant, neque probabilem ullam sue insolentiae causam adducere poterant, sed sublatis facultatibus intemperanter agebant. Quo in loco, in mentem mihi uenit prouerbiū quoddam Ludouici Regis, qui dicere consuevit, dedecus est detrimentū esse comites, ac ueluti pedissequas superbis, his rebus

*Deliberandum
dum q statū
eandem e semel*

Vis rebus Bruxella confectis, Carolus Gandauum sub
 armis profectus, honorificentissimè fuit exceptus. pa-
 tescebat ei partem aliquam urbis, uti militem pro suo
 arbitratu uel emitteret, uel introduceret. Interea ueni-
 unt ad ipsum à rege multi legati, sed & à Britanno: ipse
 uicissim ad utrosq; mittit. Rex in primis cupiebat, ip-
 sius uoluntate bellū in Britanniam inferre. Cū impetu-
 re non posset, grauiter tulit, praesertim, cum ille suos cō-
 foederatos atq; socios Leodienses perdomuisset. Impa-
 tiens igitur morae & ocij, prima aestate exercitū in Bri-
 tanniam mittit, occupatis ibi duabus arcibus. Norman-
 nus ilico & Britannus opem Caroli implorant. Con-
 ductis igitur copijs, quanta potuit celeritate, & missis
 ad regem literis, petit, quoniam utriq; & confederati
 sui essent, atq; in inducijs comprehensi, uti à bello et in-
 iuria abstineret. Accepto minus commodo responso, Pe-
 ronam cum exercitu proficiscitur, cumq; per triduum
 esset ibi commoratus, uenit ad eum Cardinalis Baluen-
 sis, à rege, qui tum erat Compendij, oppido Picardiae, cū
 mandatis aliquot, & pacis rationibus. Is inter alia dice-
 bat, fieri posse, ut illi separatim, ipso excluso, cum rege
 paciscantur. Nam eò spectabat rex, ut societatem dissi-
 paret. Per eundem Carolus nūciat regi, quòd copias col-
 legisset, id se muniendi sui, & socios defendendi, nō op-
 pugnandi ipsius causa facere. Lenibus utriq; uerbis
 res agebatur. Non multò post illius abitione, adseruitur
 à Normanno literae ad Carolum, quibus nunciabat,

se undiq; Britannum esse cum rege pactum, & ab omni alio, potissimum autem ab ipsius foedere discessisse, & relicta Normannia, se quotannis accepturum à rege fratres ad sexaginta francorum millia. His ille conditionibus transegerat, inuitus quidem, sed cogebatur dissimulare, & ferre. Carolus eo nuncio ualde fuit commotus, praesertim cum esset in armis, & copias ideo coegisset, ut opem ipsis ferret. Tabellarius autem, quoniam iter fecerat, qua parte rex erat, in magno fuit discrimine, quod crederetur fictas attulisse literas, uerum in eo ipso temporis uestigio, ex diuersis locis idem nunciabatur. Rex tum putabat se peruenisse quod uoluit, et facile posse Carolum ad se traduci, atq; ideo multi commeabant inter eos nuncij, eorū tandem res deducta fuit, ut pro belli sumptibus rex ei dependeret centum & uiginti aureorum millia. Eius pecuniae dimidiam partem statim persoluit, antequam cum exercitu ille discederet. Post haec, famillarem quendam suum, Vobrissetum, Carolus misit ad regem, qui ualde amanter eum & benigne complectebatur, fore sperans, ut Carolum plane sibi deuinciret, primum, quod ipsius frater et Britannus eum deseruissent, deinde, quod accepta pecunia delinquitus erat. Per hunc ipsum igitur, & huic adiunctum Cardinalem Baluensem denunciat, quantopere cupiat cum eo colloqui. Carolus autem, qui tum erat Perone, non admodum huc inclinabat, eo quod Leodienses darent non obscuram significationem rebellionis, incitati à Rege
legatis

legatis, ut id facerent ante inducium, quod paucos dies pacte fuerant. Cardinalis respondit, Leodenses, quorum turres ac propugnacula essent ab ipso deiecta, qui tormentis omnibus et armis essent dissipati, nihil tale molituros, et ut maxime uelint, non ausuros tamen, sibi conspexerint hanc ipsorum collocutionem et amicitiam. Assensit tandem Carolus, ut rex, quoniam ita uellet, Peronam ueniret, simul fidem dat, ut id ei tuto liceat: deinde, ut Leodiorum motus componeret, Episcopum eius urbis, propter quem ortum fuit dissidium, et Imbercourtium, eo misit.

PHILIPPI COMINAEI COMMENTARIORUM Liber Tertius.



EX igitur ad constitutum locum uenit, paruo comitatu, secutus fidem Caroli, cui totum se permisit. Erant cum eo Borbonius, et eius frater Cardinalis, et alter Baluensis, et Connestablius, qui collocutionem hanc egre tulit: iam enim ferocior erat factus, neque Carolum, ut antea, reuerbatur. Aduentanti regi, Carolus obviam progreditur, et hospitium præbet apud quæstorem oppidi, eo quod arx angustior erat et ruinosa. Facile quidem est, et proclivius, ut inter potentes Principes bellum excussetur, sed

ab diuersitate rerum, quæ incident, uix magna difficultate componitur. Nocere enim quisq; studet aduersario suo, quantum potest, et celeres plerunque sunt in eiusmodi rebus, animorum motus, qui postea quam semel in actionem transierunt, sisti non possunt aut reuocari. Quod ipsum regi uidemus et Carolo euocasse, qui cum subito, et contra plurimorum expectationem, in colloquium uenirent, suis legatis, quos alio miserant, nihil eius rei significauerant. Carolus enim à Burgundia copias euocauerat, in ijsq; nobiles aliquot erant Sabaudi, infestiores regi, quod ab eo fuissent aliquando in carcerem coniecti. Et quo tempore Peronam rex uenit, isti etiam aderant: Burgundia uero Marschallus, quod et ipse regem ualde odisset, extra oppidum sese continuit cum suis cohortibus. Ea renuntiata, rex orat Carolum, ut sibi liceret in arcem diuertere, quò periculum uitaret. Carolus, confirmato eius animo, libenter morem gerit. Sane minus prudenter faciunt Principes, cum alterius potestati se permittunt, præsertim intercedente bello. Maximum itaque momentum adfert historiarum cognitio, inueni-
bus annis percepta. Nam extant in ijs pulcherrimæ picture, quæ clare demonstrant, quàm multa perfide sepe, et insidiosè fiant in eiusmodi colloctionibus, et in quantas acerbitates aliquando coniecti sint multi, eò quod suis aduersarijs nimiam habuissent fidem. Verum quidē est non omnes perfidiosè agere, sed unius calamitate

calamitate complures fieri possunt cautiore. Quantum enim longo rerum usu potui cognoscere, qui iam per annos duodeuiginti uersatus sum in maximis rerum negocijs, equidem sic arbitror, quemadmodum et uite diuturnitate, et robore corporis multo sumus inferiores priscis illis hominibus: ita quoque ab ipsorum fide et integritate permultum nos degenerasse. Vix enim est, ut providere sibi aliquis diligenter satis possit, quo minus fallatur, et quò sunt potentiores Principes, eò maior est insidijs et improbitati locus. Nam et sua quadam sponte illi eò propendent, ut quod libet, licere sibi putent, et, qui sunt circum ipsos, quoniam aucupandæ modo gratiæ sunt intenti, plane seruiunt illorum cupiditatibus, et si quis ad meliorem frugem aliquando hortetur, magnas tempestates excitant. Temperare mihi non possum hoc loco, quin grauius aliquid dicam in Principes imperitos et ignauos. Habent sibi plerique familiares, aliquot iurisperitos, et quosdam, qui longiori ueste discernuntur ab alijs: et recte quidem, cum sunt uiri boni, sed periculose admodum et magno cum detrimento, quando sunt uiciosi. Cuiuscunque rei sermo inciderit, ilicò legem aliquam, aut historiam adferunt, plerumque et se penumero præter rem, dum ad suum sensum et affectum omnia detorquent, idque eò crebrius faciunt et audacius, cum Princeps ipse nullam habet rerum cognitionem, qui si uel ingenio ualeret, uel librorum lectione quesitum

sitam haberet aliquam prudentiā, non temere circum-
 ueniri posset, nec sic ludificationibus aliorum esset ex-
 positus. Hoc enim certo statuendum est, Deum non
 condidisse regna, ut gubernarentur ab hominibus in-
 eptis & stolidis, qui friuola quadam & misera iacta-
 tione solent dicere, se, quod usum literarum non habe-
 ant, suis familiaribus & necessarijs omnem actionem
 committere, ac deinde, nulla probabili adducta ratio-
 ne, cur ita loquantur, totos sese dedunt uoluptatibus.
 Quod si bene fuissent à teneris annis educati, longè ali-
 am uiam ingrederentur, & hoc darent operam, ut ho-
 mines bene & præclare de ipsis sentirent. Neq; tamen
 hoc ed dico, quasi omnes Principes suis negocijs praua
 ingenia præficient. Nec enim desunt, qui uerum iudici-
 um faciunt, & prudenter sibi deligunt optimum
 quemq; cuius utantur opera. Qua quidem in re ma-
 xime prouidus ac diligens erat Ludovicus rex. Nam
 qui uirtute aliqua singulari præditi essent, eos magno
 in honore habuit: mediocriter ipse erat literatus, &
 quod præcipuum est, ingenio ualebat & sensu com-
 muni, quæ quidem facultas omnem aliam cognitionem
 antecellit, labore & industria comparatam. Omnes
 enim qui extant libri, præteritarum rerum continent
 monumenta, in ijsq; breui temporis spacio plus uideri
 potest atq; cognosci, quàm multa hominum ætates ora-
 dine percipiant. Nulla igitur maiori clade populum
 Deus affligere possit, quàm si Principem ei præficiat
 stolidum

solidum et imperitum, neque enim dici potest, quam
 multa hinc oriuntur incommoda. Nam quia totus ab
 aliorum arbitrio ille pendet, neque per se quicquam ipse
 gerit, nascuntur factiones, dividitur populus, dividit-
 ur senatus et regni procures: inde bellum nascitur,
 atque ex bello rerum penuria, quam excipiunt deinde
 morbi et varij generis cruciæ. Iustam ergo et doli-
 toris et querimonie causam habet populus, cum sui
 Principis liberos vident male institui, et ab hominibus
 viciosis educari. Suprà diximus de ijs, qui Peronam ex
 Burgundia venerunt. Carolus enim tempore exclusus,
 non habebat spacium remittendi illos, eo quod iam
 erant in Campania, cum inter ipsum et regem agere-
 tur de collocacone: ad quam posteaquam ventum est,
 et aliquo usque facta esset progressio, grauis est allatus
 et intempestiuus nuncius à Leodiorum finibus. Nam
 cum Peronam rex iret, de suis legatis, quos Leodium
 miserat, seditionis excitande causa, non cogitabat, et
 ibi quidem iniunctum sibi munus diligenter obibant.
 Inligati enim ab ipsis Leodij, Tongrorum urbem, in
 qua tunc erat Episcopus, et Imbercortus, et circiter
 duo hominum millia, ex insidijs capiunt, familiares ali-
 quot Episcopi trucidant, ipsum et Imbercortum capi-
 tiuos abducunt. Inter eundem Imbercortus paciscitur
 cum nobili quodam uiro, in cuius fidem et potesta-
 tem receptus, multitudinis insaniam euasit, que tanta
 fuit, ut inter alios Ecclesiastici ordinis uiros et cano-
 nicos,

nicos, Robertum quendam, Episcopi necessarium,
 membratim conscinderent, et per ludibrium deinde
 frustra conijcerent alter in alterius caput: breuiter,
 quo longius progrediebantur, eo magis incruduit ipso-
 rum furor. Certiores autem facti de collocazione Prima-
 cipum, Burgundionibus aliquot captiuis dimissis, pra-
 se ferebant, quicquid eius res fecissent, aduersus Epis-
 copum modo fecisse, quem et uinctum abducebant
 Leodium. Captis Tongris, plerique omnes profuge-
 rant: ij quacumque transibant, magnam excitauit tre-
 pidationem, ita quidem, ut ad Carolum ilico perferre-
 tur nuncius. Dicebant alij, trucidatos esse omnes, alij
 contra, et multi simul nunciabant, ex ijsque non pauci
 spectauerant cadem illam Canoniorum, et credebant
 in eorum numero fuisse et Episcopum et Imbercora-
 tum. De regis quoque legatis affirmabant, se uidisse illos,
 et quae essent, nominatim dicebant. Ea re Carolus ue-
 hementissime fuit commotus, confirmans regem insi-
 diose agere. Iubet igitur claudi portas, tam oppidi,
 quam arcis, in qua rex erat. Interea spargebatur rus-
 mor, amissam esse pyxidem cum gemmis, aliisque rebus
 preciosis. Rex in ijs angustiis positus, ualde sibi metu-
 it, praesertim, cum inspiceret turrin cubiculo suo uicia-
 nam, in qua Veromanduorum Comes aliquando neca-
 uit quendam Galliae regem. Clausis portis, Carolus, re-
 motis omnibus, ad paucos, qui cum ipso erant cubi-
 cularij, conuersus, inuitum se ac contra uoluntatem su-
 am ad

ad eam colloctionem descendisse dicebat: regem mala fide secum agere, eoq; sui prodendi causa uenisse. Et cum deinde, quod apud Leodios acciderat, ordine recitasset: ita fuit exacerbatus, ut graviter interminaretur, neq; dubito, quin atrociter aliquid facturus fuerit in regem, nisi eorum, quibus loquebatur oratione, fuisset mitigatus. A nobis transiit ad alios, & inter paucas admodum horas ita fuit diuulgata res, ut ad regem deferretur, qui sane in maximo erat metu, sed & omnes iudicio praediti, tristem aliquem uerebantur exitum, & simul uidebant, quam sit difficile, pacificare tam potentes principes, & quam inconsiderate ab utrisq; factum esset, quod suos legatos, antequam ad colloctionem uenirent, non reuocassent. Imprudenter faciunt principes, equali potentia praediti, nequidē iudicio, ut non semel antea dixi, quod in colloctione ipsi descendunt: nisi forte ea sint aetate, ut praeter iocos & ludum nihil spectent aliud. Nam posteaquam grandiores euaserunt, & emulatio aliqua coepit inter ipsos oriri, quod serē sit, non est consultum, ut ipsi congregiantur, ac longē praestat, ut controuersias, & quicquid est negotiorum, curent per legatos, uiros bonos atq; prudentes, componi: Et quoniam multo rerum usu compertum istud habeo, non grauaor, quā uiderim ipse, commemorare. Ludouicus, paulō postquam ad ipsum esset delatum imperium, in colloctionem uenit cum Henrico rege Castiliae, qui ad Fontem rapidum

rapidum accessit magno comitatu: Venit etiam eo regina Arragonie, cui cum Henrico lis erat. Colloquio fuit delectus locus prope flumen, quod Galliam ab Hispanijs diuidit. Bis modo colloquebantur, neq; prolixè admodum, prorsus ex arbitrio Turbendensis Archiepiscopi, cuius apud Henricum erat summa auctoritas. Ipsorum domestici famuli, qui Baione habebant hospitium, primo statim aduentu inter se pugnarunt. Henricus erat deformior, et cultu corporis inueniustus, et ridebatur à Gallis. Ludouicus breuius utebatur uestimentis, et adeo neglectis, ut nihil supra: pileum gestabat diuersum ab alijs, et huic affixa erat imago plumbea. Hanc tenuitatem ridebant Hispani, et pars sanonie tribuebant, atq; ita quidem tunc discession fuit, exaltatis utrinq; ludibrijs, et cum antea fuisset inter utrosq; constans amicitia: corperunt ab eo tempore relanguescere. Eius, de qua dixi, litis et controuersie Ludouicus rex datus fuit arbiter: ac iudicauit secundum Hispanie regem: Id grauius admodum tulerunt Arragonij, qui tamen si ipsius opera deinde sunt usi aduersum Barcinonenses, exortum est tamen postea bellum inter eos, quod annos sedecim durauit, et ne hoc quidem tempore satis est pacatum. Carolus, cum diu sollicitasset, in Treuironum urbe, cum Friderico Cesare, qui nunc reru potitur, congressus est, atq; ut opes, potentiamq; suam ostentaret, sumptuosissimus erat in omnibus. Agebatur ibi de uarijs rebus, et inter alia de matri=

de matrimonio, quod postea contraxerunt ipsorum liberi. Post aliquot dierum colloctionem, Caesar illinc abiit insalutato Carolo, eamq; rem secuta est animorū alienatio. Germani uituperabant luxum in Carolo, & genus dicendi paulò sublimius: Burgundiones contra tenuitatem Caesaris, & exiguum comitatum, & negligentiore ornatum despiciebant, & eousque processit hæc emulatio, ut aduersus Carolum, quando Noauesum obsedit, maximam Germanorum manum Caesar adduceret. Eduardus Angliæ rex, apud Atrebatès, per biduum fuit cum Carolo sororio suo. Dissidebant inter se ipsius familiares. Carolus, apud quem utrique querebantur, in alteram factionem magis propèdebat, eaq; res auxit illis odium. Et quanquam Carolus ipsum iuuabat milite, pecunia & nauibus, ad recuperandum regnum, è quo profligatus tum erat à Comite Beruicensi, tamen ab eo congressu, male senserunt, & locuti sunt alter de altero. Vidi, quo tempore Carolus comitem Palatinum Rheni, per complures dies honorifice tractabat Bruxellæ. Burgundiones dicebant Germanos esse sordidiores in rebus omnibus, ideo potissimum, quod ocreas conijcerent in lectos cubiculares, splenda didè magnificeq; paratos, & lenius multo quam antea, cum nondum uidissent, de ipsis iudicabant. Germanis autem displicebat luxus ille immodicus & ostentatio. Vidi, cum Austriæ Dux Sigismundus ad Carolum uenit, eiq; ditione Pfortensem, propinquâ superiori

F

Burgundia, oppignorauit, acceptis ab eo centum aureorum millibus, cum ab Heluetijs illam defendere non posset. Erat inter hos magna & ingenij, & morum dissimilitudo. Sigismundus tandem reconciliatus Heluetijs, ademit eam Carolo, neq; precium reddidit. Præsens eram, & coram spectauimus, cum Rex & Eduardus prope Piccenium oppidum, non procul ab Ambianis, conuenirent, qua de re postea sum plura dicturus. Abstinerunt quidem à bello deinceps, atq; etiam inter iacebat mare, sed beneuolentia nulla fuit inter eos, & quæ tum utrinq; promittebant, magna ex parte uiolata fuerunt. Sic igitur existimo, debere principes à congressibus abstinere, modo saluam esse uelint & integrâ amicitiam. Fieri enim nō potest, quin ipsorum familiares de rebus antea actis loquantur, non absq; molestia, & fremitu alterius partis. Alij sunt alijs elegatius uestiti, nascitur ex eo ludibrium & iocus, atq; ita fieri necesse est, præsertim inter eos, qui lingua & sermone et moribus differunt. Ex ipsis quoq; Principibus, alijs alijs sunt decentiores, & aspectu magis honesto. Iis iucundū est prædicari à multis, neq; id fieri potest absq; alterius, qui deformior est, uituperatione. Dimisso conuentu, passim ab omnibus ista iactantur, initio quidem tacite & submisso, postea uero palam & clare. Nihil enim prope modum est ita secretum, quod non efferatur aliquando. Interea dum rex tenetur inclusus, ut supra diximus,

Carolus

Carolus abstinuit ab eius colloquio, & ex ipsius familiaribus, qui in aliquo essent numero, pauci ad eum accedebant. Erat in oppido magnus admodum fremitus, primo quidem die, postridie fuit aliquanto mitior Carolus, totumq; ferè diem & partem aliquam noctis consultabat. In eorum statu, Rex per suos necessarios sollicitabat omnes, qui putabantur aliquid posse apud Carolum, in eosq; distribui iussit ad quindecim aurebrum millia: sed qui huic rei præfectus erat, eius pecuniæ partem aliquam fraudavit, quod postea compertum est. Rex in primis metuebat illos, qui aderant ex Burgundia Sabaudiaq; nobiles, de quibus antea sumus locuti. Non enim illi suam operam, ipsius fratri, Normanniæ duci se addixisse profitebantur. Conuocato concilio, sententias Carolus exquiri. Pleriq; dicebant, regi datam fidem seruandam esse, præsertim, cum ratas haberet pacis conditiones, scripto comprehensas: Erant sententiæ, quæ detinendum esse in carcere censerent, aliæ, quæ fratrem ipsius celeriter euocandum esse dicerent, ut ipso præsentem, pax constitueretur, planè ex usu omnium Principum Gallie. Sic enim fore uidebant, ut ei ponerentur arctiores custodiæ, nec ignorabant, si quidem durius ad hunc modum haberetur, difficilem eius futuram esse liberationem. Ea sententia sic iactata fuit, ut uiderim tabellarium, qui ad iter expeditus, Caroli tantum literas expectabat, sed commutatum fuit consilium istud. Rex interea, multis in medium adductis rationibus pacem

promittit dare obsides, Borbonium, eiusq; fratrem Cardinalem, & Connestabulum, & alios complures, ac petit, ut facta pace, Compendium sibi redire liceat: daturum se operam, ut Leodienses ei de iniurijs integre satisfaciant, sin minus, hostium numero se illos habiturum, Quos ille deferebat obsides, ij palam quidem præ se ferebant non recusare: quid priuatim senserint, ignoro, nisi quòd arbitror, si tum facta fuisset eis discendi potestas, nō fuisse reuersuros. Erat ea tertia nox, cum uestes non deponeret Carolus, & per intervalla, nunc deambulabat, nunc in lectulum se conijciebat, qui mos ipsius erat, quoties perturbato esset animo: & quoniam ex cubicularijs eram, unā cū eo nonnunquam deambulabam. Exorta luce, magis aestuabat ira, quàm prius, grauitèq; interminatus, uidebatur atrociter aliquid esse factururus. Paulatim tamen remissior factus, dicebat sibi satisfacturum iri: primum, si rex iureiurando confirmaret pacem, deinde, si secum in Leodios proficisceretur, in eoq; bello sibi ferret opem, ad ulciscendam iniuriam Episcopo, suo propinquo ab ipsis illatam. Hanc eius uoluntatem è uestigio quidam enunciauit regi. spem certam faciens, nullum ei fore periculum, si eas condiciones admittat, sin autem repudiet, imminere ipsi discrimen longè maximum. Posteaquam ad regem uenit Carolus in cubiculum, incipit uoce tremula: neq; multū aberat, quin grauitè irasceretur. Gestus quidem corporis erat satis demisso: uerum sermo eius et
uultus

uultus asperitatem atque offensionem magnam præse-
rebant. Rogat, an ratas habeat pacis cōditiones antea
prescriptas, et an iurare uelit? Rex benignè assentitur:
nihil enim propemodum erat diuersum ab ea pacifica-
tione, quæ facta fuit antea Lutetiae, quantum quidem
ad Carolum pertinebat. De fratre autem regis ita con-
uenit, ut ei loco Normanniae, traderetur Campania to-
ta. Rogat deinde, uellet ne unà secum proficisci Leo-
dium, et sibi adesse cum auxilijs in ulciscenda perfidia,
quam Leodienses, ab ipso instigati, admisissent aduer-
sus Episcopum suum, qui & ipsius esset propinquus?
Ille respondit, post iureiurando sancitam pacem, quod
in primis cupiat, iturum se cum ipso Leodium, eo
quem uellet comitatu. Quo dato responso, ualde fuit re-
creatus Carolus. Adferuntur ilicò scriptæ pacis con-
ditiones, cumq; iusiurandum interuenisset, magna fuit
per oppidum excitata leticia. Rex aliquando me digna-
tus est eo honore, ut diceret, me bonam ipsi & fidelem
operam in ea tractatione præstitisse. Carolus in Britan-
niam ista confestim enunciat, simul exemplar mittit pa-
cificationis. Normanniae ducis non erat pœnitenda con-
ditio, si quis ad superiorem ipsius cū rege transactionē
respiciat. His rebus agitatis, digressi Perona, rex & Ca-
rolus, Cameracū, & inde in Leodiorum fines peruene-
runt sub hyemē, cœlo ualde difficili et incōmodo. Erant
cū rege Scoti stipatores, cataphracti uero pauci, quan-
quam deinde circiter trecentos accersiuit. Exercitus

Caroli bipartitus erat. Primam aciem ducebat Burgundie Mareſchallus, erant in ea Lutzenburgenſes, Hannoni Namurci, et Limburgij: cū reliquo agmine ſequebatur ipſe. Cum ad hoſtium fines peruentum eſt, deliberatur, quid factū ſit opus. Suadebant aliqui, dimitteſſam eſſe partem exercitus, primum, quòd oppidani et turribus et muro eſſent denudati, et ſpe omni auxilij carerent; deinde, quòd rex, in quo magnum habuiſſent præſidium, ipſe adeſſet. Eam ſententiam Carolus reiecit, et magno quidem ſuo bono, minimum enim aberat ab intereſſione, et quia ſuſpectum habebat regem, putabat non eſſe diminuendas copias. Parum ſane prudenter iudicabant eius conſilij authores, cum ſe putarent viribus et potentia longè præſtare. Fit autem non raro, ut duces proponant cuiusmodi ſententias, vel quò videantur audentiores, vel quò magnitudinē rei, quam agunt, non intelligant. Ineſt autem in utroq; temeritas, et inconfiderantia. Qui iudicio ualent principes, cuiusmodi conſilia repudiant, in eoq; magna fuit induſtria regis. Nam ut lentus erat et timidior in arduis deliberationibus, ita quoq; ſimul atq; conſtituit aliquid, ſic undiq; ſe communiebat, ut uix unquam falleretur, aut expectatione ſua caderet. Præmiſſus eſt igitur Mareſchallus, et urbem, ſi poſſet, ingredi, ſin, minus, uim facere iubetur. Iam enim ab hoſtibus nonnulli, pacificandi cauſa, ueniebant Namurcum uſq;, quod ſuprà Leodiū eſt oppidum prope Moſam, ad decem milliaria.

Cum

Cum essemus urbi propinqui, tumultuose eruptionem illi faciunt, sed absq; magna contentione reijciuntur. In his turbis euadit ipforum Episcopus, & se nobis adiungit. Miserat eò Romanus Pontifex legatum, qui cognosceret de controuersia ciuium & Episcopi, uerum ille suæ legationis modum excedens, quòd eius loci Episcopatum ambiret, fauebat ciuium rebus, eisq; fuit author, ut sumptis armis, uim à se depellerent: cumq; periclitantes uideret, frustra conatus profugere, captus fuit unà cum suis familiaribus. Ea re nunciata, Carolus mandat ijs, qui ceperant, ut aliquò ipsum tra-
ducerent, & pecuniam ab eo, tanquā à mercatore quo-
piam extorquerent: quòd si palam ad se deduceretur,
cogi se honoris et officij causa, in gratiam Ecclesie Ro-
manæ, illum libertati restituere. Inter eos, qui ceperant, natum est dissidium, cumq; causam apud Carolum disceptarent, ille captiuum in suam fidem & potestatem accipit, & quum honore etiam affecisset, omnia ei restitui iubet. Primum nostrum agmen, cui Mareschallus et Imbercortus præerant, Leodium contendunt leti, tanquam explorata uictoria, & spem direptionis præferbant conditionibus oblati, nec opus esse putabant, reliquas copias, quæ sequebantur, interiectis aliquot milliaribus, expectare. Celeriter igitur progressi, ueniunt in suburbium. Nox erat, nec quò diuerterent, habebant, & locus erat angustior, et nullis ordinibus errabant Hanc opportunitatem conspicati hostes, qua parte urbis

prostrata erant moenia, erumpunt, perq; uineas & colliculos impetum in nos faciunt, & seruos, qui ad exitum suburbij seruabant equos, magno numero interficiunt, reliquis in fugam coniectis. Desiderati sunt à nobis in eo tumultu circiter octingenti, in ijsq; centum cataphracti. Qui uirtute præstabant, consociatis armis impetum demorantur & sustinent, cumq; signis militibus contendunt ad portam, ut reliquos eruptione prohiberent. Solum erat ex continentibus pluuijs ualde coenosum. Oppidani, confertissima multitudine, cum tedis & grandioribus lucernis cogitabant se foras eijcere, ut nos adorirentur, sed tormentis emissis in uiam, quâ ueniebant, & plurimis interfectis, nostri cogebant eos referre pedem, & occludere portas. Veruntamen in suburbio totam noctem erat perpetuus tumultus, & postquam illuxit, omnino pulsifuerunt, amissis aliquot ducibus. Eruptiones ille, tametsi necessario fiant aliquando: ualde tamen sunt ijs, qui obsidentur periculose. Nullam enim isti faciunt tam paruum iacturam, quin eis, & propter paucitatem ipsorum, et simul propter difficultatem recuperandi noua præsidia, longè maxima uideri debeat. Quid actum esset, ilicò nunciatum fuit ad Carolum, qui cum reliquo exercitu abeant ad quatuor milliaria. Principio ferebantur omnes pariter esse trucidati, nihilominus ille progreditur: simul mandat, ne quid efferatur ad regē. Vbi propius ad urbem uenit, ex diuersa parte letior allatus est nūcius: opinio

opinione pauciores interiſſe : nullum, qui in aliquo ſit numero, interſectum : ſed uerſari tamē militem in ſummis anguſtijs, eò quòd ſuperiori nocte conſtitiffent in acie, proximè ad portam, loco multum lutoſo & incommodo : rediſſe quidem nonnullos ex ijs, qui profugerant, ſed eos tam eſſe animo demiffio & conſternato, ut nihil præclari de ipsis ſperari debeat ; rogare duces magnopere, ut acceleret, quo ipſius aduentu, hoſtis, qui nunc conſertim uno in loco prælietur, ad portam & turrium deſenſionem diſtrahatur : nihil etiā ſuper eſſe, quo fames tolerari poſſit amplius. His nuncijs acceptis, Carolus trecentos equites magna celeritate præmittit, qui & confirmarent eos, & cibaria, quæ ſubito comparari poterant, deferrent. Iam enim per biduum cibo illi carebant, cælo ſupra modum difficili & pluuiò : quodq; omnium erat moleſtiſſimum, ut in urbem inuaderent, nulla ſpes erat, niſi Carolus hoſtem ab altera parte diſtineret. Ex noſtris quàm plurimi erant ſaucij, & inter eos ~~Aurice princeps~~, qui fortiter pugnaverat, & ſtationem ſuam egregiè tutatus erat, cum alioqui magna eſſet noſtrorum trepidatio, & circiter duo millia profugiſſent. Carolus, ad quem ille nuncius ſub ueſperum allatus eſt, ubi rebus omnibus providit, quid actum eſſet, tunc demum recitabat regi. Poſtquam ad ſuburbium uenimus, è ueſtigio cataphracti & nobiles complures deſcendunt ex equis, & ſagittarijs ſeſe coniungunt. & capto ſuburbio, deligunt hoſpitijs idem

nea loca, propius urbem. In ijs erant præter alios, Rade-
 nestenus & Comes Rosius, Connestablij filius. Rex
 aliquanto longius aberat in uilla quadam benè exar-
 dificata, stipatus magno suorum & nostrorum mili-
 tum numero. Posita est urbs inter ualles, solo admodum
 fertili, interlabente Mosâ flumine, & tum temporis
 admodum erat populosa. Inter nos & primum nostrum
 agmen, si per urbem iter faceres, non erat magnum
 intervallum, sed foris, propter ingentem circuitum, in-
 tererat iter trium milliariû, impedita uia & fossis, &
 rupibus, & uarijs anfractibus, locisq; asperis & mon-
 tuosis. Quoniam diruta erant undiq; moenia, oppida
 ni facilem habebant eruptionem: propter soli uero
 duritiem & asperitatem, nulla erant muniti fossa. Ca-
 roli aduentu ualde fuerunt recreati milites primi ag-
 minis, quod hostis iam cogeretur plures tueri statio-
 nes. Ad mediam noctem oritur tumultus in castris, &
 undiq; ad arma conclamatur. Statim Carolus accurrit,
 neq; multò post etiam Rex unâ cum Connestablio.
 Varius erat ibi clamor, & incertus, et pauoris plenus.
 cœli etiam obscuritas & tempestas metum augebant.
~~In Carolo quidem non poterat ulla desiderari fortitu-~~
~~do uel audacia, sed maior aliquando providentia, &~~
~~sanè in eo temporis uestigio, non præ se ferebat illam~~
~~animi præsentiam, quam pleriq; cupiebant, eò quod rex~~
~~coram adesset: qui in ista trepidatione, cum uideret illi~~
~~remissius agere, coepit imperare, & prospicere, ne quid~~
 damni

annu acciperetur. & conuersus ad Connestablium
 Recipias, inquit, te cum tuis cohortibus in eum locum.
 (& simul indicabat) Nam si uenturi sunt, omnino ex
 parte erumpent. Sed uanus fuit iste terror, & præter
 causam excitatus. Postridie rex uenit in suburbium, et
 diuertit in ediculā Caroli diuersorio propinquam, unā
 cum Scotis stipatoribus. Equitatus autem ipsius non
 procul aberat in quodam uico. Dum hæc geruntur,
 Carolus in magna erat sollicitudine, & metuebat, ne
 rex uel ad hostem transfiret, uel prius quàm urbs cape-
 retur, profugeret, aut in ea propinquitate contra se
 moliretur aliquid. In uicino igitur horreo, quod mediū
 erat inter ipsum & regem, collocat circiter trecentos
 equites, qui pariete effracto, ut minori periculo, cum
 opus esset, erumperent, diligenter obseruabant, quid
 circa regem ageretur, idq; per dies octo, quo toto tem-
 pore sub armis quiescebant omnes. Pridiē quàm urbs
 caperetur, sub noctem decreta fuit oppugnatio in po-
 sterum diem, ideoq; ijs, qui erant in primo agmine, ad
 alteram urbis partem, nunciatum fuit, ut simul atq;
 tormentū unum & alterum audiissent emitti, eo signo
 dato, statim ad oppugnationem accurrerent. Carolū in
 sua statione idem esse facturum ad octauam horam.
 His rebus procuratis, arma Carolus deponit, quod an-
 te id tempus non fecerat, militibus etiam, præsertim
 illis, quos ad horreū disposuit, ut idem facerent, man-
 dat, quò se nonnihil ex labore & uigilia reficeret. Quæ
 re intel-

1462

re intellecta, oppidani constituunt ea quoq; parte, sicut antea fecerant aliunde, eruptionem facere. Atq; hinc uidere licet, quam subito Princeps aliquis in maximam calamitatem incidere possit, etiamsi modica sit hostium manus. Diligenter igitur omnia prius, quam ad actionem ueniat, deliberanda sunt. Carebant hostes omni externo presidio, et quos habuerant uiros fortes, ij uel occisi erant, uel uulneribus confecti: portis etiam et castellis et muro et fossa et tormentis erant prorsus denudati. Ex uicina solum regione, uocant Francemontium, collegerant circiter octingentos pedites. Cum igitur res ipsorum esset ad extremum perducta casum, et regem haberent aduersarium, desperata salute, statuunt ingenti eruptione facta, extremum auxilium experiri, ideoq; decretum fuit, ut, qua parte deiectus et prostratus erat murus, post domicilium Caroli, fortissimi quiq; prosilirent, circiter sexcenti pedites Francemontani, et in Carolum ex improviso impetum facerent. Erat inter rupes uia multum sinuosa et concaua. Per eam, indicio hospitum Caroli, poterant ad ipsum et ad regem peruenire, priusquam sentirentur, modo tacite irent, nullo excitato strepitu, et ut aliqui per uiam excubitores laterent, putabant tamen se uel opprimere illos, uel etiam praeuenire posse, certissima spe concepta, uel interficiendi utrumq; Principem, uel antequam subueniri eis posset, capiendi: quod etiamsi interficerentur, tamen nec ingloriam esse ducebant mortem,

mortem, neoiuicundam, re tam insigni & memorabili perfecta, praesertim, cum in una uirtute omnis spes salutis consisteret. Atque ut foeliciter omnia cederent, & maiorem nobis trepidationem inferrent, constitutum etiam fuit, ut eo ipso tempore, reliqua multitudo promperet in suburbium, & nos magno clamore adorerentur. Erat profecto in primis arduum, quod moliebantur, & factum difficillimum, etiam multo maiori hominum multitudini, ueruntamen minimum aberat, quin quod cupiebant, perficerent. Nam, ita ut conuenerat, sub decimam horam noctis egressi, circiter sexcenti, nostros excubitores huc illuc dispositos, trucidant, & si recta contendissent ad designatum locum, absque tumultu, dubio procul interemissent ambos principes cubantes in lectulis. Iuxta Carolum erat in tabernaculo quodam dux Alenconius. Hic subsistunt, & hastis perforato loco, ex famulis quendam occidunt. Hinc excitatus clamor, in causa fuit, ut aliqui ex pergefacti, arma caperent. Illinc digressi, regem & Carolum petunt, & ad horreum illud, de quo diximus, morantur, & hastis rem gerunt per ea foramina, quae illi, eruptionis causa fecerant. Qui erant in eo cataphracti nobiles, ante duas modo horas, mandato Caroli, deposuerant arma, ut se nonnihil reficerent, & instaurarent ad oppugnationem insequentis diei: sed tamen ex ipsis aliqui, audito ad Alenconij ducis tabernaculum tumultu, & subita fortuna permoti, arma, quae possunt,

sunt, arripiunt, cumq; nauiter se defenderent, spaciuntur dabant alijs armandi sese & colligendi. Ea pugna magnū attulit nostris ad salutem momentum, ipsosq; seruauit Principes. Eram ea nocte cum duobus alijs in cubiculo Caroli: supra nos sagittarij duodeni stipatores excubabant, & depositis armis, ludebant alea: Maiores autem excubiae longius aberant à nobis ad portā urbis. Veniunt igitur illi, eo, quod diximus, indicio, oppugnationem nostras aedes, & adeo quidem celeriter & ardentius, ut uix spaciū nobis esset armandi Principis. Descendimus autem ad inferius tabulatum, ut in uiam nos eijceremus. Hic offendimus sagittarios nostros excubatores, pugnantes in hostem, quem à foribus & à fenestris uix magno labore & contentione reiciebant. Ingens erat undiq; & terrificus tumultus, dum quisq; suam factionem, ut fieri solet, inclamat. Impediti ea pugna cogebamur aliquandiu subsistere, atq; interea non constabat nobis quicquam de rege, neq; comperitum erat, quarum esset partium: quod ualde moleste nobis accidit. Tandem eruptione facta, domum egressi cum aliquot facibus, conspiciamur circum nos undiq; pluribus uijs pugnari: sed concurrentibus ab omni parte militibus nostris, ilico depugnatum fuit. Omnium primus cecidit uiae dux & index, de quo diximus; post etiam alij propè omnes. Ad eundem planè modum oppugnauerant quoq; regem, strenuè sese defendentibus Scotis, ut qui ab illo nō discederent, & multa conijcerent

conijcerent tela, quibus aliquantō plures Burgundiones uulnerabant, quàm hostes. Oppidani etiam, ita ut constitutū fuerat, porta sese foras uniuersi proripiunt, sed facile fuerunt à nostris repulsi. Compresso eo tumultu, colloquuntur Principes. Erat uidere passim magnam stragem hominū occisorum, et initio quidem uerebantur Principes, ne maiore aliquam suorum iacturam fecissent, uerum paucis admodum interemptis, multi sunt reperti saucij. Quòd si recta fuissent illi secuti uis duces, ut supra quoq; diximus, neq; substitissent in itinere. præsertim ad horreū illud: poterant sine contentione utrunq; Principē necare, et mea quidem sententia, magnā exercitus partē profligassent. Principes obstupesciti, et summopere admirati tantam illorum audaciam, domum reuertuntur. Paulò post coeptū est à nobis deliberari, quid postridiē sit agendū. Rex angebatur admodum in animo, ueritus, quòd si Carolus frustra oppugnaret urbem, fore, ut ipse præ ceteris ualde periclitaretur. Carolus autem metuebat, ne si rex discederet, bellum aliquod excitaret. Atq; hinc uidere licet, quàm sit misera conditio summorum Principum, et quàm inter eos nulla queat esse firma uoluntas aut amicitia. Fecerant hi duo pacem ante dies quindecim, eamq; iureiurando sanciuerant, et tamen ut alter alteri fidem haberet, fieri non potuit. Rex ut ab ea sollicitudine se eximeret, horam unam postquam domum redijt, ex familiaribus Caroli, qui concilio interfuerant,

terfuerant, nonnullos accersit: rogat quid sit decretum. E quibus cum audisset urbem oppugnandam esse, coepit periculi magnitudinem proponere, et rei difficultatem, prudenter admodum, ita quidem, ut plerique omnes adficerentur, eò quod nemo ferè esset, qui non extimesceret oppugnationem, partim ob multitudinem et numerum hostium, partim propter insignem illam superioris noctis audaciam: ideoque maluissent uel differre per dies aliquot, uel cum hoste pacisci. Referunt igitur ad Carolum, quid regi, quid etiam ipsis uideretur: sed tamen à rege dicebant omnia proficisci: propterea, quòd metuerent, ne, si uiderentur diuersum sentire ab eo, quod constitutum erat, offenderetur. Ille in peiorem partem interpretatus, dicebat hoc à rege fieri, quòd seruaret hostem, longè alium esse rerum statum, denudatum esse hostem moribus, et si qua fecissent propugnacula: iam illa esse distecta tormentis, non se prætermisurum esse oppugnationem: Quòd si rex uellet interea Namurcum discedere, non se repugnare, ueruntamen ita, ne illinc, nisi bello perfecto, digrediatur. Ea oratio nulli magno pere placebat, quòd superioris noctis eruptione, ualde essent metu occupati omnium animi. Rex prudenter et amice respondit, non modo non abiturum se aliquòd, sed uelle etiam interesse rebus omnibus. Sane, si subducere se uoluisset, mea quidem opinione, facile poterat ea nocte. Nam erant cum eo centum sagittarij stipatores,

teres, & nobiles aliquot, & in propinquo trecenti ca-
 saptracti, sed honoris & existimationis rationem in pri-
 mis habebat. Sub armis igitur quieti sese aliquantulum
 dabant omnes, donec illucesceret: nonnulli etiam de sua
 salute solliciti, faciebant quod in tam presenti pericu-
 lo fieri solet. Posteaquam illuxit, & iam appeteret ho-
 ra constituta: Carolus, emissis aliquot tormentis, ita ut
 decretum erat, signum dabat agmini illi, quod in diuersa
 uerbis parte longius à nobis aberat. Expediti igitur illi
 progrediuntur ad oppugnandum. Fit clangor tuba-
 rum, & signa militaria moenibus inferuntur. Rex cum
 suis copijs erat in media uia. Cum ad muros uenturus
 esset: reperimus omnia loca uacua defensoribus, præ-
 ter unum aut alterum excubitozem. Reliqua omnis mul-
 tudo præsum iterant, et quoniam sacer erat ille dies
 dominicus, non putauerant futuram oppugnationem.
 Parum est certe præsidij positum in promiscua multa-
 tudine, nisi contineatur aliqua necessitate & imperio.
 tamen si tempus incidit, cum ipsorum furor & repentinus
 impetus, ualde est pertimescendus. Erant illi iam pridem
 exhausti & fessi, partim anterioris noctis eruptione et
 uigilia: partim superiorum dierum laboribus & ærum-
 nis. Cogebantur enim simul omnes ad defensionem sta-
 re, quoniam undiq; & muro et alijs omnibus præsi-
 dijs erant denudati. Primum nostrum agmen ante nos in ur-
 bem peruenit, paucis admodum occisis, eo quod popu-
 lus trans Mosam profugens, Arduennam solum &

loca uicina petebat. Qua parte nos eramus, tres modo uiros, & foeminam unam necatos uidi, reliqui omnes aut fuga se mandabant, aut in templa, & aedificia sese abdebant. Rex, cum uideret nulla parte resisti: placide progreditur. Eramus in uniuersum ad quadraginta hominum millia. Carolus paulo longius in urbem prouectus, conuertit se ad regem, & cum in curiam eum deduxisset, contendit ad aedem diuo Lamberto sacram, quod est eius urbis amplissimum templum. In illud milites conabantur irrumpere, ut praedam auferrent, & tanta quidem fuit uis illorum, ut etiam praesidio & custodia, quam Carolus ibi collocauerat, cohiberi non possent, quominus in utramque portam eius templi inuaderent: in eoque tumultu uidi, cum ipsemet è suis familiaribus quendam interfecit. Sedata uix tandem turba, qui confugerant eo, capti fuerunt una cum bonis. Praeter hoc templum, reliqua fere omnia direpta fuerunt, dum simularent milites, inuestigare se hostem profugum & latitantem. Pontifex Romanus deinde sacris interdixit, omnibus, qui, quod è templis abstulissent, non redderent. Hoc illius edictum Carolus per suas prouincias omneis iussit esse ratum. Capta urbe atque direpta, Carolus sub meridiem redit in curiam. Rex iam pransus erat, & magnum latitiae signum praese ferebat, ualde praedicata uirtute et fortitudine Caroli, ad quem haec omnia sciebat deferri. Nec enim aliud spectabat, quam ut primo quoque tempore domum rediret. A prandio
uenit

uenit in colloquutionem cum Carolo, et sicut antea uenibementer predicauerat apud alios absentem: ita quoque tunc presentem et coram, non poterat satis magnis laudibus efferre. Sed nunc aliquantulum digrediar ad oppidanos, ut demonstrum, quod in his commentarijs non semel dixi, quam sit res periculosa, et plena calamitatum, facere aduersum praelium. Fugiebant miseri cum uxoribus et liberis ad Arduennam syluam. Profugientes, nobilis quidam uir eius regionis, qui rebus secundis amicus illorum fuerat, oppressit, et ad motum fortune se quoque mouit, et ut uictori gratificaretur, datis literis, plenius etiam atque uberius ad ipsum nuntiabat, eaque ratione fuit ei reconciliatus. Alij fugiebant Maceras, Gallie oppidum, ad Mosam, in finibus Campanie positum. Duces aliquot ipsorum, captiui ad Carolum perducti, supplicio fuerunt adfecti. Ex multitudine nonnulli, et fame, et frigore, et longis exhaustis uigilijs moriebantur. Quinto die post captam urbem, rex per eos, quos a se putabat esse non alienos, Carolum de sua protectione sollicitat, sed et ipse collocutus, ait, si praeterea sui possit esse usus aliquis, ne labori suo uel periculo parceret, sin minus, ut eius uoluntate sibi discedere liceat, quod in senatu Lutetiae curet pactiones recitari. Sic enim fert Galliae consuetudo: et alioqui non sint ratae futurae, tametsi regum potestas in ijs rebus omnibus est singularis et eximia. Rogabat etiam, ut per aestate alicubi in finibus Burgundiae conuenirent, amiri recreandi causa. Ille, tametsi non nihil

submurmurabat: annuit tamen, & uolebat presente rege denuo recitari conditiones, ut si quid in ijs offenderet, id palam contestaretur, & liberum ei faciebat, ut uel ratas haberet illas, uel repudiaret, nonnihil etiam excusabat, quod ipsum eousq; perduxisset. Deinde, pro nobilibus illis, qui nuper ex Burgundia uenerant, quorum possessiones atq; facultates rex tenebat, intercessit ut in integrum restituerentur. Rex, licet agere ferret hanc intercessionem, assentitus est tamen, ea lege, si ipse inuicem restitueret Comitum Niuernensem, & familiam Croiorum. Eius rei iniecta mentione, nihil amplius urgebat. Sic enim illos oderat, ut reconciliationi nullus esset locus. Quantum ad conditiones attinet, rex aiebat, nolle se quicquam mutare, atq; ita discessit, per aliquod uisum spaciū deductus à Carolo. Cum essent digressuri, percontatus eum rex, Si frater, ait, qui nunc est apud Britannum, nolit esse contentus illa portione hereditaria, quam in tui gratiam dedi: quid uis ut faciam? Carolus repente, nihil prameditatus, quod si recuset, inquit, fac ut eum quacūq; ratione pacatū reddas: equidem uestro arbitrio totum hoc permitto. Que sola uox magnorū deinde motuam causa fuit, ut postea dicemus. Abeuntē ex nobilitate complures, mandato Caroli, prosequēbantur in fines usq; Gallie. Carolus interea Leodij substitit, qua in urbe nullum genus atrocitatis prætermissum fuit. Crudeliter enim multā gesserant & effrenatē Leodienses in Burgundiones, iam inde ab auro Caroli, ruptis

omnibus pactionibus: et quintus hic erat annus belli, quod cum eis gerebat. Et quanquam Pōtīfex Romanus eis interdixerat sacris, propter cōtumelias Episcopo factas, pergebant tamen in sua insania, contemptis omnibus edictis. Post abitionem regis, Carolus constituit, proficisci in uicinam regionem Francemontanam, è qua prodierant sexcenti illi pedites, de quorum audacia insigni supra diximus. Verum antequam discederet, capti, qui occupata urbe, sese passim in edificijs abdiderant, magno numero in flumen precipitati, submergebantur. Mandabat etiam, ut urbs exureretur tota. Eius negotio destinati sunt ad quatuor hominū millia, Luxenburgenses omnes, quibus iniunctum fuit, ut à templis incendium prohiberent. Primum igitur omnium rescinditur insignis pons lapideus, qui Mosam coniungit: et disponuntur milites, qui à Canonicorū aedibus, et ab omnibus templis uim arcerent. Post hæc, Carolus urbe excedit, et uix paululum progressi, conspiciamus ignem multis in locis per urbem, ad oram fluminis. Ac licet eo die conficeremus ad quatuor milliaria, tantus tamen extitit clamor et strepitus, ut nobis planè uideremur esse in propinquo. Tempia propè omnia fuerunt incendijs erepta, et circiter trecentæ domus in usus Ecclesiastici ordinis hominum: quæ deinde causa fuit, ut ex his reliquijs, breuissimo tempore, urbs reedificaretur, Francemontanos bipartitò sumus aggressi, disiectis ipsorū ferarijs officinis, quæ sola ferè ratione uictum sibi parant

eius regionis miseri homines, qui cum in sylvas proficis-
 gissent: peruestigati à nostris, partim occisi, partim cap-
 ti fuerunt, & rebus omnibus exuti. Tam grauis autem
 erat hyems, tantumq; frigus, ut ex nostris vir quidam
 nobilis, pedem, alius uero digitos manuum amitteret.
Vinum sic erat astrictu gelu, in ipsis uasis, ut securi fra-
ctum distribueretur militibus, qui ascito aliunde calo-
re, circumferebant illud, donec liquesceret. Commorati
 ibi per dies octo, cibarium inopia coacti, discessimus.
 Carolus per Namurcorum fines in Brabantiam reuer-
 sus, honorificentissime fuit exceptus.

PHILIPPI COMINAE

commentariorum Liber quartus.



EX à Carolo digressus, redijt in Galli-
 am, & uidebatur non impatienter il-
 lud ferre, quod Peronæ & Leodij acci-
 derat. Renouatum est quidem inter eos
 bellum, uerum, interiecto aliquo temporis interuallo.
 Et quamquam illa Peronensis custodia conciliauit ali-
 quod odium: non tamen fuit præcipua belli causa, &
 pacis conditiones erant regi non intolerabiles: Verum
 Carolus, & impulsus ab alijs, & etiã sua sponte, co-
 gitabat amplificare fines: deinde, subtili quadam ra-
 tione iacta fuerunt nouæ simultatis atq; disidiij semina,
 ut suo

ut suo loco sum dicturus. Frater regis, ubi de Peronensi compositione accepit, misso legato, petit in eius ditionis quam rex dare promiserat, possessionem mitti. Carolus etiam magnopere hortabatur eum, ne aliam provinciam, præter Campaniam, et huic adiuncta loca, sibi pateretur obtrudi: mentione facta, quam esset eius studiosus, ut qui rationem non ipsius tantum, sed et Britannii, in hac pacificatione habuisset, cum ab eis tamen antea fuisset exclusus atque desertus. Orat igitur, ut Campaniam postulet sibi tradi, quæ quidem regio sit utriusque persopportuna: Nam si rex aliquid adversus ipsum aliquando molitur, fore sibi non difficile, opem ei ferre ex vicina Burgundia. Ille vero, tamen si uicesimum ætatis annum excesserat, totus tamen ab alijs pendebat: et commedabant inter principes in hac causa crebri internuntij. Rex enim, qui nollet eos pariter sibi finitimos esse, aut ijs locis inueterascere, nihil minus habuit in animo, quam dare Campaniam: sed conabatur ei totis uiribus persuadere, ut ea ditione relicta, susciperet bonam Aquitaniam partem. Ille autem inuitus admodum eò descendit, ueritus, primum, ne Carolum offenderet, deinde, si quidem assentiretur, ne non seruato promisso, delusus à rege, et præstantissimi amici et facultatum iacturam faceret. Cum igitur frustra se rex moliri uideret: Odetum quendam, uirum nobilissimum, et summæ apud fratres autoritatis, magnis præmijs et pollicitationibus conducit, ut ad Aquitaniam possessionem illam impellat,

que Campania longe sit amplior & copiosior: cupere se perpetuam cum ipso colere amicitiam, & fraternam ei benevolentiam prestare: hanc autem rationem sibi uideri optimam, & utriq; commodissimam; non dubium esse, quin, quod polliceatur, exhibeat. Odetus conditionem accipit, & Principi suo, quod rex cupiebat, persuadet, inuitissimo Carolo, ipsiusq; legatis, qui tunc, quum istud perficeretur, aderant. Cardinalis autem Baluensis, quod fratrem regis erat literis hortatus, ut pactio nem Peronensem urgeret, in carcerem coniectus fuit. Quibus rebus constitutis, regi cupiditas quaedam maior incescit ulciscendi, quam sibi putabat à Carolo factam esse iniuriam, atq; ut id perficeret, putabat se nactum esse tempus idoneum, initis igitur clandestinis consilijs, hoc agit, ut oppida illa, quæ sunt ad Samiam flumen, excitato motu, & rebellionem facta, militem suum admittant. Principes, illi presertim, qui non sunt inepti, suis negocijs aliquam semper honesti speciem prætexunt. Atque ut intelligi possit, quàm sint in eiusmodi rebus ingeniosi Galli, recitabo, quicquid in huius causæ tractationem incidit, Nam & redintegratum est inter utrosq; bellum, et in eo suscipiendo circumuenti fuerunt ambo. Rex insimulabat Carolum nimie cupiditatis, quod præter ius et equum uellet proferre limites, ideoq; totus in hoc erat, ut illa, quæ diximus, oppida, molirentur res nouas. Ibant ultra citroq; nuncijs qui mittebantur à rege, per eas urbes, quas ille sollicitabat, iter faciebant, eaq; tunc occasione mandata

mandata secreto perficiebant. Quoniam belli nulla erat suspitio, facta nuper pace, nullis presidijis ea loca continebantur. Vt unum ex alterum oppidum rex occuparet, non erat facturum bellum, sed eo tendebat, ut per omnes Caroli provincias, populum ad rebellionem concitaret. Ad eam rem, non deerant, qui magna pollicebantur, quasi favore ex gratia plurimum in ditione Caroli possent. Verum, etsi doloris ac offensionis causam aliquam rex habebat: tamen, si quod postea evenit, praeogitasset: non erat uiolaturus pacem, quam trimestri post, quam Lutetiam redijt, diuulgari iussit. Timide quidem renouauit bellum, sed incitabat eum ultionis amor. Deinde Connestablius, magni uir consilij ex uirtutis, ac familiares aliquot Aquitaniae Ducis, bellum, quam ocium malebant. Pacis enim tempore metuit Connestablius, ne, quos habebat à rege prouentus ex pensiones, diminuerentur: Ad haec, plerique regem eo esse ingenio dicebant, ut si nullas haberet externas occupationes, domi turbas excitaret, ex quia suis commoditatibus ocium illius putabant esse contrarium, ideo dabant operam modis omnibus, ut ad arma protruderetur. Et Connestablius quidem, quod possessiones haberet in finibus; promittebat se occupaturum esse facile Sanctoquintinum, neque sibi deesse rationes, instigandi aduersus Carolum, multas ex Brabantiae ex Flandriae ciuitates. Aquitanus etiam, qui ei concilio intererat, auxilia promittebat, circiter quingentos equos

phratlos. Et licet bellum isti suaderent, atq; in Caroli perniciem uiderentur confpirasse: longe tamen alium finem spectabant. Rex, quum uellet uideri, non sine causa bellum suscipere: conuentus egit apud Turones, quod neq; ante id tempus unquam fecerat, nec postea fecit, uerum eos conuocauerat solum, de quorum uoluntate nihil dubitabat. In eo conuentu exposuit, quàm iniquè Carolus multa in detrimentum Gallie moliretur. simul nobilem quendam summittit, qui grauius conqueustus, iniurias ab illo sibi factas esse complures dicebat: in primis autem, quod fide illi esset obstrictus, et cogeretur ei ad quoduis etiam bellum auxilia polliceri. Aderant in eo concilio multarum ciuitatum legati. Communi tandem consensu omnium decernitur, Carolum euocandum esse Lutetiam in senatum, ad certam diem. Sciebat enim Rex, futurum, ut ille ad hunc modum citatus, aut superbè responderet, aut aliquid in contemptum senatus admitteret: quo maiorem se uidebat habiturum esse faciendi belli occasionem. Mittitur ilico nuncius publicus, per quem, Gandauim iret ad sacrum, citatur. Præter opinionem hoc ei prorsus accidit, et ubi per dies aliquot in custodia nuncium detinuisset, dimisit. Certior autè factus à nominatulis, quid ageretur: ex promiscua multitudine conscribit militem mercenariū, ut in omneis casus essent expediti. Eorum delectus habebat singulis mensibus. Tandem cepit cum federe huius impense. Itaque omni se metu

metu liberauit, remissa cura & diligentia, praesentim,
 cum frequentes acciperet à rege nuntios, et in Hollandi-
 am sese contulit, nullo relicto milite in praesidijs, ad
 finium defensionem: quae quidem res infelicitè et
 uertit, ut postea dicemus. Dum esset apud Hollandos
 Borbonius ei nunciat, fore, ut breuè in Picardia tam-
 tum, sed & in Burgundia ei bellum inferatur: quosdam
 è suis communicasse consilia, suamq; operam regi esse
 pollicitos. Eo nuncio ualde fuit commotus. Nec enim
 militem habebat ullam, & quas nuper conduxit copias,
 eas dimiserat. Traiecto igitur mari, Hesdinum uenit,
 quod est apud Atrebatos oppidum. His demum aliqua
 suspitione collecta de rebus, quae secretò gerebantur,
 lentè nihilominus & remissius agebat, quòd rumor et
 auditionibus illis fidem non haberet. Cumq; duos cives
 Ambianos, de quibus non bonam habebat opinionem, con-
 ceruisset, audita illorum purgatione, satisfactionem
 accepit. Verum in hoc tempore quidam eius familiares,
 ipso deserto, transierunt ad regem. quò magis metuere
 coepit, ne alij hoc exemplum imitarentur. Itaq; suos in
 armis esse iubet. Sed & hyems suberat, et ab Hollandia
 iam primum redierat: quae causa fuit, ut pauci admo-
 dum expedirentur. Postquam illi, de quibus diximus, ad
 regem se contulissent. Connestablius Sanctoquintinum
 ingressus, oppidanos fide & iurando regi deuoca-
 uit. Tunc primum Carolus periculum suum agnouit.
 Nam & imparatus erat, et tribunos, militumq; praefo-
 ctos emis-

hos emiserat, ut copias contraherent: ueruntamen cum
 illis ipsis, quas habebat, cohortibus, Dorlanum profi-
 ciscitur, comitatus circiter quingentis equis, ut Ambia-
 nos uacillantes contineret. Ibi per sex dies substitit.
 Exercitus regis, qui erat in propinquo, certa die pro-
 pinqua urbem accessit, sed quod e ciuibus nonnulli rebus
 Caroli fauebant, non fuit intronissus. Et si Carolus
 maiorem habuisset manum, seruasset urbem. Cum au-
 tem propter paucitatem suorum non auderet progre-
 di: qui contrarias partes in oppido sequebantur, eo
 motu deprehenso, regium militem admittunt. Idem con-
 giungunt Abbeuillam perficere, sed Cordaeus maturè in-
 gressus, anteuertit. Carolus de capto Ambiano certior
 factus; quia Dorlanum ab eo quinque tantum milliar-
 iis abest, celeriter illinc digressus, Atrebatum profi-
 ciscitur, ualde sollicitus, ne plures à se deficerent, pra-
 fortim, cum se uideret undiq; septum esse propinquis
 et amicis Connestablij: Sed et domesticorum ille,
 quam dixi, transitus ad regem, augebat ei metum et
 suspicionem: cogebatur tamen interea is, quem con-
 scribi iusserat, exercitus. Rex, qui crederet se iam per-
 uenisse quò uoluit, nitebatur totus Connestablij et ali-
 orum pollicitationibus: et nisi ea spes ipsum excitas-
 set, non erat eo usq; progressurus. Iam uero, quamob-
 rem, Connestablius, et Aquitania Dux, et eius fami-
 liares tantopere cuperent bellum antea sedatum renou-
 are, dicendum est. Vnam et alteram causam paulò
 supra

supra recitavi, sed hæ non erant precipue. Aquitanum in matrimonium habere cupiebat Caroli filiam unicam: & ipse quidem Carolus aliquando interpellatus, non admodum repugnabat, sed ut prorsus assentiretur, impelli non potuit, & consimili spe multos alios alebat. Ambiano & Sanctoquintino in Regis potestatem adductis: Aquitanus ad Carolum, qui apud Atræbates exercitum instruebat, literas mittit breves admodum, in hæc verba. Da solum operam, ut ditionis tue populum habeas non alienum abs te, quantum ad reliqua pertinet, ne sis sollicitus, nec enim amici tibi deerunt. Carolus, qui initio rebus ualde metuerat, misso legato, Connestablium orat, ne bellum nimis infestè gerat, quod sibi nihil opinanti, neq; præmonesacto sit illatum. Eo nuncio multum exhilaratus ille, quod se rede-
gisse Carolum putabat eò loci quo cupiebat, respondit, versari ipsum haud dubie in maximo discrimine, & unam modo rem huic difficultati subsidio esse posse, nempe, si filiam Aquitano dederit uxorem. Ita futurum, ut præter generum, alij etiam Principes auxilia subministrarent: se quoq; Sanctoquintinum esse redditurum, & paratum arma sumere pro ipso. Quod nisi matrimonium hoc interueniat, non esse integrum sibi, quicquam tentare, propter eximiam regis potentiam, qui & exercitum expeditum, & per Flandriam multos habeat à se non alienos. In eam sententiam plurima nunciabat plena terroris, imprudenter sanè faciunt,
qui suos

qui suos Principes in metu continere uolunt, nec ulli
 cui ea res bene cesserit, noui, Spectare hoc licet in Con-
 nestablio: Nam tametsi ad regem se contulerat: ipsius
 tamen facultates omnes ac liberi erant in potestate Ca-
 roli. Constituerat ambos tenere dubios inter spem et
 metum, sed eius audacie tandem poenas dedit. Cum
 enim nemo sit omnium, qui non cupiat se in libertatem
 asserere: qui non male uelit ijs, à quibus aliqua serui-
 tute uel metu coercetur: hæc sanè libertatis cupiditas,
 et seruitutis odium, maxime uigent in Principibus.
 Carolus igitur acceptis Connestablij mandatis, quoni-
 am intelligebat eum huius belli facem accendisse, ma-
 gnam aduersus eum concepit odium, inprimis autem
 idèd, quòd ille quibusdam terriculantis cogitaret si-
 bi nuptias extorquere. Et quia coactas iam copias ha-
 bebat: nihil erat magnopere sollicitus. Ex ijs, quæ de
 Aquitano primum ac de Connestablio deinde diximus,
 facile est uidere, de composito rem inter ipsos actam
 fuisse. Nam eodem serè tempore, Britannus etiam mul-
 ta in eandem sententiam, et serè terribiliora nuncia-
 bat: nec id modo, uerum etiam è suis proceribus cui-
 dam potestatem fecit, ut cum centum cataphractis Bri-
 tannis regi militaret. Quæ omnia eò recitauì, ut demon-
 strarem, primum, eo consilio bellum hoc susceptum fuisse,
 ut Carolus ad nuptias cogeretur: deinde, regem à suis
 iudificatum fuisse, quando iniecta spe rebellionis, per-
 ditionem Caroli, ad bellum fuit impulsus. Ficta enim
 erant

erant propè omnia, & temere excogitata, tametsi Con-
 nestabilius, odio Caroli, quem à se grauitè offensum &
 exacerbatum esse nouerat, fidelem & egregiam ope-
 ram in eo bello regi præstabat. Sed et Aquitanus acriter
 bellū gerebat, ideoq; res Caroli malo erant loco. Quod
 si uoluisset initio spondere nuptias: qui nunc ipsum op-
 pugnant, conuersis armis, conati fuissent totis uiri-
 bus potentiam regis infirmare. Sed qualiacunq; tandem
fiat hominum consilia, Deus pro suo arbitratu solus
omnia moderatur. Acciderunt hæc omnia, breui tempo-
 ris interuallo. Nam capto Ambiano, quindecim post
 diebus, Carolus cum exercitu prope Atrebatum conse-
 dit. Nec enim retrocesserat longius. Inde rectà contem-
 nit Piccenium. In uia fit obuius ei tabellarius quidā Bri-
 tanni, cum eiusmodi mandatis. Regem inter alia multa
 nunciassè Britanno, se per dittones Caroli, multa
 habere amicos, in primis autē Antuerpiæ & Bru-
 xellæ & Brugis, & constituisse ipsum circumuallare,
 quocunq; tandē loco deprehendat. Hæc ille Carolo si-
 gnificabat, in gratiam, ut opinor Aquitani, quò magis
 eum ad nuptias instigaret. Verum Carolus in sinistram
 partem interpretatus omnia, statim, non interiecta mor-
 ra, respondit, Britanno sic esse persuasum à suis aduer-
 sarijs & maleuolis, eo consilio, ut perterrefactus hac
 ratione, sibi nō ferat opẽ, q; alioqui facere debeat, pro
 communi foedere & societate inter ipsos: Gandauum,
 et eas, de quib. dixisset urbes, multò esse maiores, quàm
 ut circum-

ut circumfideri possint, & firmiores, quàm ut breuent
 & facilem habituræ sint oppugnationem: domum re-
 uersus diceret Britanno, se constituisse trajcere Som-
 iam flumen, & praelio decertare cum rege, ubicunq;
 tandenteius rei potestas futura sit: orare se Britannum,
 ut se contra regem adiuuet, eamq; fidem & amorem
 sibi uicissim præstet, quàm ipse in Peronensi pacifica-
 tione illi præstiterit. Postero die uenit Piccentiam, quod
 est ad Somiam oppidum, natura munitum, atq; ibi con-
 gitabat ponte coniungere flumen: sed erant forte in
 oppido circiter quingenti sagittarij, & pauci quidam
 nobiles. Li cum uiderent transeuntem illum, eruptione
 facta, tam longe sunt progressi, ut terga dare cogerentur,
 plerisq; desideratis, ante quàm receptum haber-
 rent ad suos. Capto deinde suburdio, & tormentis ali-
 quot admotis, tametsi ea parte, propter interiectum
 flumen, capi non poterat oppidum: sagittarij tamen
 metu perculsi, cum uiderent pontem effici, & ueriti,
 ne ab altera parte obsiderentur, in fugam conuersi,
 discedunt è statione, relicto oppido. Castellum uero,
 cum per unum & alterum diem sustinisset impetum
 hostilem, deditionem fecit. Ea re perfecta, licet non
 admodum magni esset momenti, factus est animosior
 Carolus, ac motis inde castris prope Ambianos con-
 sedit, affirmans, herere se ijs locis, & expectare, an
 praelio rex concertare uellet. Tandem ita propè ad
 urbem accessit, ut tormentis etiam, modo uellet, op-
 pugnat

pugnare posset, atq; ita per mensem unū & dimidiatū ibi restitit. Erant in oppido pro rege, mille quadringenti cataphracti, & quatuor sagittariorum millia, quibus omnibus & Connestablius & Amiraliius, & proceres alij multi praeerant. Rex interea cogebat exercitum apud Bellouacos, & erant cum eo frater Aquitanus, et Nicolaus Calabriae Dux, natu maior filius Ioannis Calabriae & Lotharingiae ducis, & res unicus familiae, et domus Andegauensis. Qui erant Ambiani in praesidio, cōstituerant eruptionem facere in Carolum: si modo rex eum, quem habebat in Bellouacis exercitū, auxilio mitteret. Rex autem certior factus, prohibuit, ne quid tentarent. Tamen si enim haec eruptio uidebatur posse non incommode fieri: tamen ipsis, qui erumperent, erat fortasse periculosa futura. Duabus enim portis erant erupturi, quarum altera nō procul distabat à nobis, ideoq; si reiecti fuissent, quoniam pedites erāt omnes: & se & urbem in discrimen adduxissent. Dum haec geruntur, Carolus per adolescentem quendam, Simonem Quintianum, dat literas perbreues ad regem: queritur ualde sibi dolere, quod instigatus à nonnullis, bellū sibi intulisset, quod sua quidem sententia, facturū nō fuerit, si modo recte fuisset de rebus omnibus edoctus. Alter Regis exercitus in Burgundia foeliciter rem gerebat, plerisq; omnibus, qui restiterant, profligatis, & captis aliquot castris. Ea re commotus fuit nonnihil Carolus, ueruntamen longe diuersum rumorem in castris edidit. Acceptis

H

literis rex, ualde fuit exhilaratus, iamq; tadebat eum
 moræ & longioris belli. Posteaq; ad eas respondit, pote-
 statem suis fecit, qui erant Ambiani, ut de inducijs cum
 illo agerent: quæ primum quidem pactæ fuerunt in dies
 aliquot, postea uerò in annū, nisi fallor. Grauitè istud
 tulit Connestablius, qui, tametsi aliter nonnulli sentiret,
 infestissimus erat Carolo, & post aliquot: inter ipsos cō-
 mutata uerba, graue conceperant odium, alter in alterū
 Interea tamen per internuncios aliquæ præbebant a-
 micitiæ speciem. Connestab. quidem, quòd opinio-
 nem amicitie cum Carolo, sibi uidebat utilem esse ad re-
 tinendam authoritatem: Carolus autem, ut odij dissim-
 ulatione, Sanctoquintinum aliquando recuperaret.
 Quoties enim aliquid incidit, ut regem uereretur Con-
 nestablius: promittebat Carolo eius oppidi restitutionem,
 nec id modo, uerum etiam iubebat aliquando
 propius eum accedere cum copijs, intromittendi spe
 magna iniecta. Cūq; Carolus fidem eius & promissa
 non semel secutus, id tentaret: ille mutata sententia, di-
 uersum renunciabat. Nam quia summam obtinebat au-
 thoritatem, et amplissimas habebat à rege pensiones an-
 nuas: cogitabat eos per hæc dissidia continere in perpe-
 tuo metu. sed consilium ipsius erat periculi plenum, ob-
 uirtutem & potentiam et industriam illorū. Pactis in-
 ducijs, & dimisso exercitu, rex in Turones proficisci-
 tur. Et is quidem fuit aliquandiu rerū status. Carolus ad
 suos reuersus, conuentus agit, in ijsq; demonstrat, quan-
 to suo

to suo factum sit detrimento: quod in promptu non habeat, & in omnem euentum expeditas copias: Quod si quingentos tantum habuisset cataphractus, ad tuitionē finium, non fuisse regem denuo facturum bellum: et nisi provideat, imminere sibi suisq; prouincijs multo maiora incommoda. Quamobrem hortatur & instat, ut stipendia cōferant, quibus alat octingentos cataphractus. Populus, & si grauate id faceret, assenserunt tandem id temporis, eiq; centum & uiginti aureorū millia debebant, in eaq; collatione non fuit comprehensa Burgundia. Sanè, nō absq; causa difficulter & inuitus eò descendit populus. Mouebat eos exemplū Gallie, quæ perpetuum alit equitatum. Sic enim sunt Principes, ut paulatim crescat in ipsis ambitio & cupiditas: et quò maioribus nituntur præsidijs: eò facilius captant simultatū & dissensionum occasiones cum uicinis. Hæc, de qua diximus, contributa pecuniæ summa, creuit deinde ad quingenta millia, creuit etiam numerus equitum, non absq; magno populi dispendio. Verum quidem est, equæstres illas copias, bonam operam posse nauare, quando reguntur prudentis alicuius Principis autoritate: sed si Princeps aut imperitior sit et ignauus, aut liberos relinquat paruulos: magis ferè nocent, quam prosunt prouincijs, quarum defensionī sunt destinatæ. Augescebat in dies magis atq; magis odium inter regem et Carolum. Aquitanus etiam domum reuersus, per legatos frequēter Carolū de nuptijs sollicitabat, et albaturo

bona quadam spe. sicut alij multi. Sed arbitrør, Carolus non fuisse daturum ulli suam filiam, ac seruaturum potius, ut affinitatis iniecta spe, multorum amicitiam sibi conciliaret. ~~Moliebatur enim res ingentes, ac tales omnino, quibus perficiendis humana uita nõ sufficiat.~~
~~Vix enim dimidia pars Europæ, mentem illius potuisset explere.~~ Animo quidẽ erat inuictò, & ad omnia subeunda parato, et ea corporis firmitate, ut quemuis laborem sustineret: deinde ijs facultatibus & potentia, ut præ ceteris aliquid magni posset: uerũ nec ingenij uim satis magnã, neq; malitiæ satis habebat ad perficiendas res tam arduas. Nam eum, qui late dominari uelit, oportet excellenti quodam & singulari præditum esse ingenio: idq; totũ pendet à beneficio Dei. Quæ in rege erant uirtutes, atq; etiam in Carolo simul temperatæ: potuissent perfectũ Principis exemplar representare. Sed ingenio certe rex multum illi præstabat, idq; rerũ exitus tandem docuit. Quoniam ad hunc locum peruentũ est: præterire non possum, quin de rebus Anglicis aliquid adferam. Suprà diximus, Carolum, ut firmiori præsidio se muniret aduersus regẽ, & quosuis alios: uxorem duxisse Eduardi Angliæ regis sororem. Erat tũ in Anglia Comes Beruicensis, longẽ potentissimus inter alios proceres. Is paulò antè quàm Carolus Ambianum uenisset cum exercitu, cœpit dissidere ab Eduardo: ad eamq; dissensionem nonnihil contulerat Carolus, primum: quòd indigne ferret, tantam esse Comitibus illius auctoritatem

in

in Anglia: deinde, quod non ignoraret, eum esse studiosum Ludouici regis. Verū ea tunc fuit Comitissæ per Angliam potētia, ut multis Angliæ proceribus trucidatis, Eduardum in suam potestatem redigeret, ac ueluti captiuum aliquamdiu seruaret: liberaliter quidem et honestè, sed tamen ademptis ab eo familiaribus. Carolus igitur, cui hæc omnia uehementè displicerent: inuitis clandestinis consilijs, cogitabat Eduardum eripere, cumq; ipso in colloctionem uenire. Tandem eò deducta res fuit, ut elapsus ille, contractis modicis copijs, Beruici Comitissæ cohortes profligaret: sed oppressus tandē ui maiori, cū duabus nauibus, et circiter octingentis militibus profugit, pecunia, et rebus omnino necessarijs destitutus. Miserum sanè spectaculum, uidere tam potentem Principem, possessionibus exutum, fuga sibi salutem petere, et tam indigna pati à suis beneficiarijs. Vixerat per annos duodecim in summis delicijs et altissima quiete, planè securus, et hoc solū spectans, ut quàm suauissime in rebus omnibus haberet. Fugiēs, cursum tenebat in Hollandiam, et tamen si consectarentur eum hostes, tamen, quoniam maiori interuallo præcedebat, elapsus, in orā Frisiæ peruenit, ad oppidū Alcmariam, quod ad Hollandiam pertinet. Eo in loco tum erat illius regionis præfectus, iur honestus, qui liberaliter ipsum excepit, et datis uestibus, nō ipsi modo, sed et eius comitatui, ad Hagā, Hollandiæ uicem perduxit, re omni statim ad Carolum perscripta, qui eo nuncio ualde fuit commotus.

1471.

Intermissis aliquot diebus, uenit ad Carolū Eduardus, apud Atrebatē, eumq; pro auxilijs uehemēter sollicitabatur, ut i primo quoq; tempore domū redire posset, affirmans, esse complures in Anglia, qui suis rebus faueant, ideōq; orabat, ne ab ipso, qui et socius esset, et confederatus, et sororius, destitueretur. Carolus autē, ne multorū odia uno et eodem tempore in se cōciteret: palam quidem simulabat, se nullam ipsi opē ferre, idq; publico edicto cauit, clanculum autem, interpositis alijs, iuuit eum quinquaginta millibus aureorū, et classe quatuordecim nauium. Ad hunc modum instructus ille, quo tempore Carolus prope Ambianos cū exercitu substitit aduersus regem in Angliam decurrit: quō simulatq; uenit auxilia reperit, ad duo hominum millia, et in ijs circiter quadringentos nobiles. Quare cognita, Beruicensis, magna celeritate cum exercitu progreditur, ut Londinum prior occuparet, sed praeuertit Eduardus, et cū ingenti ciuium applausu perbenignè fuit exceptus, contra plurimorum opinionem, eo, quod profligatus esse crederetur. Quod si fuisset ab ea urbe interclusus, actū erat, praesertim cum hostis in propinquo magnū haberet exercitū. Tres autē fuerūt omnino causae, cur facillē haberet ad Londinenses aditum. Primū, recens natus ei filius, deinde, et conflatum: Creditores enim et reditum ipsius in primis desiderabant, et facultates cupiebant esse quā maximas. Postremo, consuetudo illa et notitia, quā habuit, rebus florentibus, cum eius urbis foeminis,

foeminis, quæ maritos ad commiserationem & lenitatem facile impellebant. Londini biduo commoratus, & cū exercitu profectus in hostem, postridie illi occurrit, die Paschæ. Instructis utrinque copiis ad prælium, Clarentiæ Dux, deserto Comite, cum duodecim millibus hominum transit ad fratrem Eduardum, quæ quidem res et Beruicum uehementer conturbauit, et Eduardum, qui exiguas alioqui copias habebat, multum erexit. Fit pugna longe acerrima, et pedites erant omnes utrinque. Primum Eduardi agmen non mediocrem cladem accepit. Beruicus, cū ea parte copiarum, quas ipse ducebat, Eduardum petit, qui non imperatoris tantum, sed sirenui quoque militis officio fungebatur. Habebat hunc morem Beruicus, ut pedes non pugnaret, sed distributo exercitu, & rebus omnibus instructis, consuevit in equum ascendere, et si feliciter à suis rem geri conspiceret, ingerebat se medium, sin minus, fugæ sese mandabat. In hoc autem prælio compulsus à fratre, pedes dimicabat, & adeo fuit acris pugna, ut una cum fratre, & maxima nobilium turba caderet. Angliæ consuetudo fert, ut in præliis, belli duces atque nobiles interficiantur, seruata multitudine: sed Eduardus, cū à Carolo discederet, adiutus rebus necessariis, constituit non uelle, ne multitudini quidem parcere, eod quod contra se arma sumpfissent. Fuit igitur edita maxima cædes. Ipse tantum mille & quingentos è suis desiderauit. Quo die prælium istud factum fuit: Carolus erat prope Ambianum, ibi per literas certior fit ab uxore

Eduardum esse in ipsum animo minus beneuolo, quod auxilia sibi malignius præbita, et parū abfuisse diceret, quin omnino fuisset ab ipso desertus. Vt cūq; sit, indubitatum illud est, ab eo colloquio, quod apud Atrebatenses habuerunt, extinctam fuisse prope omnem, quæ prius fuit inter ipsos, benevolentiam. Veruntamen Carolus, quod existimabat hanc illius uictoriam ad suas quoque comoditates pertinere: passim diuulgauit eam, dimissis huc illuc nuncijs, Princeps Vuallie, qui secundum regem, primas in Anglia tenet: adiutus à suis confœderatis, exercitum habebat ad quadraginta millia. Quod si Beruicensis paululū modo differre potuisset, coniunctus cum ijs copijs: foeliciter, ut est credibile, pugnasset. Sed quoniam erat in eo exercitu Dux Sombresius, cuius patrem et fratrem ille necauerat: idcirco potissimū solus pugnare uoluit, non expectatis auxilijs. Interfecto Beruicensi, et cæso illius exercitu, Eduardus in Vuallensem rectā contendit, qui licet multitudine superaret: aduersum tamen prælium fecit, interemptus ipse cum multis proceribus. Sombresius è pugna superstes, et captus, postridie fuit interfectus. Beruicensis intra dies undecim occupauerat omnem Angliam: Eduardus autem intra dies uiginti totam recuperauit, et parta uictoria, supplicio multos diuersis locis affecit, præsertim cōiurationis Principes. Ab eoq; tempore pacatè quidē uiuit, et sine cōtentione fruebatur imperio: sed nō caruit tamen magnis animi molestijs. Quod reliquum est de rebus

rebus Angliæ, suo loco sum dicturus: nunc ad institutum reuertar. Aquitanus continenter urgebat nuptias propterea, quod cur incepto desisteret, aut desperaret: causam nullam Carolus præbebat, qui tamen nihil minus constituerat, quàm illi in eo gratificari, imò indigne ferebat, esse aliquos, qui putarent, se posse cogi: Connestablii ultro se ingererat, et uoluit omnem huius rei, si perficeretur, laudem et gratiam ad se redire: Idem etiam affectabat Britanni. Rex uero totis uiribus conabatur, tametsi nihil opus erat, impedire matrimonium, duabus de causis, ut aliquando diximus. Sed et Carolus non cupiebat habere tam potentem generum, et hoc solum agebat, ut spe matrimonij complures sibi deuinciret. Neq; uero mirum uideri debet, regem se totum opposuisse. Nam eo confecto negotio, ualde fuisset fratris aucta potentia, qui Britanno deinde coniunctus: in maximas difficultates regem ac ipsius liberos adducturus erat. Commeabant ergo super ea re plurimi inter ipsos nuncij, priuatim alij et secreto, alij uero palam. Que quidem res non caret suis incommodis et periculo. Sub legationum enim specie multa sæpe perniciose tractantur. Quanquam sane fieri non potest, quin et multos subinde mittant Principes, et uicissim accipiant, sed prudentia singulari et dexteritate quadam opus est in tractandis exterorum legatis. Et principio, meo quidem iudicio, amicorum legati, de quibus nullam habemus malè suspicandi cau-

sam, liberaliter sunt et honestè tractandi, facta subin-
 de illis potestate conueniendi Principis, ad quem missi
 sunt, modo sit prudens et honesta specie. Nam alioqui
 præstat, eum uel rarius conspici, uel non diu insistere
 colloctioni. Ad quam cum descendit, prouideri debet,
 ut sit eleganter uestitus, et de ijs, quæ pronuciari et
 responderi oportet, edoctus, et mox reuocetur à con-
 gressu. Nec enim diuturna est Principum beneuolen-
 tia. Cum autem uel publici uel privati ueniunt ab ali-
 quo Principe parum amico, tamen si periculum est in ea
 re non leue: excipiendi tamen sunt non incommode,
 et destinandi aliquot idonei homines, à quibus tracten-
 tur. Hoc enim ad honestatem pertinet, ac simul eò con-
 fert, ut quid agant, et quibuscum loquantur, et quos
 habeant sibi familiares, cognoscatur, nec id modo, ue-
 rum etiam, ut homines leues atq; seditiosi non habe-
 ant ad ipsos aditum. In omnibus enim Principum fa-
 milijs semper aliqui existunt, qui mutationem aliquā,
 et res nouas cupiunt. Et quoniam periculi plenū est,
 habere domi suæ hostem: suaserim, primo quoq; tem-
 pore eiusmodi legatos dimitti, uerum ita tamen, ne quā
 habeant occasionem de inhospitalitate conquerendi.
 Sed ne bello quidem exorto, sunt intermittendæ pacis
 rationes, aut repudiandi legati, uerum audiendi sunt
 omnes, ac inuicem ad hostem mittendi, ijsq; mandan-
 dum, ut diligentissime obseruent, quid quoq; tempo-
 re geratur, qui cum quibus colloquantur. Crebro
 enim

enim mittendum est, etiam si hostis iubeat abstineri deinceps, et commeatu prohibeat. Nec enim ullus, quantumvis prouidus et fidus explorator, facultatem habere potest, tam multa cognoscendi, quam eiusmodi legati, qui cum sunt unus et alter, aut etiam plures: fieri non potest, quin aliquid odorentur. Nam, qui sunt prudentiores Principes, id operam dant, ut etiam apud aduersarios habeant quosdam à se non alienos. Verum, si quis tam frequentes mittat internuncios, futurum est, dicat aliquis, ut hostis fiat insolentior. Atqui in eo sane nihil est mali, et interea de ipsius rationibus ac consilijs cognoscetur semper aliquid. Et licet eandem rationem hostis instituat, ut modo dixi, et suos inuicem mittat: non tamen idcirco desistendum est, et uel ob hanc solam causam immorandum est legationibus, ut uaria multa que cognoscantur. Huc etiam accedit, quod non omnes æque sunt ingeniosi: neque parem semper habent rerum usum, et quod quisque prudentior est in eiusmodi tractationibus: eo maiori cum fructu et honore in ijs uersatur. Quod ut clarius intelligi possit: exempli causa quiddam sum dicturus. Pactio nulla facta fuit unquam inter Gallos et Anglos, in qua non ingenij ui et acrimonia Galli præstiterint: adeoque prouerbio dicitur apud Anglos (quod ipsi aliquando mihi in rerum tractatione recitarunt) Quoties cum Gallis prælio concertauerint, uictores se plerumque fuisse, quoties uero cum illis pacti sint; detrimentum semper aliquod accepisse. Et recte

recte quidem ita iudicant. Habet enim Gallia præstantissimos viros, ex ijsq; noui non paucos, quibus rectissime committi possit maximarum rerum gubernatio: quorum ex numero sunt illi ferè, qui diu multumq; & familiariter cum Ludouico rege uixerunt. Fui aliquanto prolixior in hoc argumento, ut ostenderem, quemadmodum obseruari debeant externorum Principum legati: sed non temerè sum immoratus. Multa enim sub eo prætextu, & ab alijs uidi fieri, & feci ipse aliquando callidè, & insidiosè, quamobrem silentio hæc præterire non potui. Aquitanus aded diligenter agebat suum negotium apud Carolum: ut & uerbo & literis aliqua interueniret pollicitatio. Sed uidi, quando & Nicolaum Calabria Ducem, & Philibertum Sabaudia, & Maximilianum Friderici Caesaris filium, Romanorum regem, consimili quoq; spe ille foueret: idq; intra treis annos omnino. Quod si uixisset diutius: nullum erat sibi delecturus generum. sed Maximiliano ualde profuit ea, quam filia, ipsius mandato fecerat, sponsio, ut suo loco postea sum dicturus. Et hæc quidem omnia recito, non ullius lædendi causa, uerum quòd & ipse ea uiderim, & habeam comperta, & ad formandum iudicium in rebus ciuilibus pertinere mihi uideantur: Sic enim statuo, homines inertes & stupidos & plebeios, non esse daturus ullum tempus his commentarijs, uerum Principes non ignaui, & homines iudicio præditi, non absq; fructu, meo quidem iudicio,

iudicio, in eorum lectione uersabuntur. Interea dum de nuptijs agitur: ineuntur noua consilia contra regem. Habebant Aquitanus & Britannus apud Carolum legatos: & qui à Britanno erant missi, dicebant regē sollicitare quacunq; ratione familiares Aquitanie Ducis, & iam demolitū esse castellum quoddā eius regionis: ex quo facile sit intelligere, quid moliatur, hoc scilicet, ut sicut antea Normanniam ex pacto traditā, recepisset, ita quoq; nunc Aquitaniam recuperet. Missis igitur à Carolo super ea re literis & nuncijs, rex ita respondit: Fratrem suum Aquitanie Ducem, proferre nimium fines, & excedere limites: eorum, quæ iam ei dedisset: nihil se quicquam adepturum illi. Atq; hic spectare licet, quàm sint confusa & perturbata Gallie negocia, simul atq; dissensio aliqua nata est, & quàm sit arduum, ea pacificare. Tametsi enim principio unus & alter solum disideant: tamen breui pōst tempore multi alij studio alterius partis, immiscentur. Sed serè sit, ut excitata primum offensione, quisq; putet se iam finem & exitum illius prospicere. Inter alia, Britannus et Aquitanus orabant Carolum per legatos, ne Anglorum uteretur auxilijs, quòd essent perpetui hostes Gallie, cuius incolumitatem atq; salutem ipsi modis omnibus cuperent: satis magnas ipsorum esse uires atq; potentiam, ut bellum uel inferant regi, uel illatum defendant: & quod præcipuum sit, esse per Galliam non paucos, neq; uulgares homines, qui rebus ipsorum

ipsorum faueant, & à rege animum auerterint. Ad eam
 cum Aquitani legatus in eam sententiam ad Carolum
 locutus, ut copias cogeret, hortaretur. Ibi tum Carolus,
 ad me conuersus, & paululum secedens: uides, inquit,
 sollicitantem illum, ut bellum moueam, quod ex usu
 Gallie futurum esse dicit: An idem quoq; tibi uidetur?
 Hic ego subridens, dicebam, mihi uideri, non futurum
 utile. Tum ille: Sum, inquit, studiosior Gallia, quam
 orator iste putet. Cum enim unus modo sit in Gal-
 lia rex, ego sane cuperem à senis regibus eam gubernari.
 In hoc ipso tempore, Eduardus Angliæ rex, qui
 putabat confectas iri nuptias cum Aquitano: totis ui-
 ribus conabatur impedimentum aliquod iniicere. Nam
 quia Ludouicus rex non habebat filium heredem: di-
 cebat fore, ut illo mortuo, ad fratrem deferretur prin-
 cipatus et imperium, qui per has nuptias amplificatus,
 & florentissimarum ditionum possessionem adeptus:
 in summum discrimen posset omnem Angliam aliquan-
 do adducere. Vehementer itaq; sollicitus erat, ta-
 met si præter causam, tum ipse, tum Angliæ procures
 omnes, ita quidem, ut satisfactionibus Caroli fidem
 non haberent, & quiduis facturi esse uiderentur, etiam
 regem adiuturi potius: quam ut matrimonium hoc ip-
 sorum uoluntate fieret. Videre licet hoc loco, quantis
 curis hi Principes, ac ipsorum familiares distineantur
 in summis & arduis negocijs, quorum finem & exitum
 præuidere non possunt. Nam in istis sollicitudinibus &
 grauissi-

grauissimarum cogitationum molestijs, è uita decesserunt, alij post alios, inhiantes auidissimè alter alterius morti, maxima curarum & occupationum mole relictà suis heredibus. Quanquā sane Ludouicus, Carolo filio, moriens pacatam tradidit Galliam, hac in re benignior in uñum, quàm in seipsum. Erat enim quietis et uicij impatiens: per omnem serè uitam implicatus bellis atq; dissensionibus, à quibus uix egre sub mortem fuit expeditus. Aquitanus interea, dum ipsius legati Carolus ad bellū hortantur: minus commoda utebatur ualitudine. Cumq; rex apud Xanthones, oppidum quoddam obsideret, legati hoc perfecerunt, ut Carolus Atrebatum profectus, conduceret copias, ac Peronam deinde cum exercitu longe maximo proficisceretur. Habebat enim inter alios mille ducentos cataphractos expeditissimos. Dum apud Atrebates commoratur: duo simul serè nuncij adferuntur, primum: Calabriae et Lotharingie Ducem Nicolaum, aduentare matrimonij causa. Hunc, posteaquam aduenit, humaniter excepit, bona quadam spe iniecta. Deinde, postero die sunt allatae literae à Simone Quintio, qui ipsius erat apud regem legatus, quibus ille significabat, Aquitanum è uita demigrasse, et regem bonam eius ditionis partem iam occupasse. Earum literarum sententiam multi deinde alij confirmabant. De genere mortis non una fuit opinio. Carolus eum casum immoderatissime tulit, et instigatus à nonnullis, dat literas ad multas Aquitaniae ciuitates, odiose

odioſe ſcriptas in Regem, ſed parum ijs profecit. Nec enim ullus extitit motus, tametſi puto, regis negocia ſummam habitura fuiſſe difficultatem, ſi longior ipſius fratri uita contigiſſet. Iam enim Britanni erant inſtrueti, neq; longe aberant, & multi per Galliam ipſorum rebus ſanebant, ſed interuentu mortis Aquitani, conciderunt omnia conſilia. Sic exacerbatus Carolus, progreditur cum exercitu, & bellum incipit in Veromanduis, atrox admodum & funeſtum. Quacumq; enim tranſiret: incendijs omnia uaſtabat, omnino prætermorem. Primum agmen obſidione cinxit caſtellum eius regionis, Nelam, in quo præſidium erat aliquot ſagittariorum. Hi legatum ad ipſos miſſum de deditiōe faciēda, interficiunt, & cum de inducijs cœptum eſſet agi: omiſſa eluſ rei mentione, & impetu facto, ui expugnantur. Qui ſupererant à cede, ſuſpenduntur, nōnullis præſecantur manus, paucis quibuſdam commiſeratione militum dimiſſis. Crudele quidem erat iſtud belli genus: ſed Carolus uolebat uideri, iuſtam habere cauſam, cur ita faceret. Primum enim, odioſe admodum & acerbè loquebatur de morte Aquitani, ſecutus aliorum ſermonē. Deinde, eorū oppidorum, quæ ſunt ad Somiam flumen, iactuſtam, grauiffime tulit. Quo tempore cogeſcit hunc exercitum: legati regis, Petrus Doriollus, Gallie Cancellarius, & alij nonnulli procereſ, non ſemel ad ipſum uenerunt, ante mortem Aquitani, & ſecretò de pace agebant. Sed quia Ca-

rolus

volus in primis uolebat sibi restitui illa Picardie oppida, nihil quicquam perficiebant, recusante rege: qui nunc demum, postea quàm instructū uideret Carolum, assensit, his conditionibus: Vt Ambianum & Sancto-
 quintinum, & alia, de quibus erat controuersia, redirēt ad Carolum: ut de Comite Niuernensi & Connestablio eiusq; facultatibus omnibus, liberum esset Carolo statuere, pro suo arbitratu: ut ab amicitia & fœdere Aquitani & Britanni Carolus discederet, eosq; permetteret inuicem potestati regis. Eas conditiones Carolus iureiurando sanciuir, & ad eā ipse. Regis quoq; legati, simili se religione obstrinxerunt, & simul suadebant Carolo, ut contineret exercitum, uti rex eò promptius redederet, quæ promississet, oppida. Sed & cum à Carolo iam discederent, Simonem Quintium unā secum abducebāt, ut is coràm uideret, ea, de quibus ipsi pacti essent à rege cōfirmari. Sed quū rex per dies aliquot differret: allatus est de morte fratris nuncius. Qua re cognita, Simonem Quintium frigide admodum dimittit, neque iureiurando uoluit teneri. Quod implacatissimè tulit Carolus, & se ludificatū esse querebatur. In castris etiam maximus erat fremitus, & omnis generis contumelias pleriq; in regem dicebant. Qui lecturi sunt aliquando ista, iudicabunt, ut est credibile, uel parum fideles et integros fuisse Principes, de quibus loquor, uel me criminare illos et uituperare. Certè, nullius honorem aut existimationem uelim per me uiolari: sed ut historia sua

constet ueritas & ordo, nō fuit integrum, ea, quæ dixi,
 silentio præterire. Sed quæcunque tandem futura sint
 hominū iudicia: si quis alios quoq; principes intueatur,
 multo fortasse plura, quæ reprehendantur, comperiat.
 Nunc autem, ex his duobus, uter insidiose & astutē,
 egerit, uideamus, ut iuniores aliquando Principes, con-
 similibus implicati negocijs, rectē sibi caueant, ne cir-
 cumueniantur. Nam etsi non omnes æquē sunt ad fal-
 lendum propensi: tamen utile est, memoria complecti
 superiorum temporum res gestas. Vt igitur, quod
 res est, dicam, arbitror eō spectasse omnia illorum con-
 silia, ut alter alterum falleret. Eaq; in re similibus pro-
 pmodum sunt usi rationibus. Ambo instructum ha-
 bebant exercitum, & rex aliquot iam oppida tenebat,
 & interea dum de pace ageret cum Carolo, ualde urge-
 bat fratrem, à quo complures è nobilitate iam defece-
 rant. Ipsius exercitus erat non procul à Rupella, quod
 est in Xanthonū finibus oppidum maritimū, munitum
 & locuples. In eo multi erant ab ipso nō alieni, & par-
 tim ob crebram pacis mentionem, partim propter agri-
 tudinem Aquitani, certis conditionibus iam coeperant
 pacisci. Hæc enim regis erat, nisi fallor, sententia, ut si
 uel bellum ijs locis feliciter gereret: uel ipse frater è
 uita migraret: non interponeret iusiurandum. Sin autē
 eo bello, quod cupiebat, non consequeretur: ut tum
 uitædi periculi causa, seruaret propositas condiciones,
 idēq; diligentissime obseruabat temporis momenta.

Nam

Non Simonem Quintium, Caroli legatum, per dies octo distinuit, atque interea de morte fratris allatus est nuncius. Et quia sciebat illum uehementissime cupere Ambiani et Sanctoquintini restitutionem, neque temere idcirco præbiturum esse causam ullam offensionis: putabat se non difficulter posse perficere, ut quindecim aut etiam eò plurium dierum moram leniter ferret. Interea, si quam commoditatem tempus adduceret, expectabat. Posteaquam de rege sum locutus: dicendum nunc est de uoluntate et consilio Caroli, et uidentiam, quid regi permiserit, siquidem mors Aquitanis non interuenisset. Simon Quintius mandatum acceperrat ab eo, petente rege, ut simulatque rex iureiurando sancisset pacem: in Britanniam profectus, cuiusmodi essent conditiones, Britanno denunciaret: Deinde placuit, ut Aquitaniæ Ducis legati, qui tum aderant, principii suo idem significarent. Quod ideo rex uolebat, ut Britannis, cum à Carolo, cuius uirtute et præsidio magnopere nitebantur, sese destitutos esse intelligerent, pauorem et trepidationem adferret. Erat autem Quintio datus à Carolo, ueluti comes itineris, inter alios, Hannonius quidam Parisiensis, homo prudens. Ei Carolus abeunti dedit literas, quas ad Quintium ipse scripserat, in quibus hoc solum inerat, ut ijs, quæ dicturus esset Hannonius, fidem haberet; Sed mandauerat ei Carolus, ne eas literas Quintio redderet, priusquam et à rege discessisset et Nannetes, quod est ad Ligerim oppidum Britannia

minoris, peruenisset: utque eo primum loco sua man-
 data illi exponeret, in hanc sententiam: Vti Quintius,
 nomine Caroli, iuberet Britannū esse firmo animo et
 ocioso, non se deserturum esse uel ipsum, uel Aquita-
 num etiam, sed omni ratione, totisq; uiribus adiuturū:
 misisse quidem se pactiones cum rege, sed non alia de
 causa, nisi ut amissas urbes recuperet, à rege sibi præ-
 ter ius et æquum, contraq; fidem et promissum, pacis
 tempore ademptas: his oppidis recuperatis, nunciaturū
 se regi, ut à bello Britannico et Aquitanico abstineat:
 Nec enim promissa et iusiurandum se magis seruatu-
 rum esse, quàm ipse priora pacta seruarit, tam illa, quæ
 prope Lutetiam Parisiorum, quàm quæ postea Perone
 facta sint: ademisse illum sibi pacis tempore, quas antea
 dederat urbes oportere nunc etiam, ut patienter ferat,
 iisdem artibus illas abs se recuperari. Quantū ad Con-
 nestablium et Comitem Niuernensem pertineat, li-
 cet ab ipso destituti sint, et sibi permissum ex pacto, ut
 de ipsorum fortunis pro suo iudicio statuatur: se tamē, etsi
 iustam habeat offensionis causam: condonaturū eis
 esse culpam, nec uelle quicquā ipsis auferre, ideōq; ora-
 re se, ut ipse ad eundem modum agat cum Aquitano et
 Britanno, eosq; patiatur ocio et pace uti, sicut apud Lu-
 teciam constitutum sit. Quod si non impetret, non se ne-
 glecturum esse sociorum iniurias: Et quo tempore hæc
 nunciaturus sit regi per legatos, habiturum se esse om-
 nia ad bellum apta et parata. Hæc erat summa eorum,
 quæ

que Carolus ex nunciabat illis, et cogitabat perficere: sed longe aliter accidit. Nam interitus Aquitaniae Ducis interuertit omnia consilia. Rex enim neque restituit Carolo, quas ille petebat urbes, et simul morte fratris auctus est Aquitaniae accessione. Suprà diximus, quem admodum illi, qui erant in presidio Nela, capti fuerint. Carolus inde digressus, Roiam circumfedit, quod est in Bellouacis oppidum, ubi mille et quingenti erant sagittarii cum aliquot cataphractis. Maiorem exercitum ante id tempus nullum habuit. Postridiè quam eò uenisset: hostes metu perculsi, deserta statione, quum per muros sese eiecissent, dedunt se Carolo: Que causa fuit, ut et reliqui cataphracti: compositione facta, discederent. Constituerat Carolus illinc ad Normannos transire: sed prius uenit Bellouacum, eiusque oppidi suburbium unum, facili manu occupauit prima ipsius acies, cui praeerat Cordæus, qui deinde aliam quoque urbis partem tentabat: uerū quòd nimium breues erant scale, et perpaucae quidem illae: nihil potuit perficere. Duobus quibusdam tormentis igitur obiectam portam oppugnabat. Quod si plures habuisset machinas, et continenter fuisset iaculatus: haud dubie potitus fuisset oppido, sed accesserat malè instructus ad eam rem perficiendam. Præter oppidanos initio nullus erat ibi ferè miles. Nostri, ea parte, qua tormētis erat interrupta porta, cominus in hostem pugnabant. Interea Cordæus, Carolam sollicitat, ut celeriter cum reliquo exercitu

progrediatur, si uelit oppidum occupare. Dum hæc
 geruntur: ex oppidanis aliquis conijcit faces ardentes
 in nostros, qui ad portā uim faciebant, cumq; iam incen-
 dium late uagaretur in porta: nostri coguntur referre
 pedem, donec extinctus esset ignis. Carolus, ut eò uenit,
 putabat & ipse captum iri iam oppidū, oppressa flama.
 Et sanè, si partē exercitus collocasset uix Parisiensis
 aditu & itinere prohibuisset omneis, qui auxilio uenie-
 bant. Sed difficultatem sibi fingeat et periculū, ubi nul-
 lum erat, & quod tenue flumen interlaberetur: noluit
 transire, ac deinde, cū iam hostium equitatus magnus in
 oppidū uenisset: constituit in eam partē transire, consa-
 lio multum ancipiti et periculoso, a quo tamen uix sum-
 ma difficultate poterat dimoueri. Incendium illud to-
 tum diem permansit, et sub uesperum, decem duntaxat
 cataphracti, nobis inscientibus, dum occupamur ponem-
 dis castris, & quod ad eam partem nulli essent nostri
 milites, in oppidum peruenerunt. Prima luce, propius
 admoemus tormenta, in eoq; temporis uestigio con-
 speximus ad ducentos cataphractos in urbem ingredi,
 quorum aduentu recreati oppidani, ut est credibile, de-
 ditionis nullam fecerunt mentionem. Sed Carolus tum
 exacerbatus ob res antea factas, ut diximus, uolebat ui-
 capere. Quod si accidisset, erat dubio procul omnia ua-
 staturus incendio. Post equitatum illum in urbem re-
 ceptum, totos quindecim dies oppugnabat eos acerrima
 tormentis, sic, ut ad impetum faciendum militibus
 esset

esset patefacta uia: Sed quoniam fossa stagnabat aquis :
 efficiendi nobis erant duo pontes , ad latus illius portæ,
 que fuit exusta, et ab altera parte eius portæ perueniri
 poterat ad murū absq; periculo, nisi quod unum modo
 propugnaculum , propter ipsius humilitatem , diffici-
 lem habebat oppugnationem . Et quanquam fortissimi
 duces, lectissimiq; equites oppidum defendebant, & in-
 ter hos Connestablius, nisi fallor: Carolus tamen consti-
 tuit ui oppugnare, contra omnium opinionem: & no-
 ctu , quieti se daturus , rogabat è suis familiaribus , an
 putarent hostem ad sustinendam oppugnationem habe-
 re satis uirum & animi? Cum pleriq; affirmarent ob
 illorum multitudinem , deridens , aiebat fore , ut ante
 exortam lucem , omnes ex oppido se eijcerent, ac fugæ
 mandarent. Postridie, mane, coeptum est uehementissi-
 me oppugnari. Pontem illum ex nostris multi transeūt,
 pleriq; etiam in muro constiterunt, et cōminus diu mul-
 tumq; præliantur . Erant destinati recentes ac integri,
 qui primis aut interemptis , aut reiectis aut defatigatis
 succederent, sed cum frustra eos moliri uideret Carolus:
 iubet referre pedem. Hostes, quod cōspicerent se nume-
 ro superari: continebant se intra munitiones . Ex no-
 stris desiderati sunt ad centū et uiginti, uulnerati autem
 circiter mille . Insequenti nocte , hostes eruptione fa-
 cta, quoniā & equites erant omnes, & pauci, & hastis
 inuecti in tabernaculorum funes, impediabantur: nul-
 la re perfecta, recipiunt se in oppidum . Octauo post

oppugnationem die, Carolus constituit rem tentare
 uia et porta Parisiensi bipartito exercitu, sed quòd urbs
 à multis et lectissimis hominibus defendebatur, omnes
 eum dehortabantur. Quod nunc demum cogitabat
 perficere, id si principio fecisset: multò rem egisset foeli-
 cius. Cum non succederet conatus, soluit obsidionem,
 et futurum putabat, ut discedens inuaderetur ab hoste.
 Quod si facerent, cogitabat eos excipere: sed quum nul-
 la fieret eruptio; contendit in Normanniam. Promise-
 rat enim Britanno, se Rothomagum usq; cum exercitu
 profecturum esse, quò et Britannus uenturum se cum
 suis copijs dixerat, sed accepto nuncio de morte Aquis-
 tani, mutata sententia, domi sese continuit. Carolus,
 captis aliquot oppidis et castellis Normannie, et in-
 scendio uastatis Aulercorum agris, ad portas usq; De-
 pe, quod est maritimum oppidum, tandem apud Ro-
 thomagum consedit. Sed interceptis ab hoste pabula-
 toribus, quoniam et hyems suberat, et cibario-
 rum magna esset inopia: domum reuertitur.

Confestim post ipsius abitionem, Re-
 gij milites omnia, quæ ijs locis
 occupauerat, sine ne-
 gocio recupera-
 runt.

PHILIPPI



D hoc ferè tempus dedi me in clientes
 lam et familiam Regis, qui et pleros-
 que sui fratris familiares, post mortem
 illius, recepit, et tum in Britannia bel-
 lum gerebat. Sed post crebras utrinque,
 missas legationes, constituit omnino pacisci. Quod ut
 maiori suo commodo faceret: familiares aliquot Bri-
 tanni, à quibus ille totus pendebat, ipse inutilis et ig-
 navus, promissis et largitionibus ad suas partes tradu-
 xit. Eorum autoritate et consilio, re perfecta, et
 constituta pace, in Picardiam contendit. Per hyemem
 ferè consueverant ipse et Carolus aliquot mensium
 pacisci inducias: Idem nunc quoque faciebant. Verum
 legati regis, cum de pace Britannica exposuissent: no-
 lebant Britannum inter socios Caroli comprehendere,
 quod ab eius foedere nuper ille discessisset. Legati autem
 Caroli, et in his Cancellarius, affirmabant, Britanno
 esse liberum, ut intra certam diem accederet in utrius
 partis amicitiam vellet: illum antea quoque defecisse à
 foedere, et literis hoc significasse, nec tamen idcirco
 defuisse officio: pendere quidem illum ab alienis consi-
 liis, et suorum autoritate gubernari totum, sed ta-
 men sequi tandem saniora consilia, et facere, quod sit
 ex usu rerum suarum. Dum de his rebus agitur: magnus

erat utrinque fremitus aduersus Connestablium. Ode-
rat eum rex, et multi Gallie Principes admodum acer-
be: Carolus etiam multo infestius, propter ereptum
Ambianum et Sanctoquintinum, et quod redintegra-
ti belli ipsum habebat precipuum authorem. Nam in-
duciarum tempore Connestablius cum ipso blandissi-
me agebat: sed exorto bello, persequabatur odiosissi-
me, et inuito uolebat extorquere filiam, ut supra de-
monstrauimus. Has odiorum causas etiam illud auxit,
quod quo tempore Carolus cum exercitu prope Am-
bianum consedit: ille factis incursionibus in Hannoni-
am, castellum quoddam ijs locis cremauit, nouo pla-
ne et inusitato exemplo. Cum enim ab incendijs an-
tea temperatum esset utrinque: Carolus indignitate rei
commotus, et secutus morem illius, in Galliam quoque
deinde flammam et ignem intulit. Excitatis in eum
multis aduersarijs, fit coniuratio, et utriusque Principis
legati consilia inter se communicabant. Habebat enim
ille suas possessiones non uno in loco. In Veromanduis
occupabat Sanctoquintinum, locuples et firmum op-
pidum, in propinquo tenebat Hanium et Bohonium,
urces, que facile poterant presidij firmari: Dein-
de, preter summum illud munus, quod in Gallijs obti-
nebat, pensionem annuam habebat a rege, ad quadra-
gintaquing; francorum millia, sed et uestigal atque por-
torum ei pendebant mercatores, qui uina ex Galli-
is, per ipsius fines deportabant in Flandriam aut Hannoniam.

noniam. Ad hæc, non in Gallia tantum, sed per Caroli quoque ditiones multorum sibi gratiam et beneuolentiam adianxerat. His de causis, non poterat eum rex, nisi adiutus à Carolo, solus opprimere. Per inducias agebatur potissimum de illius capite ac fortunis. Qui à rege erant ad eam rem destinati, reserebant omnia ad Imbercortum, qui et à multo iam tempore illum oderat, et nuper etiam maius conceperat odium. Nam quodam in conuentu, dum utriusque Principis legati de controuersijs agerent: ille mendacij Imbercortum infamulauerat. Quam ad criminationem iste prudenter et modeste respondit, iniuriam illam non ad se, uerum ad regem, cuius fidem secutus eò uenisset legatus, et ad Carolum, cuius ipse locum obtineret ibi, pertinere, cui etiam sit commemoraturus omnia. Hæc sola uerborum contumelia, summam et extremam ei perniciem attulit, ut postea sum dicturus. Quocirca, qui sunt magno loco apud Principes: magnopere sibi cauere debent, ne quid atrocius dicant. Nam quæ potentior est et maior is, qui iniuriã facit, eò grauius dolent ij, quibus infertur. Propter authoritatẽ enim eius et amplitudinem qui intulit, putant hoc magis ad infamiam suã pertinere. Quod si Princeps quoque durius aliquid ipse dixerit: tunc uero spem omnem illi abijciunt, ullos uel honores uel opes ab eo consequendi: Deinde, sic est serè comparatum inter homines, ut plerique spe pericipiendi commodi magis excitentur: quàm memoria iam

iam accepti beneficij. Sed ut ad institutum reuertar: Regij legati super ea re potissimum agebant cum Imbercorto & Caroli Cancellario, ad quem etiam aliqua pars eius iniurie, quam Imbercortus acceperat, pertinebat. Breuiter, eò res deducta fuit, ut Bouilli, quod oppidum à Namurcis non longe abest, legati conuenirent. Connestablius autem certior factus, quid ageretur: crebros dimittebat ad utrumq; Principem nuncios, & regi quidem persuasit, Carolum eò spectare, ut se redderet à Gallijs alienum. Magna igitur celeritate rex mandat suis, ut aduersus illum, certis de causis, nihil statuunt, & inducias tantum extrahant. Cum is adferretur nuncius: iam peracta res erat & confirmata literis: uerum tantus erat inter legatos animorum consensus, ut eas literas utrobiq; redderent. In ijs hoc perscriptum erat, Connestablium multis de causis iudicatum esse hostem & regis & Caroli: ideoq; iureiurando & fide data promiserant, ut uter ex ipsis duobus prior eum coepisset: is uel intra dies octo supplicium sumeret, uel in socij potestatem daret, eamq; rem publice denunciandam esse: nec id modo, uerum etiam omnes, qui auxilium ei præberent unquam, hostium numero habendos. Rex præterea pollicebatur, redditurum se Carolo Sanctoquintinum & illius omnia mobilia bona, quæ sint in Gallijs: facultates etiam illius omnes, quas in inferiori Belgica teneret, ei largiebatur. Decretum & hoc fuit, circumsidendum esse illum ab utrisq;

utrisq; in sua arce, intra certum tempus. De his omnibus ita conuenerat, ut diximus: uerum superueniente illo nuncio, mutatum est consilium, & Connestablio fuit constitutus dies, quo cum rege, accepta fide, in colloquutionem ueniret. Id fuit tribus à Nouioduno milliaribus. Connestablius eò uenit, comitatus inter alios, circiter trecentis nobilibus cataphractis, ipse armatus sub ueste discincta. Cum rege erant sexcenti cataphracti, & in his Comes Dammartinus, hostis illius grauissimus. Rex, præmissis aliquot equitibus, quoniam prior ille uenerat, excusabat moram: tandem & ipse uenit. Erant cum eo pauci quidam in ea colloquutione. Connestablius primum excusat, quòd armatus uenisset: factum id à se propter Dammartini presentiam, à quo capitaliter disideret. Post multam colloquutionem uoluit rex, ut præteritarum offensionum aboleretur memoria. Cum deinde in eam partem, ubi rex erat, transisset (Nam tabulatum quoddam intererat) fit inter eum & Dammartinum, intercessionem regis, compositio. Inde cum rege profectus Nouiodunum, postridie Sanctoquintinum reuertitur, plane reconciliatus, ut ipse quidem dicebat. Pleriq; omnes fremebant & indignabantur, alij uero etiam ridebant, in colloquutionem uenisse regem cum suo cliente & beneficiario: qui interiecto sepimento, non esset ueritus in sui Principis conspectum uenire armatus, & equitum circumclusus cohortibus, qui quidem omnes & regis essent imperio

imperio subiecti, & alerentur ab ipso. Qua re intellexit rex, cum & ipse apud se diligenter omnia reputaret, qui iam ante inimico in eum animo fuisset, multò grauius hoc dolore exarsit. Et quanquam institutum istud regis incusari fortasse potest: non absq; causa tamen factum ab eo fuit. Arbitror enim Carolum, non habita ratione eorum, de quibus antea conuenerat, libenter fuisse cum illo rediturum in gratiā, si modo potuisset ab eo recuperare Sanctoquintinum. Sed quantum ad Connestablium pertinet, tametsi ingenio ualebat: minus prudenter tamen egit, quod ad eum modum, ut diximus, prodijt in conspectum sui Principis. Quanquam sanè, cum propè & coram constitisset ante regem: uidebatur esse attonitus, & timentis præbebat speciem, sed neq; diu moratus, ad regē transijt, erat enim in magno discrimine. Puto equidem & illum, & eius familiares credidisse, hoc ad laudem suam pertinere, quòd rex uisus esset ipsum metuere. Erat quidē aliquanto rex timidior, sed iusta & necessaria de causa. Non ita pridem explicauerat se ab eo bello, quod cum Gallie Principibus ei intercesserat, quos muneribus & pollicitationibus pacificauerat. Pleriq; credebant, eum timiditate quadam & animi consternatione ita sese demittere, quæ causa fuit etiam, ut quidam non dubitarent ipsum bello deinde laceffere: sed infœliciter eis accidit. Nouerat enim exactissime temporum momenta, sic, ut ausim affirmare, me non alium uidisse rebus aduersis

aduersis prudentiorem. Verum ut ad institutum rede-
am, credibile est, ut dixi, Connestablium hoc spectasse,
ut metueretur à rege. Affirmare quidem nihil uelim,
et eò solum ista commemoro, ut illos, qui Principum
negocia tractant, officij commonesciam. Mihi si
quis esset apud aliquem Principem amicus aut pro-
pinquus: huic suaserim, ita se comparet, ut diligatur,
non autem ut metuatur. Nam qui diuersam rationem
ingrediuntur: ut periculum tandem et calamitatem
euiant, fieri non potest, eiusq; rei multa proferre li-
ceat documenta, non ex Gallijs modò, uerum etiam ex
Hispanijs et Anglia. Ferè autem fit, ut qui bonam et
fidelem operam præstiterunt: arbitrentur, sibi aliquan-
to plus, quàm alijs licere. Principes contra, longe aliter
sentiant, et æquius esse ducunt, ut qui se ipsorum cli-
entelæ et ministerio tradiderunt: officio fungantur.
Memini, quo tempore in hanc sententiam rex mecum
loqueretur, (et suum nominabat authorem) affirmans
fieri aliquando, ut egregiæ operæ minus liberaliter re-
munerentur, idq; non tam ingratitudine Principum,
quàm eorum, qui præstiterunt operam, uitio: dum elati
quadam confidentia, propter rem bene administratam,
insolenter et proteruè multa faciunt. Aiebat præterea,
foeliciter agi, sua quidem sententia, cum eo, cui nullo
suo magno merito Princeps benefacit: et ut quis bene-
ficio sit obstrictus Principi, id multò præstare, quàm ut prin-
ceps clienti aut famulo alicui suo multum debeat. eoque
se ingenio

se ingenio esse dicebat, ut qui sibi ob aliquam beneficentiam deberent: eos plus diligeret, quam alios, quibus debere se aliquid ipse putaret. Tàm est difficile in omni genere uitæ, accommodare se & ita gerere, ne quid erres. Magnum igitur est Dei beneficium, ualere sensu communi, & iudicio naturali. Sub hoc serè tempus colloquij inter Regem & Connestablium, Carolus profectus erat, ut Geldriæ possessionem occuparet, quã ad se pertinere dicebat. Et quoniam memorabilis admodum est causa, non grauabor eam recitare, ut potentiam & opera Dei contempler. Erat id temporis Geldriæ Dux, Adolphus, adolescens, qui uxorem duxerat ex familia Borboniorum. Is horribili & inaudita quadam audaciã patrem suum, de nocte, quum esset quieti se daturus, acerrima hyemæ ceperat, & per quinq; milliaria deductum absq; calceis, in deterrimum carcerem & obscurissimum detruferat, in eoq; per sex menses eum detinuit, & hac demum occasione graue fuit excitatum bellum à Duce Cliuensi sororio senis captiui, aduersus Adolphum. Intercedebat quidam Carolus, ut eos pacificaret, sed frustra. Cumq; Pontifex etiam Romanus & Cesar tandem sese immiscerent: Carolus, illorum mandato, captiuum Arnoldum è carcere liberauit. Adolphus enim, quoniam & auctoritatem Pontificis atq; Cesaris, & Caroli quoq; potentiam uerebatur: non audebat ei petenti hoc negare. Vidi ipse, cum ambo suam causam, non semel, apud

apud Carolum, in coetu & concilio multorum hominum disceptarent. Vidi, quum pater filio deferret duellum. Carolus, etsi cupiebat eos componere: magis tamen erat propensus in filium, cui & Burgundie praefecturam & Geldriae possessionem deferrebat, uno tantum excepto oppido, Grauiam uocant, quod est ad Mosam, Brabantiae uicinum. Illud patri uoluit seruari, & simul tria florenorum millia quotannis, & tantundem ex annua pensione, & Geldriae titulum. Vt eas conditiones Adolpho proponeremus, mihi fuit cum alijs, me prudentioribus, à Carolo mandatum. Verum ille respondit, se malle praecipitem dare parentem in puteum, & seipsum deinde eodem coniungere potius, quam eiusmodi conditiones accipere: Patrem iam praefuisse per totos quadraginta quatuor annos: equum esse, ut tandem & ad se quoque redeat principatus: ferre se posse, ut ille quotannis habeat ad tria florenorum millia, sed ea conditione, ut ex Geldria discedat, nec unquam eò reuertatur. Haec et id genus alia multa nobis, parum quidem prudenter, respondit, & accidit istud, quo tempore rex Ambianum ademit Carolo, qui tum una cum his duobus, parente & filio, erat Dorlani, et accepto nuncio de occupato Ambiano, disceptationem hanc intermisit, & Hesdinum sese contulit. Adolphus autem, sumpta uesse Gallica, comitatus uno solum famulo, rediturus in Geldriam, cum apud Namurcum trajiceret flumen, & pro neqtura persolueret, agnitus ab uno & altero,

captiuus Namurcum deductus est, et in carcere detentus fuit, donec mortuo Carolo, Gandauenses ipsum eriperent, eiq; bello, quod cum Tornacensibus gerebant, praeficerent, quo quidem in loco miserabiliter fuit trucidatus, ultore et uindice Deo, qui scelus nullum finit impunitum. Interea dum filius est in carcere, pater euia discessit, et moriens Carolum instituit heredem, propter ingratitudinem filij. Hoc iure ac titulo fretus ille, Geldriam usurpauit, quae tamet si resisteret: non poterat tamen sese tueri, et sub imperio permanfit, tam Caroli, quam ipsius heredum, in hunc usq; diem, quoad uisum fuerit summo rerum moderatori Deo. Haec per occasionem eò recitauit, ut ostenderem, eius generis atrocitatem à Deo grauissimè puniri. Carolus, occupata Geldria, factus alacrior, domum redierat, et cepit animum adijcere ad res Germanicas, praesertim, cum Caesar esset demissiori animo, et ut ne sumptus faceret, quiduis pateretur, quanquam alioquin absq; Germania Principum acceptione, parum poterat: Producit igitur inducias cum rege Carolus, ut ea, quae moliebantur, perficeret. Dehortabantur nonnulli regem, ne pacisceretur longiores inducias, nec sineret illum ita progredi, et amplificari. Rectè quidem isti et fideliter, sed quod non haberent satis magnum usum, loquebantur parum provide. Verum alius quispiam ex regis familiaribus, maiori cognitione praeditus, et rerum Germanicarum non imperitus, suadebat, ut omnino paciscere

tificeretur, eamq; sineret in Germaniam impingere,
 cuius maximum esset & incredibile robur: fore, ut ille
 uno aliquo oppido capto, uel controuersia aliqua se-
 data, progressurus sit longius, & noua semper molia-
 tur: mentem eius inexplebilem non posse una aliqua re
 satiari: quò pluribus sit inuolutus negocijs, eò semper
 maiora ipsum uelle tentare: non posse regem commo-
 dius illum ulcisci, quàm ut sinat eum ita progredi, ne
 significationem ullam præbeat offensionis: imò certam
 iniiciat spem seruandarum induciarum, et auxilij quo-
 que nonnihil præbeat potius, quàm ut ipsum auertat
 ab instituto: Germaniæ tantas esse uires, ut fieri non
 possit, quin eo bello totus atteratur: etiam si Cæsar non
 commoueat se: Principes tamen Imperij non passuros
 eum longius grassari. Atque ita quidem accidit. Cum
 enim duo quidam cõtenderent de Archiepiscopatu Co-
 loniensi: Carolus alterius partes uoluit tutari sperans
 hac ratione se posse quædam ijs locis occupare, ideoq;
 circumfedit Nouesium, quod est oppidum ad Rhenum,
 quinq; miliaribus infra Coloniam. Vno eodemq; tem-
 pore cogitabat res maximas cõficere, sed oneri tandem
 succubuit. Eduardus Angliæ rex instigatus ab eo, para-
 tum habebat exercitū. Ut autē hunc in Galliam ille tra-
 iiceret, ualde studebat, & simul Nouesium circumual-
 lauit, quam urbem si cepisset: relicto ibi præsidio, et in
 quibusdam alijs locis supra Coloniam, cogitabat aduer-
 so Rheno penetrare in ditionem Phîrtensem, quam tū

adhuc possidebat, atq; ita per ingens spaciū in potestate habuisset flumen longe maximum, in cuius ripa pluri-
mæ sunt insignes urbes, & castella munitissima, & in
Hollandiâ usq; ubi in mare influit Rhenus, iter habuisset
patefactum. Et quoniam induciarum dies, quæ pæ-
ctæ fuerāt in sex menses, iam cedebat: Rex, ut spaciū
& ocium haberet Carolus moliendi aliquid in Germa-
nia: cupiebat illas extrahi. Carolus autē, quoniam Edu-
ardo regi promiserat auxilia: noluit assentiri. Bellum
hoc Nouesianum non quidem propriè pertinet ad no-
strum institutum, neque corā ipse spectauit: sed ta-
men quoniam alia quædam ex eo dependent, necessa-
rio mihi facienda est mentio. Tenebatur oppidum il-
lud firmo præsidio equitum & peditum. Iis præerat fra-
ter alterius Episcopi, quem Carolus oppugnabat. Ma-
iorem exercitum Carolus ante id tempus non habuit,
equitatum præcipuè. Nam inter alios accersierat ex
Italia circiter mille cataphractos. Cogitabat enim ali-
quid in Italia moliri. Iis præerat Neapolitanus quidam
Comes, Campobachius, uir prauo & uitioso ingenio.
Deinde, præter copias in sua ditione coactas, habebat
circiter tria millia Anglorū, & tormentorū uim maxi-
mam, & hunc quidem exercitum instruxerat, ut se cū
Anglis coniungeret, qui et ipsi in hoc erant toti, ut pri-
mo quoq; tempore essent expediti: sed interuenit serē
longior aliqua mora. Nam reges Angliæ nihil tale, nisi
conuocatis primis ordinibus, & assentiente populo,
suscipiunt

suscipiunt. quæ quidem consuetudo ualde mihi laudanda uidetur. Interueniente enim populi uoluntate et assensu, crescit robur et potentia regum, et maior est ipsorum authoritas, et feliciores progressus. Eduardus igitur convocato concilio, exponit quid constituisset facere, simul auxilia petit. Angliæ consuetudo fert, ut extra ordinem subsidium nullum dent regibus, nisi cum belli gerendi causa, uel in Galliam traiciunt uel in Scotiam proficiscuntur. Tunc enim libentissimis animis auxiliantur, et pecuniam contribuunt, præsertim, cum in Galliam itur. Reges igitur, qui populi naturam et ingenium habent exploratum, quoties cogere uolunt magnam aliquam uim auri: bellum parant in alterutra gentem, et collecta nonnunquam pecunia, quantum satis est in annum, post trimestre copias dimittunt, eamque rationem optime callebat Eduardus, et non semel usus est illa. Dum paratur in Anglia exercitus, consumitur ferè annus. Eius moræ pertæsus Carolus, ad initium æstatis, Nouesium petit, ea spe et consilio, ut intra paucissimos dies eo bello confecto, et captis in ea regione nonnullis oppidis, perueniret quod uolebat. Mea sic est sententia, ut putem Deum clementer admodum tunc respexisse Galliam. Habebat enim Carolus ingentem exercitum, et iam per aliquot annos consueuerat grassari per Galliam, ita quidem, ut prælio nemo cum ipso decertaret. Quanquam hoc prudenter et consulto rex faciebat, propterea quod suas et Galliæ fortunas nollet obijcere.

periculo, non tam metu Caroli: quàm quòd populi defectionem uerebatur: si forte infœliciter pugnasset. Nam quia populi, maximè uero procerum uoluntatem à se putabat auersam: ea causa fuit, ut quoties bellum à Carolo inferebatur: ipse munitis tantum oppidis et præsidio firmatis sese contineret. Quò fiebat, ut et hostes tandem ultro dilaberentur, et Gallia, nullo accepto magno detrimento, periculum euaderet. Totum hoc tribui sanè debet prudentiæ et ingenio regis. Et quanquam hæc ita se habent: tamen si exercitus Anglicus ad constitutum tempus cum Carolo sese coniunxisset: Gallia dubioprocul in maximo fuisset discrimine. Nec enim ante id tempus unquam ijs uiribus in Galliam penetrarunt Angli. Aderant omnes eius regni proceres, et præter insignem peditatum, circiter mille et quingenti cataphracti, et sagittarij ad quatuordecim millia, lectissimi, et ad prælium omnes idonei milites. Ad hæc erant ab Eduardo destinati ad tria millia, quæ Britannis sese coniungerent. Vidi tum temporis binas literas, quibus Eduardo nunciabat Durfius, uir nobilis à Britannia, Principem suum, fauore et gratia et auctoritate, plus perfecturum esse in Galliis intra mensem unum, quàm et Anglica et Burgundica uires, quantæuis magnæ, intra semestre. Quòd si progressio facta fuisset, ut institutum erat, non dubito, quin uerum ille scripserit: sed longe secus accidit, ut postea sum dicturus. Eas literas rex deinde grãdi pecunia emit à qua

à quodam Eduardi scriba . Nouesij obsidio difficilior erat, & longior opinione. Colonienſes enim, quòd Caroli potentiam metuerent : ſingulis menſibus in hoc bellum impendebant centena aureorum millia : & inito ſoldere cum alijs ad Rhenum poſitis ciuitatibus, exercitum cogeant , ad quindecim hominum millia, qui tormentis alijsq; rebus inſtructi , poſitis caſtris ex aduerſo Caroli ad Rhenum, impediabant , ne quid aduerſo flumine ex Geldria ſupportaretur ad hoſtem . Deinde, Fridericus Caſar , & Imperij Principes , conuocato concilio, decernebant oppidanis auxilia. Quod ut facerent, magnopere etiam rex ſollicitabat . Itaque Caſar & Principes legatum inuicem mittebant ad eũ, ex Bauaria Ducum familia, canonicum quendam Colonienſem. Is deſcriptum adſerebat numerum exercitus quem ipſi decreuiſſent, modò rex copias quoque ſuas coniungeret. Ille humaniſſimè excepto legato, & datis literis, ſigillo ſuo conſignatis , promittebat , ſimulatq; cum exercitu Coloniã ipſi ueniſſent : cõfeſtim ſe miſſurum eſſe auxilio, uiginti hominum millia. Qua re nũciata, conducitur undiq; miles, dum pecuniam, et quicquid uſui eſſe poterat , omnes Principes ac ordines Imperij ſingillatim conferunt . In eum apparatus ſeptem fuerunt conſumpti menſes . Rebus omnibus inſtructis , Caſar non procul à Carolo conſedit , tanto cum exercitu , ut Anglorum & Burgundionum coniuñctæ copię , uix tertia parte , multorum iudicio,

illum adaequarent . Positis propè Nouesium castris : Caesar , et suo et reliquorum Principum nomine , legatum denuò mittit ad regem , ut sponsioni et pacto satisfaciât : nisi fecerit , se cum hoste compositurum esse . Rex iniecta spe aliqua , et quadringentis aureis dono datis legato , Ioannem Tercelinum illi adiungit , et ad Caesarem mittit . Ea durante obsidione , de uarijs rebus agebatur . Nam rex magnopere cupiebat uel pacificare Carolum , uel saltem inducias proferre , ne Angli mare traicerent . Eduardus autem in hoc totus incubebat , ut Carolum ab obsidione renocaret , hortatus eum , ut seruaret promissa , et bello Gallico sibi ferret opem : amitti pulcherrimas occasiones , neq; multum idonei temporis superesse . Carolus uero pertinaciter insistebat oppugnationi , et uidebatur ei Deus ademisse mentem . A multis enim annis , et per omnem propè uitam , sollicitauerat Anglos , ut Gallie bellum facerent , nec ante id tempus unquam impetrare potuit et nunc , cum à rebus omnibus illi essent paratissimi : cū in Britannia etiam esset coacta non mediocris manus , haberet obstinatè in re summae difficultatis , et omnino tali , quam perficere non potuit . Miserat autem Romanus Pontifex legatum ad Caesarem , pacificandi gratia . Danie quoq; rex eò uenerat eadē de causa , nec procul à castris aberat . Quò magis integrum erat Carolo , non iniquis conditionibus pacisci , et summam bellū unā cum Anglis in Galliam transferre . Sed aspernatus
recta

recta consilia, et leuiter excusans, dicebat se non posse desistere negotio: fore alioquin, ut insignem faceret iacturam. Minus prudenter istud quidem et maximo suo cum detrimento. Nec enim Anglice ista copiae erant ex eorum numero, qui bellum aliquando gesserant in Gallijs, sed erant insueti nostrarum rationum, et opus habebant Carolo, militiae magistro, saltem per aliquod tempus, et initio. Dum haec geruntur, bello Carolus aliunde lacepsitur. Nam Lotharingae Dux, qui ante id tempus fuerat amicus: et nuper à morte Nicolai Calabriae Ducis, priuatim cum eo et familiariter de nonnullis rebus egerat: productis copijs, et adiutus à Cranio, uiro nobili Gallo, ditionem eius Lutzeburgicam innadit, capto et diruto quodam ibi castello, Petrosfortum uocant, duobus à Nanceio milliaribus. Ad haec, ciuitatibus aliquot ad Rhenum, quarum è numero sunt Argentina et Basilea, disidium intercedebat cum Heluetijs, uerum opera et industria regis composita lite, foedus in annos decem paciscebantur. Grauius etiam dissidebat ab Heluetijs Sigismundus Austriacus. Ea quoque controuersia, rege authore, sedata fuit: qui eo spectabat, ut Sigismundus ditionem Pfirtensem, quam acceptis centum aureorum millibus, Carolo oppignorauerat, ad se reciperet. Per eius ditionis quattuor oppida, Heluetij uolebant sibi transitum patere, quouis tempore. Introducta lis fuit ad Regem: Is causa cognita, secundum Heluetios pronunciauit. His confectis

34 COMMENTARIORVM

rebus, prefectus Pfortensis, Petrus Hagebachius, à Carolo constitutus, de nocte capitur ab Heluetijs, et dimissis militibus, circiter octingentis, quos custodia causa secum esse uoluit, Brisacum adductus, quod est intra Basileam oppidum ad Rhenum, capitis damnatur. Ab eius interitu, Sigismundus provinciam illam ilico recuperat, et in propinquam Burgundiam Helvetij mox bellum inferunt, et captis ibi castellis aliquot, ac uastatis agris, domum reuertuntur. Ad hoc tempus exibat induciarum dies, quas, cum frustra rex petiisset à Carolo produci: Trunceum arcem obsidet, ac paucis horis capit. Postridie me ad eos misit, qui Mondidierij erant in presidio. Ii rebus omnibus saluis oppido excesserunt. Idem quoque faciebant, qui erant Roie, quod est in Bellouacis, eo quod auxilij spem nullam haberent. Nam si fuisset in propinquo Carolus, non tam facile erant deditionem facturi: sed utrumque deinde oppidum, contra fidem à nobis datam, exustum fuit. Illinc digressus, Corbiam, quod est inter Peronam et Ambianum, ad Somiam oppidum, obsidet. Erat in eo Contaus, et alij complures, qui cum aliquot dierum oppugnationem sustinissent: deditione facta, discedebant. Eius etiam oppidi consimilis fuit ac aliorum fortuna. Nam exurebatur totum. In hac rerum difficultate sperabat Rex Carolus ad inducias permoueri posse, ideoque constituerat exercitum reducere. Sed foemina quaedam mihi non ignota, cuius nomen, quoniam adhuc uiuit, notandum;

edant: datis ad eum literis, hortabatur, ut in Atrebatem conuerteret impetum. Et quia locuples erat ea mulier, ac nobili genere nata: Rex consilium eius minimè contemnendum esse putabat. Missis igitur copijs, Amptoralio Duce, quicquid inter Abbeuillam et Atrebatum interiaceret, uastat incendijs. Atrebatem diuturnitate paucis insolentiores, militem, cuius presidio tenebantur, compellunt eruptionem facere. Illi ad eum modum electi: cum multitudine et numero essent inferiores, interfecti sunt plerique, captis aliquot ipsorum ducibus. In his fuit Iacobus Connestablii frater, et Contaus, et alij quidam propinqui eius foeminae, quae regem ad hoc bellum incitauerat. Quae licet et ipsa in hac communi calamitate, detrimentum, quod fieri necesse erat, accepisset: liberaliter tamen remunerata fuit. Factum hoc ad ipsius laudem minime pertinet. Nec enim fide aut beneficio erat obstricta, ut id faceret. Rex Legatū miserat eum, de quo diximus, Tercelinum, ad Cæsarem, orans, ne pacisceretur cum Carolo, et simul excusans, quod ad constitutum diem auxilia promissa non misisset, affirmabat se primo quoque tempore missurum: non se interea fuisse ociosum, et hosti non uno in loco bellum intulisse: rogare se, ne separatim alter absque alterius assensu et uoluntate cum illo pacificetur, et ut ea res iureiurando sanciat: recte facturū Cæsarem, si prouincias Caroli omnes, quae sub clientela sint Imperij, occupet: idē se de Flandria, et Artesia et Burgundia,

gundia, quæ ad Gallicum imperium pertineant, factu-
 rum esse. Cæsar, tametsi parum erat animosus Prin-
 ceptis: ingenio tamen ualebat, & quoniam grandi erat
 ætate: longo rerum usu plurima cognouit, deinde, as-
 suerant iam nostris actionibus, & tædebat eum belli,
 tametsi nulla magna ipsius impensa fieret. Principes
 enim omnes, collatis auxilijs, sumptum pro se quisq;
 singillatim faciebant, ut fieri solet in rebus, ad Imperij
 salutem pertinentibus. Acceptis Legati nostri manda-
 tis: Fuit, non procul, inquit ille, à quadam urbe Ger-
 manie, ingens aliquando ursus, qui totam uicinam re-
 gionem multum infestabat. Eius oppidi tres quidam
 iuuenes ueniunt, ut consueuerant, ad cauponem, ro-
 gant prandium sibi præberi: fore, ut intra biduum per-
 soluant omne debitum, sese capturos ursum illum uen-
 datorem: eius pellem magnò posse uendi, & futurum,
 ut aliquo præterea munere cohonestentur à ciuibus, ob
 interemptam beluam, quæ tantum dederit damni. Cau-
 po conditionem accipit. pransi contendunt ad latibu-
 lam feræ, in quam, quum opinione citius incidissent:
 perterrefacti subito occursum, in fugam abeunt. Ex ipsis
 in arborem unus conscendit, alius ad urbem, quantum
 potest, fugit, tertium ursus comprehendit, & prostra-
 tum pedibus conculcat, rictum deinde propius ad au-
 rem admouet. Interea miser ille mortui præbet spe-
 ciem & hominis exanimati. Ea enim est urfi natura,
 ut si, quod cepit animal, mortuum esse putet: non in-
 festet

festet amplius. Itaq; cum et istum crederet extinctum relinquit, inq; speluncam redit. Ille tandem ubi consurrexit, urbem petit. Qui in arborem confugerat, incolumem illum esse uidens, accurrit, et ualde cupide rogat, quid in aurem inuicem murasset belua: Hoc, inquit ille, mihi præceptum dedit, ne quam urfi pellem deinceps uendam, nisi capta primum fera. Præter hanc fabulam, nihil tum aliud Legato respondit, oblique significans Regi, ut cum exercitu, quem promiserat, ueniret, atq; coniunctis uiribus hostem, si possent, caperent, ac ipsius deinde facultates inter se partirentur. Suprà dixi, quemadmodum Iacobus Connestablii frater, cum alijs nonnullis, apud Atrebatens captus fuit. Eam rem grauiter tulit Connestablius: uerum nulla uenit sola calamitas. Hoc enim ipso tempore, captus etiam fuit eius filius, Comes Rosius, Burgundiæ præfectus, et simul è uita decessit uxor, quæ soror erat Regine: quod in his acerbitatibus unicum esse poterat subsidium. Nam quæ Bouilli facta fuit in eam conspiratio, non intermittebatur, et ille, cognita re, sicut diximus, ualde sibi metuebat, neq; iam dubitabat, quin regem haberet uehementer iratum et offensum. Aberrant non procul à Sanctoquintino Comes Dammartinus, et alij multi, cum mediocri equitatu. Ille igitur, metu periculi, continebat se in oppido, cum trecentis circiter peditibus, quos è sua ditione coëgerat. Cataphractis enim suis, eo quod alebantur à rege, nihil magis
gnopere

gnopere confidebat. Sed interea Rex cum urgebat crebris nuncijs, ut adducto equitatu in fines Hannoniæ, quo tempore Ammirallius incendio uastabat Atrebatibus: circumuallaret Auennium. Paruit quidem ille, sed ualde timide, cumq; per paucos admodum dies ibi substitisset, multis circum se dispositis stipatoribus: domum redijt, & misso ad regem nuncio, purgandi sui causa, dicebat, certiore se factum esse, Regem summississe duos, qui se caperent, atq; ita loquebatur uerissimiliter, ut parum abesset, quin ex his duobus alter in suspicionem ueniret, extulisse aliquid ad illum, quod tacitum & occultum esse debebat. Dum hæc geruntur: frequenter mittit ad Carolum, eo, nisi fallor, consilio, ut ab obsidione ipsam reuocaret. Iis reuersis, nunciabat ferè aliquid regi, quod sciebat ei futurum esse non ingratum, & simul, quamobrem eò misisset, exponebat, arbitratu hac uia se posse illum flectere ac mitigare. nonnunquam etiam, ut metum aliquem inijceret, significabat res Caroli non malo esse loco. Sic enim timebat sibi à ui & insidijs, ut Carolum sollicitaret, quò fratrem suum, Iacobum, qui tum ante Nouesium erat, cum alijs nonnullis, ad se quàm primum mitteret, iniecta spe, & promissione facta, Sanctoquintinum se patefacturum illis esse. Quò posteaquam illi uenissent, fidem eius atq; pollicitatione secuti, ipse mutata sententia, diuersum renunciabat. & hoc quidem ter accidit. Quicquid est huius rei: à multis fide dignis, præcipue autem ab ipso,

ipſo, de quo loquor, Conneſtablii fratre cognoui, qui captiuus in Galliam adductus, in hunc modum recitabat Regi, præter me, nemine præſente: Et quoniam liberaliter ad ea, quæ rex percoſtabatur, reſpondit, comode hoc ei acceidit. Interrogatus, quantas habuiſſet copias, quo tempore cogitabat in oppidum peruenire? ait, ſe tertio habuiſſe ad tria millia. Deinde, an occupata urbe, fratris fuiſſet ſecuturus parteis? reſpondit, primo quidem atq; ſecundo ſe illuc ueniſſe, quò ſubſidium ei ferret: Poſtremo autem, quòd animaduertenter, Principem ſuum Et ſe quoq; ab illo ludificari: ſi tunc in oppidum fuiſſet admiſſus: Carolo ſe fuiſſe illud ſeruaturum: non ſe quidem uim ullam facturum, ſed inuito illo fuiſſe ibi commoraturum. Ab eo colloquio rex illi è carcere dimiſit, Et ſue familie adſcripſit, Et in magno habuit honore, propterea, quòd ingenuè Et prudenter reſponderat. Per occaſionè obſidionis Noueſionæ ſum delapſus ad alia, quæ quoniã in idem ſerè tempus inciderunt, præterire non licuit. Durauit enim ea obſidio totum annum, Et ut eam ſolueret, duæ potiſſimum res Carolum impellebant. primum: motum à rege in Picardia bellum, exuſtis aliquot oppidis, Et Atrebatum agris uaſtatis: Deinde, Anglicanus exercitus, ipſo auctore conſcriptus. Nam Eduardus, Et qui erant cum eo Proceres, admodum irati Carolo, propter interiectam morã, quum precibus nihil proficerent, Et ſumptus ingentes facerent, Et rei benè gerende dilaberentur

rentur occasiones : ceperunt etiam comminari. Carolus autem ad suam existimationem et laudem magnopere pertinere putabat, obsideri à se tam longo tempore oppidum in aspectu tantæ multitudinis hostium, à quibus cogi non posset, ut illinc discederet. Verum ista gloriola magnò ei constitit. Nam qui foeliciter bellum gerit: ad eum redit omnis honos rerum gestarum. Pontificij Legati intercessione, pax tandem facta fuit, ea conditione, ut Legatus in oppidi possessionem immisissus, teneret illud, quoad Pontificis et Cardinalium auctoritate aliquid statueretur. In quanta uero sollicitudine, et cogitationum acerbitatibus, credibile est Carolum tunc fuisse, quum et bellum sibi uideret inferri à rege, et interminationes audiret Anglorum qui socij erant et confederati, et oppidum obstinate circumuallatum uideret in eas angustias adductum esse, ut intra paucissimos dies, inopia rerum omnium, ad deditio- nem cogi posset? Nam è Ducibus unus, qui circumfessus ibi fuerat: quem in suam deinde familiam rex adiunxit: recitauit aliquando nobis, cum ab eo discederet Carolus, potuisse capi intra decimum diem. His igitur de causis, ut diximus, obsidionem soluit. Interea Eduardus proficiscitur Daruernum, oppidum maritimum, ut traiecto mari, Caletos perueniret. Quantus fuerit exercitus, et quam instructus, antea diximus. Quæ cum ita sint: credibile est, Deum conturbasse mentem Carolo, ut hæc omnium pulcherrima relictæ occasione conficiendi

Conficiendi belli Gallici, pertinaciter inhereret oppugnationi difficillima, et tempus tereret. Habebant enim Angli in re militari opus ipso, tanquam præmonstratore. Nam quo primum tempore in nostros fines perueniunt: ualde sunt imperiti, et minus idonei, sed breui tempore magnum usum armorum sibi comparant. Ille uero non modò non formabat eos ad nostrum militiæ genus, quod in primis erat necessarium, si modò uellet uti aliqua ipsorum insigni opera: uerum etiam sua constatione et pertinacia hoc effecit, ut administrandi belli amitterent propemodum occasiones. Deinde sic erat ipsius exercitus attenuatus, ut exhibere illum Angli et representare non auderet. Nam ex diuturna illa obsidione desiderabat ad quatuor millia lectissimorum militum. Atque ita uidere licet, quemadmodum fatali quodam malo, consilia sua et actiones omnes, uidens atque sciens et prudens instituerit in suam ipse perniciem. Erat tunc Eduardus Daruerni, et quò facilius traiceret: misit ei Carolus à Zelandia circiter quingentas naues, idoneas transportandis equis. Verum, et si hoc adminiculum haberet à Carolo, et licet magna diligentia rebus omnibus ipse prouideret: tamen inter eum portum et Caletos treis hebdomadas nauigatione consumpsit, cum sit interuallum septem duntaxat milliarium. Quò magis uideri potest, quàm sit Anglis difficile, in Galliam traicere exercitum. Quod si rex maritimam rationem belli tam bene cognitam habuisset quàm terrestrem:

absque negocio, traiectu interclusisset illum, & aditu prohibuisset; eo præsertim anni tempore: sed nec ipse intelligebat, nec etiam illi, quibus administrationem belli commiserat. Eduardus, antequam Daruerno proficisceretur: datis ad regem literis, bellum ei denūciabat. Earum literarum, quæ sane perquàm eleganter sermone Gallico fuerūt conscriptæ, hæc erat summa: Ut Gallicæ possessionem, quæ iure ad se pertineat, sibi reddat, quò nobilitatem & ordinem Ecclesiasticum, pristino iuri et libertati restituat: Id si non impetret, earum calamitatum, quæ postea sint ex hac iniuria nascituræ, culpam à se remouebat: Quæ quidem contestationis formula est usitata Principibus, dum alter alterius hostem se profitetur. Rex, ubi solus eas literas legisset: in uestiarium se recipit: & accersito foeciali, incipit, Sibi certò constare, Eduardum non sua sponte, sed impulsum à Carolo & multitudine, huc descendisse: iam magnam ætatis præterijse partem: Carolum ex diuturna obsidione fractū habere exercitum, & rebus omnibus necessarijs carere: de Connestablio se non dubitare, quin is cum Eduardo communicarit consilia, propter eam, quæ sit inter ipsos affinitatem: sed nihil ei fidendum esse: quod suo exemplo cognosci possit, qui sit præclare de ipso meritis: illum uero perpetua quadam uti simulatione, & ad suas commoditates omnia referre. In eam sententiam ubi multa dixisset, dabat illi trecentos aureos, & si pacificaretur, promittebat mille: palam uero iussit

iussit ei dari triginta ulnas preciosissimi panni serici.
 Foecialis ad ea respondit, se, quicquid ad pacem ullo
 modo conferre possit, libenter esse facturum: existima-
 re se regem Eduardum non fore difficilem, aut nimis du-
 rum: sed eius rei non esse ullam faciendam mentionem,
 prius, quam exercitus mare traiecerit: Tunc statim mit-
 tendum esse nuncium, qui tutum iter legatis impetret:
 Hunc simul atque venerit in Anglorum castra, iubet ad
 Hauartum, qui magnæ sit apud Eduardum authori-
 tatis, accedere, sequi illi in eo adiutorem fore profiteretur.
 Dum rex priuatim ei loquitur, multi foris expectabât,
 ut quo esset vultu, aut quid diceret, uiderent: Ille mo-
 statim accersit, iubet, ut interea, dum comparantur,
 qui nuncium deducant, familiariter cum ipso colloquar-
 eo consilio, ne quis alius interpellaret. Post hæc, pau-
 cis quibusdam euocatis, incipit loqui de literis, easque re-
 citari iubet, nec ullum dabat offensionis signum. Nam
 foecialis ille sermo ipsum recreauerat. Hoc loco mihi
 digrediendum est ad Connestablium. Is quod Caro-
 lum ludificauerat, deique spe recuperandi Sanctoquintia-
 ni deiecerat: in maximo uersabatur metu: De Regis
 immutata erga se uoluntate, nihil etiam dubitabat,
 præsertim cum e suis familiaribus ad illum nonnulli iam
 transiissent. Veruntamen ex ijs alter, Mouüis, commea-
 bat inter utrosque, et mandato regis illum ad collocutio-
 nem euocabat. Connestablius autem non se recte fare, si
 Rex interposito solenni iureiurando, quod super cruce

sancti Lupi Andegauensis facere consuevit; fidem si-
bi præstaret. Vt autem ad eam iurisiurandi formulam
rex descenderet: omnino se facturum esse negabat,
sed paratus erat quacunq; alia ratione ipsi cauere. Cer-
te, si quis intueatur omnia propius, comperiet misera-
bilem esse uitæ nostræ conditionem, qui tantis labori-
bus, uigilijs, curis & acerbis cogitationibus nos defati-
gamus ipsi & affligimus. Erant hi duo in magna sol-
licitudine, & crebri mittebantur utrinq; nuncij. Sed
non minus interea laborabant Eduardus & Carolus.
Nam & illius ad Caletos traiectus, et huius cum Cesa-
re pacificatio, in idem propè tempus incidit. Carolus,
obsidione relictâ, paruo comitatu ad Eduardum profi-
ciscitur: reliquum exercitum in Lotharingiam & Bar-
rensem ditionem mittit, ut ibi uastatis agris, nonnihil se
se reficerent. Parum sane prudenter hoc ab eo fiebat.
Angli enim expectabant, ut ille cum maxima manu se-
se coniungeret ipsis. Nam quò magis accelerarent, &
citius mare traiceret, hoc eis promiserat: nec id modo,
uerum etiam nunciauerat se trimestre citius, quàm alio
qui factururus fuerit, bellum regi intulisse, ut ipsi, postea
quàm in Galliam uenissent, recentes ac integri, defatiga-
tum reperirent hostem & attenuatum. Digressi ambo
Caletis, et per Boloniam facto itinere, Peronam ueniunt.
quo in loco minus amice Carolus illos excepit. Nam
& portis adhibuit custodias, & in oppidum eos, nisi
exigujs cohortibus, non admisit. Dum hic moratur,
mittit

mittit ad eum Connestablius, purgandi sui causa: quod Sanctoquentinum ad diem non tradidisset, consulto factum abs se: nam alioquin omnem se fuisse rationem amissurum, & occasionem agendi aliquid præterea: nullam deinceps auctoritatem, nullam se habiturum in Gallijs fuisse facultatem communicandi consilia: Nunc vero, quandoquidem in propinquo sit Eduardus: facturum se quiduis. Et quò maiorem faceret fidem, per eundem Legatum dat literas ad Eduardum in hanc sententiam, ut ijs, quæ Carolus ipsi nomine suo dicturus esset, fidem haberet. Alijs deinde literis Carolo promittebat opem, quovis in bello, nec ipsi tantum, sed omnibus etiam confœderatis atq; socijs. Acceptam epistolam Carolus Eduardo reddit, & quid ille nunciaisset, recitat & aliquantò plenius quàm res erat, exponit. Nam & Sanctoquentinum, & alia multa se recuperaturum esse illius opera confirmabat. Eduardo facile persuasum fuit, quoniam & sororius erat Connestablij, neq; illum credebat tam fore temerarium & imprudentem, ut in ijs angustijs positus, quod sibi, quod Carolo promississet, non servaret: Idem quoque sentiebat Carolus. Verum neq; metu regis, nec ulla re alia potuit ille impelli, ut satisfaceret promisso: & ex usu rerum suarum esse putabat, ut pro consuetudine sua cautè ac simulate ageret, existimàs, inueniri semper à se posse rationes nō malas, quibus illi placati, paterentur sese duci. Eduardus autem, eiusq; familiares, quia

nostrarum rerum erant imperitiores, nō tam facillē fēserunt dolum. Angli enim omnes, ij præsertim, qui non sunt apud exteros peregrinati, ualde sunt biliosi: quod proprium est omnibus ad septentrionem pertinentibus populis. Galli uero, quoniam positi sunt in regione benē temperata, cincti Hispanijs & Italia et Anglia & Germania, medium quiddam obtinent, neq; præcipites, neq; nimium etiam tardi, aut remissi. Exhilaratus igitur his Connestablij literis & mandatis Eduardus, tametsi iam antea poterat aliquid odorari: unā cū Carolo digressus Perona, proficiscitur Sanctoquintinum. Aliquot illius cohortes, quasi certa & explorata oppidanorū amicitia, leti præcurrūt, sed propinquo res facti, tormentis excipiuntur, & desideratis nōnullis, corlo multum pluuio & incommodo, regrediuntur ad suos, uehementer irati Connestablio, quem & proditionis insimulabant. Postero die, Carolus abitionem parat. Quæ res magnopere contra opinionem Anglis accidit, eò quod author ipsis fuerat, ut mare traicerēt. Cogitabat autem ad exercitū suum, qui Lotharingiam uastabat proficisci, multa se facturum esse promittens, quæ sint ex ipsorum usu. Verum Angli, cū alioqui suspicionibus indulgeant, et quod essent planē hospites in ea regione, grauitè admodum tulerunt hunc illius discessum, neq; persuadere sibi poterant, ipsum habere ululum coactum exercitum. Præterea factum illud Connestablij impatientissime ferebant, & Caroli satisfactio-

nem,

nem, qui multis de causis illud accidisse diceret, nullo
 modo accipiebant, & quoniam hyems suberat: pacem
 potius quam bellum spectabant. In hoc ipso temporis
 uestigio, dum Carolus abitionem parat, adolescens qui
 dam Gallus capitur ab Anglis: Adductus ad Eduardum
 & ad Carolum, custodie mandatur. Carolus illinc di-
 gressus, Brabantiam petit, ubi partem aliquam habebat
 copiarum. Adolescentem, eò quod primus erat, quem
 ex hostibus cepissent: Eduardus dimitti iubet. Is, cuius
 antea meminimus, Hauartus, abeunti dat aureum num-
 mum, simul mandat, ut suo nomine regem Ludouicum,
 si conueniendi facultas detur, salutet. Ille celeriter pro-
 fectus, Regi, qui tum erat Compendij, mandatum expo-
 nit. Rex initio ueritus exploratorem aliquem esse,
 quod ipsius heri fratrem intelligeret apud Britannum
 esse in auctoritate: iubet arctè custodiri: sed tamen ip-
 sius mandato multi compellabant eum, ut certi aliquid
 cognoscerent. His omnibus uidebatur, nihil subesse do-
 li, & audiendum esse. Postridie, mane, rex ei denuo
 loquitur, & uinculis quidem expediri: sed tamen ser-
 uari precipit. Cum uentum est ad prandium: diu mul-
 tumq; secum deliberat, num sit in Anglorum castra
 quempiam missurus: & antequam asideret. secreto
 mibi quedam dicebat. Venit ei in mentem, quod An-
 glie scæcialis nuper dixerat, ut simulatq; mare traiecif-
 set Eduardus: ilicò mitteret aliquem eò, qui per Hauar-
 tum sit habiturus aditum. Vbi confedit & aliquandiu

pro suo more cogitasset: iubet, ut surgam (sic enim ferebat eius consuetudo, ut semper aliquos mensa sua dignaretur) & in cubiculo prandeam . simul adolescentem quendam nominat : huic ut quacumq; ratione persuadeam , iubet , uti publicus nuncius Anglorum excreitum adeat . Eo accersito adolescente, mirabar, quid rex sibi uellet, Nam nec corporis figura, nec animo mihi uidebatur ad eam rem idoneus: sed fallebar. Nec enim ingenio carebat, et erat in eius sermone blanda quedam suauitas, ut postea cognoui. Rex, cum semel tantū ei locutus esset, hoc statim in eo deprehenderat . Vbi quid uellem, exposuissem : ita fuit attonitus, ut ad pedes proiectus deprecaretur, non secus ac si in presenti uite discrimine positus esset. Confirmabam eum, quibus potui rationibus, & magna pollicebar, & , ut magis auderet, dicebam ab Anglis hoc emanasse, ut mitteretur aliquis. Erasmus omnino soli, & inter prandendum , quid fieri oporteret , edoceo . Paulò post euocor à rege : quid egissem, expono , simul alios, qui mihi uidebantur magis idonei , profero : sed ipse hunc unum præferebat omnibus . Tandem in coenaculum meum uenit, comitatus uno solum famulo , & locutus adolescenti , paucis uerbis magis eum excitabat, quàm ego sermone prolixo . Cumq; pauorem omnem & dubitationem ab illo expulisset : iubet ilico uestem consui, cuiusmodi Ecclesiales uti solent . Eius enim generis nulla tum erat parata, quod Rex in ijs rebus minime erat ambitiosus . *Ea-
ueste se-*

ueste secreto confecta: clam adducitur equus, in mantia-
cam imponitur uestis, & propinquior factus Anglo-
rum castris, iubetur eam circumferre palam. Quum ea
peruenit, sistitur, et ad Eduardi tabernaculum adduca-
tur. Interrogatus, quid uellet: à Galliarum Rege se-
missum esse dicebat ad Eduardum, & iniunctum sibi,
ut per Hauartum adiret. Pransus, ad Eduardum redu-
citur. Ibi mandatis expositis, ait Principem suum cu-
pere modis omnibus, firmam & perpetuam inter An-
glos & Gallos amicitiam intercedere: Id facile ex ea
posse intelligi, quod interea, dum apud Gallos imperi-
um obtineat, nihil unquam aduersus Angliam sit mo-
litus: Quod à Comite Beruicensi fuerit non alienus,
illud odio Caroli tantum fuisse factum: à quo nunc sit
accerditus & impulsus Eduardus ad hoc bellum, non
alia de causa, quam ut ipse adiutus opinione foederis
& societatis Anglicæ, maiora consequatur in Gallijs,
& ampliori suo commodo paciscatur. Si qui alij bel-
lum suadeant, eos hoc solum spectare, ut priuatis suis
rationibus consulant: de salute Angliæ nihil magnope-
re sollicitos esse: iam impendere hyemem: non dubium
esse, quin magnos in hoc bellum sumptus fecerit: &
quanquam in Anglia complures bellum cupiant: ta-
men, si pacis mentionem non excludat, Ludouicum
Regem non esse defuturum officio, qui & Legatos ad
ipsum ea de re sit missurus, modo id sine periculo lice-
at; aut si malit aliquem locum medium utriusq; lega-

torum colloquio deligere, futurum id Regi non ingratum. Iis cognitis postulatis, Eduardus eiusq; familiares, re deliberata, comprobant eam sententiam: & dato uiatiko, literis de periculo cauent uenturis legatis, simul nuncium in Galliam mittunt, qui suis idem impetrent. Data utrinq; fide, Rex inter alios Amiralium mittit. Anglica Legationis princeps erat Hauartus. Hi postridie apud Ambianum conueniunt: Videatur uicini fortasse, Regem nimium se demisisse: uerum qui iudicio praediti sunt, ex ijs, quae supra demonstrauimus, uident, in quanto fuerit tum Gallia discrimine, nisi Deus illam eripuisset: qui & Regi author fuit band dubie optimi consilij, & Caroli mentem ita conturbauit, ut ea sequeretur consilia, quae summum ei detrimentum attulerunt. Sparsa tum erant per Galliam multa diffensionum semina, quae tametsi tegebantur adhuc, erant tamen eruptura breui post tempore, nisi Rex in uerbis illa necasset. Ex Britannia potissimum ingens quaedam tempestas nobis impendebat: quò magis credo, Deum singulariter & unice, tunc respexisse Gal-
 lion.

PHILIP



Ostendit quàm noster Foecialis redierat.
 Legati, ut diximus, constituto loco con-
 ueniunt. Inter utrosq; exercitus inter-
 uallum erat quatuor milliarium. Vbi
 conditiones aliquot nostri proposu-
 isent: Angli pro sua perpetua consuetudine, pete-
 bant omnem Galliam, aut saltem Normanniam &
 Aquitaniae partem sibi reddi. Id uero nostri obstinate
 negabant: & quanquã in eo conuenire inter ipsos non
 poterat, tamen, quoniã pacis erant utrinq; cupidi: per-
 fectum aliquid fuit. Ipsorum hæc tandem fuerunt po-
 stulata, primum, ut Rex Eduardo statim dependeret
 septuaginta duo aureorum millia: deinde, ut ipse
 filius Carolus, qui nunc rerum potitur (Delphinum
 Galli uocant) uxorem duceret natu maiorem Eduar-
 di filiam: Ad hæc, ut in educationem filie rex aut
 certam Aquitaniae partem daret: aut per annos nouem
 quinquaginta aureorum millia quotannis persolueret
 Londini: quibus annis elapsis, illi perfecto matrimo-
 nio, fructibus omnibus Aquitaniae, sine contentione
 utantur fruantur. Alia quedam humiliora, quæ ad
 mercatorum negocia pertinent, de quibus etiam agita-
 tum ibi fuit, nihil attinet commemorare. Postremo,
 ut per annos nouem firma sit pacificatio, & ut socius
 quisq;

quisq; suos in ea comprehendat, & in his Carolum etiã atq; Britannum, modo uelint ascribi. Ex altera parte, Eduardus ultro deferebat (quod in primis mirum uideri potest) se patefacturum esse Regi quosdam Gallicæ proditores. Cum ex Legatis, quid illi peterent, Rex cognouit: conuocato concilio, cui & ipse intereram, deliberat. Nonnulli putabant eos agere insidiosè: Rex autem longe aliter sentiebat, his potissimum de causis, quòd imminente iam hyemè, non possent quicquam magni efficere: quòd receptaculum nullum haberent: quòd à Carolo male essent accepti, & iustissimas haberent in eum offensionis causas: quòd Connestablius nò esset ipsis locum ullum munitum, in quem se recipiant, daturus: idq; sibi constare dicebat, quòd frequentes ad eum mitteret nuncios. Deinde, non nesciebat, Eduardum delicijs & ocio deditum esse. Quocirca decreuit eam pecuniam oportere persolui, & eius corroganda statim inite sunt rationes, & singuli conferebamus aliquid pro suis quisq; facultatibus, ut absq; mora dependeretur. Hæc enim erat sententia Regis, ut diceret, se nihil non esse facturum, quòd domum illi redirent: non se passurum tamen, ut possessiones ullas in Gallijs obtineant: & potius quàm hoc ferat, extrema se omnia tentaturum. Connestablius interea, quòd perpetuo metuere illam contra se factam Bouilli conspirationem: in maxima erat sollicitudine. quæ causa fuit, ut crebris amicijs Regem interpellet. Et dum hæc agitantur,
mittit

mittit Ludouicum Creuilium, honesto loco natum, & unum è scribis, Ioannem Richerium. Hi Bocagio & mihi, iussu Regis, quid uellent, exponunt. Forte aderat eo die Contaus, qui cum esset apud Atrebatum captus, ut suprà diximus, fide militari subinde uehiebat ad Regem: & si pacem conficeret, pro sua, qua ualebat apud Carolum auctoritate, promittebat ei rex libertatem absq; precio, & magnam præterea uim pecunia. Auditurus igitur Connestablij Legatos, Contæum intra cubiculi fores collocat, meq; illi adiungit, ut legatorum orationem Carolo recitaret. Atq; ut plenius intelligeremus omnia: sellam suam iubet deferri proximè ad fores intra quas eramus abditi. Illi incipiunt: à Connestablio se missos nuper fuisse ad Carolum, ut ab Anglorum societate ipsum auerterent: Illum autem uehementissimè tunc iratum fuisse Eduardo, & minium abfuisse, quin ei persuaderetur, ut non modo desereret, uerum etiam, ut cum exercitū discedentem inuaderet. Dum hæc illi recitant: simul student, quò magis Regi gratificarentur, Caroli uocem & gestus representare, quibus ille concitatus ad iram, uti consueuit: ac inter alia dicebant, eum nominasse Eduardum, sagittarij cuiusdam filium, & id genus alia multa. Rex in risum solutus, ait se grauius audire: rogat igitur, ut ea quæ dixissent, repeterent. Creuilium magno quodam affectu rursus omnia commemorat. Contæus, qui unà mecum post fores latebat, ualde mirabatur, & nisi coram ipse

rum ipse audisset; nulli fidem habiturus erat. Mandatorum hæc erat summa: suadere se regi, ut periculi uitandi gratia, in quo esset, pacisceretur cum Anglis inducias: Connestablium in ea re fore adiutorem, neque dubitare, quin sit perfecturus. Et quò facilius persuaderetur Anglis: uideri Connestablio, rectè facturum esse Regem, si unum et alterum oppidulum illis det huiusmandi causa. Sciebat Anglos inimico esse in se animo, propter acceptam contumeliam apud Sanctoquintinum: Et ut eos placaret, ideo ad hunc modum loquebatur. Rex, cui satis erat sustinuisse personam, et hoc perfecisse, ut Contaus illorum orationem intelligeret: hoc solum respondit, se cum Eduardo acturum esse, atque ita dimisit Legatos, è quibus alter, fidem Regi dabat, interposito iureiurando, si quid ullo tempore sentiret, quod ad ipsum pertineret, se patefacturum esse. Regi ualde molestum erat et graue, non respondere aliquid ad eam sermonis partem, qua illi suadebant, Anglos in oppida recipiendos esse: uerum quod metueret, ne Connestablius aliquid grauius admitteret: ita responsum temperauit, ne quod offensionis signum illi deprehenderent: simul è suis aliquot ad illum crebro mittebat. Nam propter modicum interuallum, paucis horis alter de altero cognoscebant. Contaus impatientissime tulit, principem suum, à legatis, qui tenuis essent conditionis homines, ad eum modum ludificari, præsertim, cum in hoc tempore Connestablius magnū simularet

simularet amorem, et cum Carolo de varijs rebus agitaret, eiq; spem ingentem faceret. Itaq; nihil magis optabat, quam ut primo quoq; tempore, domum reuersus, Carolo rem omnem exponeret. Cum igitur perfecto negotio, cuius causa uenerat, discederet: Rex datus ad Carolum literis, petit, ut ijs, quæ dicturus esset Contæus, fidem haberet. Præter alia, de quibus inter Regis et Eduardi legatos conuenerat, hoc etiam fuit constitutum: ut ad colloquutionem ipsimet Reges uenirent, ac iureiurando pactiones confirmarent: ut Eduardus accepta pecunia, quã petebat, obsides daret duos proceres, et alterum ex ijs Hauartum, qui in Gallijs essent, donec ille cum exercitu mare traiecisset. Angliæ quoq; primoribus Rex promittebat annuam pensionem, ad sedecim aureorum millia, et ea pecunia statim persoluta fuit in primum annum, et nasa multa argentea dono illis data. His rebus cognitis, Carolus, qui tum Luxemburgi erat, magna celeritate contendit ad Eduardum, sedecim comitatus equis. Vbi uidisset Eduardus, miratur quid sit, rogat quamobrem uenerit. Carolus ait se uelle colloqui: tum ille, priuatim ne, an publicè? Ibi Carolus rogat, an pacem fecerit: Ille respondit, se pactum esse nouem annorum inducias, in quibus et ipse, modo uelit, sit comprehensus: rogare se, ut assentiretur. Carolus coepit indignè ferre, et stomachiari, et Anglicè locutus, exponit, quanta fuerit ipsius maiorum, Angliæ regum uirtus, qui exercitu in Galiam

liam sepe traiecto, præclare ibi multa fecerint, cum ut genti ipsorum gloria: pacificationem hanc esse uehementer indignam & abiectam: se quidem fuisse illi auctorem, ut mare transfret, non quod ipsius haberet opus auxilijs, uerum ut hac ratione, uetus patrimonium & ius, quod ad ipsum, quod ad Angliæ Reges à plurimis, nunc annis pertineat, recuperaret. Et quò magis, constet, quàm facile carere possit eius adminiculo, non se facturum esse inducias cum Rege, nisi tribus mensibus post ipsius in Angliam traiectum. Hæc locutus abiit. Eduardus, & qui erant cum eo, sermonem hunc grauitè tulerunt: alij, quibus ea compositio displicuit, laudabant. Sic ut constitutum erat, Eduardus propius Ambianum accedit. Rex è porta urbis prospiciebat aduenientes copias: ilico trecenta plaustra generosissimi uini dono mittit. Et quoniam induciæ erant: illi sub armis magno numero in urbem ueniunt. Quòd si Rex insidiosè uoluisset aliquid moliri: facile poterat eos opprimere sed aliò spectabat. Mensas duas longiores iusserat hinc inde per uiam disponi, ad introitum urbis, prope portam, ijs cibus, qui sitim prouocant, optimisq; uinis instructas: simul ad eas collocauit è nobilitate quosdam præpingues, & bene curate cute nitidos, qui comiter illos exciperent, & ad comotationem inuitarent. Ad hunc modum in ipso propè limine excepti, ac deinde longius in oppidum progressi, quocunq; diuerterent, lautissimè per quatriduunum habiti.

habiti fuerunt, sumptu regis. Interea Connestablius, qui pacem hanc indigne ferret, non minus quam Carolus: conscientia facinoris instigatus, è sacrificiis quendam mittit ad Eduardum, ac magnopere hortatur, ne Regis orationi, & promissis fidem habeat: sed hybernis unum et alterum oppidum, quæ dicebat nominatim, sumat, ijsq; sit contentus. Intra bimestre, sua diligentia & opera, longe commodius ei paratum fore hospitium. Hec ille quidem oblique & dubitanter, sed tamen ample & prolixè. Et ne qua maiori necessitate coactus Eduardus, indignum aliquid admitteret: promittebat mutuo dare ad quinquaginta aureorum millia, multaq; alia eius generis nunciabat. Regem antea fuerat hortatus, ut Anglis illa, de quibus diximus, oppida per hyemem daret. Ea res quoniam ad Eduardum emanauit: Rex, ne qua parte offenderet, iam illa traderat. Eduardus respondit, se pactum esse inducias, nec uelle quicquam immutare: quod si fidem ille sibi seruasset, non se descensurum fuisse ad eas pacis conditiones. Ibi uero Connestablius omni spe reconciliationis excidit. Dum ad eum modum, ut diximus, Angli comessantur Ambiani: Regem de eo certiorè facit Torcius, uir nobilis, cumq; ille stomacharetur: obmutuerunt omnes. Dies ille representabat eum, in quem Innocentium puerorum dies eo anno inciderat. Regis autem erat consuetudo, ut per eum diem, nemo quicquam ad ipsum de negocijs deferret, et mali ominis esse putabat,

M

si quis ulla de re graui & seria cum ipso loqueretur: et
 ijs, qui hunc ipsius morem non ignorabant, si quando
 interpellassent, ualde irascebatur. Verum ubi audissem
 in urbe iam esse ad nouem Anglorum millia: putauit
 non esse contemnendum periculum. Accedens igitur
 ad illum, tametsi hunc diem religiose colas, inquam, ta-
 men quo loco sint res: opus est, ut dicam. Ordine dein-
 de commemoro, quid fieret, & quemadmodum illi au-
 gescerent, dum metu ne offendantur, sine discrimine
 omnes intromittuntur. Ille placide respondit, religio-
 nem hanc, in eo rerum statu, solui posse: iubet, ut con-
 scendam equum, & experiar apud Duces, si qua ratio-
 ne queant reuocari: uelle se cum ipsis colloqui, et paulo
 post ad portam esse uenturum. Sic ut imperatū erat, fe-
 ci, quantum licuit: uerum uno aliquo discedente, multi
 alij ingrediebantur. Post me Gijum mittit, nunc Gallie
 Mareschallum. Ingredivimur cauponam, largiter ibi po-
 tabatur, & personabant omnia uocibus ebriorum. Ibi
 tandem coepi remittere curam, & iudicabam nihil esse
 magni periculi, & ad Regem hoc statim enunciabam,
 qui & ipse non multo post ad portam uenit magno co-
 mitatu, & secreto iubet armari ad trecentos cataphra-
 ctos, & ad portæ custodiam, loco superiori, multos con-
 stituit. Ipse in ianitoris domo prandet, & cum eo multi
 ex Angliæ primoribus: Eduardus de suorum intempe-
 rantia certior factus: nunciat Regi, ne quem omnium
 intromittat. Rex minime se quidem istud facturum esse
 responde

respondit: uerum si commodum ei uideatur, mittat aliquem suorum stipatorum numerum, qui quos uelint, admittant. Placuit ea ratio, itaque factum est, ut plerique omnes ab urbe excederent. Post hæc, inijcitur mentio, circumspiciendum esse locū idoneum collocutioni. Ad eam rem conficiendam, Bocagius et ego mittimur à Rege: Ab Anglis uenit Hauartus et Calangerius cum fociali. Diligenter inspecta omni regione, et ora illa, quæ est ad Somiam flumē: opportunus uisus est nobis locus, Piccenium oppidum, tribus infra Ambianon miliaribus, tametsi Carolus nuper illud incendio vastaueret. Vtraque uia, quæ uenturi erant diuersis itineribus ambo Reges, admodum erat amœna: nisi quod per spaciū aliquod, locus, quæ ueniendum erat Eduardo, propter angustias, opportunus erat insidijs et iniuriæ, si quis mala fide rem egisset. Angli enim, quod et supra dixi, non sunt in eiusmodi rebus tam ingeniosi et providi, quàm nostrates. Vbi conuenit de loco: placuit efficiendum esse pontem, in quo illi congregerentur. Materiam omnē ad eam rem nos subministrauimus. In medio ponte fit cauea, mediocri altitudine, qualibus coherceri uidemus leones. Eius foramina erant ea magnitudine, ut brachium aliquis laxè infereret. Superne tota erat contabulata, pluuiæ arcendæ causa, ita quidem amplè, ut utrinque duodeni cōsisterent. Ea cauea completebatur utramque oram pontis, sic, ut transitus in alterutram partem nullus patcret. Ad flumen solum erat una

scapha, cum duobus uectoribus. Et quoniam ad hunc locum uentum est: non grauabor recitare causam, cur sepimentum istud Rex iusserit edificari, ut alij quoq; Principes in colloctionem aliquando uenturi haberent quod sequantur. Carolus Galliae rex, eius nominis septimus, multum adulescens, affligebatur admodum ab Anglis. Nam Henricus quintus Angliae rex acriter obsidebat Rothomagum. Oppidani pleriq; omnes aut subiecti erant imperio Ioannis Burgundiae Ducis, aut rebus eius alioqui fauebant. Huic grauis intercedebat cum Aureliano Duce similtas, ita quidem, ut tota fere Gallia factionibus & studio alterius partis esset diuisa, maximo cum detrimento Reipublicae. Nam eiusmodi factiones, ubi semel radices egerint; uix magna difficultate sedari possunt. & in hac dissensione Aurelianus Lutetiae fuit interfectus, anno proximè ante Rothomagi oppugnationem. Ioannes autem Burgundiae Dux, magnum habebat & instructum exercitum, quò obsidionem solueret. Utq; facilius, quò spectabat, perueniret, deq; uoluntate regis non dubitaret amplius: uisum fuit, ut cum Rege in colloctionem ueniret Monstreli, quod circiter uiginti milliaribus supra Luteciam est oppidum, ad confluentem Sequanae & Iona. Fuit igitur ibi inaedificatum ponti sepimentum quoddam, uerum ita, ut per ostium, quod utrinq; claudebatur, alijs ad alios pateret aditus, modo utriq; uellent. Cum cò uentum est: incipiunt colloqui Principes. Ac licet magno comitatu

comitatu uenissent ambo: Burgundie tamen Dux, quatuor tantum e suis adduxit, & paulo post, uel quod inuitaretur, uel quod alioqui cuperet honorẽ aliquem Regi deferre: ab ea parte, quã erat, aperit fores, cumq; ab altera parte idem fieret, transijt ad Regem, & confestim fuit interemptus. quẽ quidem cedes maximarũ deinde calamitatum causa fuit, ut constat. Istud quidem non propriẽ pertinet ad nostrum institutum, ideoq; non immorabor amplius, sed ad hunc modum, ut dixi, Rex nãbi recitauit ipse. Quod si, quo tempore fuit institutum illud colloquium, sic fuisset aptatus locus, ut occasio nulla extitisset, illum euocandi: non fuisset ea perpetrata cedes, cuius erant authores nonnulli familiares Acreliani Ducis, magnæ apud Carolum Regem authoritatis. Rebus omnibus ad colloquium paratis: postridiẽ ueniunt eò Reges ambo, & Ludouicus quidem prior cum octingentis cataphractis: Eduardus autem cum omni exercitu. Sed duodenos tantum singuli secum adducunt, & interea dum colloquuntur: ex ipsis quatuor erant destinati, tanquam inspectores eorum, quẽ apud nos gererentur: ex nostris totidem erant in ipsorum castris, eadem de causa. Cum Rege præter alios aderant Ioannes Borbonie Dux, eiusq; frater Cardinalis. A multis annis Rex eum habebat morem, ut e suis unum aliquem sæpe uellet eodem esse cultu corporis, quo ipse erat. Eo itaque die me delegit ad eam rem. Posteaquam Eduardus eò uenit, comitatus

inter alios fratre, Clarentie Duce, complectuntur se
 inuicem ualde amanter per foramina illa sepimenti, &
 Ludouicus sermonem inchoans: Aduentus, inquit, tu-
 us, cognate, mihi longe est gratissimus, adeo quidem,
 ut nullius hodie principis conspectu & colloquio, ma-
 lim frui, eoq; nomine gratias ago immortalī Deo, cuius
 beneficio, hic perpetuæ amicitie firmandæ & reipub-
 licæ causa conuenimus. Ad ea cum Gallice respondisset
 Eduardus: eius Cancellarius sermonem excipit, & uati-
 cinium extare dicebat de futura insigni quadam apud
 Piccenium inter Gallie & Angliæ Reges pacificatio-
 ne. Tribuunt autem Angli plurimum uaticinijs, &
 quum de rebus arduis tractant, in medium semper ali-
 quid tale adducunt. Ea habita oratione: proferuntur
 literæ, quas de pactionibus Ludouicus miserat Eduar-
 do. Ibi tū Cancellarius Regem interrogat, an ratas habe-
 at utrobique latas condiciones? Cū assensisset ille, ponitur
 in medium liber sacratus, & alia quedam religiosa. Iis
 ambo superimponunt manus, et sanctissimo iureiuran-
 do pollicentur, omnia se bona fide seruaturos esse. Post
 hæc, Ludouicus, quoniam facetus erat & urbanus in
 dicendo, recte, inquit, erit cognate, si quando Luteciam
 uenias: lucundè uiuemus & suauiter, teq; oblectabis
 cum eius urbis lectissimis sceminis: adhibebo tibi Car-
 dinalem Borbonium: Is quicquid peccaris, pro ea
 quam habet, potestate, facile expiabit. Eo sermone fuit
 exhilaratus Eduardus. Cumq; amice admodū et blanda
 ad eum

Ad eum modum essent aliquandiu locuti : Rex iubet nos, qui cum ipso eramus, aliquò secedere . Qui cum Eduardo uenerant, iniussi diuertunt. Paulo post, accersit me Rex, & Eduardum rogat, an cognoscat. Ille et se nouisse respondit, & nominatim, quibus in locis uidisset, dicebat . Nam quo tempore adhuc eram in familia Caroli, præsiteram ei meam operam . Tum Rex ad illum : St Carolus, inquit, nolit seruare inducias (admodum enim fastuose respondit) quid agendum tibi esse uidetur? Ad hoc Eduardus, denuo licebit experiaris, ait & conditionem deferas : quod si nolit comprehendere : pugnate inter uos pro uestro arbitratu . Per occasionem deinde Rex delabatur in mentionem Britanni, nam idcirco in hunc sermonem descendit, & cū illo quid agendum sit, rogat, si nolit ratas habere inducias? Tum Eduardus, nullum se rebus aduersis habuisse fideliores amicos respondit, ideoque rogare, ne quod ei bellum inferatur . Conticuit Rex, & complexus illum, humanissimeq; salutatis eius familiaribus, Ambianum reuer titur, et illi ad exercitum redeunti, subministrat omnia, quorum aliquis esse poterat usus . Dux Cloestrius Eduardi frater, et alij nonnulli procures, quòd grauer ferrent eam transactionem : non interfuerant ei colloquio, sed tamen eò deducta res fuit, ut hi omnes deinde ad regem uenirent, acceptis ab eo pulcherrimis donis, uasis argenteis, & equis lectissimis . A colloquutione, quum rediremus Ambianum : Rex in itinere mecum

duabus de rebus præcipue loquebatur. Primum, antequam aduerterat Eduardum facili momento potuisse impelli, ut Lutetiam ueniret: id molestum erat ei. Nam formosus, inquit, est Princeps & elegans: delectatur consuetudine mulierum: facile sit, ut Lutetiæ aliquam resperiat delicatulam, cuius amore & suauiloquentia captus, cupiat eò subinde redire: atqui maiores ipsius, nimium ibi inueterauerunt. Quamdiu intra regni sui fines sese continebit: expeto illius amicitiam, citra mare autem non potest ulla mihi cum eo firma esse aut certa societas. Alterum erat, quod paulò durior ille fuisset, quando de Britanno facta fuit mentio. Nam et hoc ei molestè accidit, & quia magnopere cupiebat inferre bellum Britannicæ: denuo per legatos eum sollicitat, ut sibi hoc ipsius pace liceat. Sed ille cum urgeretur: respondit, si bellum excitetur aduersus Britannum, se denuo traiectionum esse mare, ut illum propugnet. Ad eum sermonem legati conticuerunt. Dum essemus Ambiani: ueniunt ad Regem aliquot eius familiares, qui pacis fuerant principes. Ex ijs Hauartus ad eum secretò, Si uelis inquit, facile perficiam, ut Eduardus huc ueniat, & fortasse Lutetiam usque; animi recreandi causa. In sua uoc hoc erat Regi dissimulans tamen, & lotis interea manibus, ut pranderet, nihil admodum respondit, & ad me tacite, quod suspicatus, inquit, eram, id accidit. A cœna, cum in eundem sermonem illi denuo incidissent: illatum aliquid fuit ad excusationem, quam fieri potuit

cuius

ciuillissime, & Regi contra Carolam magna celeritate
 proficiscendum esse dicebatur. Si quis memoria repe-
 rat, quantis calamitatibus Angli plurimis annis, et no-
 stris etiam temporibus Galliam affligerint: ei non ui-
 debitur mirum, tantam fuisse Regis diligentiam, ut eos,
 quacumq; ratione placatos dimitteret. Postero die An-
 gli maximo numero ueniunt Ambianum. Ex ipso
 quam plurimi dicebant, eam pacem Sancti spiritus be-
 neficio factam fuisse. Nam quo die Reges conuenie-
 rant: columba candida confederat in tabernaculo
 Eduardi, nec ullo strepitu aut clamore fugari potuit.
 Pluerat aliquantulum, eamq; pluuiam insecutus est
 deinde fulgor solis, et columbam aliqui dicebant exi-
 candi sui causa, insedissee ei tabernaculo, quod præ ca-
 teris eminebat. Hanc rationem adserēbat mihi Vascō
 quidam nobilis, ex familia Eduardi. Pacificationem
 hanc ille grauitē, ut alij multi, ferebat: & quoniam
 uetus inter nos erat noticia: familiariter mecum locu-
 tus, inter alia dicebat, non dubium esse, quin Eduar-
 dum aliquando ludificaremus. Rogabam, quā mul-
 ta fecisset ille secunda praelia? Nouem, inquit, quibus
 omnibus interfuit ipse. Quā multa, inquam, aduer-
 sa? Vnum, ait, nempe hoc ipsum, & uestra quidem cal-
 liditate. Et quoniam istud in se admisit: collectam ē
 superioribus bellis gloriam, hoc uno totam obscurauit.
 Rex per me certior de eo factus, ait, esse hominem se-
 ditiosum, & prouidendum, ne quid turbaret. Vocā

COMMENTARIORVM

igitur ad prandiu, et, si commorari secum uellet, magnas defert conditiones: Dono deinde datis mille aureis, pollicetur eius fratribus, qui per Galliam erant, omnem beneuolentiam. Ego quoque in aurem illi aliquid admurmurans, orabam, ne quid moueret. Rex in primis erat sollicitus, ne quod dictum sibi imprudenti excideret iocosum, quod Angli ad sui derisionem interpretarentur. Postridie autem colloctionis, cum esset in cubiculo, et ex nobis aliquot una cum eo, uerbum aliquod facetum ei excidit, dum forte de uino et his rebus, quas in illorum castra miserat, loquitur. Respiciens, de improviso conspicit mercatorem quendam Vasconem, qui eo uenerat, petens, ut sibi liceret uina sine portorio illinc in Angliam exportare. Vbi uidit: obstupescit, simul miratur quemadmodum eo penetrasset: Rogat qui sit, et unde, et an uxorem habeat in Anglia? Ille, habitare se quidem in Anglia respondit cum uxore, sed exiguas habere facultates. Posteaquam deinde certis conditionibus cum illo egissem: Rex largitur, quod petebat. nec id modo, uerum etiam eo in loco, unde originem habebat, munus publicum dabat, et mille francos dependit ad euocandam ex Anglia coniugem atque familiam: Ea profectio ipsius fratri committitur: Ipse Burdegalam ire iubetur, et ne quod deflenderet, additur ei mandato regis, comes itineris. Ad hunc modum rex, quod minus circumspiciente locutum fuisse intelligebat, hac pecunia se multauit ipse. Dum
hec

hec geruntur: uenit à Connestablio legatus Rapinius. Eum ut audiremus, Ludeo mihiq; Rex mandat, Contaus, quem supra diximus ad Carolum fuisse profectum, ut Connestablij consilia patefaceret: redierat iam ab illo, et erat cum Rege. Legatus in hunc modum uerba facit: Connestablium habere pro explorato, quàm grauitè sit accusatus, sed ex ipso rerum euentu facile Regem iudicare posse, falso delata esse omnia, quòd in ipsius detrimentum nihil hactenus admisit. Et quò maior sit fides: docet quomodo persuaderi possit Carolo, ut discedentem Eduardum adoriatur et opprimat. Nos ad ea respondimus, uelle nos uti pace cum Anglis, Ludeus etiam sermone longius progressus, rogat, quo loco repositam habeat pecuniam Connestablius. Mirabar, hanc illi uocem excidisse, multò magis etiam, quòd ille, postquam hoc intellexit: heros suo non fuerit author, ut profugeret. Nam quid ageretur, facile potuit ex eo cognoscere. Sed ita fere fit, ut pauci admodum expedire se possint à periculis, et tempestiue illa uitare. Alij, quòd experientiam nullam habeant, neq; similia exempla obseruarint: alij studio et amore liberorum, uxorum, familie et possessionis cauere sibi non possunt, et tanetsi pramoneantur: tamen his uinculis impediti, in maximas sepe calamitates incidunt. Vbi de postulatis illius à nobis Rex cognouit: scribam accersit, præter Bocagium et me, aderant unà Contaus et Hauartius: et hic quidem igna-

uit,

rus, quid ageretur. Dat literas ad Connestablium in hanc sententiam: Se pactum esse cum Eduardo, & nunc uarijs occupari negocijs: ita quidem, ut eiusmodi capite, quale sit ipsius, uehementer opus habeat. Inde ad Hauartum & Contæum: Corpus, inquit, illius non requiro, & solo capite sim futurus contentus. Eas literas dat Rapius, cui clementer admodum & amice dictum esse uidebatur istud à Rege, nec quò pertineret, intelligebat. Posthæc, Eduardus binas Connestablij literas ad se scriptas, mittit ad Regem, & quicquid unquam nunciauerat, patefacit. Quò magis uidere licet, quàm fuerit deploranda illius conditio: qui tres potentissimos Principes eodem tempore habebat infestissimos. Eduardus à Rege accepta pecunia, magnis itineribus Caletos proficiscitur. Nec enim à Carolo tantum, uerum etiam à promiscua multitudine per Galliam, sibi metuebat. Et si quis militum à reliquis copijs aberrasset, aut paululū modo diremptus esset ab alijs: uix erat, ut non interficeretur. Obsides autem reliquit in Gallijs Hauartum & Ioannem Seneium, quo ad mare traiecisset. Suprà diximus, illum non magno opere propendisse in hoc bellum. Nam simulatq; Dauernum uenit, quod est trans mare oppidum, contra portum Iccium, & antequam illinc solueret: coepit nobiscum aliquas rationes intire. Vt autem ad nos traiceret, duo potissimum erant in causa. Primum, populus pro sua perpetua consuetudine bellum expetebat, & Carolus etiam

etiam infligabat. Deinde, cogitabat magnam eius pecunie partem, quam in hoc bellum exegerat, sibi retinere. Angliæ enim reges, præter certos et annuos census, nullam suis imperant pecuniam, ut antea quoque diximus, nisi in bellum Gallicum aut Scoticum. Et ut populo satisfaceret: alia quadam arte fuit usus et caliditate. Londino secum et ex alijs urbibus ad duodecim ciues adduxerat, homines locupletes, obesos, et uita molliori assuetos, qui et accepti erant multitudini, et profectionem in Galliam ualde suaserant. Et quanquam satis habebantur commodè in tabernaculis: tamen quod ei uitæ generi non assueissent, statim eos teduit. Putauerant enim fore, ut traiecto mari, intra paucissimos dies cum hoste dimicaretur. Interposita autem longiori mora, cum et bellum duceretur, et de pace mitterentur Legati: Eduardus fastidium illis etiam auxit, ut eò uehementius pacem urgerent, ac se, cum rediissent domum, purgarent: si forte præproperum ipsius reditum populus indigne ferret. Nam ab Arturi temporibus, Angliæ rex, cum maioribus copijs in Galliam nullus unquam uenit. Collegerat autem in hoc bellum grandem pecuniam, cuius multò maximam partem sibi seruauit, quum opinione citius dimitteretur exercitus. Atqui, non erat ea uirtute et industria, quali prædicitum esse oportet eum, qui uelit in Gallijs magni aliquid bello perficere. Deinde, Rex communiuerat se sic satis, tametsi in tanto aduersariorum numero,

mero, nō poterat undiq; sibi cauere. Sed & Eduardus, quia magnopere cupiebat matrimonium, de quo constitutum erat, perficere plurima nobis concedebat. Post illius abitum, rex Veruinum proficiscitur, quod est ad Hannoniæ fines oppidulum. Auennij erant pro Carolo Cancellarius & Contaus cum alijs nonnullis. Non ignorabat rex, quantis aliquando calamitatibus Angli affecissent Galliam (fuerat enim ipse spectator earum aliqua ex parte) quò magis etiam commotus fuit hoc illorum transitu, & ut minus sibi metuendum esset ab illis: cupiebat cum Carolo pacisci. Nunciabat ei Cancellarius, ut medium aliquem locum deligeret, quo cum ipsius legatis in colloquium uenirent. Eo accepto nuncio, ipse, tametsi nonnulli dehortarentur: ad constitutum locum accessit, adductis unà secum obsidibus Anglicanis, & ijs presentibus excipit Caroli Legatos, qui instructi uenerant magna militum & sagittariorum manu. Postquam utrinq; salutassent: nulla re alia perfecta, Rex ad prandium illos secum abducit. Ex Anglis qui aderant, quidam ad me conuersus, quòd impatienter ferebat factam esse pacem: Si multos, inquit, eiusmodi milites uidissemus in comitatu Caroli, quo tempore ad Eduardum nuper uenit, non eramus pacificaturi. Tum Archiepiscopus Narbonæ, qui forte aderat: An uero tam eratis, inquit, simplices, ac rerum imperiti, ut existimaretis, eum non habere multas eiusmodi copias? Habebat sanè complures, & resistan-

ciendi

ciendi sui causa, tantum dimiserat illas: Sed vos ita magnum tenebat desiderium patrie, ut sexcenta uasa uini, et pensio quedam annua, quam accipitis à rege, facile uobis abitionem persuasering. Tum ille grauissime indignatus, hoc, ait, illud est, quod plerique nobis predicebant, fore, ut nos ludificaretis. An eam pecuniam, quæ nobis persoluitur à Rege, pensionem uocatis? tributum est, non pensio. Certè minimo negotio fieri possit, ut uestris ludibrijs prouocati, demuo in Galliam traiciamus. Ego sermonem hunc interrompens, iocose dictum esse interpretabar. Ille uero minime contentus, ad Regem aliquid extulit, qui ob hoc ipsum uehementissime fuit exacerbatus in Archiepiscopum. Inter Caroli legatos et nostros, in quibus etiam erat Petrus Doriollus, Gallie Cancellarius, magna fuit altercatio. Nostri, quid egissent, referunt ad Regem, ac inter alia dicebant, Burgundiones multum esse feroces in omni sermone: se uero nihil inuicem ad illos dissimulasse. Rex minime istud probabat, affirmans, hæc omnia, de quibus iam disceptaretur, antea sæpenumero in controuersiam uenisse: non hoc agi isto tempore, ut de rebus omnibus integrè definiatur, sed ut induciæ solum fiant: nolle se quicquam asperius dici, adeoque se ipsum uelle colloqui. Remotis igitur omnibus, præter Ammirallium et Bocagium et me, paciscitur nouem annorum induciæ. Illi uero petebant, quandoquidem Carolus iactauerat, non se facturum induciæ,
nisi

nisi mensibus aliquot post Eduardi discessum ex Gallia
 is: ne statim divulgarentur, ut ne uideretur illas apud
 Piccenium factas, habuisse ratas, in quibus omnino
 comprehendere non uellet. Eduardus, qui grauiter alio-
 qui ferret illam Caroli pertinaciam: certior factus, Re-
 gem cum eo pacisci: legatum mittit Thomam Mulgo-
 merum, orans, ne præter eas, quas ipsi constituissent,
 alias faceret inducias, & ut ne Sanctoquininum illi
 reddat: Quod si bellum etiam inferre uelit, pollicetur
 se cum exercitu, primo uere, aut sub initium æstatis,
 denuo traiecturum esse mare, & auxilia præbiturum,
 ijs conditionibus, primum, ut Rex, detrimentum, quod
 sit accepturus ob imminutum uectigal, sibi resarciat
 (nam ex lana colligitur portorium illud Caleti, ad
 quinquaginta aureorum millia quotannis) deinde, ut
 belli sumptuum dimidiam partem dependat: se reli-
 quum esse daturum. Rex, gratam se habere uolunta-
 tem eius confirmans: excusat, id sibi iam non esse in-
 tegrum: de inducijs quidem se pactum esse cum illo,
 sed esse planè easdem cum ijs, quas ipsi fecissent: &
 hoc solo differre, quod ille separatim eius rei literas
 postularit. Eo dato responso, legatus & obsides duo,
 qui cum Rege fuerant hactenus, magnis amplificatis
 muneribus, domum reuertuntur. Mirum in primis ui-
 debatur Regi, tales ab Eduardo sibi fuisse oblatas con-
 ditiones, ac periculi plenum esse iudicabat, præbere illi
 nouam traiciendi occasionem, propterea quod con-
 iunctis

sanctis copijs, inter Anglos & Gallos, facili momento sit oriturum disidium, neq; difficilis futura sit Anglorum cum Burgundionibus reconciliatio. quò magis cupiebat cum Carolo pacisci. His confectis rebus, illa inchoata nuper aduersus Connestablium actio, renouatur: Interponitur utrinq; fides, & conficiuntur literæ in eandem plane sententiam, ut Bouilli cõstitutum fuit. Eare cognita, qui cum ipso erant honestiores homines: paulatim se subducebant. Ipse, quòd sciebat Eduardum suas literas & mandata omnia patefecisse Regi: & quia non ignorabat, quorum impulsu & quamobrem essent factæ induciæ: magnopere fuit commotus, & misso ad Carolum legato, petebat, ut sine periculo sibi liceret cum ipso colloqui. Diu multumq; deliberauerat antea, quònam se potissimum reciperet. Egerat aliquando cum suis famulis Lotharingis, eorumq; ductu cogitabat in Germaniam profugere, & quantum posset auri secum deferre, & castellum aliquod ijs locis comparare, in quo se tueretur donec ad Principũ amicitiam tutum haberet receptum. Aliàs decreuit subsistere Hani: quam arcem in hoc munierat, ut rebus parum secundis esset ei receptaculum. Sed quoniam eius familiares propè omnes, aut Regis erant aut Caroli imperio subiecti: non reperiēbat homines idoneos, quibus se committeret: ac tantus erat in eo fortasse pavor, ut suis non auderet se patefacere totum. Nam alioqui crediderim plerosq; ei non fuisse defuturos. Et pericu-

N

losius ei futurum erat, circumvallari ab altero solum
 quàm ab utroq; simul. Nam permixti Burgundionibus
 Galli, non erant diuturna usuri pace. A multa delibe-
 ratione, cum ei de periculo cautum esset: constituit
 proficisci ad Carolum: & comitatus uiginti circiter
 equitibus, Montium petit, Hannoniæ oppidum, cuius
 præfectus erat ei summè amicus. Ibi per dies aliquot
 commoratus: à Carolo, qui bello uexabat Lotharingi-
 am, nuncium expectat. Ea de re certior factus Rex, iu-
 debat sibi providendum esse magnopere, ne qua ratio-
 ne ille Carolo reconciliaretur. Profectus igitur Sancto-
 quintinum: cogit ad octingentos cataphractos, & ubi
 propius uenit, ex oppidanis obuiam ei nonnulli proce-
 dunt. Ilico iubet, ut ingressus in oppidum, remoueam
 quæ collocata ibi erant præsidia. Post hæc, ingreditur
 equitatus: hunc ipse deinde sequitur, honorificè admo-
 dum exceptus. Qui Connestablii rebus fauebant, in
 Hannoniam pleriq; sese recipiunt. Quid actum esset,
 è uestigio Rex ad Carolum enunciat, ut ei spem omnem
 recuperandi oppidi per Connestablium, adimeret. Eo
 accepto nuncio, Carolus Montij præfecto mandat, uti
 modis omnibus provideat, ne Connestablius aliquò dis-
 cedat. Ille imperata facit, quanquam certè non tam erit
 arcta custodia, quin ille pro suis facultatibus & po-
 tentia, potuisset aliquam inuenire fugæ uiam. Quid
 autem hoc loco dicas de fortuna, mundi gubernatrice
 ut nonnulli putant. Obtinebat ille summam in Galliis
 authoria

*authoritatem: finitimus erat utrique Principi: arcem
 habebat munitissimam, et rebus omnibus instructam et
 præfecerat eum Rex quadringentis cataphractis: ual-
 lebat ingenio, et peritia rei bellicæ præstabat: mag-
 num habebat rerum usum, et auri uim ingentem possi-
 debat. Statuendum est igitur fortunam, qua nihil est
 mutabilius, ei fuisse planè aduersariam. Sed reuera ni-
 hil aliud est fortuna, quàm figmentum poëticum. Quin
 potius ita iudicandum est: iratum ei fuisse Deum, et
 grauiter offensum. Et si de consilijs arcantis fas esset
 ulli homini pronunciare: dicerem illum excitasse iram
 Dei aduersum se hac una re potissimum, quòd per om-
 nem uitam mente et animo totus in hoc fuerat, ut per-
 petuum bellum aleret. Nam in eo positam esse putabat
 sue dignitatis materiam, ac ueluti segetem. Neq; uero
 difficile ei erat istud perficere. Tota enim natura et
 moribus et ingenio Principes inter se dissidebant. Vix
 igitur credendum est, fortunam aliquam eò dementiæ
 adduxisse uirum longè prudentissimum, ut eos princi-
 pes aduersum se concitaret, quorum fuerat per omnem
 uitam in rebus omnibus contraria et diuersa uolun-
 tas: qui nullam rem unquam simul ex animo compro-
 barunt, nisi hanc in illius caput factam coniurationem.
 Mitto Eduardum, qui neptem eius habebat in matri-
 monio: qui sue coniugis propinquos omneis, ac in pri-
 mis Sanctopaulianam familiam ualde amabat. Sed ne
 hunc quidein amicum habere potuit. In eas itaque*

tandem redactus fuit angustius, ut ex amicis nemo per noctem unam auderet eum hospitio recipere. Consimiles exitus multi saepe sunt experti, et expertentur alij post longam et diuturnam prosperitatem. Dum sic detinetur Montij: Rex confestim iurget Carolum, ut pactioni stare, eumque uel ad se, quamprimum mitteret, uel capitis afficeret supplicio. Ille facturum se respondit ex ijs alterum, simul Peronam deduci iubet. Iam autem nonnulla ceperat Lotharingia et ditionis Barrensis oppida, et Nanceium obsidebat, strenue se defendentibus, qui intus erant. In Campania Rex magnam conficiebat equitatum. Ea res metum aliquem illi iniecit. Nam etsi pactae erant induciae: tamen hoc ei concessum non erat, ut Lotharingum, qui in hac rerum acerbitate ad Regem confugerat, profligaret. Interpellatus autem à Rege frequenter, ut pacta seruaret, quanquam promittebat: tamen ultra constitutum diem distulit. Cumque metueret, ne sibi impedimentum aliquod obijceretur à Rege, quò minus Lotharingicum bellum conficeret: quod in primis cupiebat, ut è Lutzenburgorectum haberet aditum in Burgundiam (occupata enim Lotharingia, continentes habebat prouincias, inde ex Batavis in Lugdunensem usque agrum) His, inquam, de causis Cancellario et Imbercorto, qui Conestablii erant infensissimi, et summam administrationis obtinebant: mandat, ut Peronam profecti, ad certum diem, illis, quos eò Rex missurus esset, Conestablium traderent.

traderent . Ipse Nanceium interea tormentis acriter quidem, sed frustra oppugnat. Nam is, de quo diximus Comes Campobachius, qui maximam habebat in castris auctoritatem: promiserat Lotharingo, se moram esse allaturum obsidioni, et perfecturum, ut ea, quæ ad oppugnationem usui esse possint, desiderentur. Hoc erat nunc præludium quoddam maioris calamitatis, quæ deinde secuta fuit. Carolus in spem uenerat, ut opinor capiendi oppidi ante eum diem, quo Connestablium ex pacto cogebatur tradere. Quod si fortuna consilium eius comprobasset: fortasse non erat daturus. Rex etiam, ut est credibile, si maturius illum et ad prescriptum diem accepisset à Carolo: maiora Lotharingo daturus erat auxilia. Nam de coniuratione Campobachij, et communicatis inter ipsos consilijs, iam audiuerat: sed ei negotio non se immiscebat, tametsi cohercere poterat Lotharingum, si uoluisset, quoniam in propinquo magnas habebat copias. Quum autem ante eum diem frustra moliretur expugnationem Carolus: ij, quibus mandatum erat, Connestablium, quem ualde oderant, ad portam Peronæ, cupide tradunt in potestatem Amirallij, qui continuo Luteciam illum adduxit. Tribus ferè post horis, ut à nonnullis accepi, uenit magna celeritate à Carolo nuncius, ut ne prius illum, quam captum esset Nanceium, traderent. Luteciæ ceptum est ilico de illius causa cognosci. Quicquid ad instruendum iudicium poterat conferre: non modo Carolus,

verum etiam Eduardus subministrabant, et quas ab il-
 lo singulis temporibus acceperant literas et mandata,
 proferebant: Senatum etiam Rex urgebat, ut accele-
 rarent. Et delecti fuerunt ad eam rem homines idonei.
 Paucis igitur diebus cognita causa, capite damnatur,
 et publicantur eius bona. Grauiſſime quidem ille ut-
 rumque offenderat, neque crimen eius ullum purgare vo-
 lim: sed tamen inusitata fuit haec et praepropera festi-
 natio. Certe, Caroli splendore maxime fuit indignum,
 quod eum, cui fidem dedisset, quem accersuerat, com-
 prehendit, ac deinde, non tam metu, quam cupiditate
 quadam impulsus, necandum exhibuit. Et sane, post
 hoc tam pudendum facinus, res illius paulatim magis
 atque magis ad interitum spectabant. Nec enim malefici-
 um ullum Deus inultum finit, etiam si diuturniorem
 impunitatem aliquando concedat. Nam quoties in mag-
 nis principibus aliquam insignem rerum videmus com-
 mutationem: certo statuere debemus, illam à Deo pro-
 ficisci. Propter potentiam enim illorum et opes,
quibus, tanquam propugnaculo quodam muniti sunt:
nullus casus facile possit eos affligere. Sed est Deus, qui
repentina quadam tempestate concitata illos inuoluit
et exagitat, in primis autem eos, qui crudeliter grassati
sunt. Per complures annos floruit Burgundica domus,
 ita quidem, ut in nostro orbe nulla fuerit honoratior.
 Nam aliae quaedam, et si potentiores erant: tamen et
 bellis et multis alijs dinexabantur acerbitatibus. Haec
 autem

autem perpetuum tenuit & foelicissimum fortune clarissimum, quatuor in ea principibus ordine regnantibus. Primus ex ijs Philippus, cognomento Fortis, Caroli quinti Galliarum Regis frater, in matrimonium duxit Flandriae Comitissae unicam filiam, eaq; ratione sibi adiunxit Flandriam, Artesiam, Burgundiam superiorem, Niuernensem & Rethelensem agrum. Huius filio Ioanni successit Philippus cognomento Bonus, qui Brabantiam, Lutsemburgum, Hannoniam, Limburgum, Hollandiam, Zelandiam & Namurcum, ijs, quas diximus prouincijs, adiecit. Ab eius morte delatus est principatus ad Carolum filium, qui nostri temporis omnium Principum fuit longe clarissimus & ditissimus. Habebat enim praeter florentissimas prouincias, maximam copiam exquisitissimarum rerum. Pecuniae quidem aliquanto plus apud quosdam alios uidi (Nam a multis annis Philippus pater nullum exegerat tributum) reperit tamen supra ter centena aureorum millia. Deinde beneficio patris laudatissimi Principis, pacatos habuit uicinos omnes. Verum ea pace non utebatur diu, seq; bellis implicuit. cuius tamen reit culpam omnem in eum transferre nolim, & ad alios ea quoq; pertinet. Ad haec, populus ultrô ferè largiebatur ei extra ordinem, ad trecenta & quinquaginta aureorum millia quotannis, per annos decem, in eaq; contributione non erat comprehensa Burgundia. Et quo tempore Connestablium in potestate Regis dedit, duplica

tam collegit eam summam. Quicquid erat Mobilium rerum Connestablij, estimari poterat ad octoginta aureorum millia. Levis igitur fuit & exigua causa, cur illud in Connestablium admitteret, Sed non tulit impune. Nam hostem Deus excitauit ei, minime potentem quidem illum, et planè iuuenem, nullaquē in re exercitatum. Nec id modo: uerum etiam de suis ipse familiaribus, quorum usus erat bona & fideli opera: sinistre suspicari coepit. An non hæc sunt illa præludia, qualibus olim uidemus usum fuisse Deum, quoties magnam aliquam conuersionem moliebatur? illum in quo erat dignitatis atque potentie gradum & splendorem, suæ tribuebat ipsius uirtuti & industrie, et quoad uixit, eam retinuit opinionem.

PHILIPPI COMINAEI COMMENTARIORUM Liber Septimus.



Riusquam exhiberet Connestablium: coepit diffidere suo populo, & prope modum eos despiciebat. Ex Italia enim circiter mille cataphractos euocauerat, ijsquē utebatur etiam in obsidione Nouesiana. Comitem uero Campobachium quadrangenis equitibus præfecerat. Is, quoniam Andegauensis familie partes, quæ bellum Neapoli gessit, sequebatur: proscriptus, et omnibus bonis exutus: in Galliam se rece-

sereceperat, et maximam partem cum Renato Siciliae Rege, uel in Prouincia Massiliensi fuerat, uel in Lotharingia, post etiam apud Nicolaum Calabria Ducem, a cuius morte, Carolus eum excepit, et magnum pretere numerum Italarum. Missus autem à Carolo in Italiam, ut equitatum cogeret: accepit ab eo quadraginta aureorum millia. Cumq; per Lugdunum iter faceret: incidit in Simonem Papiensem medicum. Familiariter cum eo locutus, Regi significabat, si uelit secum pacisci: daturum se Carolum in ipsius potestatem. In eandem sententiam loquebatur etiam cuidam Regis apud Pedemontanos legato. Reuersus deinde ex Italia cum equitatu, denuo pollicebatur Regi, simulatq; futurus esset ad exercitum: se uel interfecturum esse illum, uel capturum: simul quomodo id perficeret: demonstrat. Caroli consuetudo sic erat, ut paruulo equo uestus, et modico stipatus comitatu, totum exercitum obiret. In eo temporis puncto confirmabat, se posse, quod uellet, perficere. Ad hæc, si quando committeretur prælium: illo deserto, se transiturum ad Regem, modo ipse conditiones inuicem præstaret. Eam improbitatem atq; perfidiam Rex agre tulit, et ut singularem aliquam uirtutem ostenderet: omnia per Contem Caro- lum Carolo renunciat. Ille autem, quia putabat hoc à Rege fieri captiose; fidem non habuit, et domesticum proditorem multo maiori beneuolentia, quam prius, complectebatur. Quò magis apparet, Deum ipsi muni-

tem omnem prorsus eripuisse. Occupata Lotharingia,
 & recuperato Sanctoquintino cum duobus Connesta-
 blij oppidis, & reliquis eius facultatibus acquisitis:
 iniecta fuit mentio colloquij, quò Rex & ipse uenturi
 erant. Constituit enim exercitum suum ex diutino la-
 bore defatigatum reficere, & cohortes aliquot præsi-
 dio collocare, per aliquot oppida Comitum Romontij in
 finibus Bernatum & Friburgiorum, quibus bellum in-
 ferre cogitabat: primum, quod quo tempore Nouesi-
 um circumfedit: incursionibus uexassent Burgundiam:
 deinde, quòd ipsorum opera potissimū sibi esset adem-
 pta ditio Pfirtensis, ut supra docuimus: postremo,
 quòd Comitem Romontium parte aliqua sue ditionis
 illi dissipassent. Colloquium Rex ualde urgebat,
 & hortabatur eum, ut Heluetios sineret uti pace, neq;
 miseram & tenuem prædam ibi sectaretur, & exerci-
 tum potius recrearet. Heluetij, quum ad fines ipsorum
 uiderent illū habere præsidia: legatos de pace mittunt,
 & pollicentur quicquid ademerant, restituere. Sed
 Romontius contra magnopere sollicitabat, ut præsens
 opem sibi ferret. Eo probato consilio, statuit omnino
 bellum eis facere, & priusquam illud suscepit, cum
 Rege paciscitur, ne propter Lotharingicum bellum
 ullus inter ipsos motus existeret. E Lotharingie fini-
 bus profectus, ubi cum exercitu in Burgundiam acces-
 sit: alij ueniunt ab Heluetijs ad ipsum legati, cum am-
 plioribus mandatis, quorum hæc erat summa, paratos
 esse

esse Heluetios, non solum restituere omnia, quae occupassent: uerum etiam à quauis alia societate discedere, et ipsi militem aduersus Regem subministrare. Quam autem obstinate eis omnia negaret: ea spe deiecti, cum uicinis ad Rhenum ciuitatibus ineunt foedus, in annos decem, ut suprà demonstrauius, quo loco diximus, quemadmodum Caroli per Pfortensem ditionem praefectus, capitis poena multatus fuit: qui, quoniam insolenter et proteruè multa faciebat: defectionis causam dedit. Magno igitur studio providere debent principes, ut ijs, quas nuper occuparunt, prouincijs, idoneos homines preponant. Nam is, de quo diximus, praefectus, cum equum esset, ut eius ditionis populum humanitate quadam singulari sibi adiungeret: crudeliter et auarè multa designabat summo cum detrimento Caroli. Nam illa ciuitatum et Heluetiorum confederatio, rege auctore facta, maiores quàm pleriq; putant, Gallie commoditates attulit, usq; eò, ut existimem, inter alia multa, Regè hoc unum prudenter admodum excoGITASSE. Nam oppresso Carolo, qui se ipsi opponeret, nullus erat omnium Gallie principum. Maximū igitur ea res ad Gallie salutem attulit momentum: quando ingenti labore et sumptu foedus illud conciliauit. Heluetij, cum ad pacem nullum uiderent aditum sibi patere, statuunt illatum bellum defendere. Carolus in eam Sabaudie partem cum exercitu profectus, quam illi Romontio ademeraut, et castellis aliquot recuperatis,

peratis, obfisione cinxit Granfonium. quod oppidum Heluetij Caſtelgionio, uiro nobili ademptum, praefidio circiter oſtingentorum militum, leftiſſimorum hominum munierant, eò quòd ipſorum finibus adiaceret. Ex Italia magni ueniebant ad ipſum comitatus, atq; etiam è Sabaudia. Poterat è ſuis ditionibus maximam optimorum militum manum colligere: ſed preſerebat eis exteros. Nam Conneſtablij cedet, ac alie quedam ſuſſicionet erant in cauſa, quamobrem ſuis non confi-deret. Tormentorum autem uim habebat ingentem; et quò maiorem ad Legatos Italarum et Germano-riam haberet authoritatem: magnifice inſtructus erat rebus omnibus, et quicquid omnino precioſum erat atq; eximium in ipſius bonis: hoc eò ſecum aduexerat. Per Inſubriam putabat habere ſe multos amicos, et de Mediolanenſi Ducatu uaria ſecum in animo uerſabat. Granfonio per dies aliquot acriter oppugnato tor-mentis: qui intus erant: illius poteſtati ſeſe permit-tunt. Eos omnes deinde iubet interfici. Conuenerant tum Heluetij, non ita magno numero, ut ex ipſis audi-ri. Nam opinione pauciores copie intra fines ipſorum coguntur, et tunc aliquantò minores, quàm hodie. Nam ab eo tempore, agriculturam et alias operas quo-tidianas, belli ſtudijs commutare cœperunt. E ſocijs autem uix pauci tum aderant. In celeritate enim to-tum erat poſitum, et tempore excluſi, non expectatis ſociorū auxilijs, cogebantur progredi, ut obſeſis opem ferrent,

ferrent. In itinere, de deditioe et indigna suorum
nece cognoscunt. Carolus, contra plurimorum sen-
tentiam, constituit ad fauces montium, ubi tum illi con-
sistebant adhuc, obuiam eis properare, minus prudenti
sanè consilio. Nam erat in loco equissimo et percom-
modo, circumvallatus et tormentis, et parte aliqua
lacus, ita quidem, ut ab illis nihil ipsi magnopere metu-
endum esset. Præmiserat autem ad centum sagittarios,
qui ex aduerso eius montis, aditum et angustias uie
seruarent: ipse cum reliquis copiis sequebatur. Pri-
mum agmen, et maxima serè pars exercitus, cum ad-
huc essent in planicie: obuium habuerunt hostem, ac-
cum primi ordines student retrocedere: iungis milia
tam, qui sequebantur, quod fugæ similis ea uideretur
profectio: cum propius uentum fuit; fugæ se manda-
bant omnes. quò factum est, ut Heluetij impedimentis
omnibus, et tormentis, et totius exercitus tabernacu-
lis, et ijs, quæ Carolus charissima habebat, potirentur.
Desiderati sunt à Carolo septem modo cataphractice-
liqui omnes, et in his ipse, fugæ salutem sibi petebant.
Ioannes Galliarum rex, quo tempore prælio uictus fuit
ab Anglis, et captus apud Pictones, ferebatur amisisse
laudem omnem et gloriam rei militaris. Hoc ipsum
multò rectius in Carolum aliquis dicat. Nam ille, dum
srenuè præliatur, et fortiter sese defendit: captus fuit.
Ante id tempus ita se gessit Carolus, ut è suis consilijs
laudem et emolumentum ferret: Prima autem hæc est
calamitas

calamitas, in quam sua quadam obstinatione incidit. Dici enim non potest, quantum hac una re uulnus acceperit. Nam ex amicis quatuor Principes, qui rebus secundis ad eius amicitiam accesserant: ad motum fortune se quoque mouerunt. Comes Romontius, mercatori cuidam Heluetio, cum per ipsius ditionem iter faceret: ademerau currum onustum pellibus ouium. Ea fuit belli causa. Quod nisi Carolum Deus planè demerituisse: non est credibile, illum pro re tam exigua bellum suscepturum fuisse, præsertim, cum & Heluetii amplas proponerent conditiones, & propter ipsorum agri tenuitatē, nulla uel utilitas magna, uel gloria posset ex eo bello sperari. Nec enim tam celebre tum erat ipsorum nomen, nec illæ facultates, quæ hodierno die. Qui primò fuerunt ad eum de pace missi legati & demprecatores, inter alia demonstrabant: tantā esse ipsorum inopiam, ut calcaria & equorum frena per ipsius exercitū, pluris deberent estimari, quàm omnis ea pecunia, quæ ex ipsorum agris cogi posset. Hoc mihi recitauit, qui princeps fuerat eius legationis. Rex, qui multos habebat exploratores, à me ferè magna ex parte dimissos, certior factus de aduerso prælio: magnopere fuit exhilaratus, & hoc unū grauiter modo ferebat, quod non maior esset edita strages. Morabatur autem Lugduni, ut & in ea propinquitate crebriores acciperet nuncios, & ut Caroli consilijs occurreret. Magnopere enim metuebat, ne uel & armis ille sibi Heluetios adiungeret.

adiungeret. Sabaudia enim Carolus habebat sibi fauente: Mediolani Dux foedere coniunctus erat, & Renatus Siciliae Rex, cogitabat eum instituere heredem: Itaque si fortuna comprobasset eius consilia: quicquid interiacet agri, inde ab oceano Germanico usque ad mare mediterraneum: id omne tenuisset, & occupata Sabaudia cum Lotharingia & Massiliensi prouincia: nostri bellum ei facere, nisi maritimum, non potuissent. Verum ubi infeliciter dimicauit, ad Regem undique ueniunt legati, à sorore etiam ipsius, Sabaudiae dominae, & auunculo Siciliae rege: Sed uix agere illos audiebat, & ad Carolum ire iussit. Ipse interea Germanos diligenter sollicitabat, & obsecris undique uis, utebatur mendicis, & id genus hominibus internuncijs. Germani ferociter respondebant, nisi Carolo bellum inferat, se pacem cum eo facere, ac ipsum decreuisse oppugnare. Quocirca ualde sollicitus erat, ne tandem congeretur hostem se profiteri, multo magis etiam, ne quos emiserat exploratores, interciperentur. Nunc uideamus, quae fuerit praelium illud secuta rerum conuersio, & quemadmodum prudenter omnia sua Rex instituerit. Haec enim alijs conferent, qui per aetatem temere multa sepe faciunt, & rerum exitus non prauident. in eo sane multum uituperandi, quod illos, quorum consilia sequi debent: aspernantur. Statim, accepto detrimento, Carolus Contem mittit ad Regem, cum mandatis admodum demissis, omnino praeter morem suum

suam et naturam: Orat, ut seruet inducias: Quod ad colloctionem, ut constitutum erat, non uenerit: excusatur, et breui, quemcunque locum Rex ad eam rem delegerit: se uenturum esse pollicetur. Rex humanissime excepto illo, facile patitur hoc abs se impetrari. Iudicabat enim nondum uenisse tempus, ut secus faceret: neque nesciebat, quantum esset populi studium et uoluntas erga Carolum. quod facilius putabat eum ex aliqua tempestate posse remergere et eluctari. Constituit ergo eius euentum belli expectare, neque partibus ullam præbere causam, inter se paciscendi. Habebatur quidem à Rege Contæus amicus: sed uitare tamen non potuit, quin carmina quædam audiret decantari passim, ad Heluetiorum laudem, et infamiam Caroli composita. Galeacius autem Mediolani Dux, quanquam fœdere iunctus erat Carolo: ualde tamen fuit eius calamitate recreatus. Cum enim animaduerneret, esse multos per Italiã, qui rebus Caroli fauerent: metu adductus, amicitiam illius et fœdus ambiuerat. Accepto autem nuncio de clade illius: confestim legatum ad Regem mittit, ciuem Mediolanensem, hominem obscurum. Is per aliam quendam me adit, et literas sui Principis reddit. Ut de postulatis illius cognoscerem, Rex iubet. Nam iratus erat illi, quod se relicto, transisset ad Carolum, præsertim cum essent affinitate coniuncti. Legatus ad hunc modum locutus est: Ad Galeacium esse delatum, Regem in colloctionem uenturum esse cum Carolo.

Id multis

in multis de causis (in quibus, tamē nihil erat ferē solta-
 di) grauitē eum ferre: Quod si Rex iurē iurando confir-
 met, nō se pacificaturum esse: centum aureorum millia
 pollicetur. Rex ubi cognouit à me quid uellet: accersito
 illo, et prater me, nemine presente: quæ tui sit ad-
 uentus, inquit, causa, Cominaeus exposuit. Ad Galeacta-
 ionem autem hæc uelim referas: facile me carere posse
 ipsius muneribus, et triplo maiorem pecuniæ summam
 me colligere quotannis, quàm ipse faciat: de pace uel
 inducijs facturum me esse pro iudicio meo et arbitra-
 tu: ueruntamen, si meæ societatis repudiata, et initi foe-
 deris cum Carolo ipsum poeniteat: non repugnatē me,
 quò minus ad pristinū statum reuertamur. Ille, gratijs
 actis, magnopere petit, ut foedus ad eum modum, sicut
 antea pactum fuerat, pronuncietur: habere se plenam
 eius rei procurandæ potestatem. Rex assentitur, et à
 prandio publicè recitantur induciæ. Cumq; legatus
 in Insubriam hoc statim significasset: Mediolani eti-
 am fuerunt diuulgatæ. Primus hic est scopulus, in quem
 Carolus iniegit, accepta clade, nempe iactura poten-
 tissimi amici, qui nuper ante tres hebdomadas, splen-
 dida missa legatione, foedus cum ipso pactus fuerat. Re-
 natus Siciliæ Rex, cogitabat eum instituere heredem,
 ut suprà diximus, eoq; nomine Casteltionium miserat
 Carolus, ut Prouincia Masiliensis possessionem occupa-
 ret, et ad deuinciendum eius regionis procures,
 dederat ei uiginti aureorum millia. Verum, ubi de-

pugna rumor increbuit: agrè cum suis comitibus euasit, & adempta fuit ei pecunia. Sabaudie domina, quæ rebus Caroli summè fauebat, cum de clade audisset: Renatum hortabatur ad constantiam, & acceptum detrimentum extenuabat. Vtebatur autem Prouincialibus quibusdam internuncijs, quibus interceptis: quod inter Renatum & Carolum clàm agebatur negotium, plane fuit detectum. Rex igitur confestim equitatum mittit ad fines Prouinciæ, & Renatum amanter ad colloquium euocat: nisi veniat, consilium sibi captiuium esse dicebat. Venit ille tandem Lugdunum, & à Rege fuit exceptus honorificentissimè. Aderam, quum primò congregederentur. Ibi tum quidam ex Renati familiaribus, Ioannes Cosius Neapolitanus, uir honestus, & nobili genere natus, Prouinciæ præfectus, ad Regem: Mirum, inquit, uideri tibi non debet, Renatum, auunculum tuum cogitasse aliquando, Carolum instituere heredem: Nos ipsius necessarij, huius consilij fuimus auctores. Tu enim, qui nepos es è sorore, minus amicè & liberaliter cum illo egisti: Barrensem arcem & Andegauensem, quæ sunt ipsius, occupasti, nec ullam amoris aut beneuolentiæ significationem hastenus dedisti. Suisimus igitur illi, mentionem aliquam futuræ donationis iniiceret, ut eius rei fama ad te perlata, leniorem te nobis & placatiorem redderet. Hanc orationem Rex prudenter & benignè excepit. Verum enim ille dixerat, & totius rei tractatio pendebat ab ipso. Paucis
deinde

deinde post diebus, facta fuit compositio: & Renatus,
 Carolo deserto, Regi totum se dabat, amplius ab eo mu-
 neribus cohonestatus, non ipse modo, sed & eius fami-
 liares. Alterum istud est naufragium, quod à praelio Ca-
 rolus fecit. Sabaudia quoque domina, quæ multis annis,
 inuerso animo fuerat à Rege fratre: Montagnium mit-
 tit, uirum nobilem, qui me prius interpellato, quam-
 obrem illa fuisset hætenus alienior à Rege, demonstrat.
 Exitus orationis eò spectabat, ut illa, quanquam non
 discederet aperte ab amicitia Caroli: uideretur tamen
 Regis beneuolentiam affectare. Legatus ab eo responsi-
 fiam tulit satis commodum et amicum, me internuncio.
 Dum hæc geruntur: interea multæ aliæ Germaniæ ciui-
 tates, coniuratione facta, magnis animis bellum aduer-
 sus Carolum parant: ita quidem, ut qui plurimum ei
 noceret: is maxime crederetur officium fecisse. Eugeni-
 us Carolus, Heluetij ingentem prædam fecerant, sicut
 supra diximus: uerum, quantas consecuti essent opes,
 ignorabant. Tabernaculum quoddam illius, longe pul-
 cherrimum, & exquisitissimum, partitum fuit ab eis
 in multa frustra. Patinas argenteas nonnulli, cum stana-
 neas esse putarent, uilissimo precio uendebant. Ada-
 mantem ipsius, toto orbe celeberrimum, cui erant ap-
 pensi aliquot uniones, quidam, ubi reperisset, in pyxi-
 dem reposuit, mox sub currum abiecit: paulò post res-
 aersus, sustulit, & sacrificio cuidam uendidit aureo num-
 mo. Is deinde, à sui oppidi magistratu, cui miserat,

accepit aureos duos. Breuiter, quicquid eximium ille habuit, in eorum manus totum peruenit, eaq; primum occasione, quæ sit uis auri, coeperunt cognoscere. Nam ad bellum educti, Regis impulsu & opera, magnas deinde cōsecuti sunt diuitias. Et qui ueniebant ab ipsis ad Regem legati: splendidis affecti fuerunt donis. Causam illi aliquam offensionis habebant in Regem, quod non se profiteretur hostem Carolo: sed largitionibus permulsi, remittebant iram. Tunc quoq; primū coepit Rex eis polliceri pensiones annuas, quas deinde persoluit. Et quum altero prælio Carolū illi postea uicissent: pactus fuit eis dare quotannis, ad quadraginta aureorum milia. Eius pecuniæ dimidiam partem pendebat ciuitatibus: reliquum uero magistratibus priuatim, sic ut existimem, eos inde à primo prælio fuisse auctos à Rege decies centenis aureorum millibus. Carolus prælio uictus, Losanæ, quod est oppidum ad lacum Lemanium, restitit egrotus. Nam ex mœrore morbum contraxit, & ab eo tempore uidebatur multum pristini uigoris amisisse. Colligebat tamen undiq; militem, & paucis in diebus magnas habuit coactas copias. Quicquid autem est eius rei, non uidi quidem ipse: uerum audiui, quum Tarentinus princeps, frater Neapolitani regis, comme moraret omnia regi. Is ante annum uenerat cum insigni comitatu ad Carolū, spe filiam eius in matrimonium ducendi. Carolus autem ducebat tempus: & spe tunc alebat Sardinia dominam, quasi ipsius filio daturus eam.

Ille

Ille uero moram et tergiuersationem hanc grauiter ferens: misso nuncio petebat à Rege, ut sibi per Galliam, sine periculo, ad parentem, à quo reuocatus esset, transire liceat. Rex liberaliter respondit: neq; dubitabat; quin et ille iam de Carolo minus præclare sentiret. Sed antequam nuncius è Gallia reuerteretur: conuenerant Germanorū copiae et auxilia, neq; procul à Carolo cōfederant. Tarentinus autem, qui superiori prælio interfuerat, secutus mandatum parentis, pridie quàm altera pugna committeretur, discessit. Obsidebat tum Carolus Moratum, quod est Comitis Romontij oppidum, in Bernatū finibus. Heluetij cū ijs socijs, qui tum aderant, ad triginta circiter millia peditum, et quatuor millia equitum, eò contendunt. Lotharingie Duci ualde commode accidit, quòd eius negocia cura nobis essent. Rex enim et pecuniae nonnihil suppeditabat, et magnum equitatum illi attribuit, qui in Germaniam ipsum deducerent. Amiserat autem et Lotharingiam omnem et Vaudemontensem ditionem, et magnam partem agri Barrensis, et quod reliquum erat in eo, Rex occupabat, sic, ut planè esset exutus omni possessione. Sed et promiscua multitudo, ipsius imperio subiecti, et familiares etiam eius, ultrò militabant Carolo. Quò minor spes erat, ex istis aliquādo fluctibus et undis eluctandi. Deductus ad hunc modum, ope Regis, peruenit ad Heluetios, paulisper ante prælium, exiguo comitatu. Nobis enim equites, ubi ad fines cum deduxissent, domum

redierūt. Ea profectio multum ei profuit. Nam si aliam fuisset ingressus rationem; paucos erat habiturus amicos. Quo tempore in Heluetiorum castra uenit, iam erant expeditæ utring; acies. Totum enim triduum illi confederant propè Caroli castra, loco munito: et commisso prælio, statim primo concursu, hostem in fugam coniecerunt, sic ut nemo defendendi causa resisteret. Et superiori pugna septem cataphractos tantum desiderabat Carolus, eo quòd Heluetij nullum haberent equitatum. Nunc uero longe secus accidit. Nam ipsorum equites fugientem hostem acerrime persequébantur. Tarentinus confirmabat regi, Carolum habuisse ad uiginti tria millia lectissimorum militum, præter calones, et eos, qui alijs operibus erant destinati. Numerauerat autem ille omnem exercitum, quando pontem transijt, et instructissimum esse prædicabat. A prælio uenit ad Regem Contæus, neq; dissimulabat, Carolum ex eo conflictu desiderare ad octo millia, præter uulgus hominum. Quod reliquum erat temporis, consumptum fuit persequendo hoste. Noctis autem interuentu, redibant omnes in castra. Carolus ex fuga in Burgundiam se recepit, ut alijs comparatis copijs, bellum renouaret. Valde autem consternatus fuit ea clade, neq; iam dubitabat de immutata uoluntate et studio amicorum, præsertim, quòd sciret, quid iam illi, statim à priori pugna, quæ ante treis hebdomadas commissæ fuerat, cœpissent agere. Secutus igitur consilia quorundam, Sabaudia domi-

dominam, uel inuitam, iubet in Burgundiam adduci
 cum altero filio. Nam maiorem natu, familiares aliò
 traduxerant, & ij, quibus hoc ab illo fuit iniunctum,
 metus periculi cogeantur accelerare. Timebat autem,
 ne ad regem illa transfret: Ea causa fuit, ut eam accerse
 ret. Nam quòd Sabaudicam domum propugnasset: ideo
 se dicebat in hanc incidisse calamitatem. Vbi uenisset
 illa: iubet in castellum Rouernum deduci, non procul
 à Diuione, quod est inferioris Burgundie potissimum
 oppidum. Custodias quidem illi ponebat: sed tamen
 omnibus patebat ad eam aditus, in pròmis autem Mar-
 chio Rethelensis et Castelgionius, quos Carolus cupie-
 bat in matrimonium ducere illius filias, ad ipsam uen-
 titabant. Natu maior filius Philibertus, Camberia-
 cum, Sabaudie primum oppidum, abductus fuit.
 Quò cum & Seneuensis Episcopus uenisset, è Sabau-
 die Ducum familia natus, homo planè deditus ocio &
 uoluptatibus: Rex apud eum, & quendam equitem
 Rhodium, à quo totius ille pendebat, hoc perfecit, ut ar-
 cem Cambericensem, & Mommelianam traderent in
 potestatem Philiberti, eiusq; fratris. Ipse interea castela-
 lum quoddam aliud, in quo matris illorum, suæ sorò-
 ris, erant ornamenta: seruabat in ipsorum usus. Illa,
 cum & occupari Carolum, nouo cogendo exercitu &
 imminutam eius uideret apud suos auctoritatem: coepit
 inire consilia, quemadmodum ope Regis illinc eri-
 peretur. Vetus illi cum Rege & diuturnum intercessit

odiam : alioqui nisi summa necessitate et angustiis coacta, non erat se in illius potestatem datura, Mittit igitur Riuerolum Pedemontanum, uirum nobilem. Hunc, ubi quid uellet, ex me cognouisset : Rex accersit, et collocutus respondit, tametsi disideant : tamen in eo rerum statu non se defuturum sorori. Quod si illa se ipsius fidei permittat : fore, ut eam eripiat, et ad se traducat : Eam rem se mandaturum esse Carolo Ambosio, Campanie prefecto, magna uirtute uiro. Certior facta de uoluntate Regis, assensit, sub ea conditione, ut Rex liberos et arces sibi restituat, ac sine periculo et fraude domum remittat suamque dignitatem tueatur. Id si faciat : pollicetur se desertis alijs, pacem cum eo facturam, et foedus perpetuum. Acceptis conditionibus utrinque, Carolus Ambosius iter ingressus, et sine maleficio profectus : foeliciter negotium perficit, et illam una cum comitatu omni in proximam Gallie partem, Regis imperio subiectam, adducit. Rex, quam per alterum nuncium illi de periculo cauere : Lugduno discesserat, ubi per sex menses commoratus fuit, ut Caroli conatus infringeret, seruatis tamen inducijs. Nam hoc ipso, dum sineret eum progredi, et clam summittebat aduersarios : magis eum oppugnabat, quam si bellum aperte fecisset. Alioquin ille, pro suo ingenio et natura : posthabitis rebus omnibus, in regem iturus erat totis uiribus, nec in eas, ut est credibile, calamitates incidisset. Lugduno Rex digressus, ad Ligerim contendit, et secum

ex secundo flumine, ubi primum navigatur, Turonum
 proficiscitur: quo in loco de sorore accepit, ac letus
 eam adduci iubet. Aduentanti obuiam mittit ex no-
 bilitate quam plurimos. Ipse quoque pro foribus ex-
 porta Plesij castelli, complexus illam: Gratissimus, in-
 quit, est mihi tuus aduentus, Burgundie domina. Illa,
 quod ex vultu statim iudicabat eum iocose loqui, ex-
 facere: sum inquit, Gallicana, modis omnibus parata
 gratificari tibi, ex morem gerere. Vbi prolixè colloca-
 ti essent: Rex mandat suis, ut ad amplissimam tracta-
 tionem nihil reliquam facerent. Nouerant alter alter-
 rius ingenium: Rex cupiebat illam prius quoque tem-
 pore domum redire: sed ex ipsa nihil aliud spectabat.
 Mibi fuit igitur iniunctum à Rege, primum, ut pecu-
 niam illi ad necessarios sumptus corrogarem: Deinde,
 ut foederis ex amicitie formulas notarem. Dehorta-
 batur eam Rex ab ijs, quorum antea meminimus, ma-
 trimonijs: uerum illa per filias se excusabat, quæ non
 possent à sententia dimoueri. Octauo post die, sancto
 per insurandum foedere: discedit, ex maximo cum equi-
 tatu, quem illi Rex attribuit, domum reducit, omni-
 bus, quæ rex occupauerat, recuperatis. Carolus, ut su-
 præ demonstrauius, fugiens, in Burgundiam se reco-
 perat. Ibi per sex hebdomadas moratur: nouum parau-
 bat exercitum, sed lentè tamē ex remisse. Obstinatione
 autem quadam magis, quàm alia quacvis de causa, erat
 propemodum solitarius, ut postea sum dicturus. Nam

ad Granfoniam re infœliciter gesta, contristatus, in ægritudinem incidit, quæ tanta fuit, ut aucta bile et calore naturali, cogeretur à uino abstinere, et uti phar-
 macis refrigerantibus. Ea uero tristitia sic deinde pror-
 fus immutauit eius naturam: ut contraria essent adhi-
 benda pharmaca, quibus pristinum calorem recupera-
 ret. Barbam tunc alebat prolixam: sed consilio medici
 detonsa fuit omnis. Et, meo quidem iudicio, per eum
 morbum decessit ei mentis plurimum et ingenij. Atq;
 ad hunc modum uexantur omnes, qui morbis nullum
 inuenire possunt remedium: in primis autem Princi-
 pes fastuosi et sublimes. Verum in eo rerum statu,
 primum est, ut ad Deum confugiamus, et peccatis ue-
 niâ precemur. Alterum est, ut ex amicis, cui plurimum
 tribuimus, nos patefaciamus totos, et animi uulnus, quo
 affligimur, denudemus. Nam ad reficiendum animi ui-
 res, nihil est efficacius. Huc etiam si labores, et corpo-
 ris exercitia, et honeste accedant occupationes: ma-
 gnum ea res momentum adfert. Vt enim aliquo modo
 affectus illi consumantur, oportet. Carolus autem
 longe diuersam rationē ingressus, in hac animi pertur-
 batione sese abdebat, nec ullius amici leuabatur oratio-
 ne uel consilio. Nam quia durus erat, et suprâ modum
 asper in suos: nemo quisquam audebat interpellare, et
 finebant eum uiuere suo more, ueriti, ne si aliter fecis-
 sent: in malam partem acciperet. Interea dum in Bur-
 gundia commoratur, multi simul in eum conspirant:
 deserunt

deserunt eum amici et socij, et apud suos, quod rebus aduersis fieri solet, in contemptu uenire cepit, et per Lotharingiam aliquot iam oppida rursus amisit. Cumque de illius aduersitate fama percrebuisse: Lotharingie Dux, coactis, quas potuit, copijs, quoniam in propinquo pleraque omnia, præter Pontemontium tenebat: uenit ante Nanceium, in quo firmum erat præsidium militum, non unius gentis aut lingue: et in his trecenti Angli, quibus præerat Cobinus, tenui quidem familia, sed excellenti uirtute. Hi, tametsi non oppugnarentur admodum: impatienter tamen longiorem moram ferebant. Et certe uehementer Carolus errabat, quod opem illis non ferret. Nam ut ea loca tueretur, magis erat ex ipsius usu; quam ut Helueticos ulcisceretur, à quibus cladem, sua quadam pertinacia et temeritate, acceperat. Sed quantumuis diligenter eum sollicitarent obsessi, et auxilium implorarent: ipse tamen nulla necessaria de causa diutius hæsit in Burgundia. Quod si uoluisset initio: poterat sine contentione illis subuenire, cum nullam adhuc haberet aduersarius coactam manum. Et defensa Lotharingia, per Lutzemburgum, inde à suis longinquiorebus prouincijs, iter habebat in Burgundiã expeditum. Itaque si fuisset ea uimentis, quæ solebat: aliter ei prouidendum erat. Interea dum obsessi expectant subsidium: Cobinus Anglorum dux tormento interficitur, maximo sanè cū detrimento Caroli. Nam unus aliquando uir magnum adfert ad salutem momenta

momentum. Neq; uero semper ad generis nobilitatem, sed ad uirtutem potius et ingenij bonitatem respiciendum est. Quò magis predicari debet Ludouicus rex, qui diligentissime cauebat, ne suorum ducum, et excellentium uirorum iacturam ullam faceret. Angli amisso duce, incipiunt de auxilijs desperare: uerum non satis agnoscebant, et quàm esset exigua Lotharingi potentia, et quàm magnas facultates haberet Carolus instaurandi exercitus. Longo iam tempore nulla gesserant externa bella, quæ causa fuit, ut obsidionum non intelligerent rationem. Tandem in colloctionem ueniunt cum oppidi præfecto, quem Carolus constitutus erat: minantur nisi cum hoste componat, se pacturos esse. Ille tametsi egregius alioqui uir, parum erat animosus, et ad preces conuersus, multa, quæ ad suam sententiam facerent, demonstrabat. Quòd si masculus fuisset locutus et audacter, utilius, ut opinor, rem gessisset. Verum credibile est, aliud fuisse Dei consilium. Impulsus igitur ab illis, deditiorem facit, et biduo post Carolus cum mediocri exercitu eò uenit, et oppidum obsidione denuo cingit. Quòd si quorundam secutus consilia, præfidijs uicina loca munisset: breui tempore Nanceium recuperasset, in quo parum erat annonæ, et facile, ne qua importaretur, prohibuisset, et interea suas copias recreasset. uerum longe diuersam rationem suscepit. Dum ea durat obsidio: ex domesticis et familiaribus multi in eius perniciem moliebantur, et iam undiq;

audiq; fiebant in eum graues conspirationes. Campobachius autem in primis uitam illius petebat. Hunc ipse post mortem Nicolai Calabriae Ducis, acceperat egenum et exulem, et statim initio dabat ei quadraginta aureorum millia, quò per Italiam colligeret equitatè, ut suprà docuimus: et tunc quidem primum, in itinere, conuertit se ad clandestina consilia, nec unquam ab eo conatu destitit. Et hoc ipso tempore, quum uideret impeditissimas esse rationes illius: cum Lotharingo, et cum nonnullis ducibus, quos in Campania Rex habebat, consilia communicabat, ijsq; promittebat se curaturum, ut ea quae sint ad oppugnationem necessaria: deessent. Nostris etiam hominibus pollicebatur, se uel interfecturum esse illum, uel capturum, eoq; nomine petebat uiginti aureorum millia, et ditione alia quam in Gallijs idoneam. Dum haec geruntur: nobiles aliquot Lotharingi conabantur in oppidum ingredi. foeliciter quidem alij: sed ex ijs capti fuerunt nonnulli, è quorum numero fuit Prouincialis quidam, Cifronius, quo tanquam internuncio et interprete utebatur Campobachius ad Lotharingum, in ijs, quae cum ipso communicaret. Eum ilico suspendi iubet Carolus, affirmans, quòd simul atq; circumfessum est à Principe oppidum aliquod, et tormentis oppugnatum: si quis tum in illud ingredi, et obsessis opem ferre studeat, hoc ei esse capitale. Hanc dicebat esse militiae legem. Verum ea non est apud nos usitata, quanquam alioqui nostra

nostra bella sunt grauiora Italicis & Hispanicis, quibus in regionibus ea lex locum habet. Ille, cum se deploratum esse uidet: nunciat Carolo, se quædam ei dicturum esse, quæ ad ipsius pertineant salutem. Eum sermonem nobiles aliquot deferunt: & tum forte aderat Campobachius, qui de Cifronij periculo certior factus, diligenter obseruabat omnia, metuens ne proderetur. Carolus respondit, eum seruandi sui causa colloquium obducere, simul, quid uellet, iubet sibi per alios nunciari. Hunc sermonem excipit Campobachius, & collaudat: solus enim cum scriba quodam aderat. Cifronius ait, se nemini, præterquam ei soli dicturum esse. Carolus insistentia persistit. Inter eundem multos ille obtestatur, ut Principem permoueant: habere se quod ei dicat, graue quiddam, et tanti momenti, ut nihil supra. Ex ijs qui nouerant, multos ad misericordiam flexit, & hi de nouo interpellaturi Carolum, excludebantur à Campobachio, qui pro foribus cubiculi uersabatur, & aditus prohibebat omneis, affirmans, mandatum esse principis, ut è medio tolleretur: simul tribunum militum urgebat, ut acceleraret supplicium. Itaque suspensus ille fuit, summo cum detrimento Caroli, qui si humanior fuisset, & dicentem placide audisset: haud dubie se suasque prouincias omnes seruasset, præsertim, cum per Galliâ multæ postea difficultates & incommoda sint exorta. Sed est credibile, Deo longe aliter uisum fuisse, posteaquam ille contra fidei et iurisiurandi religionem, Conestabulum

Castellum in potestatem regis tradidit, & literis iudicium instruxit in illius caput atq; fortunas omnes. Nam etsi iustissimam habebat odij causam in illum: tamen, quod data fide cepit, ac deinde uendidit, nulla prorsus ratione potest excusari. Vendidit enim, non tam ut Sanctoquintinum recuperaret, & illius facultates acquireret, quam, ut ne quod impedimentum à rege sibi inferretur, quò minus Nanceium occuparet. Nisi enim passioni stare, minabatur ei Rex per legatos. Et sicut apud Nanceium iniquè iussit necari Cifronem, repudiato colloquio: sic etiam eodem fere loco circumuentus fuit, et proditus ab eo, cui plurimum tribuebat. Hec autem omnia scribo, non quòd iudicium ullum mihi sumam (hoc enim soli Deo conuenit) aerum, ut demonstrem, quantopere Principes oporteat esse alienos ab eiusmodi facinoribus, quale uidemus à Carolo fuisse commissum, & ut ne prauis consilijs obtemperent. Nec enim rarò fit, ut ipsorum familiares ad huiusmodi res eos impellant, partim adulatione, partim metu ne offendant: sed eiusmodi consiliarijs nullum est genus hominum perniciosius. Diximus, quemadmodum Deus constituit Campobachium, ut ulcisceretur Connestablij necem, eo ipso loco, et eadem plane ratione, qua Carolus fuerat usus, imò crudelius etiam. Nam cum ille, à quo benignissime fuerat exceptus, & senex, & omnium rerum egenus, & exul, & à quo innumeris erat affectus beneficijs, prodidit. Et principio, quum ad

eam rem animum adiecit, aperuit se Simoni Papiensi, medico, & reuersus ex Italia cum equitatu: constans in suscepta deliberatione, pollicebatur se traditurum esse Regi omnia, quæ Carolus per Lotharingiam cepisset: aut si Rex cum exercitu in illum iret: certo signo dato, cum suis copijs ad ipsum esse transiturum. Deinde, se uel capturum esse illum, uel interfecturum primo quoq; tempore, cum esset lustraturus exercitum, qua quidem in re non facile potuisset aberrare. Habebat enim hunc morem Carolus, ut simul atq; descendisset ex equo, commoraturus alicubi in castris, ademptis grauioribus armis, & leuiori equo uectus, cum paruo comitatu circumiret omnes copias, & rebus necessarijs prouideret. Eam nactus occasionem, facile poterat ille, quod uolebat, perficere. Rex autem perfidiam hominis detestatus, & quod induciæ erant, & quod ignorabat, quamobrem ille suam operam, in re tam impia deferret: uoluit omnino liberaliter agere, & per Contem prolixè omnia Carolo significabat, neq; dubito, quin ille diligenter & ex fide recitauit. Carolus autem aliorsum accipiens, dicebat, quod si reuera istud ageretur, Regem non sibi fuisse denunciaturum. Et istud quidem multò antè, quàm Nanceium ille ueniret, accidit, tantaq; fuit ipsius obstinatio, ut arbitrer eum nihil unquam eius rei dixisse Campobachio. Nam ab eo tempore plus ei, quàm unquam aliàs, tribuebat. Obsidebatur Nanceium tempore hyberno cum paucis copijs,
& male

Et male instructis, et plerisque agrotis. Ex primis ordinibus nonnulli conspirauerant in eum, ut diximus, multique etiam indignabantur (quod rebus aduersis euenire solet) et reprehendebant eius omnia consilia: sed in eius caput et uitam, nemo præter Campobachium, moliebatur. Lotharingus interea sollicitabat Heluetios pro auxilijs, ut prælio dimicaret. Ad eam rem prompta quidem erat illorum uoluntas: et solum restabat, ut pecunia conficeretur. Rex causam eius apud Heluetios magnopere per legatos commendabat, et simul quadraginta francorum millia suppeditabat. Campanie quoque præfectus, habebat per ditionem Barrensem circiter octingentos cataphrastos, et magnam manum sagittariorum. Itaque Lotharingus, ad eum modum adiutus à Rege, magnas conduxit Germanorum copias, tam equitum quam peditum: adiunxit etiam se illi magna Gallorum nobilium manus. Qui per Campaniam erat Regis exercitus, non se quidem commouebat, sed euentum belli expectabat. Tandem Lotharingus cum insigni Germanorum comitatu, uenit Sanctonicolaum, qui uicinus à Nanceio duobus miliaribus abest. Erat id temporis in Gallia Lusitaniæ rex, in nonum mensem. Cum eo Ludouicus rex foedus inierat aduersus Hispaniarum regem, eum, qui hodie rerum potitur. Et Ludouicus quidem, spe consequendi auxilia uenerat, ut bellum ex Cantabria uel Nauarra in Castiliam moueret. Tenebat enim loca quedam et arces in finibus

et arbitror foeliciter eum fuisse belligeraturum, si Rex ita ut aliquoties constituerat, eum adiunxisset. Cum uero mutata Regis uoluntate, per annum aut eo amplius frustra sperasset: domi quoque res ipsius magnum accipiebant detrimentum. Nam quo tempore in Galliam discessit: plerique omnes Lusitaniae procures rebus ipsius fauebant. Verum ubi diutius abesset: languidiores facti, cum Alphonso et Isabela, qui nunc Hispanias obtinent: paciscebantur. Rex autem, quo minus opem ei ferret, in excusationem adduxit bellum Lotharingicum, sequi uereri dicebat, ne si Carolus hostem foeliciter oppugnaret: tota belli moles in Galliam transferretur. Lusitanus igitur, uir bonus, quo facilius quod petebat consequeretur: legationem sibi ad Carolum consobritum suscepit, compositionis tentandae causa. Nam contra plurimorum sententiam in Gallias abiuerat, ideoque pudebat eum redire domum, nulla re perfecta. Ingressus iter grauiissima hyeme, uenit ad Carolum ante Nanceium, et expositis, quae acceperat à Rege mandatis, offendit in eo summam difficultatem. Commoratus ibi per biduum, parat abitionem. Carolus instabat, ut aliquandiu differret. et Pontemontij (quod à Nanceio quatuor milliaribus abest) subsisteret, eumque aditum seruaret. De Germanis enim, qui erant Sancti nicolai, iam intellexerat. Ille excusans, dicebat, nec armis ad eam rem nec copiis, nec ulla re necessaria se instructum esse. Reuersus igitur Luteciam, quum diu resisteret

resistisset ibi: coepit male suspicari de Rege, quasi infidose ageret, et aduersario suo, Castiliae Regi se cogitare proderet. Mutatis ergo uestibus, ne agnosceretur, tribus tantum comitatus, constituit proficisci Romam et ibi monasticum uitae genus amplecti. In itinere comprehensus fuit à Robineto Normanno. Rex eo nuncio ualde fuit offensus, et nonnihil eum puduit. Iubet igitur naues aliquot armari in Normannia, quae domum ipsum reducerent. Causa belli, quod gerebat cum Hispano, haec erat. Habebat è sorore Henrici Castiliae Regis, uxore, neptem. Eam Isabela soror Henrici excludebat à successione et principatu Castiliae, et ex adulterio natam esse dicebat. Percrebuit enim fama, Henricum fuisse corpore male affecto, sic ut liberos procreare non posset. Et quanquam sub specie matrimonij nata erat ei filia: Castiliam tamen obtinuit Isabela cum marito, Aragoniae et Siciliae Rege. Hanc puellam neptem suam, Lusitanus cupiebat in matrimonium dare filio Ludouici regis Carolo, qui nunc rerum potitur, eaq; de causa uenit ad Regem, et quum infecta re discederet: ualde indoluit, nec multo post, quam domum redierat, è uita discessit. Diligenter itaq; providere debent Principes, quos mittant legatos. Nam si illi, quos in Galliam prius miserat, foederis ineundi causa, fuissent homines prudentes ac circumspecti: diligentius explorassent de rebus nostris omnibus antè, quam Principem ipsum, ut eam protectionem susciperet, hortarentur. Quum

illud inter Regem & ipsos iniretur fœdus : *aderam ipse mandato Regis, cum alijs nonnullis. Hanc narratio nem licebat præterire : sed uolui demonstrare , quòd antea non semel dixi : Non debere Principes ipsos eius- modi profectiões obire, neq; se alterius potestati sub- iicere. Vix iter diei processerat Lusitanus, quum Lotha- ringus & Germanorum exercitus discederent Sancto- nicolao, ut manus cū Carolo confererent. Eo autem ip- so die uenit eis obuiam Campobachius , ut institutum perficeret, & cum octingentis Cataphractis transijt ad eos, indignè ferens, quòd nihil atrocius in Carolum de- signasset. Qui Nancei obsidebantur, ad deditionem spe- ctabant. sed certiores facti de Campobachij defectione : ceperunt sperare melius. Nam in fossam oppidi quidam se coniecit, ad eosq; penetrauit, & de Campobachio ac Germanorum auxilijs nunciabat. Aduentante hoste , Carolus, præter morem ferè, concilium indicit . Pluris morum hæc erat sententia , ut Pontemontium se reci- peret cum exercitu, & quæ passim circa Nanceium te- nebat oppida, præfidijs muniret : Germanos, importa- tis in oppidum cibarijs, domum esse redituros : fore, uti Lotharingus pecunia destitutus , longo tempore non possit tantas denuò copias colligere : alimoniam autem omnem intra paucos menses consumptam iri : & op- pidanos in maiori tum difficultate & angustijs rerum omnium esse futuros , quàm prius : Interea tempus & ocium ei superesse, augèdi exercitus. Vix enim quatuor habebat*

habebat hominum millia in uniuersum, ex ijsq; mille tantum & ducenti erant ad praelium instructi & idonei, ut ex fide dignis accepi. Non deerat ei pecunia. nam in arce Lutzemburgi habebat ad quadringenta et quingenta aureorū millia, quō facilius potuisset copias conducere. Sed perturbauit eius mentem Deus, ac ueluti tenebris circumfudit. Nam incitatus à nonnullis penē furiosis, & omnium deterrimum secutus consilium: decreuit periclitari fortunam, et dimicare cum exiguis, quas habebat, & male instructis copijs: tametsi de uiribus ac numero hostium, & de Regis exercitu, qui nō procul aberat, diligenter esset prae monitus. Vbi Cam-pobachius ad Lotharingum transiisset cum suis cohortibus: Germani denunciant ei, ut e castris excederet, propterea quōd proditorem nullum uellent apud se ferre. Coactus igitur, recepit se Condiū, quod est castellum in propinquo. sperans fore, ut Carolus profligatus & fugiens, in suas manus incideret. Decreuerat autem uel interficere illum, uel capere: postquam id difficilius uisum est, neq; facultas perficiendi dabatur: constituit, commisso praelio, transire statim ab eo ad hostem, ut subita illa & inexpectata defectione, totum exercitum uehementius perterrefaceret. Hoc etiam pollicitus erat, si profugeret ille, non esse incolumem euasurū, eō quōd ē suis familiaribus esset dispositurus ad quatuordecim equites, homines maxime fidos. quorū alij. progredientibus ad pugnā Germanis, fugā facerent initū:

alij uero diligenter et intentè illum obseruarent, ac fugientem interficerent. Ex ijs, quibus hoc erat mandatū officij, treis equidem noui. His rebus procuratis, redit ad exercitum Caroli, quem deinde uenientibus Germanis deseruit. Atq; hic uidere licet, in quantas angustias et periculum se coniecerit Carolus, dum recte consulentibus non obtemperat. Posteaquam propè et in cōspectu constitissent ambo exercitus: Burgundiones, qui duobus ante praelijs uicti, et pauci admodum erant, et male instructi, primo statim concursu fuerunt profligati. Quos fuga periculo non eripuit, ij uel capti fuerunt omnes, uel interempti. In his fuit etiam Carolus. Et quoniam ei praelio non interfui, quemadmodum sit interfectus, non facile dixerim, sed ab ijs tamen audiui, qui uiderunt eum ex equo deijsi, et quod capti essent: non poterant opem ferre. His quidem presentibus, nō fuit occisus: uerum superueniente postea noua cohorte interemptus, et in magno cadauerū numero, cum nō agnosceretur, denudatus est. Torquem illius quendam, ualde preciosum, et eleganter fabrefactum, quem collo gestare solebat, et honorifice circumferre: uidi postea Mediolani, quo in loco duobus aureis uenditus fuit. Et hic quidem est exitus potentissimi Principis, quo maiorem ad uicinos Reges atq; populos authoritatem nemo habuit. Qua potissimum re Deum in se uehementius congitarit: non facile dixerim, nisi quod omnem, qua fruebatur foelicitatem, à suo pendere putabat ingenio et uirtute.

1477:

Occisus Carolus

uirtute. Præditus erat sanè multis eximijs dotibus: opem
 ram dabat, ut homines excellenti uirtute familiares ha-
 beret: multis cupiebat benefacere: suorum negocia &
 controuersias cognoscebat ipse: & liberaliter eos au-
 diebat. Quamdiu cum eo uixi, ingenio erat satis placi-
 do: postea uero crudelior euasit, quæ quidem res indu-
 bitatum erat signum futuri occasus. In cultu corporis
 & uestium luxu, alijsq; rebus omnibus prope nimius
 erat: legatis & externis hominibus magnū deferebat
 honorem: cupidissimus erat gloria: eaq; fuit præcipua
 causa, cur bella susciperet. Hoc enim spectabat in pri-
 mis, ut sicut præsci quidam heroes, celebraretur. Animi
 magnitudine & robore & audacia nulli cedebat. Non
 facile dixerim, illine Deus, an ipsius populo magis fue-
 rit iratus. Interfectus enim ipse fuit, ut diximus, tempo-
 ris ferè puncto, sine ullo maiori cruciatu: Sed eius pro-
 uincia, ab eo tempore, perpetuis bellis dinexantur, à
 quibus, ob ciuiles inter ipsos factiones, non possunt ex-
 pedi. Deinde, qui nunc eos propugnant ac tuentur,
 sunt homines externi nempe Germani, qui paulò ante
 fuerant hostes. Breuiter, à morte Caroli nullam exper-
 ti sunt firmam amicitiam: & si quis eorum intueatur
 actiones: uidentur non minus perturbata esse mente,
 quam ipse Carolus. Repudiatis enim optimis quibusq;
 consilijs, in suam ipsi perniciem moliuntur: et qui nunc
 est rerū status: uidentur uix ægrè plagam hanc esse eu-
 raturi. Sic igitur sentio, Deū, prout uult affligere aliquā

gentem : tribuere illis principem, et accommodare. Burgundicus populus, longe florentissimus fuit sub tribus ordine principibus, optimis et prudentissimis uiris, supra centum et uiginti annos. Tandem uero Deus excitauit eis Carolum, qui continuis bellis, laboribus atque sumptibus eos exercuit, defatigauit, et exhausit, hyeme presertim. Ante Nouesium autem factum fuit initium calamitatum, quae deinde tribus aut quatuor aduersis praelijs durarunt, donec interficeretur. Quo quidem tempore sic erat debilitatum ipsius omne robur atque potentia, ut omnes, in quibus aut aliqua facultas erat, aut uoluntas praecleara : uel mortui essent, uel capti, uel grauiter afflicti. Vidi equidem, et cognitam habeo potissimum Europae partem : sed florentiore nullam noui provinciam, quam erant haec Caroli ditiones, quo tempore inijsuxi. Et nunc ecce, Deus tam insignem et potentem familiam, ac clarissimorum uirorum domicilium, nostro orbe celeberrimum et honoratissimum, per centum et eo plures annos, breui temporis puncto, plane subuertit. Quum reliqui omnes circum populi diuexarentur bellis, alijsque incommodis : haec sola domus foelicissima semper fuit, ita quidem, ut externi multi Principes, ad eam, uelut in opportunissimum portum, e fluctibus et tempestate sese reciperent. Ludouicus Rex adolescens, cum a parente suo disideret : ad Philippum Caroli patrem sese contulit, honorifice admodum et amanter ab eo, per sex annos habitus. Eduardi Angliae Regis ambo fratres,

fratres, Clarentius & Clocestrius, & è Lenclastrijs multi, rebus aduersis, opem & patrocinium ab hac domo petierunt. Breuiter, ingens fuit eius familie splendor & gloria. & nunc ecce miserabiliter est afflictus, ut uicinis omnibus exemplo esse possit. Est nimirum Deus, à quo salus regnorum omnium, & incrementum, & occasus, & initia dependent.

PHILIPPI COMINAEI.

commentariorum Liber Octauus.

1477



Ex nuper in Gallijs instituerat cursores, qui per dispositos equos, incredibili celeritate iter conficerent. rem plane nouam & inusitatam in Gallijs, ante id tempus. Per eos ilicò de fortuna Caroli cognoscebat, & singulis penè momentis expectabat certiora de rebus omnibus. Ei, qui primus omnium aliquid memorabile attulisset, munus aliquod dabat, & prius quàm aliquid adferretur; dicebat se liberaliter ei, qui primus nunciasset, daturum. Per Bocagium & me certior factus fuit de praelio, ad Moratum facto: & utrunq; insigni dono cohonestabat. Ludeus, qui foris cubabat extra Plesium castellum: de cursoris aduentu primus cognouit, & quod honesto loco erat apud Regem, obtinuit à cursore literas, quibus de

P V

prelio Nanceno significabatur. Prima statim luce, Regi dat eas literas. De morte Caroli nemo confirmabat: in hoc autem omnes sentiebant, eum fugisse. Rex eo nuncio sic fuit exultatus, ut nihil supra. Hoc unum modo uerebatur, quod si captus esset à Germanis, ne cum eis, data pecunia, pacisceretur: deinde, ne prorsus euasisset, metuebat. Proxima deliberatio fuit, an ditiones illius esset occupaturus, in eaq; re minimam esse putabat difficultatem, plerisq; omnibus, qui resisterent, per illa superiora prelia, interfectis. Qui cum Rege erant, omnes dabant significationem letitiae: sed pleriq; uidebantur sibi uim ipsi facere, & utcumq; dissimularent, maluissent certe Caroli res meliori esse loco. Cuius quidem rei causa fortasse fuit, quod rex natura timidior erat, & idcirco uerebantur, ne solutus omni metu, multa moueret domi atq; turbaret. Ex ijs etiam qui aderant, nonnulli unà cum Gallie principibus & Carolo, ipsum oppugnauerant. Habita deliberatione, post peractum sacrum, in cubiculo prandet, multis ad mensam, pro sua consuetudine, adhibitis. Inter prandendum loquebatur de rebus nouis. Hic ego cum alijs nonnullis obseruabam diligenter uultus eorum, qui prandebant: Sed ne unus quidem hilari ter sumebat cibum. Mœrore ne istud fecerint, an letitia: non facile dixerim. Pudore certè nullo faciebant. nam consueuerant omnes cum eo prandere sæpius. A prandio secedens aliquandiu, nonnullis, Caroli profectiones

sessiones quasdam, si mortuus esset, donabat. Amiralium autem et me, cum amplis et necessarijs mandatis dimisit, ut eos, qui se uellent in ipsius clientelam atque fidem dare, reciperemus: potestate nobis facta, ut quicumque inter eundem nobis occurrerent cursores: eorum resignaremus literas, quò de rebus omnibus certi aliquid cognosceremus. Ingressi iter asperissima hyeme, uix dimidij diei uiam processimus, cum occurrit tabelarius. Acceptis ab eo literis, intelligimus Carolum inter alios repertum fuisse mortuum, et agnitum à quodam adolescente cubiculario, et medico Fusitano, per quem Campaniæ præfectus certior factus, hoc ipsum Regi significabat. Progressi contendimus ad Abbeuille suburbia. Per nos primum, ijs locis rescieuerunt de illius morte. Oppidani iam coeperat pacisci cum Torcio, uero nobili, què à multis annis magnopere diligebant. Qui presidio relictus fuerant ibi à Carolo: per internuncium à nobis præmissum, de compositione nobiscum agebant, et nostris pollicitationibus confisi, quadringentos cataphractos illinc remouerunt. Hanc opportunitatem conspicati ciues, Torcio patefaciunt urbem, non absque magno dispendio eorum, quos antè diximus, quibus, mandato regis, et pecuniam, et annuam eramus polliciti pensionem. Sed earum rerum nihil acceperunt, propterea quòd per ipsos non erat facta deditio. Est autè Abbeuille, ex ijs oppidis unum, quæ Ludouici pater Philippo principi dederat, ea lege, ut si nulli extarent masculi heredes, ad imperium

Gallium redirent. Non debet igitur uideri mirum: si facilem nobis aditum præberent. Inde profecti Dorlanum, sollicitamus Atrebatum, Artesie primam urbem, ac uetus Comitum Flandrie patrimonium, cuius quidē regionis imperium, ad sceminas non minus quàm ad mares deferretur. Rauestenus et Cordens, adiunctis aliquot primarijs ciuibus, colloctioni nobis diem constituunt, in uicina quadam Abbatia. Mihi cum nonnullis alijs iniunctum fuit, ut actioni interesssem. Et quia parum erat spei, confici posse negotium: non ibat Amiraliius ipse. Nostra postulata hæc erant, ut urbem nobis patefacerent: prouinciā illam omnem, morte Caroli, ad Regem pertinere: si recusent, periculū esse, ne cogantur: cesum esse Principem, et exercitum, tribus aduersis prelijs deletum prope omnem. Illi contrā, per eius urbis atq; senatus præsidē demonstrant, quem admodum inde à Margaritha, quam Philippus, cognomento Fortis, in matrimonio habuit, iure successionis, Artesia omnis delata sit ad Caroli filiā heredem, orant igitur, ne quas cum Carolo Rex fecisset inducias, uiolaret. Non fuerunt multa inter nos commutata uerba: nec inopinatō nobis responsum istud oblatum fuit, et præcipua causa colloctionis hæc erat, ut per eam occasione quosdam ad nostras partes traduceremus. Nec infeliciter quidem iste conatus cecidit. Reuersus ad Amiralium: cognoui, Regem aduentare, qui paulō post nos ingressus fuit iter, et literas huc illuc, tam suo, quàm

quàm alieno nomine scripserat, quibus exocabat certos homines, quorum opera sperabat se posse ditiones illas omneis in suam potestatem adducere. Magnam enim animo conceperat letitiam, quò aduersarios omnes uidebat è medio sublato esse. Connestablium, & Ducem Nemorensem, & alios nonnullos capite multauerat: Frater, Aquitanie Dux, è uita decesserat: Andegauensis familia omnis erat extincta: cuius postremi fuerunt Principes, Renatus Sicilie Rex, Ioannes & Nicolaus Calabriae Duces, eorumq; propinquius, Cenororum & Prouinciæ Comes. Horum omnium facultates ad ipsum erant delatæ. Sed quò potentior erat Burgundica domus omnibus alijs, et quò grauiora bella gessit, Anglorum òpe, in Gallijs, per annos triginta duos: & quò maiores habebat ob propinquitatem occasiones diuexandi Galliam: eò grandior etiam fuit & uberior Regis letitia, oppresso Carolo, sic, ut uicinos circium populos nihil iam magnopere formidaret. Pacem enim nuper fecerat cum Anglis, & eam studebat confirmare. Sed dum in hac securitate uersatur: hoc solum ad integram fœlicitatem ei defuit, quòd non ex æquitate negotium gubernabat. Nam & si Deus multis & clavis indicijs ostenderet, grauius & acerbè se uelle Burgundicam domum affligere: non idcirco tamen est, ut aliquis dicat, Regem ita ut oportet, in ea re progressurum esse. In prouincias enim illas nihil habebat iuris: uerum amore & beneuolentia, perq; con-

nubium,

nubium, aut iustum aliquē titulum, licebat eas adiungere Gallijs, & facillimè quidem, in ea consternatione, & propè omnium desperatione, rebus afflictissimis. Eam rationem si fuisset ingressus: firmam & diuturnam pacem in Gallia intulisset, & populum continuè bellis exinanitum, magnopere recreasset. Dum uiueret adhuc Carolus: non semel mihi Rex commemorabat, post mortē illius, si uita superaret ipse, filium suum in matrimonium se daturum esse illius filie: & si propter teneriorem filij etatem illa recusaret: se procuraturum tamen, ut è Gallie principibus alicui nuberet: quò & hac ratione pacatā haberet omnē eam regionem, & illa, quæ putabat ad se pertinere, absq; grauiori ullo motu recuperaret. Hæc erat eius adhuc sententia, die octauo prius, quàm de morte Caroli allatum esset: uerum ab ea discessit, & longe aliter constituit, quo tempore Amiralliū & me in Picardiam mittebat. Et quum nos deinde sequeretur: descrebantur ad eum crebri & iucundi nuncij. Nam arces duæ Connestablij, Hanium & Bohenium in eius potestatem ilico uenerunt: Sanctoquintinum ultro deditionem fecit: de Perona nihil dubitabat: et de uoluntate Cordei spem certam habebat. Tonsorem quendam suum Oliuarium, miserat Gandauum, & alios aliō, magna cum spe, sed pleriq; non respondebant expectationi. Cum propius ad Peronam uenisset: ibam ei obuiam. Præfectus oppidum mox patefecit: Per eum diem restitit ibi, & à prandio.

prandio incidit in mentionem eius, quod Amirallicus & ego apud Atrebatas egimus, neque satisfactum erat eius voluntati, & iudicabat nihil nos propemodum effecisse. Incipit deinde commemorare, quemadmodum tonsorem suum Oliuarium misisset Gandauum, cuius opera & uirtute sit adepturus eam urbem: idem se sperare consequi posse multis alijs locis, per eos, quos dimisisset. Atque ut stimulum aliquem adderet: Ludeum summisit, & quosdam alios, qui coram ipso, mecum super ea re disceptarent. Quanquam uero meum non erat, eius opinionem impugnare: tamen respondi, me uereri, ne Oliarius, & alij quos nominasset, in ijs urbibus non perficerent, quod uellent. Id autem ideo dicebam, quod uiderem, eum sententiam mutasse, de qua supra diximus, & confisum secundiori fortuna, sperem ingentem concepisse, omnia sine contentione occupandi. Cupiebat enim in primis Burgundicam domum delere totam, & eius imperij prouincias omnes in multos buc illuc partiri: simul eos nominabat, quibus Namurcium & Hannoniam, finitima Gallie loca, daturus esset. Quantum ad maiores illas ditiones pertinet, Brabantiam & Hollandiam: constituit nonnullis Germanie principibus, ut eas acquirerent, auxiliari, quos à se putabat non alienos, quorum deinde opera uti posset ad perficiendum ea, quae moliebatur. His de rebus omnibus mecum non semel loquebatur, eo quod hortatus eram, ut alteram rationem, de qua

qua supra dixi, susciperet: & uoluit, ut causas, quam obrem id non faceret, quod suaseram, intelligerem: affirmans, hoc suum consilium esse longe utilissimum Gallie, quæ per eam familiam, propter ipsius potentiam, uehementer fuisset, multis nunc annis afflictæ. Certe, si quis humana tantum intueatur & ciuilia: graues erant & magne, quas adferebat, rationes. Ad æquitatem autem mihi respicienti, longe diuersum uidetur, tametsi tanta erat in eo uis ingenij, ut magis prouidus & acutus nemo quisquam esset. Verum in rebus tam arduis, Deus Principum & Regum uoluntates gubernat, ita ut consilia sequantur accommodata ijs, quas cogitant deinde perficere, actionibus. Nam si beneficio Dei perstitisset in ea sententia, quæ ipsemet ante mortem Caroli iudicabat idoneam esse: non fuissent ea consecuta bella, quæ tum temporis orta, ne hodie quidem consopita sunt. Sed actiones nostræ pacem nullam diuturnam merentur, qua fruituri eramus alioquin, & huc, tanquam ad fontem, referri debent calamitates nostræ, non autem ad incogitantiam Regis, qui sane circumspectissimus omnium hominum erat. Hæc omnia paulo prolixius recito, ut demonstrem, super eiusmodi rebus diu multumq; & grauius esse deliberandum, ut quod honestissimum est & æquissimum, amplectamur. Sed in primis interpellandus est Deus atq; rogandus, ut quod optimum est, nobis suggerat. Nam ab eo cuncta pendent, ut & scripturæ testimonijs, & ipso rerum usu

usu doceri potest. Non hoc equidem ago, ut Regem in-
cusem aut criminer, quasi minus recte fecerit: nam for-
tasse multi alij ipsius familiares in eadē cum illō erant
sententia, quanquam hoc certo scio, neq; tum, nec us-
quam alibi super ea re disceptatum fuisse: Verum ita
res habet, ut qui scribunt historias, nō respiciant ad lau-
dem eorum, de quibus loquuntur, & multi sepe, quae
non exacte norunt, praetereant. Et quantū ad me per-
tinet: nihil sum dicturus alienum à uero, nihil quod uel
ipse non uiderim, uel ab hominibus fide dignissimis ac-
ceperim, in eoq; nullam habebō rationem affectatæ lau-
dationis. Certò enim constat, nullum esse principem
tām prudentem, qui non erret & labatur aliquando,
imò saepenumero, si lōgior ei uita contingat, ut ex illo-
rum actionibus ac consilijs, si uerè perscriberentur om-
nia, facile iudicari posset. Omnes profecto omnium tem-
porum senatores ac uiri praestantes, qui uel fuerunt ali-
quando, uel hodie sunt, errarunt, & saepe errare pos-
sunt atq; labi. Testatur hoc experientia quotidiana.
Rex cum prope Peronam in quodam uico substitisset:
profecturus in oppidū, mandabat mihi, ut ad Pictones
& Britanniae fines proficiscerer: simul hoc priuatim
& secretò dicebat, quòd si Oliuarius apud Gandauos
nihil perficeret: si Cordæus etiam ad se non transfiret:
tām se incendijs uastaturum esse Atrebates, omnemq;
uicinam agrum, & ad Turones rediturum. Antequam
disirem, commendabam ei quosdam, qui meo impulsu

Q

Et hortatu, ad ipsum transferant. Iis annuam pensio-
 nem pollicitus eram: Et cum ipsorum nomina acce-
 pisset à me notata, promissa prestitit. Erat cum ipso
 Ludæus homo sui priuati commodi ualde studiosus, Et
 Regi multis in rebus non inuicundus. Ille sic erat natu-
 ra, ut sicut temere ipse alios fallebat: ita quoq; leuiter
 persuasus, à multis sepe ludificaretur. Educatus fuerat
 cum Rege, à prima statim adolescentia. Et artes, quin-
 bus ei placeret, optimè callebat. Is abituro mihi ad Pi-
 ctiones, mandato Regis, ut dixi: quid, inquit subridens,
 tu nunc discedis in hoc tempore, quo pulcherrimæ sese
 offerunt occasiones amplificandi tuas facultates? Defe-
 runtur ad Regem quotidie uaria negocia, in eiusq; ma-
 nu est, quibus bene uult, Et quos complectitur, tempori
 ferè momento locupletare: Quantum ad me perti-
 net: spero me futurum esse Flandriæ præfectum, Et to-
 tum me inaurabo. Magno cum risu pronunciabat ista:
 Verum ego, quòd metuebam, ne à Rege manassent: ni-
 hil minus auebam quàm ridere, Et pro re pauca locu-
 tus, respondi, fore mihi longè gratissimum, si res bene
 succederent: sperare me, regem mei futurum esse non
 immemorem. Paulò ante, quidam ex Hannonia nobilis
 ad me uenerat, Et de quibusdam alijs, quos, ut ad Re-
 gem transfirent, literis sollicitaueram, certi aliquid at-
 tulit. Est mihi propinquus ille. Et uiuit adhuc, itaq; no-
 men non proferam. Is inter alia paucis uerbis indica-
 bat rationes, quibus firmissima quæq; loca Hannoniæ
 daret

daret in regis potestatem . Abiturus hæc aperio Regi :
Locutus cum eo , dicebat mihi , nec hunc nec alios , de
quibus dixeram , esse idoneos . nec ullus erat , in quo non
aliquid desideraret : ipsorumq; pollicitationes iudica-
bat esse uanas , & ea quæ deferrent omnia , putabat se
facile posse & breui , citra ipsorum operam occupare .
Ludæus tamen ipsius mandato , cum eo nobili colloca-
tus , initio statim rogabat , ecquid muneris habiturus es-
set ab ijs ciuitatibus , ut ipsorum causam regi commen-
daret ? Erant sanè diuersæ admodū utriusq; rationes .
Alter ex Hannonia uenerat , ut amplificaretur : hic ue-
ro non modo nihil promittebat : uerum etiam , quasi
beneficiū ultrò præstaret , uolebat remunerari . Aspera-
nabatur tum eos rex , uerum incidit postea tempus , quo
magnò redemisset ipsorum operam : & opinor diuini-
tus hoc etiam accidisse , ut ne ex animi uoto omnia ei ca-
derent , aut ne ditiones illas , quæ pertinent ad imperium
Germanicum , occuparet . Quod ei duabus de causis li-
citum non erat , primum , quòd ius nullum haberet , de-
inde , propter antiquum fœdus , pactum inter Cæsares
atq; Galliarum reges : quod ipsum rex uidebatur non
ignorare . Cum enim Cameracum , & Quercetum in
Hannonia , & quedam alia teneret : ex ijs aliqua red-
didit , & Cameracum , eò quòd esset Imperij ciuitas , pri-
stino iuri ac libertati restituit . Et quanquam id tempo-
ris aberam : missus ad Pictones , ut supra dixi , tamen ab
ijs qui interfuerunt , omnia plenè cognoui . deinde , quod

Q ij.

utriusq; regionis morem atq; naturam ex æquo nouerant : non erat mihi difficile, quid ageretur, & quis esset futurus euentus, intelligere. Oliuarius, tonsor Regis, Gandauum profectus erat, ut diximus, cum literis & mandatis ad Caroli filiam, ut priuatim ei loqueretur, eamq; ad partes regis traduceret. In eo autem summam sciebat esse difficultatem, nec etiam istud potissimum agebat : uerum eò spectabat, ut Gandauim, quam urbem nouit ad seditiones propensam esse, magnam aliquem motum excitaret, præsertim, cum in ordinem essent redacti superioribus annis, & exuti priuilegijs : à Philippo quidem Principe, belli tempore, quod cum eo gesserunt : à Carolo autem, quum debellatis Leodiensibus, rediisset ad eos uictor. Hæc non ignorabat Oliuarius, atq; ideo in maiorem spem uenit, & secretò multos interpellabat, pollicitus, effecturum se, ut à Rege priuilegia omnia recuperarent. Publice uero nihil agebat, & hoc solum tentabat, si quid apud puellam posset antea conficere. Post aliquot uero dies, iubetur legationis causam exponere. Venit igitur ad concilium, splendidius aliquanto uestitus, quam pro ipsius conditione. Erant cum puella dux Cliuensis, & Leodiensis Episcopus, & alij procures, magno numero. Redditis puellæ literis, iussus est exponere mandata. Refert sibi iniunctum esse, ut soli puellæ loqueretur. Illi contrà, & inusitatum hoc esse dicebant, & indecorum, eò quod & adolescentula esset, & innupta. Cum persisteret in
senten-

sententia: illi incipiunt minari, & uelle cogere. Opinor, quo tempore literas in concilio reddidit, nondum præcogitasse illum, quid diceret. Ad hunc modum igitur discessit, non absq; ludibrio. Pleriq; enim ridebant eum, & propter generis obscuritatem (nam originem habebat ex quodam uico, non procul à Gandauo) & ineptum sermonem. Certior autem factus, imminere sibi periculum, & fore, ut in flumen abijceretur: profugit Tornacum. Quæ ciuitas, tametsi tum utebatur libertate: ualde tamen erat studiosa Regis, ad cuius imperium ita pertinet, ut quotannis ei sex francorum millia persoluat. alioqui libertate sua fruatur, & omnis generis homines admittit. Ciues etiam & ecclesiastici ordinis uiri, possessiones ac facultates suas habent per Hannoniam & Flandriam, uicinas regiones: Ideoq; per ea bella, quæ Philippus Burgundiæ Dux gessit cum Carolo septimo, Galliarum rege, soliti erant ei dependere quotannis, ad decem francorum millia, eamq; pecunie summam, uidi quum etiam Carolo persoluerent. Sed in hoc tempore, quum Oliuarius eò uenisset: immunitatem obtinebant. Atqui, non tam Oliuarius, quòd munus iniunctum suscepisset: quàm alij, quòd iniunxissent, reprehendendi erant. Et quanquam is fuit eius legationis exitus: tamen uirtutem aliquam declarauit postea. Videbat Tornacum esse finitimam urbem utriq; populo: rebus gerendis & diuexande Flandriæ opportunā, modo præsidio aliquo teneretur equitum,

Q. iij

quos in propinquo Rex continebat. Vt autem oppidum
 ni praesidium aliquod ultro reciperent: sciebat frustra
 sperari, propterea quod neutrius erant factionis. Nun-
 ciat igitur Oliuarius praefecto Sanctoquintini, ut suas
 cohortes equitum, et alias è vicinis locis, Tornacum
 adducat. Ii quum ad horam praescriptam eò uenissent:
 offendunt Oliuarium, et cum eo circiter quadraginta
 uiros, qui partim fauore, partim imperio et uiobie-
 ctum sepimentum amoliti: equitatum omnem intra
 portas admittunt. Eam rem non multitudo quidem ci-
 uium: sed urbis praefecti grauerunt, è quibus
 octenos Luteciam misit: Post equites, alij quoque sunt
 ingressi, qui uillas et aedificia multa uastabant incen-
 dijs, maiori serè cum detrimento ciuium, quàm hosti-
 um. His iniurijs incitati Flandri, Geldriae ducem, è car-
 cere, in quem à Carolo coniectus fuerat, eripiunt, et co-
 pijs praeficiunt. Vbi Tornacum uenissent: primo sta-
 tum concursu in fugam coniecti fuerunt, multis inter-
 fectis, et ipso quoque Principe occiso, dum postremis la-
 borantibus opem ferre conatur. Alius quispian, maiori
 ingenio praeditus, quàm Oliuarius, nõ erat fortasse rem
 tantam persequiturus. Apparet certè, Deum, in ista qui-
 dem actione, perturbassentem Regis. Nam si maio-
 ri deliberatione fuisset usus, et illam cupiditatem atque
 uindictae studium, quando Burgundicam domum uoluit
 de lere totam, deposuisset: dubium non est, quin hodie
 no die, prouincia illa omnes penderent ab imperio Gal-
 lico.

dico. Recuperata Perona, legati ad ipsum eò ueniunt, à
 filia Caroli, omnes pariter, in quibus aliquid consilij
 aut dignitatis erat, idq; non admodum prudenti sane
 consilio, quòd tam frequentes simul uenirent: Sed ita
 erant afflicti & consternati calamitatibus, ac morte sui
 Principis, ut quid potissimum agerent, aut inciperent,
 ignorarent. In ijs legatis erat eius ditionis Cancellarius,
 Gulielmus Hugonetus, summæ uir authoritatis apud
 Carolum, & Imbercourtus, quo non alium ex nobilitate
 noui, uel prudentiorem, uel maximis rebus tractandis
 magis idoneum. Antequam publice Rex audiret, solli-
 citabat eos priuatim. Omnes demisse & reuerenter ad-
 modum, pro se quisq; separatim responderunt, ut so-
 lent, qui metuunt. Sed illi, quorum facultates atq; pos-
 sessiones longius aberant à Gallia: nolebant ullo pacto
 adstringi, nisi de matrimonio Delphini & puellæ, cu-
 ius erant legati, Rex pacisceretur. Cancellarius etiam
 & Imbercourtus, quia cupiebant retinere authorita-
 tem, & quòd facultates habebant in finibus Galliæ: hic
 in Picardia, ille autem in Burgundia: dabant se Regi,
 & ab eius postulatis erant non alieni, suamq; operam
 ei pollicebantur: & si matrimonium perficeretur:
 quin ad ipsum plane transirent, non recusabant. Ea ra-
 tio quanquam optima erat: difflicuit tamen Regi, qui
 & agrè ferebat, quod non è uestigio ad se transissent:
 ueruntamen, quia cogitabat eorum uti quacunq; ope-
 ra: dissimulabat. Cordeum, Atrebatum præfectum, iam

pridem habebat suis rebus fauentem. Eius consilium se-
 cutus, petebat à legatis, ut quò facilius esset ad compo-
 sitionem uia: traderent sibi alteram Atrebatum partem.
 Est enim urbs bipartita, muro, & fossa, & portis di-
 rempta. Post multā disceptationē, assentiuntur legati,
 in primis autem Cancellarius & Imbercortus, ac datis
 literis, Cordēum à fide & religione custodiendæ urbis
 eximunt, & ut eam in potestatem Regis tradat, ius-
 bent. Libenter ille & cupide imperata facit. Rex in-
 tromissus, ilico mandat extrui propugnacula & ual-
 lum, aduersus alteram urbis partem. Cordēus cum suis
 cohortibus & signis militariis oppido excedit, & li-
 berum erat unicuique sequi quascunque uellet partes. Ips-
 se, quoniam arbitrabatur se non amplius iam obstri-
 ctum esse puellæ, propter acceptas ab eius legatis litem-
 ras: constituit se totum regi dare. Nam originem duce-
 bat ex Bellouacis, & quoniam morte Caroli urbes illæ
 omnes ad Somiam flumen, redibant ad imperium Gal-
 licum: putabat se, qui nomen & ortum ex ijs locis ha-
 beret, ad Regem honeste posse transire. Hac igitur ra-
 tione factus est regius, absque crimine quidē, ut arbitror,
 nisi fortē nouo iureiurando sese puellæ deuinxerat. Alij
 aliter sunt hoc illius factum interpretati: quantum ad
 me pertinet, nihil affirmo. Hoc solum habeo comper-
 tum, fuisse eum à Carolo perductum ad summam digni-
 tatem & maximas opes. Nam & totius Picardie, &
 multorum oppidorum erat præfectus: & à morte Car-
 oli,

voli, eandem apud Regem obtinuit administrationem. Rebus Atrebatum confectis, Hefđinum Rex ilico circumfedit, & erat cum eo Cordeus, qui ante treis modo dies, eius arcis & oppidi prefecturam gesserat, & suorum militum prasidio tenebatur adhuc locus. Qui intus erant, prę se ferebant initio non uelle mutare imperium, eò quòd religione & fide essent deuincti puella. Sed cum per dies aliquot impetum sustinuissent: in colloctionem cum Cordao sub cuius imperio nuper fuerant, ueniunt, ac deditionem paulò post faciunt. Nam consultò gerebantur omnia. Boloniam deinde rex proficiscitur, & simili plane ratione occupat, tamen si periculi plenum erat hoc institutum, si modo prasidium ullum in oppido fuisset. Dum ibi per quinq; circiter dies in oppugnatione commoratur: Attrebates incipiunt agnoscere & uidere periculum: nam undiq; cincti erant hostibus. Vicinas igitur urbes, Douacum & Insulas, de auxilijs interpellant. Douaci erant aliquot equitum cohortes, & cum his Vergaeus, nobili genere natus. Hi omnes euaserant ex praelio Nanceno. Constituta igitur Atrebatum proficisci, coactis circiter trecentis equitibus, & sexcentis peditibus. Douacenses oppidani, ferociores id temporis, cogeant eos inuitos, meridiano tempore discedere, stulto plane consilio. Nam omnis illa regio est planissima, & longè lateq; patet prospectus, & est interuallũ quinq; milliarium. Quòd si de nocte fuissent profecti: perfecissent quod cogita-

Q

bant. Qui Atrebatii erant in praesidio, Ludeus et alij nonnulli, certiores facti de illorum aduentu, statuunt obuiam eis properare, et omnia potius periclitari, quam ut sinant eos in urbem ingredi. Videbant enim se non posse alioqui alteram oppidi partem, quam custodiendam acceperant à Rege, tueri. Et licet periculosum esset ipsorum inceptum: strenuè tamen et magna cum uirtute hostem adoriuntur, et prostigant, plerisque omnibus aut interfectis, aut captis, in quibus fuit etiam Vergaeus. Postridie, rex illuc accessit, magnopere exhilaratus eo nuncio. Captiuos omnes in suam potestatem recipit, et expeditum numero multos interfici iubet, ut alijs, qui circum erant, terrorem atque metum inferret. Vergaeum autem in carcere diu detinuit, qui tametsi si arctissime custodiretur et uinctus erat: adduci tamen non potuit, ut ei fidem daret, cumque per annum et eo amplius in uinculis fuisset, uix tandem expugnatus precibus matris, morem gessit, et prudenter quidem. Rex et amissas facultates ei restituit omnes, et quas ad se pertinere dicebat, concessit et auxit annuis prouentibus, ad decem francorum millia, et munera multa publica donabat. Qui in eo praelio fuga euaserant: in oppidum peruenerunt. Rex igitur tormentis, quorum uim maximam habebat, eos oppugnat, et quia milite carebant atque praesidijs: magnus eis timor incessit. A Cordeao plerique oppidani erant non alieni: deinde, fieri non poterat, ut eam unam oppidi partem Rex teneret:

teneret : altera sese tueretur diutius. Faciunt igitur deditionem certis legibus, quæ parum tamen religiose fuerunt seruata, Ludei præsertim culpa. Plurimi enim ciues & alij honesti homines, in ipsius conspectu, supplicio fuerunt affecti, & Ludeus ipse mihi confirmauit, se tum fuisse auctum uiginti aureorum millibus. Opidani præterea mutuo regi dabant ad sexaginta aureorum millia. sed opinor eam pecuniæ summam eis fuisse redditam, ut Cameracensibus, qui quadraginta milia prius dederant. Interea dum Atrebatum obsidetur : filia Caroli erat Gandau in potestate ciuium, magno certe suo cum detrimento, & Regis maximo commodo. Sic enim comparatum est, ut quod uni prodest : alteri ferè noceat. Nam Gandauenses, nunciata Caroli morte, insolentiores facti, quod extra periculum se positos esse credebant : seditiose & proteruè multa designabant, senatoribus præcipuis, numero uiginti sex, interfectis. Eius rei causam hanc adferebant, quod pridie capitis poena mulctassent quendam plebeum, ac licet eam poenam ille meritus esset : dicebant tamen eius rei potestatem ad ipsos minime pertinere, extincto Carolo, per quem fuissent in eum ordinem asciti. Ex necessarijs quoq; Caroli multos afficiebant supplicio; quorum nonnulli, me præsentem, Carolum aliquando placauerant, ne quod constituerat, eius urbis bonam partem uastaret. Ab his supplicijs ad puellam transeunt, & cogunt, ut priuilegia, quæ & pater & auus Philippus adme-

ademerant, conformaret. Ea priuilegia perpetuam ipsis materiam litis & contentionis præbent aduersus Principem suum. Natura enim student suorum Principum vires infirmare, quos, dum paruuli sunt, amant, grandiores autem auersantur. Mortuo Carolo, si motus omnibus uitaessent, & Reip. salutem spectassent: presidio militum haud dubie munissent Atrebatum, & fortasse Peronam. Sed ad turbas tantum & rebellionem, animum habebant intentum. Veruntamen cum obsideretur Atrebatum, uenerunt ad Regem legati. Nam ex omni populo delecti fuerunt nonnulli, qui de summa Reipub. tractarent. Gandauenses tamen, qui puellam haberent in potestate, pro suo arbitratu omnia gerebant. Ii legati, inter alia commemorabant, ea quæ de compositione proposuissent: à puella esse profecta, quæ in rebus omnibus decreuissent obtemperare consilio et auctoritati delectorum populi: Petebant igitur, ut à bello tam Burgundico quam Atrebatensi abstineret: ut ad certum diem indiceretur concilium, & de pacificatione agerent, atque ut interea belli administratio omnis consisteret. Rex, quoniam & se peruenisse putabat, quod uolebat, & milites omnes atque duces non ignorabat uel occisos esse, uel grauiter afflictos: & quia multi puellam deseruerant, in primis autem Cordeus, quod summi erat momenti: (Nam huius opera paucis diebus plus profecit, quam alioqui longo tempore potuisset uerum armorum) His inquam de causis, legatorum postulata leuiter

leuiter aestimabat. Deinde, si Gandauenses principatum
 & administrationem obtinerent: non dubitabat, quin
 reliquos omnes perturbaturi essent, quò minus rectè
 & feliciter bellum gererent. Nam homines uirtute
 aliqua præditos, & qui apud principem, honestum ob-
 tinuissent locū, non modo non adhibebant illi suis con-
 silijs: uerumetiam acerbè persequebantur, Burgundi-
 ones autem in primis, eò quòd in honore fuissent apud
 Carolū atq; Philippum, oderant infestissime. Ad hæc,
 sciebat quo essent ingenio, & quemadmodum cupe-
 rent singulis temporibus principum suorum potentia
 an debilitari, modo ne detrimentum aliquod aut in-
 commodum ipsi acciperent. Constituit igitur alere sedi-
 tionem, & ipsos, ut tumultuose omnia facerent, impel-
 lere. Nam erant imperiti rerum pleriq; omnes, nec ul-
 lum habebant usum, præsertim in negocijs tam arduis,
 quum ipso interim nihil esset acutum magis & proui-
 dum. Dixerant legati, ut suprà docuimus, puellam uelle
 morem gerere consilijs, & stare uoluntati delectorum.
 Eum sermonem rex, ueluti fundamentum aliquod sibi
 sumpsit actionis, affirmans, non rectè ipsos, quæ uel pu-
 ella mens esset, uel eorum, à quibus illa penderet, acce-
 pisse: Certò sibi constare, illam ex arbitrio paucissimo-
 rum quorundam esse facturam omnia, qui pacis mini-
 me sint cupidi, & fore, ut hanc ipsorum orationem, illa
 non habeat ratam. His auditis, legati, ut homines pa-
 rum exercitati, subito respondent: constare ipsis eo-
 rum, quæ

rum, quæ dixissent, rationem, et si res ita postulet, exhibituros quæ acceperant à suis, mandata. Huic obijci-
tur, proferri posse literas, quæ confirmarent, puellam om-
nia sua commississe quatuor duntaxat hominibus, quo-
rum sequi uelit authoritatem. Quum illi in sententia
persisterent: rex monstrari literas iubet, quas Cancellarius
et Imbercortus attulerant, quo tempore apud
ipsum Peronæ fuerunt. Eæ literæ scriptæ erant, partim
à puella, partim ab eius nouerca, Eduardi Angliæ Re-
gis sorore, partim à Rauesteno: sed exierant nomine
et mandato puellæ, et quò maior esset earum uis atq;
fides: triplici erant scriptura notatæ. Earum hæc erat
sententia, primum: ut ijs, quæ Cancellarius et Imber-
cortus dicturi essent, rex fidem haberet: deinde, hanc
suam esse mentem, ut negotiorum administrationem
omnem, uellet esse penes nouercam suam, et Raueste-
num, et Cancellarium, et Imbercortum. ideoq; pete-
bat à Rege, ut per eos quatuor tantum, ageret secum de
rebus omnibus. His literis inspectis, ualde fuerunt illi
commoti, et uehementer offensi, eamq; indignationem
nostri etiam idoneis uocibus augebant. Tandem fit eis
potestas literarum, ac nihil præterea cum ipsis actum
fuit. Neq; uero ipsi multum de eo solliciti erant, et ad
res nouas tantum spectabant, nec qui futurus esset exi-
tus, præuidebant. Urbis Atrebatum iacturam et amissionem
debebant potius deplorare: sed quantum acceperant
uulnus, ob imperitiam et rerum non audaciam suam
dum

diam non sentiebant. Gandauum igitur redeunt, ubi
 cum puella tunc erat Dux Cliensis, eius propinquus,
 etate grauis, qui & in ea familia fuerat educatus, &
 pensionem annuam habebat, sex aureorum millia, &
 frequenter ibi uersabatur, honoris & officij causa. Per
 id uero temporis ibi hærebat, spe matrimonij. Cupiebat
 enim in primis puellam nubere filio suo: & si mores
 illius placuissent, facile, ut opinor, impetrasset: uerum
 erat domesticè notus, ac fieri potest, ut ea quoq; res im-
 pedimentum aliquod attulerit. Præter hunc aderat
 etiam Leodiensis Episcopus, è familia Borboniorum,
 & alij complures. Indicto igitur concilio cui puella
 presidebat, legati quid egissent, exponunt: & illud in
 primis, quod ad ipsorum institutum pertinebat, quem
 admodum inter ipsos & Regem, magna fuisset & acris,
 de uoluntate puellæ disceptatio: & quid tandem acce-
 pissent ab eo responsi. Eo sermone offensa puella,
 quum existimaret literas non fuisse exhibitas: constan-
 ter negat. Ibi statim ex ipsis quidam è sinu profert eas
 literas, & palam in conspectu omnium dat puellæ.
 Quo sane facto, quàm esset illiberali ingenio, clare do-
 cebat, nempe qui modestissimam uirginem ad eum mon-
 dum pudefaceret. Nam etiamsi quid illa peccarat: ad
 ipsum tamen castigandi partes non pertinebant. Quan-
 tus autem fuerit puellæ pudor, facile quiuis intelligat.
 Diuersum enim apud omneis dixerat, & ij quorum se-
 cta fuit in literis mentio, Rauestenus & nouerca, &
 Cancellæ

Cancellarius, & Imbercortus, aderant. Cliuensi & alijs nonnullis iniecta fuerat aliqua spes matrimonij : Hi singuli magnopere fuerunt offensi, & tunc primum granes ortæ sunt inter eos dissensiones. Cliuensis putauerat Imbercortum suis rebus fauere : cognitis autem his literis, ac re desperata : quod se ludificatum esse uidebat, odium in illum concepit. Sed & Leodiensis Episcopus, propter superiora bella minus amabat eum. Connestablij uero filius, Sanctopauli Comes, & ipsum & Cancellarium, eò quod parentem suum Peronæ tradidissent in potestatem regis : oderat infestissime : deinde, Gandauenses erant inimico in ipsos animo, nulla de causa, nisi quod apud Carolum in summo fuissent bonore. Nocte igitur illa, quæ concilium hoc est infecuta, capti sunt ambo, & licet præmoniti fuissent : periculum tamen uitare non poterant, quod alijs multis sæpe accidit. Vt autem caperentur : opinor aduersariorum impulsu aliqua ex parte factum fuisse. Gandauenses, obseruata aliqua iuris formula, præter morem suum, è senatu nonnullos deligunt, qui de causa cognoscant. Et primum quidem interrogantur, cur Atrebatũ regi per Cordeum tradidissent ? Ei questioni non multum inhaerebant. Nam neq; mouebat eos debilitata potentia puellæ, neq; detrimenti magnitudinem intelligebant. Postposita igitur ea questione, duo potissimũ obijciebant : primum : quod in quadam controuersia & lite, sententia secundum ipsos & Rempub. lata, pecuniam accepissent.

piſſent. Ad hoc illi prudenter reſpondebant, ſe iudicaſſe in ea lite ſecundum ipſos quòd æquitate & iure uincerent: non ſe proſtituiſſe iudicium, nec ullum affectaſſe munus: oblatum uero non recuſaſſe. Alterum crimen erat, eiꝫ potiſſimum inſiſtebant: Ipſos & præſente Carolo, & per eius abſentiam multa feciſſe, aduerſum ciuitatis priuilegia: quod apud eos ſanctiſſimo iure ſit capitale. Hæc ſanè criminatio nulla nitebatur ratione. Nam neq; ciues erant illi, nec ipſorū ſubiectioni imperio, & ſi qua uel Carolus, uel eius pater ademerant eis priuilegia, paſſionibus illud factum erat, poſt diuturna bella. Sed quantumuis illi ſe purgarent: tamen, duabus poſtremis de cauſis, damnati ſunt capitis. Hac tam crudeli ſententia perterriti, quòd unicum ſupererat remedium: prouocant ad Regem & ſenatum Parienſem, ut ea interpoſita mora, per amicos & neceſſarios eriperentur periculo. Dum captiui detinerentur: ſubiectioni fuerunt queſtioni & tormentis, ac intra ſextum diem de capite ipſorum fuit pronunciatum, & nulla ratione habita prouocationis, tres tantum horæ fuerunt eis conceſſe, intra quas de ſuis rebus ac ſalute cogitarent. poſtea deducuntur ad ſupplicium. Filia Caroli certior facta, ſenatum adit, & propemodum ſupplex deprecatur mortem. Quum nihil proficeret: uenit in forum, ubi multitudo erat omnis in armis, & ut miſerabilior eſſet: cultus corporis admodum neglecto, ſummum teſtabatur dolorem. Lachrymans igitur, paſſis criminibus,

R.

magnopere sollicitabat populum, ut illos sibi donaret. •
 Et ciuibus multi eò inclinabant, alij contrà, sicut ad con-
 tentionem res atq; presentem pugnam spectaret. Eo-
 rum autem, qui supplicium uolebant, maior erat nume-
 rus. Si sublato clamore, carnifici mandabant, ut accelera-
 ret. Desperata igitur salute, tristis et afflicta, pro-
 pter iacturam summorum uirorum, domum redit. His
 rebus perfectis, Gandauenses Rauestenum et nouer-
 cam, eò quòd in ijs erant notati literis, quarum supra
 meminimus: à puella submouent, et auctoritatem om-
 nem in illam sibi sumunt. quòd miserior erat eius con-
 ditio, tum propter amissas urbes, tum quòd in ipsorum
 esset potestate. Videre autem licet in ipsorum actioni-
 bus insignem stoliditatem, cum malitia coniunctam. •
 Nam qui magistratum apud ipsos gerunt, et auctori-
 tem habent: plerumq; sunt opifites, ac homines plebei,
 eorum rerum omnium, quæ pertinent ad Reipublicæ
 gubernationem, impariti. Malitia duabus in rebus pos-
 tissimum consistit, primum: quòd suos Principes cupi-
 unt esse quàm maxime infirmos et tenues: alterum,
 quòd simul atq; facinus aliquod admiserunt, ac se infe-
 riores uident: artem optimè tenent, deprecandi cul-
 pam, ueniamq; petendi, in eoq; nec sumptui parcunt
 ulli, nec labori, et quibus uti debeant intercessoribus,
 omnium hominum optime norunt. Interea dum Rex in
 Picardie finibus feliciter rem gerit: alter ipsius exer-
 citus, in Burgundiam quoq; bellum infert. Delectibus
 agendis

agendis præerat Auirica Princeps, qui tametsi è sua
priori Burgundia genus duceret, tamen ab amicitia
Caroli iam secundo discessit, & quoniam in utraq; Bur-
gundia plurimum ualebat & facultatibus amplissimis,
& gratia & clientelis: peropportune Rex illius ute-
batur opera. Summa autem belli præfectus erat Crani-
us, qui præmisso Auirica Principe, per ipsius industria-
m & gratiam, non modo Diuionem, ijs locis firmis-
simam urbem: sed alia quoq; inferioris Burgundia om-
nia, & superioris nonnulla oppida deditione cepit: ue-
rum Auxona, & alia quedam castella strenue sese tue-
bantur. Auirico magnæ fuerunt propositæ conditio-
nes, & amplissimi honores designati, Mouerat ei titem
auunculus de possessionibus aliquot & bonis, eaq; con-
trouersia fuit ad Carolum introducta, qui conuocato
concilio nobilium & doctorum hominum, aduersus
ipsum pronunciauit. Ea re commotus, transijt ad Re-
gem, qui inter alia promittebat ei restitutionem eorum,
quæ sibi per iudicium erepta esse dicebat. Sed Cranius,
Regis legatus, eorum bonorum nactus possessionem,
tametsi crebro interPELLARETUR, etiam à Rege, tamen re-
cusabat ea reddere, neq; fore putabat, ut Auiricus om-
nem illam prouinciam ad defectionem & rebellionem
aliquando permoueret. Gandauenses, cum ad eum mo-
dum, ut diximus, essent tumultuati, & puellam in po-
testate haberent: nouum constituunt magistratum, uo-
tares loco submouent & proscribunt, in primis autem

Burgundicæ domus necessarios, nulla prorsus merito-
rum habita ratione. Illos autem omnes, qui ex Burgun-
dia genus ducerent, acerbissimè persequabantur: Et cū
rex totus in hoc esset, ut è familia Caroli plerosq; ad se
quacunq; ratione traduceret: illi suis moribus & in-
gratitudine, & asperitate hoc ipsum præcipuè agebāt,
ut libenter isti ad Regem transirent. Sed Geldrie Du-
cem in primis, qui mandato Caroli diu captiuus fuerat,
eximunt è carcere: & ijs copijs, quas una socijs aduer-
sum Tornacenses educebant, præficiunt, & Tornaci
suburbia uastant incendijs, imperitè sanè & imprudens-
ter. Quòd si Atrebatum mature firmassent præsidio:
rectè cum sibi, tum toti prouinciæ consulissent. Nam
eo genere belli, quod gerebant, nullum inferre poterant
Regi detrimentum, qui pecuniam nullam ijs locis, aut
uestigal. aut tributum imperabat. Geldrus igitur, ubi
Tornacum uenit: ignem in suburbia coniecit. Erant ur-
bis præsidio relicti circiter: quadringenti cataphracti,
qui discedentem hostem persecuti, in fugam uerterunt.
Sed Geldrus magno uir animo, & singulari uirtute,
conuerso equo inuactus, ut uiam suis expediret, inter-
ficitur cum multis. Filia Caroli dicitur, eo accepto nun-
cio ualde fuisse ex hilarata. Nam fama perccebit, Gan-
daensium hoc esse propositum & uoluntatem, ut ei,
nisi occubisset, in matrimonium illam darent. Qui
lecturi sunt ista, mirabūtur, non dubium est, quòd à mor-
te Caroli, ad hunc usq; locum, Anglorum mentionem
nullam

Wallon feci, & alienam eis uidebitur, quòd illi Regem
ita sint passi occupare Boloniam, Atrebatum, Hesdinum,
& alia loca munita, prorsus ad ipsorum fines. nec
id modo, uerumetiam obsidione cingere Sanctomari.
Causa nimirum est in promptu. Rex ingenij ui, mul-
tis partibus Eduardo præstabat: quanquam certe præ-
clarus & hic erat Princeps, octo prælijs uictor, quibus
ipse pedes interfuit omnibus. Verum ea diuersis tempo-
ribus facta fuerunt, neq; magnam aliquam ipsius indu-
striam requirebant. Semel enim parta uictoria, uteba-
tur, deinde pace, donec nouum exoriretur bellum: &
Angliæ consuetudo fert, ut intra paucissimos dies, com-
misso prælio, de summa belli decernatur. Gallie autem
rationes longè erant diuersæ. Nam præter administra-
tionem bellicam, oportebat Regem multis locis inten-
tum habere animum, & quid uicini principes moliren-
tur, summo studio cognoscere, & obseruare. Sed in pri-
mis danda ei fuit opera, ut Angliæ Regi satisfacere, et
crebra mittende legationes, & donis ac pollicitationi-
bus tentanda res, ut ne nostris ille negotijs & occupa-
tionibus sese immisceret. Anglis enim omnibus est que-
dam animi incitatio, & alacritas naturaliter innata,
bellum in Galliam inferendi: Primum, quòd illam ad se
iure pertinere dicunt: deinde propter amplissimam præ-
dam. Maiores enim ipsorum multas obtinuerunt insi-
gues per Galliam uictorias, & continuata possessione
per trecentos & quinquaginta annos. Bonam & Aquitania

tanie & Normannie partem tenuerunt. Et quanquam à Carolo septimo, Ludouici patre, profligati sunt: tamen redierunt domum, onusti spolijs opimis, & nostris exuuijs amplificati, concepta spe certissima, redeundi aliquando. Sed profecto uix egrè tales erant nostris temporibus habituri occasiones. Ludouicus enim Rex nunquam erat periclitaturus fortunam, nec eò descenditurus, ut praelio cum ipsis dimicaret, quod alicubi factū fuit infeliciter, et magno cum Gallie detrimento: Verum multò prudentius omnibus prouidisset rebus, ut uidere licet ex eo, quòd supra cōmemorauimus de pacificato Eduardo. Et quoniam hanc illorum cupiditatem ac ardorem gerendi belli non ignorabat: hoc sibi modis omnibus laborandum esse uidebat, ut ipsos in amicitia contineret, eos præsertim, qui uidebantur ad pacem magis inclinare, & oblata munera non esse recusaturi. Pensionem igitur illam, quinquaginta aureorum millia, quotannis Londini, ad diem, & liberaliter persoluit Eduardo, & in ipsius familiares distribui iussit. ad sedecim aureorū millia, et legatos illius, etiam si minus iucunda nunciassent, omni humanitatis genere, & donis placatos dimittebat. Et quanquam aliqui sentiebant hoc ab eo fieri, temporis extrahendi, et perficiendi belli causa, quod ijs locis gerebat: tamen questus & enolumentum magnitudine delinuti, dissimulabant. Præter annuas enim pensiones dabat etiam intimis consiliarijs luculentissima dona, & is, de quo sæpe diximus,

mus,

atus, Hauartus, accepit ab eo intra biennium, præter pensionem, ad uiginti quatuor aureorum millia. Et hi quidem omnes, accepta pecunia, regijs quæstoribus dabant chirographa, quæ in arario ponebântur. Vnus tantum Hastingsius, Eduardo familiarissimus, egrè potuit adduci, ut pensionē à nobis acciperet, ac uix tandem ei persuasum à me fuit. Nam quo tempore cum Carolo uersabar: perfecti, ut ad eius amicitiam adductus, mille aureos pateretur sibi ab eo dari quotannis. Id ubi Rex à me cognouit: mandat, ut eum ad se traderem, oblata etiam maiori conditione. Regem uero sibi dederat, ut etiam à morte Caroli, rebus filie magnopere faueret, ac Eduardum, ut illi contra regem adesset, honoraretur, Cœpi igitur eum sollicitare literis, & Rex pensionem ei designabat, duo aureorum millia quotannis, cum à Carolo mille tantum accepisset. Eam pecuniæ summam deferbat Petrus Claretus, uir nobilis & industrius, cui mandatum à Rege fuit, ut tradita pecunia, chirographum postularet, quò demonstrari aliquando posset atq; uideri, quemadmodum & summus Angliæ Regis Cubicularius, & Cancellarius, & Ammirallius, & magister equitum, & alij multi proceres, pensionem à Galliarum Rege accepissent. Claretus diu multumq; & familiariter cum eo Londini locutus, posteaquam mandata exposuit: obtulit ei, quam acceperat pecuniā: simul chirographum sibi dari petit. Quod cum ille recusasset facere: alter orat, ut saltem breuib; die-

quod uerbis Regi significaret, se pecuniam accepisse, ne
 Rex, qui suspicionibus indulgeat, putet à se fraudem
 aliquam esse commissam. Tum ille: Quod petis, inquit,
 æquum est quidem; sed tuus Princeps donum hoc ultro
 mihi misit, non rogatus à me. Si uis ut capiam, opus est, ut
 in uestem ipse mihi imponas: testimonium autem à me
 nullum aut literas es habiturus. Vt enim illud de me ta-
 ctetur, et chirographum meum inter rationes quæstorum
 erarij conspiciatur, minime committam. Claretus, cum
 aliud non posset, relicta illi pecunia, domum reuersus,
 quid egisset, exponit. Rex ægrè tulit, quod literas ab eo
 nullas obtinuisset: ipsum uero, qui recusasset dare, ma-
 gni faciebāt, eaq; fuit causa, cur ei deinde pensionē ab-
 que chirographo persolueret. Ad hunc modum tracta-
 bat Anglos: ueruntamen filia Caroli, fidem Eduardi et
 auxilium implorabat, eo usq; , ut ille misso ad Regem
 legato, peteret uel pacem uel inducias cum ea fieri.
 Conuocato enim concilio, illi qui præmium aut pensio-
 nem nullam habebant ex Gallijs, hortabantur eum, ne
 puellam defereret, sed auxilijs omnibus iuaret. Ean-
 dem fuit multitudinis et populi sententia, qui et luda-
 ficari se à nobis, et matrimonij spem nullam subesse
 dicebant: In colloquutione prope Picenum ita conua-
 nisse, ut Ludouicus Eduardi filiam ad se reciperet intra
 annum, ac deinde suo filio, cum tempus postularet, in
 matrimonium daret: iam pridem uenisse diem, nec ullam
 dari significationem seruandi promissi. Verum, quana-
 tumuis

Minus acriter illi bellum suaderent: Eduardus tamen
 incitari non potuit. nam et obesior erat, et ocium atque
 delicias amabat, et laborem militare uix egre sustinere
 esset, et annua pensio mitigabat eum, et quos in Galliam
 mittebat legatos, ij tam humaniter excipiebantur à
 rege, omnis generis beneuolentia, ut ab eo alieni esse non
 possent, et cum eiusmodi mandatis ferè dimittebantur,
 ut suspitio nulla suboriretur, tempus à Rege captari et
 extrahi. Nam hoc semper addebatur, fore, ut Rex intra
 paucos dies in Angliam mittat legatos, homines idoneos,
 qui controuersiam omnem componant. Et cum
 ad hunc modum eos dimisisset: tribus circiter hebdomadis
 post, aut amplius eò, mittebat rursus ad illum, ac
 semper diuersos à superioribus, ut si quid illi promissum
 esset, quod seruatum non esset: hi facilius haberent excu-
 sandi rationem, ut qui aliorum pollicitationes non
 possent neque deberent prestare. Atque interea tamen hi
 sermonem omnem ita temperabant, ut Eduardus per-
 teretur sibi persuaderi, neque rem nouam tentaret ullam.
 Matrimonium enim, de quo pactum erat, adeo uehementer
 cupiebat: ut hac potissimum de causa, non audiret
 eos, qui bellum ab ipso pratermitti dicebant, magno
 cum Angliæ detrimento. Et quò contemptius nonnulli
 per Angliam de nuptijs illis loquebantur: eò magis ipse
 metuebat ne is rumor in Galliam delatus, impedimen-
 tum aliquod inferret. Quantum uero ad Ludouicum
 Regem pertinet, nusquam erat assensurus, eò quod

Eduardi filia Delphinum etate antecedebat. His artibus aliquot consumptis mensibus: iam administrandi belli preterierant occasiones. Nisi igitur spes illa matrimonij continuisset Eduardum: dubio procul non erat passurus regem ita progredi. Et si statim initio puellam propugnasset: Rex qui sua noluiſſet in periculum deuocari, non sic erat Burgundicam domum deliberaturus. Hæc autem eò cōmemoro, ut quanta sint rerum humanarum uiciſſitudines, demonſtrem: et ut illi, qui Reipub. gubernationi præſunt, habeant quod intueantur. Nam etiã ut ingenio maxime præſent: cuiſmodi tamen verum noticia, non eſt ipsis futura inutilis. Quod ſi filia Caroli noluiſſet nubere fratri uxoris Eduardi: magnæ fuiſſent ei ſubminiſtrata auxilia. Sed impar erat matrimonij, quod ipſa omnium eſſet ſui temporis locupletiffima puella: ille uero tenuior, et opibus et generis nobilitate. Varijs autem de rebus inter ſe Ludonicus Rex et Eduardus agitabant, et ſi copias uellet coniungere. Eduardus, ac partē aliquam ditiorum Caroli occupare: non recuſabat Rex, quò minus Flandriam libere teneret. Ad hæc, promittebat ſe periculo ſuo traditionum ipſi eſſe quatuor potiſſimas Brabantie ciuitates, ac ſtipendia præbiturum ei, per meſes quatuor in decem hominum millia, quò belli ſumptum eò facilius toleraret: ſubminiſtraturū etiam tormenta et currus, et quicquid uſui eſſe poſſit, et interea dum ipſe Flandriam oppugnet ſe diuerſa parte bellum ipsis ſacturū eſſe. Eduardus ad

Ad ea respondit, Flandria et Brabantia urbes, ob magnitudinem et firmitatē, habere difficilem oppugnationem: et ut captae sint, aegrē tamen posse defendi: et bellum istud, Anglis, propter mercaturam esse prorsus inutile et intolerabile. Verum si ex ijs oppidis, quae iam in Picardia Rex cepisset, nonnulla sibi tradat: misurum se copias auxilio. His actionibus extrahebatur tempus, atq; interea uiribus puella multum decedebat in dies. Nam ex ijs belli ducibus, qui à morte Caroli superstitēs erant, complures ad Regem transibant, in praeiis autem Cordæus, et cum eo multi alij, partim necessitate coacti, quod facultates haberent in ijs ipsis locis, quae rex iam occupauerat: partim spe et cupiditate augescendi. Liberaliter enim Rex tractabat eos, et iam paulatim magis atq; magis accendebantur in urbibus factiones, Gandavi praesertim. Dum haec geruntur: multus erat omnium sermo de puella. aut reperiendum ei maritum esse, cuius uirtute et industria, quod reliquum habebat, tueretur: aut nubendum filio Regis, quod totum seruaret. Et haec quidem ratio multis uidebatur longe commodissima, etiam ipsi puella, ante mortē Imbercorti et Cancellarij. Nonnulli uero, quod filius Regis adolescentulus admodum erat, uix nouē annorum, dehortabantur: alij de Anglia, de Cliuensi alij loquebātur, alij Maximilianum Caesaris Friderici filium praeferebant. Puella, quod Regem, patefactis literis, authorē rem esse

rem esse iudicabat necis Imbercorti et Cancellarij: odes-
 rat eum aterbuius; presertim cū & ipsa fuisset palam eo
 nomine pudefacta, & intimis suis ac necessarijs homi-
 nibus esset exuta per Gandauenses, quorū tanta fuit in-
 tēperantia, ut ijs, quæ cum puella erant, sceminis, in-
 tegrum non esset, ullas accipere literas, aut etiam loqui
 puellæ: nisi primum indicassent. Leodiensium Episco-
 pus, de quo non semel diximus, magnopere cupiebat
 matrimonium Gallicum perfici, & si filius Regis fuisset
 etate maior: erat fortassis utriq; parti futurum non
 incommodum. Ille uero deposita spe, factus alienior, do-
 mū redijt. Suberat haud dubie maxima difficultas in-
 eare, & opinor illos, qui procurationem eius cogitabāt
 suscipere: parum fuisse laudis tandem habituros. Id cum
 pleriq; deprehenderent, abstinebant ab omni actione:
 ueruntamen coacto concilio deliberatum fuit. Ei cum
 cæteris intererat nobilis matrona, quæ facillè primum
 dignitatis locum apud puellam obtinebat, Halluinans
 uocant. Ea, cum disceptaretur: nobis, inquit, opus
 est aliquo uiro, non autem puero, iam ea est etate pu-
 ella, ut liberos gignere possit, quod nobis, & toti pro-
 uincie maxime necessarium est. Ea uicit in concilio sen-
 tentia, tametsi nōnullis uidebatur esse locuta liberius.
 Alij uero commodè interpretati, dicebant eam de ma-
 trimonio solum dixisse. Hoc unum igitur restabat, ut
 idoneus inueniretur maritus. Opinor equidem, si mo-
 do Rex uoluisset, eam libenter fuisse nupturam Duci
 Angolis.

Angolismensi. Gallicam enim affinitatem ualde cupiebat. Sed aliter Deo uisum fuit, cuius rei quæ sit causæ ne hodie quidem nobis constat, nisi quod ex rebus antea actis uidemus, per Austriacum illud cōnubium maxima grauissimaq; fuisse introducta bella, quibus & Brabantia & Flandria non fuissent diuexata, si quidem Angolismensis eam in matrimonio habuisset. Dum ita deliberatur: Cliuensis magnopere pro filio sollicitabatur, uerum illius mores nec puella, nec ipsius necessarij probabant, ut suprà quoq; demonstraui. Cœptum est igitur cogitari de Maximiliano, nunc Romanorum Rege. Nam huius patri, cū Carolo, eius rei mentio quædam aliquādo intercesserat, et ipse literas habebat ad se missas à puella, iussu patris, et adamantem, quibus literis illa promittebat, se nuptijs illis, ut à parente suo cōstitutum erat, assentiri. Fridericus ergo Cæsar Maximiliani pater, legatos ad eam mittit. Ii cum Bruxellam uenissent: iubentur expectare, donec nuncietur. Istud à Cliuensi profectum erat, qui aduentum illorum grauiter ferebat, eoq; spectabat, ut aliquam eis præberet occasionem offensionis, quò discederent. Verum illi tum ab alijs, tum à puellæ nouerca in primis admonebantur, ut eius, quod nunciatum esset, nulla ratione habita, pergerent, & Gandauū profiscerentur. simul quomodo esset instituenda, cū eò uenissent, actio, docentur, & firmo iubentur esse animo, quòd ipsorum rebus non puella tantum, sed & ex ipsius familiaribus multi farent.

rent. Hoc consilium illi secuti, ueniunt Gandauum, inuitissimo Cliuensi. Dictus est igitur dies, quo de ipsorum postulatis cognosceretur. puella etiam quomodo se gerere debeat, edocetur, ac primum quidem, ut illos, ubi mandata exposuissent, humaniter exciperet, deinde, ut diceret se deliberatione habita, quid sui propositi sit et uoluntatis, declaraturam. Intra hos ueluti cancellos includebāt eius orationem, nec ut longius egredere-
 tur, permittebant, ipsa non dissentiente. Vbi legati in concilium uenerunt: redditis literis, exponunt, quemadmodum inter Fridericum Cesarem et Carolū de matrimonio conuenerit, ipsa puella non repugnante, quae et literas et adamantem ad Maximilianū eius rei gratia misisset. Rogant igitur nomine Caesaris, ut et patris illa uoluntati, et suae promissioni satisfaciat. Literas etiam et adamantem proferunt, ut hac uia certum aliquid ab ea uelut extorquerent. Illa nō interposita deliberatione, statim respondit, et scriptas à se literas, et missam adamantem, inssu patris, et placere sibi, quod tum promississet. Eum sermonem magnis gratiarum actionibus exceperunt legati: Cliuensis autem indignissime illum ferebat, iratus etiā puellae, quòd aliter, quàm constitutum antea, esset locuta. Verum ipsa respondit, sibi non esse integrum, aliter facere, aut uiolare promissa. Ille igitur omni abiecta spe, cum plerisque omnes puellae sententiam uideret approbare: statuit paucis post diebus redire domum. Interea Maximilianus Colo-

mus Coloniam petit, quo in loco legati aliquot puellae ad ipsum uenerunt, et pecuniā, nisi fallor, subministrabant. patrem enim habebat longe parcissimum. Vbi cum ostingentis circiter equitibus Gandavum uenisset: rem obtinuit, et quia tenuior erat: non magnam habebat auctoritatem, et potentiae ac splendori Regis conferri non poterat, eiusque familiares et comitatus omnis et lingua et moribus et institutis, plurimum à Burgundionibus differebant: Vixerant enim hi apud Primæpes longe florentissimos, in summa lautitia et elegantiā, Germani uero sunt asperioris naturæ, nec eam obtinent, quam nostrates ciuitatem. Quò magis opinor, singulari beneficio Dei factū esse, quòd Imperium Gallicæ nō defertur ad foeminas, ut ne summa regni sit penes aliquem externum Principem. Vix enim ulla est natio, quæ diu ferat peregrinum imperium. Galli certe nō tulissent, et ubicunque populus est aliqua mediocri potētia, uidemus eum ferè ab indigenis gubernari. Ante annos quadraginta, maximas in Gallijs possessiones tenuerunt Angli: Hodierno autem die, præter Caletum, et duo quedam castella, quorum tutio ipsis magnò constat, nihil habent, et temporis ferè puncto amiserunt omnia. Galli possederunt illud, et nostris etiam temporibus per cōplures annos, Siciliam et Neapolim. His autem omnibus ita nūc sunt exuti: ut præter maiorum suorum sepulchra, nihil ibi reliquū habent. Nam etiam ut Princeps aliquis externus benè rem gerat,

gerat, & commode gubernet: tamen quia moribus & ingenio differt: nec eam erga populum representare potest beneuolentiam, ac si esset indigena: faciles oriuntur dissensionum occasiones. Itaque fit, ut ille, quò principatum ad se delatum suasque fortunas tueatur: aliunde militum & copias adducat, eorumque se presidio muniat, qui beneficijs deinde singulariter ab eo, & honoribus aucti, magnam multitudinis inuidiam et odium in se concitant. Quocirca, qui externæ alicuius gentis imperium suscipit, nisi magna quadam & eximia sit præditus dexteritate: multis haud dubie, et longè grauissimis implicabitur difficultatibus.

PHILIPPI COMINAEI COMMENTARIORVM Liber Nonus.



Effecto eo matrimonio: res ipsorum nihilo melius habebant. Maximilianus enim, & per ætatem, & quò externus erat, nec ad res magnas institutus esset, exiguum habebat usum, eiusque familiae res non erant ij, qui magni aliquid perficerent. Itaque in summis erant difficultatibus provincie ille omnes, hoc nomine in primis infelices, quò externum Principem, cuius ope defenderentur, cgebantur accersere. Dum hæ nuptie fiunt: amissa fuit Artesia, & ad Regem magnæ quotidie fiebant accessiones. Nati sunt Maximilianus et liberi,

anno liberi, Philippus, Margaritha, et Franciscus, qui Bri-
tannia Ducis nomen representabat. Quarto demum
anno decessit illius uxor è uita, dum ex equo delapsa,
grauiter fuit affecta, et simul febris lactaretur, incom-
mode sanè illud accidit populo. Nam erat egregia uir-
tute mulier, et sui coniugis amantissima, et populo val-
de accepta, sic ut in maiori esset, quàm maritus, honore
et obseruantia. Tenebat Rex in Hunnonia Quercen-
tum et alia quedà, sed de possessione decessit, quod mi-
rum plerisq; uidebatur. cum nec pacificare uellet, neq;
reliquam aliquid eius familie uideretur esse facturum.
Sed quauisquam internecionem citis damus. molieba-
tur. duabus tamen de causis oppida illa restituit. Pri-
mum: dicebat ita frè comparatum esse, ut Reges ha-
bere firma et munita loca malint intra suos fines, quàm
foris. Deinde inter Cæsares et Gallorum Reges iure
irurandi sancitum est, ut pacem cohant, et alter alterius
in suo iure nō impediat aut interpellat. Nec etiā erat
causa, quamlibet Cameracensem, in quam urbem bo-
na fide receptus antea fuerat, suis legibus uti sineret.
In Burgundia uero bellum gerebat minus felicitate,
propterea quod Germani mercede conducti sauebant,
Auracæ Principi, qui iam ab ipso defecerat. Pro Ma-
ximiliano uix quisquam arma tunc sumpsit. Vicini
enim Burgundionibus Heluetij, eorumq; socij minus
bene uolebant Austriacæ familie. In Sigismundo an-
tem ipsius patris, magnum erat presidium, si modo

uellet , propter propinquitatem loci & Pfortensium
 ditionem , quam Carolo prius uenditam , centum an-
 reorum millibus recuperauerat , nō reddita pecunia.
 Sed parum erat in eo mentis & ingenij , ac prorsus fuit
 ex eorum Principum numero , qui in suos familiares
 omnia reijciunt , ipsi planè defides , et ad imperium ina-
 tiles . Et qui tales sunt , uix est , ut amicos in necessitate
 subleuent . Hic etiam impulsus à suis deserto nepote , re-
 gis sequebatur partes in eo bello , nec id modo , uerum
 etiam cogitabat facultates omnes adimere suis neces-
 sarijs , & dare externis , cum liberos nullos haberet .
 Sed permotus ab alijs , & ad sanitatem reuersus , in Ma-
 ximilianum nepotem contulit omnia , sibiq; tantum ser-
 uauit pensionem annuam , circiter trientem bonorum ,
 deposita omni administratione , cuius ipsum deinde sa-
 penumero pernituit , ut accipi . & est credibile . Sed is
 fere est exitus eorum , qui uoluptatibus et ocio dediti , ni-
 hil ex uirtute faciunt . Qui cum auctoritatem summā ,
 beneficio Dei teneant : maxime sane sunt vituperandi ,
 quod officio suo desunt . Iis qui furor & mentia qua-
 dam uexantur , exprobrari nihil potest : qui autem inge-
 nio non sunt destituti , & commoda utuntur ualitudi-
 ne , ij minime deplorari debent , quādo per ignauiam &
 ocium in calamitatem aliquam incidunt . Qui uero ita
 se comparant , ut maximam temporis partē serijs occu-
 pationibus : reliquā autem liberalibus & honestis oble-
 ctationibus impēdant : magnam illi sanè laudem meren-
 tur ,

tur, & felicum populum, cui talem contingit habere Principem. Ducebatur in Burgundia bellum, propter auxilia Germanorum, ut diximus, quæ tamē erant exigua, neq; Regis potentie conferri poterant. Deerat autem eis pecunia. & à nobis pleriq; sollicitabantur ad defectionem. Cranius Regis legatus, Dolam, superioris Burgundie primarium oppidum, ad Dubim flumen, parua manu circumfedit, cum hostem despicere: verum infelicititer accidit. Nam subita eruptione ab illis facta, partem aliquam tormentorum amisit, & è suis nonnullos desideravit. Eo accepto nuncio, Rex cogitare statim cepit, de novo per Burgundiam cōstitis ando præfesto, tum propter hanc cladem, tum ob illius rapacitatem, & expilationes immoderatas. Verū antequam locū submoueretur ille: parvulo quodam prælio feliciter rem gessit, in quo Castelgionius, summa uir nobilitatis & potētiae ijs locis, captus fuit. Cranius erat pinguior, & re satis lauta, ideoq; nō illibenter domum reuertebatur. Rex autem neq; de facultatibus quicquā ei detraxit, & sex cataphractos cum duodecim sagittarijs ei attribuit, qui domum deducerent. Bi summus fuit Carolus Ambosius, consilij magni & uirtutis uirum. B animū statim adiecit, ut Germanos qui Burgundiam à Rege defendebant, ad se traduceret, non tam ut ipsorum auxilijs bellum faceret, quā ut dato illis stipendio, facilius, quod adhuc restabat, caperet. Missis igitur ad Helvetios legatis, magnas proposuit & luculen-

tas conditiones. Primum, dabat quatuor illorum ciuitatibus, Berne, Lucerne, Tiguro & Friburgo, & qui sunt his coniuncti pagis, ad viginti Francorum salutis quotannis. Ipsis vero Magistratibus, & alijs, quorum priuatim utebatur opera, tantundem. Deinde petiit is ciuium numerum apud ipsos assoribi, & primum inter socios uoluit obtinere locum, eaq; de re petebat confici literas. Aegrè quidem illi principio istud admittebant, eò quod Sabaudie Dux antiquitus primas partes inter confederatos haberet: sed tandem assentiebatur, simul promittebant Regi continenter subministrare, ad sex hominum millia, quibus mensuram illi daret stipendium, treis aureos. Et hic quidem illorum numerus aiebatur à Rege, quamdiu uixit. Tercior aliquis Princeps, non habuisset eius rei perficiendae facultatem. Regi uero longe utilissimum fuit, hoc institutum, ipsis autem Heluetijs opinor aliquando nociturum esse. Cum enim ante id tempus exiguum haberent usum pecunie, praesertim auri: nunc ita sunt affecti eius cupiditate, ut à factionibus & disidio ciuili, minimum absint. Alioquin enim, quia locis continentur natura, munitis & asperis, & quoniam ad arma sunt assuefacti, facile & ipsi uim in alijs inferant, et illam defendant. Eo perfecto foedere, cum Germanorum auxilio Burgundionibus essent detracta: omne robur illorum fuit attenuatū, & ut paucis dicam, plurimis tentatis rebus, Ambrosius arcem quandam munitam, non procul à

Dola,

Dolus necant Rupem fortem, ubi circumfedisset, deditione cepit. Inde profectus, Dolam, à qua reiectus fuerat Cranius, vi expugnat. Ex ijs autem Germanis, qui iam ad regem transierant, nonnulli dicuntur in oppidum ingredi uoluisse, ut à Rege illud defenderent: sed quoniam una cum ipsis maxima nostrorum sagittariorum manus irrupit, non intellecta fraude, pariter ingressi, ad deceptionem omnes properabant. Incensum deinde fuit oppidum, et paucis interpositis diebus, Auxonam circumuallat. In eo multi erant non alieni à nobis, et nostri pro nonnullis ciuibus munera publica petebant à Rege, antequam illos obsiderent ac facile impetrarent. Ipse quidem et bello non interfui: sed quid ageretur, ex ijs, quæ ad regem deferebantur, intellexi, et è literis ad eum scriptis, quæ sæpius erant mihi legende, ut ad eas, ipsius mandato responderem. Tenebatur oppidum non magno presidio, et paucis diebus, uoluntate ducum, qui cum Ambosio iam antè patris fuerant, in deditionem uenit. Itaque præter aliquot castralla, rupibus affixa, nihil restabat expugnandum. Et ijs loca Vesontio, quæ quidem ciuitas, etsi ad imperium Germanicum pertinet, tamen quia cingitur undique Burgundia: studet fore gratificari eius regionis Principi. Hanc igitur ingressus est Ambosius, absque maleficio, et ab oppidanis amantem exceptus: illius discessit. Ad hunc modum Burgundiam omnem ille cepit, magna sane industria. Nonnulli autem duntaxat

*Dola capta
p. Ambosio*

ambosio

S ij

litteris atq; nuncijs, ut ad extremam diligentiam nihil reliquum faceret. Verēbatur enim, ne remissius ageret, neue pateretur aliquam sibi difficultatem obijci, primo, ut eò esset illustrior ipsius et magis necessaria opera, deinde, ne reuocaretur aliò. Locuples enim est, atq; copiosa Burgundia, et Cranius, cui siammissus ipse fuit, multum ibi suas facultates amplificauerat. Vtebatur aliquandiu pace ea regio, sed tamen Belna et Virodunum, quod est oppidum ad Araris et Dubis confluentem, rebellionem faciebant. Ambosius autem ea non multo post, singulari quadam dexteritate recuperauit, dum aduersarij suis rebus parum prouiderent. Atq; ita uidere licet, homo homini quid praestet. Sed profecto sic est, ut quancunq; partem Deus uult amplificare et florere: ibi quoq; prudentes homines ac industrios excitet. Illa quae diximus oppida, rebellionem quidem fecerunt, sed ij quorum praesidijs oportebat ea teneri: non fuerunt statim ingressi, et spacium dabant nostris, contrahēdi copias. Et quo die nostri Virodunum petebant: illi quoq; se receperunt eò, circiter sexcenti, quibus inter alios praerat Simon Quintus, ut Belnam inde profecti tuerentur. Quod si nulla interposita mora fuissent progressi: recuperassent illam dubioprocul, et à nobis facile defendissent: Verum inopia consilij, per noctem ibi commorati, et circumfessi à nobis, ut capti fuerunt, atq; ita Belnam et quicquid erat reliquum, absq; contentione recepimus.

His rebus

his rebus omnibustunc interfui. Ad Regem fuit à nonnullis perscriptum id temporis, aliquid me fecisse in gratiam quorundam ciuium Diuionensium. Ad eam criminationem cum et alie quedam paruule suspitiones accederent: è uestigio missus ab eo fui Florentiam, propter excitatas ibi seditiones et motus inter Pasensem et Medicensem familias. Nam illi, cum niterentur amicitia Romani Pontificis, et Ferrandi Regis Neapolitani: coniurarunt in caput Laurentij Medicei, ac omnis ipsius clientelæ: et quum ab ipso, quem petebant, aberrassent: fratrem eius Iulianum, et Eugenedum quendam, uirum nobilem, eius familie clientem, qui se Iuliano obiecit, ut eum protegeret, in primaria eius urbis ade sacra, interficiunt. Laurentius autem graui uulnere affectus, in uestibulum templi se recepit, cuius portus ipsius pater aliquando curauerat extrui. Commissum fuit hoc facinus, dum peragitur ex more sacrum: et inter ipsos coniuratores de signo conuenerat. quo dato, eadem facerent. Sed longe aliter quam instituerant, accidit. Nam ex ipsis nonnulli, cum recte putarent omnia procedere: curians petebant, ut in ea Senatores, quorum magistratus est solum trimesis, trucidarent. Postquam eo uenerunt, ac in superiorem locum ascendissent: fores quidam post illos oclusit, et ubi coram constitissent, ac se parum esse comitatos uiderunt: uehementer fuerunt attoniti, nec quod dicerent, habebant. Senatores autem ac ipsorum

famuli, cum è sublimi conspicerent motum per urbem,
 et Iacobum Pacensem audirent cum socijs ante uesti-
 bulum tumultuantem, evocato populo nequicquam
 ad libertatem: confestim illos, qui cedis faciende cau-
 sa eò peruenerant, corripiunt, et ex fenestris curias
 suspendunt. In his fuit Archiepiscopus Pisanus.
 Deinde cum pacatam urbem, suas ad Medicensium
 partes sequi uiderent: datis ilico literis, et dimisis nun-
 cijs, mandant per ditionem totam, ut omnes qui fugi-
 entium aliquam speciem præberent, comprehensi ad-
 ducerentur. Iacobus igitur Pacensis, et cum eo qui-
 dam à Sixto Pontifice Romano missus, belli dux, ex
 fuga retracti sunt, et ille quidem suspensus, hic autem
 capite fuit mulctatus. Alij deinde multi per urbem capti,
 in primo illo impetu et præcundia necati fuerunt, et in
 his Franciscus Pacensis. Non multo post hunc motum
 eò ueni, missus à Rege, et postquam è Burgundia dis-
 cessi, biduum duxerat apud Sabaudie dominam, nec
 multo amplius apud Mediolani Ducem restiti, ut Flo-
 rentinis, quorum erant socij ac confederati, auxilia im-
 petrarem. Illi, tum in gratiam regis, tum ut officio non
 decessent, liberaliter responderunt, misit initio trecentis
 cataphractis, ac deinde etiam maioribus copijs. Ponti-
 fex, ubi de rebus omnibus accepit, Florentinis inter-
 dixit sacris, et simul exercitum misit, tum suum quàm
 Neapolitani Regis, longe maximum, cui præerant
 egregij duces, qui castellum quoddam, sine propin-
 quam, et

quum, et ubi multa loca facile ceperunt. Florentino-
rum res in magna sane tum erat discrimine, propter
insolentiam belli, et diuturnitatem otij, quae causa fuit:
etiam ut periculi, in quo uersabatur, magnitudinem
non intelligerent. Laurentius Medicus, ad quem de-
lata fuit belli summa, et ij, quorum ipse regebatur con-
silijs, per etatem, rebus necessarijs providere non po-
terant, et exiguas habebant copias. Exercitui uero Pon-
tificis praefectus erat Urbini Dux, uir magna et excelsi-
lenti uirtute. Aderant etiam Regis Neapolitani am-
bo filij. Et quoniam à rebus omnibus erant paratissim-
i: multa passim oppida et castella, quae circumual-
lassent, capiebant, sed non tam facile, neque tam breuitem-
pore, quam nostri milites faciunt, propterea quod: ex-
pugnandi loca, et tuendi scientiam illi non tam exacte
norunt: instruendi autem, et continendi exercitus, et
omnia, quoniam esse possunt, procurandi rationem,
melius quam nos tenent. Subleuabat nonnihil Floren-
tinos fauor et amicitia regis, sed non quantum ipse du-
piebant, qui praeter domesticos famulos nullam prorsus
habui coactionem manum. Hoc anni spatium apud eos
commoratus, humanissime tractatus, ita quidem, ut
ad illorum erga me beneuolentiam quotidie aliquid ac-
cederet. Relocatus autem à Rege, cum per Insubria
amiter facerem: Mediolani Ducem, Ioannem Galeas-
cium, quod Geniam teneret, fide et creiurando Regi
obstanti. Cuius à Galliam rediissent, excepit me Rost

COMMENTARIORVM

peramenter, & multo familiarius, quam inquam ab
se id tempus mecum agebat. Videbatur autem militi
ferum aliquod contraxisse, & uti non admodum com-
moda ualitudine, sed non statim prodidit sese mor-
bus, & magna providentia bellum Picardicum admini-
strabat. Maximilianus Romanorum rex, adiutus à Flan-
dria per id tempus, Terouennam, Morinorum oppi-
dum longe munitissimum, obsidione cingebat. Cor-
deus igitur Picardie prefectus, & regis legatus, omnes
copias, quæ passim erant in illis finibus, & octo sagi-
tatorum millia collegerat, ut obseis opem ferret.
Eius de aduentu certior factus Maximilianus, obsidi-
one soluta, cum exercitu ad illum contendit. Habebat
ex Flandria circiter uiginti millia, & manum aliquam
Germaniorum, & ad trecentos Anglos, quibus præerat
Thomas Abrigannus, qui Carolo militauerat aliquan-
do. Noster autem equitatus, qui numero superabat,
equestres illorum copias, quibus Ramostennus erat præ-
positus, disiecit, & fugientes Aræ usque confectatus est.
Interea peditibus sese Maximilianus coniungit. Ex
nostris cataphractis, qui erant circiter mille, & eo plures,
Cordeus ipse et Torcius persequabantur hostem.
Quod tamen si fortiter ab eis & cum uirtute fiebat: ta-
men erat contra disciplinam militarem et ducis officium:
Nonnulli ex primo et ultimo agmine, dum fustulant uela-
te tuari castella & oppida uicina: discedebant è præ-
lio, complures alij aperte sese fugam dabant. Re-
fret

Pres Maximiliani copiae, et si nonnihil uacillabant: con-
 stiterunt tamen. Nam cum ipsis erant circiter ducenti
 nobiles, egregia uirtute, pedites omnes, qui in officio
 multitudinem continebant. In his fuit et Comes Ro-
 montius, è familia Sabaudie Ducum, et Comes Nas-
 sonius, et alij complures, qui adhuc uiuunt. Eorundem
 singulari uirtute et authoritate, peditus resistit, quod
 alioqui mirum uideri posset, praesertim fugiente et disie-
 cto equitatu. Cumq; sagittarij nostri in calones ac impe-
 dimenta fecissent impetum: aliquot hostium cohortes,
 quosdam ex ijs interficiunt. Maximilianus et si plures
 eo praelio, quam nos desiderabat: stationem tamen suam
 in campo, ueluti superior, tutabatur. Et si Terouennam
 non denuo circumuolasset: sine contentione, ut opinor,
 fuisset expositus, atq; etiam Atrebatum. Sed non
 audebat periclitari fortunam, et habuit aliquam mor-
 tus causam, et in eiusmodi rebus, non semper, quod
 uolumus aut quod necessarium est, prouideri à nobis
 potest. Ei praelio non interfui quidem ipse: uerum à si-
 de dignis accepi, et ut series narrationis cohereat: ali-
 quid omnino mihi dicendum de eo fuit. Eram cum Re-
 ge quando nuntius hic ad eum deferrebat. Grauitur
 admodum tulit, nec enim assueuerat uinci, aut aliquam
 uicturam facere: ac perpetua quadam utebatur felicitate,
 quam singulari uirtute et industria sibi coparabat ipse.
 Nec enim sentiebat temere fortunam, et à praelijs magno-
 que combatibus autem praeae plene contra ipsum uo-
 luntatem

luntatem commissa fuit. Ac quoties bellum gerebat, paratissimas erat à rebus omnibus, et ingentem comparabat exercitum. In primis autem dabat operam, ut repente et ex inopinato aliquid hosti eriperet, ea præfertim loca, quæ uidebat parum esse munita: et postea, quam illa cepit, ita firmabat presidij militum, atque tormentis, ut recuperari non possent. In locis autem munitioribus, et quæ fraudi uel iniurie minus erant exposita; si quis præfectus pecunia redimi sese pateretur: ei dabat liberalissime: nec ullo quantumuis magno precio deterrebat. Initio cum de facto prælio audisset: magnopere fuit commotus, ac uerebatur maiorem subesse cladem, quam si accepisset: quicquid iam in ea regione ceperat, id omne uidebat perditum esse. Verum, ubi rem omnem, sic ut erat gesta, planè cognouit, patienter tulit; et cogitabat deinceps providere, ne quid tale, nisi cum ipsius uoluntate et iussu fieret. Ab eoq; tempore cepit, animum adijcere ad pacem, modo illam facere posset conditionibus, plane ex suo usu. Populum eius ditionis sciebat studere nouis rebus: ideoq; cogitabat, quemadmodum eo adiutus presidio, Maximilianum cohæceret, eiq; facultatem adimeret renouandi belli. Totus igitur mente et animo in hoc erat, ut optimis legibus Gallia constitueretur, et litium forum tolleretur prolixitas. Et initia quidem, Senatus, qui ipsorum lingua Parlamentum uocatur, fecerim aliquando inire, non quidem necesse est uel auctoritatem

latem vel numerum imminueret: sed uarijs modis de-
 creuerat illorum fidem et administrationem explora-
 re. Volebat etiam eiusdem generis pondoret mensuras
 obtinere per omnem Galliam et consuetudines omnes
 ad eandem normam conscriptas, in uolumen aliquod
 redigi; patrio sermone, ad emittendum fraudes et ex-
 pilationes Aduocatorum, quae maiores profecto sunt in
 Gallijs, quam in quauis alia regione, quae mihi quidem
 nota sit; atq; hoc ipsum tota fere nobilitas liquido tes-
 tificari potest. Quod si longior ei uita contigisset, nec in-
 commodum fuisset usus ualetudine: magno quodam be-
 neficio Galliam affecisset, quam sane plus, quam o suis
 maioribus ullis alius, affligerat. Vt autem saniores ali-
 quam Reipub. formam institueret, eisq; mederetur in-
 commodis, quae partim ipse, partim ipsius maiores, par-
 tim temporis longinquitas inuenerat: authoritate qui-
 dem et adoptione alicuius minime potuisset impelli,
 sed reliquendum erat totum ipsius arbitrio et consilio.
 Volebat enim ipse unus et princeps et auctor esse huius
 mutationis et facturus erat haud dubie aliquid pre-
 clari, si firmiorem ei ualetudinem Deus fuisset largi-
 tus. Itaq; dum suppetit facultas et ocium, et quamdiu
 mentis atq; corporis sanitatem concedit Deus: benefa-
 ciendum est. Pacem, de qua diximus, Rex instituit facere
 per Gandauenses, his omnino conditionibus, ut
 ipsius filius, nunc Gallie Rex, in matrimonium duce-
 ret Maximilianam filiam, utq; Boloniensem, Matifonen-
 sem, Al-

sen, Alstiodorensem, et Carolotensem comitatus in sua potestate retineret. Ipse uicissim Atrebatum agrum omnem promittebat restituere, seruata sibi tamen urbis ea parte, quam munierat. Vtriusque uero Burgundie, et eorum quæ sunt ad Somiam flumen, nulla fuit ab eo facta mentio. Gandauenses, qui animo essent ab his omnibus non alieni: durius agebant cum Maximiliano, et eius uxore, aliarumque ciuitatum legatis. Ac dum his de rebus agitur, inducie erant, et pacem omnino Rex uolebat fieri, præsertim ijs locis, uerum ex arbitratu suo, ut supra quoque diximus. Cœpit autem per id tempus minus commodè ualere, et iam ad senectutem uergebat, cumque esset in officinis ferrarijs prope Cironium, agri Turonensis oppidum, repente fuit morbo correptus, et afflictus, ita quidem, ut loquendi facultatem amitteret. Sublatus à mensa, propius ad ignem adiuuatur, clausis undique fenestris; ad quas cum accedere uellet, cohibitus fuit à familiaribus. Per Martium illud accidit, et destitutus erat omni plane cognitione. quo quidem in temporis puncto, illustris fuit opera tua, doctissime Præsul, qui per anum iniecto illi pharmaco, iubebas aperiri fenestras, et aerem admitti. Quo facto, statim ille et sermonem aliqua ex parte, et intelligendi uim recuperauit, et confesso equo, redibat ad ferrarias, à quibus non procul in morbum inciderat. Dum ibi moratur: nutibus et signis, quid uellet, indicabat, et inter alia iussit Officiarè Turonensem, ut pœcatis

eatis ueniam impetraret, ac me, qui aberam in praedio
 quodam meo, decem ab eo loco miliaribus, accerseri.
 Postquam ueni, ad mensam eum reperi, cum duobus
 medicis. Eorum quae dicebantur, ut paucula quaedam
 intelligebat: dolorem uero non sentiebat ullum, et mihi
 significabat, ut in ipsius conclauis cubarem. uocem ue-
 ro nullam articulatam formabat: Eram cum eo totos
 quadraginta dies in hac ipsius ualitudine. Biduo post,
 coepit loqui melius, et cognoscere, seque putabat à me
 omnium optime intelligi, ideoque uolebat me continen-
 ter adesse, et me praesente sua delicta religiose commem-
 morabat ei, quem diximus Turono euocatum fuisse.
 Non opus erat ipsi interprete. Sed paucis ante diebus,
 cum ex more Gallie regum curasset egrotos, qui struuntur
 uexabantur: expiuerat pro sua consuetudine peccata,
 ideoque nihil ei magnopere dicendum restabat. Vbi se
 commodius ualere sensit: coepit inquirere à quibus fu-
 isset in morbo aë retentus, ut supra docuimus. Quum
 essent nominati, statim eiecit omnes, quosdam etiam
 loco mouit et honoribus, alios uero discedere iussit, et
 metuuit, ne quando redirent. Hanc ipsius asperitatem
 plerique reprehendebant, eo quod optima fide rem ege-
 rant. Et uere quidem isti: sed Principum uariae sunt co-
 gitationes, ne quis eas intelligit. Ille uero in primis
 metuebat, ne, quam hactenus obtinuit auctoritatem
 longe maximam, eam per hunc morbum amitteret, neque
 populum deinceps haberet minus obsequentem. Ipsius
 pater,

ingula in tu
 fuisse, fuisse
 in gutture, ta
 quam sanguis
 uasa dicitur.

pater, quo tempore coepit egrotare, suspicionem conceperat, uenenum sibi paratū esse, quo tolleretur emendatio. Et ita quidem uehementer hoc in animum impressit, ut prorsus abstineret à cibo: sed de medicorum consilio, per uiam ingesta illi fuit alimonia; neq; multo post è uita cessit. Hanc autem uiolentiam Ludouicus magnopere semper uituperauerat: et nunc in egritudine constitutus, ac suum motus periculo, magis etiam destitabatur, grauissimeq; tulit, se fuisse ui detentum et sumis, nec id obscure præ se ferebat. Hoc enim unum uerebatur, ne ipsius necessarii et familiares, auctoritate sibi sumerent et administrationem rerum, quasi ipse propter mentis alienationem non esset ad imperium idoneus. Postea diligenter perquiri, quid interea, dum ipse quiescit, priuatim et publice actum esset: summam rerum obtinebat Episcopus Albienfis, cuiusq; frater Burgundis præfectus, et Ludeus. Nam hi, cum inciperet egrotare, aderant, et eisdem in edibus cum illo morabantur. Literas omnes, et quicquid per ipsum morbum erat allatū, uoluit cognoscere et uidere, in eoq; ne utebatur interprete, et quum recitarent: simulabat se intelligere, et ubi in manus accepisset, uidebatur eas ipse perlegere, tametsi nihil serè intelligeret, et uerbis aliquod pronuntiatis, quid responderi uellet, signis indicabat. Sed dum eius morbi finem expectamus: consistebat omnis rerum administratio. Nam erat nobis aperte summo agendum, et omnis uitanda offensionis causa.

causa . Post dies quindecim, quibus ita fuit afflictatus, loquendi quidem facultatem & intelligendi recuperauit: sed erat uehementer infirmus, ita quidem, ut commodioris ualeitudinis spem exiguam praeberet, & alioqui sic ferebat eius consuetudo, ut maximā partem medicis nō obtemperaret. Cū haberet aliquantū melius: ilico iussit cardinale Baluensem ē carcere liberari, quem per annos quatuordecim detinuerat captiuum, ac saepe frustra, cū ab alijs, tum à Pontifice Romano interpellatus: nunc ultro non solum exemit ē uinculis, uerum etiam eius culpae ueniam à pontifice deprecabatur. De consilio autem Cordaei, Picardiae praefecti, maximam & intolerabilem pecuniae summam toti Galliae nuper imperauerat, uti perpetuum aleret exercitum, ad decem millia peditum, & supra duo millia fossorum, qui ad omneis casus parati essent ac instructi. His addebat mille quingentos cataphractos, qui cum usus posceret, relictis equis, pedites sese coniungerent illis. Carros etiam maximo numero parari iussit, quibus includerentur omnes copiae, & tabernaculorum uim ingentem. Hanc rationem acceperat à Carolo, & constabat omnis hic apparatus, quindecim francorum millibus quotannis, Rebus omnibus paratis, in Normanniam profectus, apud Pontarcium, quod est supra Rothomagum, quatuor milliaribus oppidum, ad Sequanam, in ualle quadam spectabat omnem exercitum. Aderant autem Helueticorum sex millia, quem numerum illi promissa

T

serant subministrare, quo tempore cum Carolo Ambrosio, Burgundiae praefecto, pacti fuerunt, ut supra demonstrauimus. Eo delectu habito, reuersus in Thuronos, recidit in morbum, ac per horas duas mortui hominis praebat speciem, decumbens in stœra, quodam in deambulacro. Quo primum tempore coepit egrotare, prope Cinonium oppidum, qui cum ipso erant, quod pro mortuo haberent, missis huc illuc literis, cogitabant irritum facere illius edictum, quo pecuniam illam, ut diximus, mandauerat. Sed quum iam denuo affligeretur: Bocagius & ego, et ex ijs qui aderant, alij multi, uotum pro ipso fecimus, diuo Claudio. Mox recuperauit uocem, & statim coepit huc illuc per aedes, licet multum infirmus, deambulare. Non multò post etiam foras prodijt, & Argentonium in aedes meas diuertit, quo in loco per mensem unum grauiter decubuit, atq; ibi cōstituit Sanctoclaudiũ, qui est uicus in monte Iura, proficisci, ut se religione uoti solueret. Cum Turo no discederet: misit me certis de causis in Sabaudiam, et aliquantò post iussit ut in Boijs ad se uenirẽ. Posteaquam eò ueni: mirabar illius maciem & deformitatem, multò magis etiam, quòd equitandi laborem ferret, Erat quidem corpore uehemẽter afflicto & debili, sed animi praesentia & uirtus eum nonnihil subleuabat. Dum esset apud Boios: accepit de morte uxoris Maximiliani. Eum nuncium ilico mihi recitabat ipse, letus & modum, simul hoc addebat, liberos illius, Philippum & Margare-

& Margaritham à Gandauensibus educari, quos Burgundicæ familie sciebat esse multum infestos. Et quoniam Maximilianus adolescens erat, & patrem habebat minus liberalē, & undiq; premebatur bello, et quia quòd in his regionibus erat hospes, pauci admodū ipsius rebus fauebant: idcirco putabat Rex, oblatam sibi tunc esse rei bene gerendæ occasionem. Coepit igitur mox per Cordeum sollicitare Gandauenses, & agere de matrimonio sui filij & Maximiliani filie, Margarithæ, quæ nunc est Galliæ regina. Cordeus aditum ad reliquos habebat, per unum & alterum eius ciuitatis scribam, homines plebeios, quorum magna erat autoritas: Rex Turonum reuersus, abdebat se totum, & conspiciebatur à paucis, & de omnibus male suspicari coepit, & magnopere metuebat, ne sibi uel adimeretur imperium, uel imminueretur potestas. Itaq; suos familiares omnes à se remouit: de fortunis autem illorum nihil detraxit, & ijs qui tum ipsius actiones intuebantur, uidebatur esse parum sane mentis: uerum isti fallebantur, neque satis nouerant eius ingenium. Nam ad suspiciones quantum pertinet: obnoxij sunt ei morbo plerique omnes reges, maxime uero prudentiores, & illi qui multos habent aduersarios, & qui cum plures offenderunt. Ipse uero non ignorabat, plerosque Galliæ Principes inimico esse in se animo, & ex reliquis ordinibus sciebat multos esse exacerbatos. Nam priorū regum nemo

Galliam sic afflixerat ut ipse: quanquam sanè cupiebat eam recreare tādē ex istis ærumnis, ut suprā diximus: uerum debebat incœpisse maturius, nec tantam interu-
posuisse moram. Eius pater Carolus, qui singulari uir-
tute suorum, eiectis Anglis obtinuit Normanniam &
Aquitaniæ partem, primus omnium pro suo arbitra-
tu pecuniam imperauit, sine consensu populi. Et tunc
quidem aliqua suberat causa, cur id faceret, primum,
ut prouincias recuperatas præsijs muniret: deinde ut
cohortes militares, quæ passim diripiebant agros disti-
paret. Vt autem uoluntate Principū sibi liceret exige-
re pecuniam per ipsorū ditiones: promittebat eis pen-
siones annuas, Magnum ille profecto uulnus inflixit
Galliæ, quod non facile curabitur. suæq; et successorum
saluti malè consuluit. Cohortes etiam equitum, ut est
Italicæ consuetudinis, instituit, quibus perpetua dan-
tur stipendia. Postremo uitæ anno, collegit in uniuersum
ad decies & octies centena francorum millia, &
alebat circiter mille & septingentos cataphractos, &
eos quidem ad custodiam & tuitionem Galliæ: non au-
tem ad detrimentum illius in officio continebat. Ludo-
nicus autem longè maiorem summam exegit, nempe ad
quadrages & septies centena francorum millia, & e-
quitatum alebat, tertia serè parte maiorem illo, quem
diximus, ac peditatum præterea longè maximum. Non
debet igitur uideri mirum, si cū tales haberet metuenda
causas: uaria secum cogitabat, tametsi ex beneficia-
rijs &

ris & clientibus plerique non erant cum, ut opinor, in ullo rerum statu deserturi. Cum igitur omnibus prope diffideret in Plesium Castellum, urbi Turono propinquum, ubi tum erat, neminem ferè admittere, præter famulos domesticos, & sagittarios numero quadringentos, è quibus multi simul ad eius loci custodiam excubabant. Gener ipsius nunc Borboniæ Dux, nonnunquam eò ueniebat: ex reliquis autem Principibus nemo ferè. Vestibulum castelli totum, cancellis admodum densis circumsepsit, et qua parte patebat introitus, uerua præfixit muro, præacuta multis cuspibus, & pro fossa edificabat quatuor ediculas ferreas, ijsq; sagittarios quadraginta imposuit, qui non minus interdum quàm noctu ibi excubarent. Iis mandauerat, ut in omnes, qui de nocte, uel etiam mane, priusquam aperiretur porta, propius accessissent, eiacularentur. De suis enim familiaribus hanc opinionem habebat, facile ipsos, data occasione, ut auctoritatem & administrationem sibi arrogarent, excitari posse. Nec temere quidem ita suspicabatur. Nonnulli enim cogitabant inuadere in castellum & in otio illo, dum nihil priuatim aut publice fieret, sumere procurationem negotiorum: sed ea deliberatio non uenit in actum, & ut aliquid illi fuissent molituri frustra tamen id futurum erat, in magna illa regis prouidentia. Præter ea, quæ diximus, crebro mutabat etiam cubicularios & famulos domesticos, affirmans natum hominis delectari rebus nouis. Vnum & alterum,

T iij

exigua conditionis, & parum laudatos homines, ad modum habebat sibi familiares, qui nihil omnium rerum ad eum deferebant, nisi forte quid ad summam imperij pertineret. Hoc enim modo spectabat, ut pacem aliquam uel inducias constitueret, Medico dabat menstruum stipendium, decem aureorum millia, sic ut intra quintum mensem ille acciperet ab eo ad quinquaginta quatuor millia. Maximas facultates & opes donabat Ecclesijs: uerum illæ donationes, quoniam erant immodicæ, uim nullam obtinuerunt. Inter alios uitæ sanctimonia claros, audiuerat de quodam heremita, Roberto. Hunc ex Calabria finibus ad se accersuit, & in eius gratiam, qui nunc rerum potitur, Carolus octauus, templum prope Plessium ædificauit. Is duodecim annorum adolescens, speluncam subiit, & in ea commoratus fuit ad quadragesimum tertium ætatis annum, quo tempore primum Rex eum euocauit, per quendam nobilitate, cui comitem se adiunxit princeps Tarentinus, Neapolitani Regis filius. Nisi enim Pontificis Romani & sui principis mandatū atq; consensus interueniret: non erat profecturus. Posteaquā ad illud uitæ genus accesserat, abstinit ab omni serē cibo, quo plerunq; uescimur omnes. Erat illiteratus, nec eruditionis ullam partem unquam attigerat, & tamē prudenter admodū ac sanctē, suprà quā credi possit, de rebus omnibus loquebatur. Quum Neapoli iter faceret, maximo fuit à Rege & ipsius liberis

beris affectus honore, ac de plerisque rebus ita differebat, quasi per omnem uitam in Principum familijs fuisset educatus. Quum Neapoli Romam uenisset: inuisebant eum Cardinales omnes: ac ter cum Pontifice, per interualla priuatim diu multumque loquebatur, assidens in sella propius illum, splendide exornata. Cuiuscunq; rei mentio incidisset: ad eam ita respondebat, ut omnes pariter obstupeficerent. Eius autem colloquio sic afficiebatur Pontifex, ut ei permetteret instituire nouum ordinem eorum, qui dicuntur Hæremite diui Francisci. In Galliam ubi uenisset: rex nō minus quàm Pontificem ipsum Romanum, honorabat, procumbens illi ad pedes, & uehementer obsecrans, ut uitam sibi proferret. Ille uero, ita ut hominem prudentem decet, ad ea respondit. Audiui non semel, quū Carolo Regi, qui nunc præest, in corona multorū principum loqueretur: sed profecto uidebatur esse diuino numine afflatus, alioqui nō erat dicturus tam multa, plañe supra fidem humanam. Et quia adhuc uiuit, eoque fieri potest, ut aut melior, aut etiā deterior euadat: idcirco nihil amplius addam. Ex nostris pleriq; ridebant eius aduentū: sed ij prudentissimi regis cōsiliū, & causam, cur euocasset, nō intelligebāt. Suprà diximus, quē admodū rex inclusus Plessio castello, præter sagitarios, nullū ferè comitatū habcret. Augescebant in eo quotidie susceptiones, ideoq; magnopere prouidebat, nequis omnium, de quib. parū bene sentiret, aut in urbē admit-

teretur, aut etiam propius ad eam regionem accederet. De rebus omnibus nihil quicquam ad eum deferbatur, nisi quid proprie ad ipsum, & ad regni summam pertineret. Corpore sic erat attenuato & exhausto, ut uix hominem repræsenteret: atq; ut eam maciem & deformitatem tegeret, splendide uestiebatur, ex ijsq; uestibus ultro sæpe dabat suis familiaribus. Quoq; maiorem obtineret auctoritatem, grauissima constituit supplicia, & in eos qui deliquissent, seuerè admodum animaduvertebat. Hoc adeò mihi referebat ipse. Deinde creabat nouos perfectos, remouebat ueteres, & nihil fere domi, aut etiam foris relinquebat intactum, & alioqui sic erat natura, ut huiusmodi occupationibus delectaretur, Atque ut crederetur esse firma ualitudine: magnam sui famam per omnem fere Europam excitabat. Conspiciebatur enim à paucissimis, ut dixi, eoq; fiebat, ut externi, quum de illius quotidianis actionibus audirent, uix crederent egrotare. Legatos autem interea multos huc illuc dimittebat. Quas Angliæ Regi & illius Consiliarijs debebat pensiones: eas liberaliter persoluit, & alebat eos perpetua spe matrimonij, de quo iam sæpe diximus. Hispanias quoq; modis omnibus in amicitia & fide continere studebat. In Britannia uel Hispanijs, grandi pecunia comparabat sibi canes: In Sicilia mulam aliquam egregiam: Neapoli speciosos equos: In Affrica genus quoddam paruulorum leonum, magnitudine uulpis: E Dania iussit adduci duo quedam genera ferarum.

ferarum. ex ijs unum est magnitudine bubali, corpore cerui, breuib; & spissis cornibus: aliud damas refert corpore & pilo, nisi quod ampliora habet cornua. Pro singulis pendebat quatuor aureorū millia, et quingentos. Verū ut erat operosus & sollicitus in ijs omnibus conquirendis: ita etiam leuiter aestimabat ea, quum essent adducta, & plerumq; ijs, qui adduxissent, non loquebatur. His rebus efficiebat, ut non à suis tantum, uerum etiam ab externis ualde metuereetur. Sed nunc ad matrimonium Delphini & Maximiliani filie, nobis redeundum est. Maximo cum dolore ferebat istud Eduardus, Angliæ rex, postea quàm se ludificatum esse uidit. Nam & ipse & coniunx magnopere cupiebant suam filiam nubere Delphino, sicut antea constitutum fuit: adeoq; magnam eius rei spem conceperāt, ut ijs, qui dubitare uidebantur, fidem non haberent. Nam re ad commune consilium introducta, quo tempore Picardiam rex oppugnabat, pleriq; omnes dicebant fore, ut eo bello confecto, Caletum & loca propinqua tentaret. Idem confirmabant Maximiliani et Britannie Ducis legati. Verum Eduardus, ut id crederet, adduci non potuit: quod ab eo factum fuisse puto, non tam inscientia rerum quàm ut ne pensionis annue iacturā faceret, atq; ut ne delicias, ocium et uoluptates, quibus totū se dederat, intermittere cogeretur. Per Flandriam ergo cogitur concilium, eius matrimonij causa, & aderat Maximilianus ipse, quem Gandauenses parum habent

T V

bant reuerenter, dum et nonnullos prosciberent, et ipsius filio nouam attribuerent familiam. Quibus rebus confectis, quid sui esset propositi, declarabant, et ipsum, ut matrimonium illud, quod suis fortunis necessarium esse dicebant, approbaret, cogeabant. Nam et adolescens erat, et qui consilio uel re potuissent eum iuuare. proximo Tornacensi bello, interierant prope omnes, et alioqui destitutus erat hominibus idoneis, et quoniam e uita cesserat eius uxor: non tam libere, quam consueuerat, loquebatur. De uoluntate Gandauesium, et quid esset actum, regem ilico certiore facit Cordeus. Itaque constituitur dies, ad quem puella deduce-

Nota p. 10. l. 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100. 101. 102. 103. 104. 105. 106. 107. 108. 109. 110. 111. 112. 113. 114. 115. 116. 117. 118. 119. 120. 121. 122. 123. 124. 125. 126. 127. 128. 129. 130. 131. 132. 133. 134. 135. 136. 137. 138. 139. 140. 141. 142. 143. 144. 145. 146. 147. 148. 149. 150. 151. 152. 153. 154. 155. 156. 157. 158. 159. 160. 161. 162. 163. 164. 165. 166. 167. 168. 169. 170. 171. 172. 173. 174. 175. 176. 177. 178. 179. 180. 181. 182. 183. 184. 185. 186. 187. 188. 189. 190. 191. 192. 193. 194. 195. 196. 197. 198. 199. 200. 201. 202. 203. 204. 205. 206. 207. 208. 209. 210. 211. 212. 213. 214. 215. 216. 217. 218. 219. 220. 221. 222. 223. 224. 225. 226. 227. 228. 229. 230. 231. 232. 233. 234. 235. 236. 237. 238. 239. 240. 241. 242. 243. 244. 245. 246. 247. 248. 249. 250. 251. 252. 253. 254. 255. 256. 257. 258. 259. 260. 261. 262. 263. 264. 265. 266. 267. 268. 269. 270. 271. 272. 273. 274. 275. 276. 277. 278. 279. 280. 281. 282. 283. 284. 285. 286. 287. 288. 289. 290. 291. 292. 293. 294. 295. 296. 297. 298. 299. 300. 301. 302. 303. 304. 305. 306. 307. 308. 309. 310. 311. 312. 313. 314. 315. 316. 317. 318. 319. 320. 321. 322. 323. 324. 325. 326. 327. 328. 329. 330. 331. 332. 333. 334. 335. 336. 337. 338. 339. 340. 341. 342. 343. 344. 345. 346. 347. 348. 349. 350. 351. 352. 353. 354. 355. 356. 357. 358. 359. 360. 361. 362. 363. 364. 365. 366. 367. 368. 369. 370. 371. 372. 373. 374. 375. 376. 377. 378. 379. 380. 381. 382. 383. 384. 385. 386. 387. 388. 389. 390. 391. 392. 393. 394. 395. 396. 397. 398. 399. 400. 401. 402. 403. 404. 405. 406. 407. 408. 409. 410. 411. 412. 413. 414. 415. 416. 417. 418. 419. 420. 421. 422. 423. 424. 425. 426. 427. 428. 429. 430. 431. 432. 433. 434. 435. 436. 437. 438. 439. 440. 441. 442. 443. 444. 445. 446. 447. 448. 449. 450. 451. 452. 453. 454. 455. 456. 457. 458. 459. 460. 461. 462. 463. 464. 465. 466. 467. 468. 469. 470. 471. 472. 473. 474. 475. 476. 477. 478. 479. 480. 481. 482. 483. 484. 485. 486. 487. 488. 489. 490. 491. 492. 493. 494. 495. 496. 497. 498. 499. 500. 501. 502. 503. 504. 505. 506. 507. 508. 509. 510. 511. 512. 513. 514. 515. 516. 517. 518. 519. 520. 521. 522. 523. 524. 525. 526. 527. 528. 529. 530. 531. 532. 533. 534. 535. 536. 537. 538. 539. 540. 541. 542. 543. 544. 545. 546. 547. 548. 549. 550. 551. 552. 553. 554. 555. 556. 557. 558. 559. 560. 561. 562. 563. 564. 565. 566. 567. 568. 569. 570. 571. 572. 573. 574. 575. 576. 577. 578. 579. 580. 581. 582. 583. 584. 585. 586. 587. 588. 589. 590. 591. 592. 593. 594. 595. 596. 597. 598. 599. 600. 601. 602. 603. 604. 605. 606. 607. 608. 609. 610. 611. 612. 613. 614. 615. 616. 617. 618. 619. 620. 621. 622. 623. 624. 625. 626. 627. 628. 629. 630. 631. 632. 633. 634. 635. 636. 637. 638. 639. 640. 641. 642. 643. 644. 645. 646. 647. 648. 649. 650. 651. 652. 653. 654. 655. 656. 657. 658. 659. 660. 661. 662. 663. 664. 665. 666. 667. 668. 669. 670. 671. 672. 673. 674. 675. 676. 677. 678. 679. 680. 681. 682. 683. 684. 685. 686. 687. 688. 689. 690. 691. 692. 693. 694. 695. 696. 697. 698. 699. 700. 701. 702. 703. 704. 705. 706. 707. 708. 709. 710. 711. 712. 713. 714. 715. 716. 717. 718. 719. 720. 721. 722. 723. 724. 725. 726. 727. 728. 729. 730. 731. 732. 733. 734. 735. 736. 737. 738. 739. 740. 741. 742. 743. 744. 745. 746. 747. 748. 749. 750. 751. 752. 753. 754. 755. 756. 757. 758. 759. 760. 761. 762. 763. 764. 765. 766. 767. 768. 769. 770. 771. 772. 773. 774. 775. 776. 777. 778. 779. 780. 781. 782. 783. 784. 785. 786. 787. 788. 789. 790. 791. 792. 793. 794. 795. 796. 797. 798. 799. 800. 801. 802. 803. 804. 805. 806. 807. 808. 809. 810. 811. 812. 813. 814. 815. 816. 817. 818. 819. 820. 821. 822. 823. 824. 825. 826. 827. 828. 829. 830. 831. 832. 833. 834. 835. 836. 837. 838. 839. 840. 841. 842. 843. 844. 845. 846. 847. 848. 849. 850. 851. 852. 853. 854. 855. 856. 857. 858. 859. 860. 861. 862. 863. 864. 865. 866. 867. 868. 869. 870. 871. 872. 873. 874. 875. 876. 877. 878. 879. 880. 881. 882. 883. 884. 885. 886. 887. 888. 889. 890. 891. 892. 893. 894. 895. 896. 897. 898. 899. 900. 901. 902. 903. 904. 905. 906. 907. 908. 909. 910. 911. 912. 913. 914. 915. 916. 917. 918. 919. 920. 921. 922. 923. 924. 925. 926. 927. 928. 929. 930. 931. 932. 933. 934. 935. 936. 937. 938. 939. 940. 941. 942. 943. 944. 945. 946. 947. 948. 949. 950. 951. 952. 953. 954. 955. 956. 957. 958. 959. 960. 961. 962. 963. 964. 965. 966. 967. 968. 969. 970. 971. 972. 973. 974. 975. 976. 977. 978. 979. 980. 981. 982. 983. 984. 985. 986. 987. 988. 989. 990. 991. 992. 993. 994. 995. 996. 997. 998. 999. 1000.

retur Hesdinum. Paucis ante diebus, Arcam, oppidum Artesie, quidam e familia Croiorum, eius loci prefectus, accepta pecunia tradiderat Cordeo, et quoniam est ad Flandrie fines, ea quoque res matrimonium ipsum magis accelerabat. Nam etsi Gandauenses cuperent sui Principis debilitatam esse potentiam: tamen ut regem haberent finitimum, minime sibi ferendum esse putabant. Legatos igitur Flandri in Galliam mittunt communis consensu: uerum negotij summa dependebat à Gandauensibus, quod et uiribus reliquos preccederent, et sui Principis liberos haberent in potestate, et quod rebus nouis alioqui præ cæteris ualde student. His quoque Maximilianus adiunxerat aliquot e suis, homines adolescentes, ac tantis rebus explicandis parum idoneos. Rex tum grauissime afficiebatur morbo, et uix ægrè sui

egre sui conspectū præbebat, & ut pacis conditiones iureiurando sanciret, difficillime potuit adduci, idq; eò faciebat, ut ne conspiceretur à legatis. Veruntamen iurauit tandem, & erant ei conditiones omnes multum utiles. Nam sæpius antè, matrimonium hoc expetiuit, eoq; nomine poposcerat solum uel Artesiam, uel Burgundiam superiorem. Gandauenses autem non solum utramq; ditionem illi dabant: uerumetiam Matiscornensem & Carolotensem, & Altissiodorensensem agrum concedebant ei, libenter quoq; daturi, si fuisset eis integrum, Hammoniam & Namurcum, & quàm late per Burgundicum imperium Gallica lingua patet, ut eò humiliores & infirmiores principem suum redigerent. Rex pro sua prudentia satis intelligebat, Flandriam, nisi coniuncta sit Artesia, quæ Galliæ finitima est, non se posse tueri. Nam ex Artesia cogi potest mediocris manus optimorum militū, quibus Flandri tumultuantes coherceantur. Quò fit, ut Flandriæ Comes, Artesia deuudatus, minimum possit, & à Gandauensium arbitrio totus pendeat. Vbi domū reuertissent legati, puella statim deducta fuit Hesdinum, ubi Cordæus illam excepit. Erat in eius comitatu, præter alios, uxor Rauesteni, filia illegitima Philippi Burgundie Ducis. Aduenientem in Galliam, exceperunt deinde Borbonius cum uxore, & alij multi principes, mandato Regis, & Ambosam, ubi filius Regis erat, adduxerunt. Maximilianus libenter eam, si potuisset, crepturus erat

ijs,

ijs, qui deducebant, antequam è Flandria discederent;
 Verum Gandauenses omni ratione prouiderant, &
 iam illius minuebatur indies authoritas, & ad Ganda-
 uensium partes multi quotidie transibant. Erant autem
 cum Philippo Maximiliani filio, quem illi educabant,
 Rauestenus frater Ducis Cluensis, tanquam ipsius mo-
 derator atq; rector. Conubium hoc acerbissimè, et sum-
 mæ ignominie loco tulit, Eduardus Angliæ Rex, ueris-
 tus, ne pensionem ex Gallia deinceps nullam acciperet,
 multo magis etiam, ne iam despiceretur à suis, qui re-
 ste monentibus, & euentum rei præsignificantibus fi-
 dem non habuisset. In primis autem metuebat, ne per
 hanc occasionem, populus rebellionem faceret, præser-
 tim in ea propinquitate regis, quem magna moliri uide-
 bat. Cum igitur eius rei cogitatione uehementius pertur-
 baretur, incidit in morbum, neq; multò post è uita deces-
 sit. Inscienter nimirum faciunt Principes ac inconsulte
 quando suam priuatam sententiam multorum iudicijs
 anteferunt. Dici enim non potest, quantum saepe malo-
 rum ex eo proueniat. Rex aliquantò post certior factus
 de illius morte, nullam dabat læticiæ significationem, et
 paucis post diebus accepit literas ab Eduardi fratre Ri-
 chardo, Duce Clocestrio, qui necatis sui fratris duobus
 filijs, principatum occupauerat, & Regis ambiebat
 amicitiam, pensionis, ut opinor, consequendæ cau-
 sa. Rex autem propter immanem ipsius & execranda
 crudelitatem, neq; legatos audire, nec ad eius literas uo-
 luit respon-

Edwardus Angliæ
 Rex subscribitur

Richardus Dux
 Clocestrie
 scribitur

luit respondere. Nam mortuo Eduardo, fidem et iusurandum, ille suo nepoti, maiori natu dederat: quod in eo fieri consuevit, quem ut magistratum, et principem agnoscimus, neque multò post, atrocissimo parricidio, ambos è medio sustulit: nec id modo, uerum etiam sorores illorum, suas neptes, frequenti conuocato senatu, pronunciauit illegitimas. Sed nō diu tulit impune. Nam Deus illi confestim excitauit aduersarium, qui in summa rerum omnium necessitate positus, imperium Anglicanum nullo iure sibi poterat arrogare: sed statumra corporis et forma erat eleganti, et multa perpeffus fuerat, maximam partem captiuus in Britānia minori. *Anno 1480.* Is adiutus à Rege Ludouico modica pecunia, et coactis per Normanniam circiter tribus hominum millibus, traiecit in Vualliam, quo in loco socer ipsius cum uiginti sex millibus hominum sese illi adiunxit, et cum intermissis aliquot diebus Richardum haberet obuium: interfecto illo, regni possessionem adeptus est. Hoc eò pertinet, ut ostendam, Deum esse scelerum ultorem, nec crudelitatem ullam impunitam dimittere. Confeflo matrimonio Flandrico: Rex omnem illam ditionem habebat pacatam. Britanni enim pace utebantur, sed tamen, quia copias equestres propius ad ipsorum fines Rex continebat: in magno erant metu. Pacem quoque colebat Hispania cum eo. Ditionem Ruscinonensem, que pertinet ad Pyrenæos montes, ac mare mediterraneum, acceperat à Ioanne Arragonie Rege, patre regis Castilie,

Castilia, qui nunc rerum potitur, & acceperat certis conditionibus, quæ modum impletae sunt. Hispanus igitur, ob eam propinquitatem, cogeatur & metuere, et sumptus facere. Italiae procures ac ciuitates, erant ab eius amicitia non alieni. De Heluetijs pro suo fratre iudicio statuebat. Scotus & Lusitanus ab eo toti pendebant. Gallia omnis ad nutum & uoluntatem eius omnia faciebat. Quicquid iussisset, è uestigio conficiendum erat, nulla uel mora uel excusatione interposita. Quæ putabantur ad ipsius ualeitudinem aliquo modo pertinere: mittebantur ad eum, ex omnibus mundi plagis. Pontifex Romanus, Sixtus, ubi cognouit, eum religiosa quadam propensione desiderare linteum illud, cui panem azymum sacrifici superimponunt, quo diuus Petrus, dum sacrum faceret, utebatur: misit ei cum alijs multis diuorum reliquijs. Illa, quæ in Rhemorum urbe seruatur pyxis, cum oleo sacro, quum ante id tempus non fuisset è loco submota: in ipsius tunc cubiculum delata fuit. Cõstituerat enim uelle inungi, ad eundem plane modum, quo fuit unctus, cum inauguraretur regno. Plerique putabant eum uelle toto corpore inungi: sed uix est credendum, propter exiguitatem olei, quod in ea pyxide conseruatur. Qui nunc est Turcarum Cæsar, per legatum mittebat ei descriptas reliquias, quæ adhuc superessent Cõstantinopoli: Eas omnes, ac ingentem præterea uim auri pollicebatur ei, quod fratrem suum, qui tum per Gallias erat in potestate

ſtate Rhodiensium equitum, & nunc à Romano Pontifice captiuus detinetur: diligenter ſeruaret. Vbi legatus in Prouinciã Maſſilienſem uenit: Rex ilico mandabat, ne longius progredetur, neq; uoluit audire. Quæ ſingula ſatis demonſtrant, in quanto eſſet honore per omnem Europam. Quicquid enim omnino pertinebat ad ipſius incolumitatem: id omne magno ſtudio fuit impenſum. Contulerat certe in ipſum Deus maximas dotes, prudentiam, liberalitatem & fortitudinem. Et quemadmodũ reliquos Principes, coæuos ſuos, uirtute præcedebat: ita quoq; illos propè omneis, & aduerſarios in primis, uitæ curriculo ſuperauit. Nam & Carolus eiufq; filia, & Eduardus Angliæ rex, & Galeacius Mediolanæ Dux, & Ioannes Aragoniæ rex, paucis annis ante ipſum, è uitâ migrarunt. Ac in his omnibus erat, quod & laudares, & reprehenderes (hoc enim humanũ eſt) In Ludouico autem Rege plurima certe erant, & uera Principis ornamenta, quod ſine adulatione omni dictum eſſe uelim. Nam eos, de quibus loquor, omnes probe familiariter noui, neque leuem aliquam auditionem, ut rem certam pono. Dum hæc geruntur, uoluit cum Delphino filio colloqui. Eum à multo iam tempore non uiderat, & ab hominum frequentia remouerat: partim ob teneram & imbecillam ipſius pueri ualitudinem partim quòd metuebat, ne Principes illo abuterentur, ad moliendum res nouas, & imperij commutationem. Quum enim ipſe eſſet undecim annorũ ado-

Anno 1480.

Iescentulus procerum aliquot impulsu, bellum aduer-
 sus parentem suscepit. Eo igitur domestico exemplo
 mouebatur, & filium, simul atq; fuit adductus, com-
 mendabat nonnullis familiaribus, eiq; magnopere
 mandabat, ne quid omnino mutaret in administratione
 regni. Et quò magis persuaderet: adferebat in medi-
 um, quemadmodum ipse à morte patris, rerum poti-
 tus, complures excellenti uirtute uiros multasset: quæ
 quidem ex re periculum sibi creatum esse dicebat, exor-
 to Principum bello, & cõmuni aduersum se coniurati-
 one facta, Paulò post hoc colloquium, & confecto ma-
 trimonio, recidit in morbum, ad eundem plane mo-
 dum, ut antea, & iam sic erat adflictus, ut manum egre
 posset ori admouere, & sine lachrymis uix poterat à
 quoquam aspici. Continuo igitur iubet accersiri gene-
 rum suum, nunc Borboniæ Ducem. Ei mandat, ut Am-
 bosam ad filium suum, Regem, proficiscatur, simul
 ostendit, quos homines ad eum admitti, quos arceri uè-
 lit & excludi, et multa dabat egregia præcepta, quæ ad
 filij institutionem pertinebant: quorum si uel partem
 aliquam ille seruasset, magno id factum fuisset & pub-
 lico Galliæ, & priuato ipsius emolumento. Post Bor-
 bonium mittit Cancellarium, & quicquid ad eius clien-
 telam pertinet, cum sigillis partem etiam aliquam suo-
 rum satellitum, & è ducibus nōnullos, item aucupes ac
 uenatores, et quicquid est eiusmodi rerum. Hos omneis
 abeuntes rogat, ut filio bonam & fidelm operam
 præstent,

praestant, ac singulis ferè mandabat aliquid, quod ad
filium deferrent. Vbi loquendi facultatem deinde se-
mel recuperavit, obtinuit eam ad extremum usque
spiritum, ex intelligendi vim habebat insignem. Cre-
bris enim euacuationibus purgabat cerebrum. Non
lamentabatur autem, ut plerique solent egroti, sed
prudenter multis de rebus differens, sexto demum
die per hunc morbum decessit è uita.

Libanus

PHILIPPI COMINAE

commentariorum Liber Decimus.



Componam ergo illius acerbitates ac
dolores, quos pertulit ante mortem,
cum ijs malis et incommodis, qui-
bus alios affecit. Magnitudine quae-
dem inter se differunt, ac longe aliud
etiam fuit ipsius munus: uerum, quò prosperiari fuit
usus fortuna, et quò maior extitit eius per omnem
Europam autoritas: eò quoque vehementius fuit ad-
flictus, dum praeter consuetudinem suam et natu-
ram aliquid perferre coactus est. In eo, quem diximus,
heremita, summam perpetuo spem habebat, ac sub-
inde missis nuncijs interpellabat eum, ut uitam sibi
produceret. Nam etsi res suae, quasi iam moriturus,
constituera: tamen redintegrato animo, sperabat se
posse euadere. Quod si accidisset: facile dissipatur

tus erat concilium illorum, quos Ambrosius ad filium
 pramiserat. Et quia spem adeo magnam in heremita
 defixerat: visum fuit Theologis, & alijs nonnullis, au-
 pte illi dicendum esse, nihil humani presidij restan-
 re, & ut de salute sua cogitet: Ei quoq; sermoni debere
 interesse medicum ipsum, Iacobum Cocterium, cui mens-
 struum dabat stipendium, decem aureorum millia. Ipsa
 duos Gallie Principes, Ducem Nemorensensem & Conno-
 stabulum, capite multauit, & quod alterum necas-
 set: iam cum esset moriturus; ipsum poenituit. Et quem
 admodum illis per homines delectos, denunciatum fuit sup-
 plicium, paucis uerbis, & breue temporis spacium, quo
 de salute sua statim rent, concessum: ad eundem plane mo-
 dum isti, nulla uerborum usi circuitione, cum ei presigni-
 ficarent mortem: Vt officio nostro satisfaciamus, aiebant,
 res ipsa postulat. Spem nullam deinceps collocare de-
 bes, uel in heremita, uel in quouis alio. Nam actum
 est de te prorsus. Itaque de uite exitu cogitare uelis.
 Nihil enim superest remedij. Ea pronunciata senten-
 tia, cum pro se quisq; breuiter aliquid ad rem dixisset:
 Ille, spero, inquit adfuerit mihi Deus, ac fortasse
 non sum tam imbecillus, quam existimatis. Quamua-
 cerbum ei fuisse credibile est, eam audire uocem? Nam
 mortem nullus unquam uehementius exhorruit: ne-
 mo etiam maiori studio & ratione de remedijs una-
 quam cogitauit, quam ipse. Familiaribus suis per om-
 nem uitam & mihi quoq; sepe numero mandauerat,

C. 11. an.

si quando ipsum in ea necessitate positum esse conspice-
 retemus, ut, nulla prorsus facta mentione mortis, ad
 peccatorum expiationem solummodo adhortaremur,
 ac uidebatur esse tunc temporis molliori animo, quam
 ut adeo duram sententiam audiret. Pertulit tamen
 omnia magno & constanti animo, ad extremum usque
 spiritum. Filio, quem tunc regem uocabat, multa uar-
 ijs de rebus nuntiabat, & ubi sacramenta nostrae re-
 ligionis ex more perceperet: multum habuit sermonem
 de ijs, quae ad filium, & regni administrationem per-
 tinebant. Hoc autem in primis flagitabat, ne Cordens
 ante sextum mensem à filio discederet, nène filius alius
 quid aduersum Caletos, aut quosuis alios moliretur.
 In consilio quidem decretum fuisse dicebat, ut Caletum
 tentaretur, & alia quadam loca: sed periculosum id esse
 indicabat, quod Angli, per hanc occasionem, denuo
 possent in Galliam excitari. Mandabat igitur, ut per
 annos quinque, uel eo plures, pacem filius coleret cum ui-
 cinis omnibus, quam tamen ipse, dum uiveret, ferre
 non potuit. Et sane, tametsi magna sit & copiosa Gal-
 lia: tamen propter superiorum annorum calamitates, pa-
 cem aliquam diuturnam ualde desiderabat. Illud etiam
 magnopere timebat, ne Britanniae dux Franciscus bel-
 lo latesset, nène praeberetur ei ulla belli suspicio.
 Dixi, quemadmodum moriendi necessitas ei non nihil in-
 scienter & asperè denunciata fiat. Verum mensibus alijs
 quot ante quam moreretur: omnes plane habuit suspec-

stos, in primis autem homines aliqua excellenti uirtute. Filio, quod cum quoque metueret, magnas potest fuit custodiat: nec erat ulli integrum colloqui cum eo, nisi ipsius concessu et mandato. Sed et filius tandem cepit diffidere, et genero suo, et indicari sibi uoluit eos, qui castellum ingrederentur. Insistuerat antea senatum in eo castello, cui Borbonius gener praeerat. Ne hunc quidem tulit, et in ijs suspicionibus, totam aboleuit. Borbonius et Comes Dunensis, legatos Flandriae, qui nuptijs Delphini interfuerant Amboase, honoris causa, quod fieri solet, deduxerant. Vbi Plessum reuertissent magno cum comitatu: et stipendarum et satellitum suorum praefectis quandam accersit, et explorare iubet, an essent armati sub ueste, sed ut dissimulante faceret, mandat, interea dum familiariter cum ijs loquitur. Multos ipse, per omnem uitam, perpetuo metu et sollicitudine excruciebat: et nunc ecce uidemus eum ad consimilem plane modum affligi. Cui enim se committat, qui liberis etiam suis, et genero fidem non habet? Hec autem non ad ipsum modo pertinent: uerumetiam ad eos omnes principes, qui metui uolunt. Quae quidem in re quanta sit seruitus, quum ad senectutem peruenierunt, tunc demum aperte sentiunt, quia coguntur inuicem plurimos formidare. Quam fuit autem illi acerbum et durum, in eiusmodi metu uersari? Medico suo menstruum dabat stipendium, ut supra quodque

que diximus, decem aureorum millia: nec id modo, uerum etiam Episcopatum Ambianensem; eius nepoti, et munera publica multa largiebatur eius propinquis et amicis. Et tamen medicus tam erat uerbis in eum asper et durus, ut nihil supra: ualde igitur eum Rex metuebat, et ad suos familiares, de illius asperitate nimia, sepe querebatur, neque tamen audebat eum a se dimittere. Nam ille pro sua consuetudine seuerius aliquando interpellans: Non dabit, quin me quibuscumque sis eiekturus; ait, sicuti reliquos omnibus: uerum sanctissimo iuramento tibi confirmo, post meum abs te discessum, non te uicturum esse supra octauum diem. Ea uoce magnopere perterritus, adulabatur illi modis omnibus, et amplissima donabat munera. Sed qui tantam plurimis annis ad omnes Principes atque populos habuit authoritatem: ei non potuit non esse ea seruitus longè acerbissima. His, qui deliquissent, graues admodum poenas constituit, ut supra diximus: ideoque carceres parauit horrendos, et ualde tetros, nempe caueas aliquot, partim ferreas, partim ligneas, ferreis laminis coopertas, latitudine octo pedum, et altitudine paulò maiori, quàm est statura hominis. Excogitauerat hæc rationem Cardinalis Baluësis, et in eam, quæ primò perfecta fuit, inclusus est ipse, perque totos quatuordecim annos detentus. Post hunc alij multi sunt eas execrati, et ego quoque captiuis in ijs, per menses octo sum, madata re-

gis, qui nunc praest. Compedes etiam ferreas longè gra-
uissimas à Germanis fieri curauit, quibus ligaretur crura.
Pedes uinciebatur annulo ferreo, ab eo pōdebat im-
manis quaedam cathena, et ad eius exitū maximi pon-
deris globus. Vidi nō paucos, magna uirtute uiros, ipsi
uinculis constrictos, qui postea liberati, summos ab eo,
consecuti sunt honores, ac fortunas amplissimas. Et sic
cut per ipsius imperiū carceres illi finestri fuerūt inuen-
ti: ad eundem planè modū ipse quoq; ante mortē, con-
siquilibus omnino uinculis sese induit, inq; maiori uersa-
batur metu, quā illi, quos aliquādo captiuos detinue-
rat. Quod eo pertinet, ut ostendā, neminē esse omnium
hominum, qui nō aliquo dolore et incomodo afficia-
tur. Postremo, densis ac ferreis cancellis totū castellum
cinxit. Hi cū essent proxime murū, ad uestibulū perti-
nebant, ut supra quoq; diximus. In fossa perpetuo ex-
cubabant deni sagittarij, quibus mandauerat ut in om-
nibus, qui alieno diei tempore appropinquassent, tela
conijcerent. Sciebat quidē hanc munitionem non posse
maiori alicui ui resistere: uerū eo spectabat potius, et
omni ratione prouidebat, ne Principes, cōtratione fa-
cta, partim ui et imperio, partim gratia castellū occu-
paret, et sumpta auctoritate, in ordinē ipsum cogerēt,
ut hominē parum sanæ mentis, et administratione in-
dignum. Antē octauā horam nō aperiebatur porta cas-
telli, et tunc solum admittebatur eius domestici famu-
li, et praefecti, ac centuriones: qui et ad uestibulū et
ad

ad portam disponebat custodiam, quemadmodum in locis
que sunt ad hostium fines, fieri consuevit. Ingressum
autem erat omnibus, non quidem per patentem portam,
sed per parvulum ostium, et præter paucos aliquot
familiares, quorum erat opera necessaria, nemo quise
quam, nisi voluntate ipsius, introibat. Quid? an
aliquis arctiori custodia coerceri possit: quam ille seip-
sum cohibuit? Eæ, quibus alios complures aliquando
constrinxerat, caueæ erant altæ, pedes octo: et ipse tan-
tus princeps habebat perexiguam, in quo decubula-
ret, vestibulum. An non maximas credibile est eum fuisse
acerbitates: qui se ad eum modum inclusit ipse? qui pro-
pinquos et necessarios omnes ita intuebatur, ut suam
salutem non auderet eorum fidei permittere? Quanto autem
maior erat ille carcer, quo se induit, quàm sunt plerique
lij tantò quoque præstator erat ipse et amplior, quàm
lij captivi. Sunt fortasse, qui putent, fuisse aliquando
principes, magis quàm ipse fuit, suspiciosos. Equidẽ pro-
to, nostris quidẽ temporibus, neminẽ suspicionibus in-
dulsisse magis, quàm illũ, et uix est, ut aliquis tam priu-
dens, et qui populũ habeat tam obsequentiẽ, quàm ipse
habuit, in eam partẽ sic incumbat. Et ut aliqui sint ho-
die tales, aut extiterint aliquando: ij fortasse malè sibi con-
scij, propter antea crudelitatem, magnas habuerunt
metuendi causas. Ipse uero neminẽ nisi à quo primũ esset
lesus, offendit. Et hæc omnia recto, non solum, ut in quãto
mixerit pangere ac metu, demonstrant, etiam ut ostendat

eam, primam: fuisse in his afflictionibus constantem
 illius tolerantiam, qualis fuit eorum, quos ipse alia
 quando diuexauerat; deinde, ut qui post eum uen-
 turi sunt, maiori clementia et humanitate traserunt
 populum tractent, neque tam secura supplicia fla-
 tuant, quam ipse fecit. Quamquam alioqui nescio,
 an meliorem uiderim Principem. Nam etsi magnos
 pere suos premebat: tamen in alio non erat idem la-
 turus. Ab ista tandem acerbitatibus eripuit ipsum Deus,
 absque ullo maiori corporis cruciatu, qui quidem de-
 prehenderetur. Loquebatur autem continenter ad
 extremum usque spiritum, deoque sepultura constituit,
 ex quibus deduci uellet funus, precepit: ac sub-
 inde dicebat sperare, non se moriturum ante diem
 sublati, idque beneficio diue Virginis, quam religio-
 se, admodum per omnem uitam coluit, et ita quidem
 accidit. Cum enim die lune postremo correptus esset
 morbo: sequenti postea die sabbati e uita decessit, se-
 cundo calendae Septembris. Parum certe spei et
 presidij uulgo hominum in rebus humanis reliquunt
 sibi esse uides: posteaquam tantus Princeps, defun-
 ctus plurimis grauissimisque laboribus et curis, co-
 actus est tandem omnia relinquere, neque momentum
 aliquod temporis uite curriculo potuit adijcere, quan-
 tum enim cuperet. Familiariter eam et domesti-
 ce uici: sed nullum habuit fore tempus, a labore et
 sollicitudine uacantis remotionibus uacare et docere
 pjs

ipsius multum delectabatur. Interea dum uixit tam ex,
 non festabatur alienos amores. Nam quo primam
 tempore ad ipsum accessi: mortuum est ei filius, gra-
 uissimo ipse cum dolore, atque tum me presente uo-
tum Deo faciebat, nullius fornicis notitiam se habita-
turum esse, praterquam uocis. Et quanquam hoc
 ad eius officium aliqui pertinebat: tamen ea uirtus
 et constantia multum in ipso laudanda fuit, preser-
 tim, cum et obsequentes haberet plerasque omneis,
 et ipsius uxor non esset ea forma, qua magnopere
 aliquem afficeret, tametsi alioquin egregia et bone-
 sta femina. In uenationibus autem non minus mo-
 lestia, quam uoluptatis percipiebat, ex ingenti labo-
 re, dum incitatis equis confestabatur ceruos. Exa-
 pergesfactus enim prima luce, prodibat in campum,
 et longius aliquando, quouis etiam caelo: et non
 nunquam domum redibat multum defatigatus, et
 maximam partem iratus alicui suorum comitum, ut
 in eo genere exercitationis fieri consuevit. Huic stu-
 dio uacabat plerumque, donec nona re aliqua obla-
 ta reuocaretur. Nam per aetatem serè intercedebat
 aliquid inter ipsam et Carolum dissidij: hyeme uero
 pasciscabantur induciis. Erat ei de Ruscinonensi di-
 ctione controuersia, cum Ioanne Arragonie Rege,
 patre regis Hispaniarum, eius, qui nunc principatum
 obtinet. Qui licet exiguis esset facultatibus, et Bare-
 nonenses, cum tantum est longe amplius auctoritas

tati illius orae maritimae, haberet aduersarios: tamen,
 quoniam Rusconensi populo erat acceptus, diu mul-
 tatusq; resistit. Premebatur ergo Ludouicus perpetuis
 curis, ut ante diximus, et in ocio, quod fieri solet, erat,
 maxime negociosus. Varijs enim occupationibus distin-
 gebatur, nec sua tantum curabat: verumetiam alienis sese-
 immiscebat. Exorto bello, cupiebat pacem aut inducias,
 facta uero pace, nix continere se poterat, quin aliquid
 denuo moliretur. De minutissimis etiam rebus, et quae sa-
 cile alioqui poterat negligi, prorsus uoluit cognoscere.
 Et sic erat eius natura, ut ista curiositate quodammodo a-
 leretur. Ac sane ualebat memoria, supra quam credi
 possit, et quid per oēs Europae provincias gereretur,
 maxime aut in finitimis regionibus, optime tenebat:
 magnus profecto uir, et idoneus, qui non unum aliquod
 regnum administraret, sed toti terrarum orbi consilio sua
 prouideret. Quae fuerit enim adolescētia, non dicam, eo
 quod nihil habeo comperti. Veruntamen cum esset undecim
 annorum, instigatus à nonnullis, inimicis aduersus
 parentem suscepit. Grandior autem factus, uxorem duxit in-
 nitum, Scotiae regis filiam, et quam diu illa uixit, grauiter
 hoc matrimonium tulit. Ab eius morte, factionibus nobi-
 lium adductus, in Delphinatum, quae quidem provincia ad
 ipsum pertinebat, sese recepit. Sectabantur enim multi bo-
 nesti et egregij uiri, plures etiam, quam pro ipsius fa-
 cultatibus. Dum istis locis moratur, contraxit matrimonium
 cum filia Sabaudiae Ducis: neque multo post, ortum est inter
 ipsum

ipsum et focerū grave disfidum, et bellū ualde asperū.
 Carolus septimus, pater, cū uideret eū nimis habere ma-
 gnā optimarū ducum et nobilū manū: statuit eū
 proficisci cū exercitu, ut his praesidijs ipsum denudaret à
 ingressus iter, missis literis, et magnis ex more con-
 stitutis pecnis, denunciabat nobilitati, ut è uestigio ad
 se redirēt. Ei mandato complures obtemperabāt, inui-
 tissimo Ludouico qui patris irā ueritū, tametsi co-
 ctas haberet copias: relicta provincia, et per Burgūdia
 am facto itinere paruo comitatu cōtulit, se ad Philippū
 Caroli patrē, à quo liberaliter fuit et amāter exceptus.
 Et quanquā hac ratione subleuabatur aliquantulum: ta-
 men quotidianis impensis diminuta pecunia, cogebatur
 sepe ab alijs mutuari nō absq; magna sollicitudine, ne
 deferretur à suis. Quod certe graue admodū est et a-
 cerbum ijs, qui difficultatib. eiusmodi nō assueuerunt.
 Itaq; nec in Burgūdica quidē familia uixit absq; mole-
 stijs. Nā et Philippus Princeps erat ei obseruādus, et co-
 ius necessarij, ne fastiderēt. Hesit enim ibi per sex an-
 nos, atq; interea pater urgebat Philippū per legatos, ut
 eum uel deferret, uel ad se remitteret. Quo quidē tem-
 pore facile intelligi potest, in quantis ille fuerit angus-
 tijs. Quodnā igitur queso tēpus habuit uacū à labo-
 ribus? Opinor equidē, inde à pueritia, perpetuis, eū fu-
 isse agitātū curis, ad extremam usq; uitae diem. Attingit
 annum sexagesimum primū, et indicat ipse non se
 nictarum esse supra sexagesimum, ac dicebat, Gallia
 Reges, à multis temporibus eam certamen non egi-

24 COMMENTARIORVM

cessisse. Hinc de Carolo uideamus etiam : is nullis se-
re melius habuit. Iuuentibus quidem annis in ciuitate ui-
xit, et ante uicesimum secundum etatis annum, nul-
lis inuiscabatur negocijs. Postea uero cepit disiden-
re à praefectis domesticis, cumq; uideret eos gratia et
fauore patris subleuari : discessit in Hollandiam, et
liberaliter exceptus à populo, consilia sua cum Gans-
dauensibus communicabat. Nullas ipse quidem sa-
cultates habebat : sed Hollandi locupletes atque co-
piosi, plurima donabant. Idem erat studium aliarum
quoque ciuitatum, ut ad ipsius benenotentiam aditum
sibi pararent. Sic unum est comparatum in rebus hu-
manis, ut quorum uirescere uidemus potentiam : eos
magis obseruemus, quam illos, qui in supremo gradu
positi, non possunt amplius progredi. Hoc etiam Phi-
lippus non ignorabat, qui cum audiisset, Carolum es-
se non ingratis Gandauenfibus : respondit, perpe-
tuum esse eius populi consuetudinem, ut futuros qui-
dam principes diligat : ubi autem ad imperium accesser-
int, exosos habeant. Et uerè quidem istud dicebat.
Posteaquam enim ad Carolum delata fuit summa res-
pura : mutauerunt uoluntatem atque studia ; nec id ob-
scure sepius declarauerunt, et ipsius posteritatem ma-
ximis affecerant incommodis. Atque, ut ad institum
non reuertit, Carolus inde ab eo tempore, quo Gala-
lia Principibus confederauit, bellum regi fecit, quid-
ammodo, ut nunc solent declarationes habere. Aut quia
non amicum suum in imperio uidebat, aut quia

bus non curis atque laboribus suis obnoxii? Prospere
 cursu fortuna sublatu, initio cogitabat, quicquid
 erat usquam, sibi suisque finibus conmodum et opor-
 tunum, occupare, et per aetatem ferre contin-
 nebat. exercitum in acie, non absque magno periculo.
 Sollicitudinem vero in se recipiebat omnem, ac licet eo-
 rat potentissimae ambiebat tamen multo maiora. Pri-
 mus omnium ad Laborem surgebat, et postremus quies-
 ci sese dedit, non secus ac si calonum fuisset omnium mi-
 litarum. Per hyemem, si quando, a bellis abstinere,
 totus in hoc erat, ut pecuniam conquiret. Hinc con-
 suetudo si forebat, ut ab hora sexta, mane, plurima
 mun temporis impenderet scriptis occupationibus. Hoc
 ei incundum erat in primis. Magno etiam studio lega-
 tos externorum Principum audiebat, et in his defati-
 gationibus uita finit, occisus ab Helvetijs, ante Myr-
 ocium, ut supra docuimus. Posteaquam igitur ani-
 mus semel adiecit ad cupiditatem et ambitionem, quia
 quid esse potest in uita suauitatis, amisit. Quorsum
 uero pertinebat, ut ipse, qui tam erat potens, qui tam
 multas, tamque copiosas et locupletas tenebat non ar-
 bes modo, sed et provincias, quae ad omnem felicita-
 tem ei satis esse poterat, eiusmodi sese laboribus oc-
 ciaret? Ad Angliae regem Eduardum nunc transiunt
 is adolescentulus admodum, patrem suum, Ducem
 Eboracensem, uidit profligatum et interfectum in pro-
 elio, cumque eo patrem Cantuariensis, qui pro-
 pter

sedibus accendere, quem deinde non possis, nisi maxi-
 mo tuo detrimento, restringere. Nam qui principem à
 se uident alienatum esse, ij ferè nouas incipiunt tentare
 amicitias, et illis libenter se cōiungunt, quos dissidere
 putant ab eo, què sui aduersarij partes tuari uident. At
 ut nullum extet aliud documentum: certe factiones illa-
 rum Aureliane et Burgundice familie, periculi ma-
 gnitudinem et luctuosos exitus demonstrare nobis
 possunt. Ex ipsi enim ortum est bellum, quod per sex-
aginta duos annos durauit, cui permixti Angli, ma-
gnam Gallie partem occuparunt. Sed ut reuertar, una
 de sum digressus: Eduardus rex erat omnium hominum
 sui temporis longe formosissimus. Constitutus aut res-
 bus, et prosligatis aduersarijs, planè se dabat uolup-
 tatibus et ocio, et uenationibus, atq; ad hunc modum
 per sedecim propè annos uixit suauiter, quo quidè tem-
 pore natū est dissidiū inter ipsum et Beruicensem. Et
 quanquam ab eo fugatus fuit et eiectus è regno: breui
 tamen post tempore, redintegratis uiribus omnia recua-
 perauit, eoq; bello confecto, rediit ad consuetum uitæ
 genus, eiq; multò magis etiam indulgebat quàm antea,
 planè securus, et corpori curādo solum intētus: Verum
 in etate scōpi poenas dedit intemperatiæ, et repenti-
 no ferè morbo sublatu, periit, filijs ipsius interceptis, et
 regni possessione ab eiꝯ ablata stirpe, sicut suprà de-
 monstrauimus. Ab hoc ueniendū est nobis ad alios. Hun-
 garie aduistrationem obtinuit nostra memoria, Ioan-

nes Huniad, è Moldavia, vir excellenti et prædara
 virtute, qui multis præliis devicit Turcas, Hungarie
 vicinos, propter occupatos in Grecia finibus ex Scla-
 vonia, provincias. Eo mortuo, grandior factus
 Lancelotus, Hungariam et Bohemiam ad se iure
 transtulit, et impulsus à nonnullis familiaribus, ut
 fertur, Ioannis Huniad filios duos comprehendit, as-
 firmans, illum, se parvulo, nimiam usurpasse potes-
 tatem, et periculum esse, ne filij, patris insisteret ve-
 stigij. Maiore igitur necato, alterum Bude servari
 iussit, neque multo post è vita decessit, veneno subla-
 tus è medio, Praga, quæ Bohemorum est urbs ampli-
 Bona. Consuetudinem habebat ijs locis, cum foemina
 quadam nobili, quæ graviter ferens, illi in matrimo-
 nium ducere Caroli septimi, Galliarum regis filiam, con-
 tra datam sibi fidem et promissum: in balneo posuimus
 ei dedit, per medium cultello divisum, qui veneno tin-
 ctus erat. Ab eius morte, proceres Buda conveniunt,
 regis creandi causa, qui mos ipsorum est: quoties non
 solictis liberis, è vita rex decessit. Dum ibi concilium
 habetur: venit eò Mathie mater amplissimo comita-
 tu, locuples admodum mulier quò facilius erat ei, bre-
 vi tempore magnum aliquod satellitium cogere. Cre-
 dibile est, fuisse in eo principum et nobilium certu,
 et in urbe, qui rebus ipsius fauerent, ob mariti re-
 centem et claram memoriam. Posteaquam eò venit,
 filium è carcere exiit. Rex nobilitate complens, et
 ecclesia

fici ordinis nonnulli, metu periculi statim profugerunt:
 reliqui Mathiam creaverunt Regem, cuius maxima fuit
 et singularis tum uirtus, tum felicitas. Multa enim fe-
 cit secunda prelia cum Turcis, nullo cū Hungariae de-
 trimento, sed maximo illius commodo. Cesari Frideri-
 co, qui rerū adhuc potitur, Austriam eripuit, eamq; te-
 nuit, quamdiu uixit, Summa prudentia & consilio, res
 suas, tam pacis quàm belli temporibus, administrabat.
 Postremis uitæ annis, cū hostem nullum amplius me-
 tueret, magnifice dōmum instruxit, & ornauit omnis
 generis exquisitis rebus. Quicquid esset grauium
 negotiorum: alit ipse procurabat, aut quomodo fieri
 uellet, suis mandabat. Elafit tandem aliquanto cruden-
 lior, & metui uolebat à suis. Morbo deinde correptus
 non sanabili: circiter uicesimum octauum ætatis an-
 num, post multos & arduos labores, Viennæ, ad
Danubium, mortuus est: Turcarum Cesar Mahome-
 tus, nostra memoria, prudens fuit, et insignis Princeps;
 uerum dolo contendebat, & insidijs nitebatur magis,
 quàm uirtute. Cum uigesimum tertium annum ageret:
 Constantinopolim ui cepit. vidi depictā eius effigiem in
 illa ætate: & certe magnam aliquam indolem, ac præ-
 stans ingenium uidebatur representare. Expugnauit eam
 urbem, ut dixi, maximo nostri orbis dedecore, & sum-
 mo cum detrimento. Fuit interfectus ibi Cesar ipse Ori-
 entis, cum infinita hominum multitudine: uirgines ui-
 ciatæ complures, ac honestissimæ nobilissimæq; formis

Mathias
 Hungaricus rex
 mortuus Viennæ

Mahometus
 23 annis
 cepit Constantinopolim

na maximo numero miserabiliter stuprata: breuiter,
 inhumanitatis et non humane uolentie genus nullum
 fuit ibi pretermissum. Prima hac erat illius uictoria,
 qua deinde summa felicitate profecutus est. Nam me-
 mini, cum Venetorum legatus recitaret Carolo, illum
 cepisse duo Imperia, quatuor regna, et urbes ducentas.
 Loquebatur autem de Constantinopolitano et Tra-
 pezontino imperio, et Siria et Armenia et Pelopon-
 neso, iuxta qua multas occupauit insulas, et in his Min-
 tylenem. Albaniam quoque fere cepit omnem, atque Scla-
 uoniam. et hec quidem omnia nobis, qui Christiano no-
 mine censetur, ademit: sue autem religionis Principes
 non minus bello uexauit, quam nos, et ex ijs complures
 ad extremam inopiam redegit. Maximam negotiorum
 partem tractabat ipse, quemadmodum et Ludouicus,
 et Mathias Hungariae Rex. Ac sane fuerunt hi tres omne
 nium sue etatis fortissimi prudentissimique principes: ue-
 rum Ludouicus et humanitate, et honesta uiuendi ratio-
 ne illos longe precedebat. Quantum ad delitias ac uo-
 luptates attinet, totus in illis fuit immersus Turcarum
 Cesar, et maximam temporis partem illis impendit,
 et a nulla prorsus uite turpitudine aut foeditate absti-
 nuit, eaque intemperantia deinde morbum ei concilia-
 uit longe grauissimum. Quotannis ad initium aestatis,
 ut audiui ex ijs, qui uiderunt, intumescere ei alterum
 cruris magnitudine fere corporis: et plaga non appare-
 bat ulla: remittebatur deinde tumor, nec ullus unquam
 chirurgus

chirurgus aut medicus, quid esset morbi, dijudicare po-
 tuit. Hoc unum affirmabant plerique, luxum & uitæ
 intemperantiam esse in causa. Conspiciebatur autem
 à paucissimis, & in curru quodam artificiose sabrefa-
 cto sese continebat, ut ne quàm esset macer & extenu-
 atus, uideri posset, & ne sui contemptus aliquis ex eo
 nasceretur. Ad quinquagesimum secundum ætatis an-
 num è uita decessit, repentina ferè morte. Testamentum
 fecit, cuius exemplar ipse legi, ac inter alia dolebat ei
 plurimū, quòd extra ordinem suis prouincijs impera-
 set pecuniam. Quid circa mihi uide, quid nostri Princi-
 pes facere debeant, qui certe ius nullum habent, onus
 aliquod imponendi inuito populo. Videmus hic in-
 tra quàm breue tempus, quàm multi potentes ac sum-
 mi reges mortui sint, posteaquam ingentes sumpserunt
 labores, ut aufererent & locupletarentur, cū maximo
 procul dubio corporis, ac etiam animæ fortassis detri-
 mento. Nihil igitur est præstabilius mediocri uitæ gene-
 re, quod qui potest assequi et tueri: is omnium certe est
 felicissimus. In rebus humanis ita comparatum est,
 ut nullus ferè sit populus, cui non æmulum aliquem &
 aduersariam Deus excitarit. Gallis opposuit Anglos,
 & Anglos Scotos. Hispanis perpetua quedam similitas
 intercedit cū Lusitanis. Italie Principes magna ex par-
 te retinent possessiones nullo ferè titulo, & acerbe suis
 imperant. Iis aduersantur reliquæ potentiores ciuita-
 tes, Venetia, Florentia, Genua, nonnunquam etiam

34 COMMENTARIORVM

Dononia, Sena, Luca. Arragonie Reges oppugnantur
ab Andagauorum Ducum familia. Mediolani et Insu-
bria uice Comites, ab Aureliana domo. Venetis sunt in-
festi Principes, Itali et Florentini. Senesēs autē et Ge-
nuates oderunt Florentinos. Genuates laborāt et sunt
diuisi ciuilibus factionibus Fregosiorum, Adornorum,
et Auriorum. In Germania magne sunt inter Austria-
cam et Bauaricam domū emulationes, et quae sunt ex
Bauariae Ducum stirpe natæ familiae, inter se ipse disti-
dent. Austriacis Principibus magnum est et graue odia-
um cum Heluetijs. Impugnantur à Cluiensibus Geldris,
et hi ualde sunt iniqui Iuliacensibus. Quae sunt ad Ocea-
num Germanicum et Balthicū mare ciuitates, bella se-
pe gerūt cū Daniae Regibus. In Germania plurimae sunt
arces atq; castella munita: quae res licentius agendi mult-
is occasionem praebet. Nam unus aliquis famulo tan-
tum comitatus, ciuitati cuiuspiam denunciare audet inia-
micitiam, confisus aliquo castello, in quod receptum ha-
bet, et socijs aliquot equitibus. In hoc genus hominum,
Germaniae Principes non admodum adinaduertunt,
quoniam ipsorum opera nonnunquam utuntur: Ciuio-
tates autē, ubi facultas eis datur, seuerissime puniunt,
et facta coniuratione, circumuallant aliquādo recepta-
cula illorum et demoliuntur, simul in eos usus aliquos
equitum cohortes alunt. Atque is est per Europam re-
rum status. Quid per Asiam et Africam fiat, nō habeo
compertum: sed dicuntur inter se, non minus quā
nos,

Nos, inò turpius aliquantò disfidere. Nam in seruitus-
tem se pertrahunt ipsi, seq; inuicem nostris hominibus
uenundant, & uidemus, quàm multi quotidie ad Lusita-
nos deportentur. Apparet igitur has diffensiones, ue-
luti stimulum quendam, in rebus humanis esse necessa-
rias, ac mihi quidem tametsi literarum nullum usum ha-
beo, sic uidetur, potissimum uero, propter quorundam
Principum ignauiam & malitiam, qui ingenij quidem
satis habent & cognitionis: uerum abutuntur eis, neq;
ad res honestas accommodant. Doctrina enim uel me-
liores reddit homines, uel deteriores, pro cuiusq; natu-
ra & inclinatione: sed tamen uerisimilius est aliquem
ea fieri meliorem. Nam quò quisq; magis, quid se dece-
at, intelligit, eò uehemētius ipsum neglecti pudet officij:
& etiamsi nō omnino sibi temperet à maleficio: tamen
ne plane modum excedat, cauet. Ac istud quidem usui
compertum habeo. Multos enim noui, quos à prauis
& illaudatis consilijs eruditio sola retraxit. Huc etiam
accedit metus diuini numinis. Quanta enim sit pecca-
ti magnitudo, et quantopere Deus offendatur flagitijs:
docti non paulò melius, quàm homines imperiti, cog-
noscunt. Qui sunt igitur male instituti Principes, quan-
tum sit minus, quod acceperunt à Deo, non intelli-
gunt, & ipsorum familiares, ne malam gratiam sibi
concilient, dissimulant: & ut ex omnibus fortè sit unus,
qui fideliter admoneat: is tamen suae sententiae nullos
habet approbatores, ac ferè sit, ut ridiculus habeatur.

Est sane quaedā nobis innata prauitas, adeo magna quā-
dem, ut nulla plane ratio nos ab iniurijs et uolentia
coherceat. Potentiores ubi castellū aut oppidū eripue-
runt alicui, quacunq; de causa: nolunt à possessione de-
inde discedere, et ubi semel aliquem obduxerunt colo-
nem, cur ita fecerint: accedit postea propinquorum et
adulatorum assensus, qui hæc omnia collaudāt. Magna
certe est multorum Principum iniquitas, qui pecuniam
pro sua libidine suis imperant, et amplum alunt satel-
litium, ut miseram multitudinem in metu contineant,
eamq; deinde pecuniam temere et uoluptarie profun-
dunt, nullo cum Reipub. bono, et de quotidianis sum-
ptibus nihil remittūt, et suos exhauriunt, et assentato-
rū stipati sunt turba. Sed est Deus, qui flagitium nullum,
sanit impunitum, et crudelitatem imprimis detestatur.
qui tametsi non loquitur hominibus hodierno die, sicut
priscis illis temporibus, tamen quæ sit sua perpetua
sententia, et quid à nobis fieri uelit: clare per scriptum
reliquit, ita quidem, ut nemo plane, qui modo sit sanæ
mentis, et qui ad iustam aliquam peruenerit etatem:
excusandi sit habiturus locum. Illi igitur, qui ui et ar-
mis imperia sua continent, et quoties aliquid mandant,
capitis constituūt pœnam: ad supremum illud tribunal
Dei quomodo consistent? Multa sepe crudeliter et ini-
que et insidiosè faciunt, dum speciem aliquam iustitiæ
pretendunt. Nam habent eos, qui ius dicunt, suarum
cupiditatum plerumq; ministros, et quantumuis leua-
delictum

delictum exaggerant. Si capitale nihil deprehendunt: rationes excogitant, ut eum, cui male uolunt, immensis varijsque sumptibus defatigent, dum & accusatorem non sistunt, & testimonia non cognoscunt, & auidè expectant, nam criminationē aliquis in eum qui captivus detinetur instituat. Quòd si parum tuta uidetur hæc uia, neq; satis ad ipsorum uoluntatem accommodata: nouis utuntur per fugijs, et præ se ferunt, exempli statuendi causa, tali fuisse opus animaduersione. Si quis autem est ipsorum cliens ac beneficiarius: in eum multò sunt asperiores, ac contra officium & fidem, qua sit obstrictus, eum aliquid egisse confirmāt, et eò totis uiribus incumbunt, ut aut facultatibus omnibus eum exuant, aut alioqui uarijs modis affligāt. E uicinis, qui sunt potentiores ac minime stolidi, eos sinunt uti pace: uerum, si quis est infirmior, eum sic perturbant & exagitant, ut quò se tandem recipiat, uix habeat. Causam facile inueniunt: subministrauerit, ipsorum aduersarijs auxilia, uel tale aliquid. Quamobrè aut in ipsius ditiorum, coactam aliquam militum manum adducunt, ut ibi sumptu miserorum alantur, aut alienam aliquam letem aduersus eum, suam facient, aut eius inimicos ope subleuabunt, aut quamcunq; aliam nocendi rationem inuenient. Si quis ipsorum parentibus bonam & fidelem operam præstitit: eum loco submouent, & nouos sibi parant beneficiarios. Ecclesiastici ordinis hominibus molestiam de sacerdotijs creant, ut saltem aliquid

extorqueant, quo deinde locupletent & augeant eos, qui plerumq; nullum ipsis honestum exhibuerunt officium. Nobilitatem multis uarijsque laboribus & impensis exhauriunt, quando bella pro sua libidine & arbitratu suscipiunt, incōsultis ijs, quorū absq; uoluntate & consensu nihil tale mouere debebāt. Cum enim equestris ordinis homines ac uiri nobiles, non modo facultates omnes, uerumetiam uitam & sanguinem in bella profundant: aquisitum est profecto, ut prius, quam suscipiatur bellum, eius rei consilia cum ipsis communicentur. Quantum ad promiscuam & miseram multitudinem attinet, nihil plane reliquum eis faciunt, & quum tributum ab eis præter omnem modū & equitatem exigant: quo minus ab equestribus etiam cohortibus, quas alunt, diuexentur, non cauent: quæ quidem cohortes obequitant huc illuc perpetuo, & non solum uiuunt sumptu miserorum sed etiam proterue & insolenter in eos multa faciunt. Nec enim contenti sunt ijs, quæ passim in agris reperiunt, uerū miseris etiam hominibus uim adferunt eosq; cogunt longius abire, & aliunde adferre cibaria delictiora: mitto, quod uxorū quoq; & filiarum pudicitiam tentant. Huic autem incōmodo facile posset occurrī, si bimestri quouis dependentur eis stipendia, quibus aluntur alioquin ex publico. Sic enim nullam essent habituri causam, qua se purgarent de iniurijs illis, quas inferunt, neceitate quadam, ut aiunt, eo quod ipsis non persoluitur. Atq; istud
de Gallia

De Gallia proprie dico, quæ præter omnium aliarum gentium morem, miserabiliter his direptionibus uexatur. Aliæ provinciæ suæ etiam habent incommoda. Et ut ad institutum reuertar, nemo est omnium Principum, qui ius habeat, uel teruncium unum exigendi à suis, præter constitutum annum censum, nisi populus esset sentiat. Dicat aliquis fortasse, nonnunquam incidere tempus aliquod, ut non sit integrum, agere conuentus, aut conscribere populum, eo quod eiusmodi mora et coniuncta sit cum periculo, et belli rationes impediatur. Nihil hoc certe ad rem facit. Nam ut bellum suscipiatur, graui quadam et matura opus est deliberatione, neque subito uel precipitanter aliquid in eo fieri debet. Deinde, quando reges de communi populi consensu rem gerunt, et sunt potentiores, et ab hoste magis metuentur. Nullum enim tam subitum oriri potest aut moueri bellum, ex longinquo præsertim, quin multo antea sentiat. Et quoties tale aliquid incidit: populus libenter sua conferre debet, ac modis omnibus auxiliari. Sed ipsorum Principum est etiam providere omni ratione, ne leue aliquod bellum pro sua libidine et temere suscipiant, quo per hanc occasionem pecuniam à suis extorqueant. Ad finium tuitionem opus est baud dubie sumptus facere, etiam pacis tempore, ne inopinantes opprimamur: sed moderate omnia fieri debent, atque totum hoc in Principis positum est prudentia. Per omnem Europam, quod ego quidem nunc, bella temporibus

animus affligitur in Anglia populus, & calamitas tota
 redundat in dissensionum ac belli authores. Sunt Prin-
 cipes, quibus hoc frequens est in sermone, ut dicant, ha-
 bere se privilegia, ut quantum uelint, exigant à popu-
 lo. Certe Galliarum Rex omnium minime causam ha-
 bet, ut istud de se iactet. Nec enim uel ipsi, uel cuius
 alij licet. Qui uero comparande gratie causa, potesta-
 tem hanc illi tribuunt: ij certe parum liberaliter agunt,
 & provide. Quid enim finitimorum uoluntates aliena-
 re magis possit, quàm eiusmodi uoces atq; licentia? Ve-
 rum si rex ad hunc modum diceret, habere se populum
 fidelissimum, qui libenter imperata faciat: qui nullum
 onus recuset: qui patientissime quiduis toleret: qui dan-
 tum acceptum moderatissime ferat: maiorem sane lau-
 de ex eo sit habiturus, quàm si prius illud dicat, suumq;
 priuilegium sibi diligenter seruandum esse conten-
 dat. Non sic loquebatur Carolus Quintus, Galliarum
 rex, neq; uero aut Ludouicum, aut eius filium, qui nunc
 praeest, sed ipsorum familiares audiri non semel in eam
 loquentes sententiam: & prudenter quidem ipsorū iu-
 dicio, sed reuera faciebant hoc, partim adulatione, par-
 tim inscientia rerum. A morte Ludouici Regis conuene-
 runt omnes Gallie ordines, ut de summa imperij statu-
 erent. Non deerant id temporis imperiti quidam &
 uetus conditionis, ac nullius usus homines, qui dice-
 bant eiusmodi conuentus ad crimē laesae maiestatis per-
 uenire, quod regum immutatur eo ipso potestas. Ve-
 rum qui

rum qui sic loquuntur, scelere se polluant, gravissimèq;
dubio procul & Deum & Rempublicam offendunt. Nam
eiusmodi uoces solum spectant ad priuatam uti-
litatem eorum, qui nullo suo merito uel uirtute, autho-
ritatem obtinent, qui ad nullam rem honestam idonei;
clandestinis susurationibus Principum aures demul-
cent, & gratiam eblandiuntur, qui couentus idcirco:
metuunt, ne ipforum detegatur improbitas. Dum istud
apud Turones concilium habetur: Gallia uehementer
erat afflicta. Nam per uiginti & eò plures annos gra-
uissime uexata fuit exactionibus. Carolus enim septimus:
quod et supra diximus, imperabat solum duodeuigiesies
centena francorum millia quotannis: Ludouicus autem
tem filius, ad quadrages et septies centena millia, præ-
ter eos sumptus et operas, quæ faciendæ erant, deducen-
dis tormentis & consimilibus rebus. Itaq; miserrimum
erat spectaculū, uidere multitudinis et populi ærumnas.
Hoc tamen erat in eo boni, quòd auare nihil agebat, om-
nemq; pecuniam impendebat in ædificia, munitionesq;
locorum. Ecclesijs etiam plurima donabat, & præ-
fuitisset, eum hac parte minus fuisse liberalem. Spo-
liabat enim tenuiores ac inopes, ut eos, qui alioquin abun-
dabant, locupletaret. Ab eius igitur interitu magnæ
fuerunt natæ diffensiones. Principes enim ac reliquæ
ordines, facta rebellionē aduersus filium eius, qui nunc
præest, cogitabant alium regem constituere, uel ita sal-
tem cohercere illum, ut ne regnum obtineret potestati-
tem. Sed

tem. Sed mitigati tandem, iussurandum & fidem illi ex more dabant, & ex omni numero delecti fuerunt duodecim, quorum ille secutus consilia, tredecim annorum adulescens regio more, quid fieri uellet, mandabat, & habitu concilio, proceres ac ordines multa postulabant ab eo, quæ ad salutem regni pertinere dicebant: uerum amen ad ipsum & delectorum uoluntatem omnia referebant, cumq; uigessies & quinquies centena francorum millia ille imperasset, assenserunt: nec id modo uerum etiam, ut post biennium alij conuētus agerentur, petebant, & si ea pecunie summa nō sufficeret eius necessitatibus, ultro deferrebant se daturos, quantum uellet: ac si quis aliquid aduersus ipsum ullo tempore moliretur, se non facultates tantum omneis, uerum etiam sanguinem & uitam paratos esse pro ipsius incolumitate profunderet. Hæc eò pertinent, ut ostendat, quàm sit egregia Gallorum erga suum Regem uoluntas & beneuolentia. Num iniquum est igitur & inhumanum, si quis, cum populum habeat tam obsequentem & liberalem, uelit eos imperio cohercere, quasi liceat sibi quantumlibet exigere? Nonne multò sit honestius, comitate quadam eos ad suam uoluntatem adducere: quàm imperiose agere pro sua libidine? Certè quod supra non semel diximus, nemini omnium licet, absq; populi consensu ullam pecuniam imperare. Sed in utramque partem ferre peccatur. Nam et Principes immoderate multa sepe faciunt, & populus nonnunquam grauitè illos offendit,

illos offendit, quando nec morē gerunt, & in necessitate deserunt, & rebellionem faciunt plane contra fidem & iusiurandum. In Principibus autem conspicitur magis, & est illustrior Dei potentia, quā in hominibus priuatis atq; plebeis. Nam hi multis opportuni sunt iniurijs, & nonnunquā prāter ius & equū multantur, uel praeda consequendae causa, uel culpa iudicis & errore. Aliquando etiam iure plectuntur, in eoque nihil est reprehendendum. Quando uero Principes eorumque familiares, aut ciuitates aliquid delinquant, quis ea de re quāstionem habebit? & habita quāstione, quis ad iudicem deferret? quis iudicis personam sibi sumet? quis poenam constituet? Quenam est autem huius tantae licentiae & prauitatis causa? uel cur in deteriorem partem sic propendamus omnes? Incredulitas nimirum hoc efficit. Nam si certò statueremus, esse Deum, qui scelus nullum sinit impunitum: esse perpetuas & sempiternas poenas, quibus affliguntur impij: credibile est, neminem fore, qui uiolenter aut auare uel crudeliter aliquid ageret. Cum ab hoste Princeps aliquis detinetur captiuus: an aliquid habet in rebus omnibus tā charum ac preciosum, quod pro sui liberatione non pendat? Certe quicquid undiq; corrogare potest, tam ē suis, quā ē populi facultatibus. totū hoc eo confert, quem admodum scimus accidisse temporibus Ioannis Valensij, Galliarum Regis, qui captus ab Anglis, apud Pictoues, depēdit eis tricies centena francorū millia, et simul dabat

*Joannis
Valensij capti
ab Anglis*

dabat tertiam ferè Gallie partē, quæ tunc ad extremam
 inopiam redacta, corio, cui modicum erat infusum argen-
 ti, loco pecunie utebatur. Hæc omnia ille pro recupera-
 tura libertate persoluit, & ut nihil plane dedisset: An-
 gli tamen non erant eum interfecturi, & ut id fecissent:
 tamē quota fuisset illa, queso, pars cruciatuum inferni,
 quibus afficiuntur post hanc uitā impij? Cur autem &
 se suosq; liberos & populum ad hanc egestatē ille rede-
 git? Ideo sane, quod certō sciebat, non se alioquin eua-
 surum esse carcerem. Et tamen fieri potest, ut quo tem-
 pore flagitiū illud, quodcunq; sit, admisit, propter quod
 in hanc tantā calamitatē incidit: securus plane fuerit,
 neq; crediderit se Deum offendisse. Quiduis igitur illa
 fecit, ut ē uinculis expeditetur: & uerò tam nulli ferē
 sunt, aut pauci admodū Principes, qui posteaquam se-
 mel aliquid occuparunt quocunq; modo: restituere il-
 lud uelint. Nam neq; ratio, neq; iusiurandi religio, neq;
 metus diuini numinis, nec æquitas ulla, nec inferni cru-
 ciatus perpetui mouere illos possunt, ut quod alienum
 est, quod a se mala fide possideri sciunt, reddāt. Interro-
 gaui paulō antē, quis habiturus sit questionem de po-
 tentibus, quis illos accusabit, quis litem definiet, quis
 pœnam irrogabit? Certe querimonie & lachrymæ mi-
 serorum hominum, quos crudeliter uexarunt, item ui-
 duarū et pupillorum gemitus atq; suspiria, quos paren-
 tibus atq; maritis inhumanē spoliarunt, breuiter eorū,
 quos affllexerūt et fortunis omnibus denudarūt, lamen-
 tationes

nationes atq; plangor, erāt accusationis loco, quam illi
 coram supremo Dei tribunali sistent. Qui magnitudi-
 ne scelerum offensus, non semper concedit diuturniorē
 impunitatem, sed illos aliquando uerberat presenti-
 bus poenis, ita quidem euidenter et clare, ut dubitare
 non possit ipsum esse iustissimum impietatis nostrae ul-
 tore. Pleriq; uero Principes, imperiti quidem illi et in-
 consulti, quandiu prospera utuntur fortuna: nihil tale
 metuent. sed cum maximē securi sunt omnium rerum,
 tunc ecce Deus repente illis aduersarium aliquem exci-
 tat, de quo minime suspicati fuerant. Et quoniam eius
 rei in omnibus serē libris, ac in his Commentarijs pul-
 cherrima extant documenta: nihil est opus prolixiori
 demonstratione. Atq; ut ad finem aliquando peruenia-
 mus: nihil est in hac erumnosa uita potius, quā ut me-
 tuamus diuinum iudicium, et studeamus in rebus om-
 nibus equitati, et contenti simus mediocri uitae genere,
 neq; defatigemur ijs curis, quales serē suscipiuntur a
 multis, nimia quadā cupiditate et ambitione augescen-
 di. Hanc uiam si possemus ingredi, atq; tenere: et tran-
 quillius uiueremus, et minus affligeremur uoletudine
 aduersa, et mortem non adeo formidaremus. Etenim
 quāta sit uitae nostrae miseria, facile potest ex eo colligi,
 quod simul atq; mortuus est aliquis, quicumq; sit ille,
 statim omnes abominantur et exhorrescunt ipsum ca-
 dauer, et euolat anima, sistiturq; statim iudicio incun-
 tabili.

IOANNES

IOANNES SLEIDANVS
Lectori S. D.



Vanta sit utilitas huius historie, non dubito, quin satis intelligant omnes, uel tenui ciuiliū rerum cognitione præditi. Et quoniam ad illustrationem horum temporum in quibus uersantur, maxime pertinet; atque hanc ob causam potissimum eius interpretationem suscepi: idcirco, ut planior sit & intellectu facilior, quedam paulo altius mihi repetenda sunt. Et principio quidem; uidemus duas potentissimas nostræ orbis familias, Francicam & Burgundicam, contentibus ferè bellis conflictari. Eius uero mali causam ab ipsa stirpe & radice inuestigare oportet, ut uideri possit, quantæ sit molis, natum semel inter potentes principes disfidium, ita componere, ut non semper aliquæ maneat reliquiæ. Sic igitur res habet. Ad Ioannem Valesium, Philippi Valesij filium, Gallie Regem, qui ante annos centum & octoginta è uita decessit, delata fuit inferior Burgundia, quæ Ducatus nomen obtinet. Is in prælio captus ab Anglis, apud Pictones, ac deinde mortuus in Anglia captiuus: filios reliquit quatuor, Carolum, Ludouicum, Ioannem & Philippum. Ad Carolum natu maiorem delatus est principatus. Fuit hic, eius nominis quintus, ac propter insignem uirtutem nominatus est prudens. In diuisenda

denda hereditate, minimo fratri Philippo, dedit Bur-
 gundiam, à patre acceptam, Philippus igitur Burgun-
 diæ Dux, cognomento Fortis et Audax, in matrimonia-
 um duxit Ludouici Flandriæ Comitis filiam unicam,
 et auctus per eam fuit Artesia, Flandria, Burgundia su-
 periori, quæ comitatus nomine censetur, Nineruensî et
 Rethelensi ditione. Ei successit Ioannes filius. Regna-
 bat autem tum in Gallijs Carolus Sextus, Caroli Quin-
 ti filius: Qui cum exercitu profectus, ut Ioanni Britan-
 niæ minoris Duci bellum faceret: ubi ad Cenomanos
 peruenit: inter equitandum, subito in mentis alienatio-
 nem incidit. Et quanquam per interualla morbus red-
 dabat: summa tamen gubernationis erat penes ipsius pa-
 truos. Fratrem iste habebat Ludouicum, Ducem Aure-
 lianum. Inter hunc & Ioannem Burgundiæ Ducem,
 Philippi Audacis filium, patruos, orta fuit æmulatio
 quedam atq; simultas de principatu, dum ambo, per
 ualitudinem Regis, primas administrationis partes
 obtinere student. Augesciente uerò indies magis atque
 magis eo dissidio: Dux Aurelianus de nocte, quum pau-
 cis admodum comitatus domum rediret: Luteciæ fuit
 interfectus. Qui eadem fecerant, profugerunt in ades,
 quas tum Flandriæ Comites ibi, ut pleriq; alij proce-
 res, habebant. Hoc postea cognitum fuit, habita quæ-
 sitione. Postridie conueniunt patruus et propinqui regis:
 in his etiam erat Burgundiæ Dux, Ioannes. Cumq; de
 perpetrata cæde grauis institueretur ab omnibus querel-

monia: Biturigum Dux animadvertit, in Ioanne uultum atq; colorem mutari. Secedens igitur priuatim cum eo & amicè loquitur: rogat an sit sibi conscius? Ille suspirans, & in lachrymas effusus, fatetur summissos à se fuisse percussores. Tum Biturix, hei me miserum, ait, qui uno die duos amitto consanguineos. Burgundus illico discedens ab eo, quasi mox rediturus: conscendit equum, & paruo comitatu profectus, incredibili celeritate contendit ad Atrebates, ac pontem à suis, quâ transibat, rescindi iubet, atq; ita incolumis euasit. Collectis deinde copijs, quoniam & deploratâ regis ualitudinem, & factionibus sciebat diuisos esse multorum animos: incursionibus Galliam uexabat, & Parisiensem populum habebat suis rebus fauentem. eoque deducta res tandem fuit post multam disceptationem, ut Carolus Sextus, compositione cum eo facta, publicis literis fateretur, eadem illam sui fratris, iure, ac Reip. bono factam fuisse. Verum, ut fieri solet in rebus, quæ parum firmo nituntur fundamento, quum reliqui Principes & ordines, Aureliani Ducis filij potissimum hanc Regis contestationem improbarent, & ab eo, qui parum esset sane mentis, profectam esse dicerent: recruduit odium, præsertim cum iam paulatim grandesceret Caroli Sexti filius. Renouatis igitur disidijs, miserum erat Gallie status. Angli enim, qui iam inde à Philippo Valesio regis proauo, illam uexauerant, hanc occasionem conspicati: grauissimum ei bellum inferbant.

rebant. In his acerbitatibus, coëptum est cogitari de re-
 medio & salute. Cumq; Angli Rothomagum obside-
 rent, eo deducta res fuit, ut utrinq; data fide, Burgun-
 dus & filius Regis (Delphinum Galli uocant) qui po-
 stea dictus est Carolus, eius nominis septimus, apud
 Monstrelum, uiginti supra Lutetiam miliaribus oppi-
 dum, ad confluentem Sequanae & Iona, in collocutio-
 nem uenirent. Ibi tum Burgundus, in conspectu Del-
 phini ad quem transierat, fuit interemptus à quibus-
 dam Aureliani Ducis familiaribus, quos ad colloquium
 Delphinus adduxerat, anno duodecimo post Aurelia-
 ni cadem. Hanc patris necem, Philippus filius, cogno-
 mento bonus, ulciscens: foedere se coniunxit Anglis,
 & illorum adiutus praesidijs, per triginta duos annos
 continenter bellum Galliae fecit. Tandem summorum
 principum intercessione, pax inter eum et Carolam se-
 ptimum facta fuit Atrebat, exclusis Anglis, qui nimi-
 um acres & duras leges proponebant. Ea pacificatio
 prorsus erat ex utilitate Philippi. Sic enim tunc afflicta
 fuit Gallia, ut tranquillitate & octo uehementer opus
 haberet. Inter alia, rex dabat Philippo Duci, & eius li-
 beris masculis, agrum illum omnem & oppida, quae
 sunt ad Somiam flumen, sub certa conditione, ut ex his
 commentarijs clarum est. Ea constituta pate, rex, quod
 uoluit, consequebatur. Nam belli summam et omne ro-
 bur, in Anglos, qui tunc bonam Galliae partem tenebant,
 conuertit, eosq; ex omnibus undiq; locis tandem pro-

fligauit, ita quidem, ut ab eo tempore, præter Caletos,
 nihil hodie magnopere citra mare possideant. A morte
 Caroli septimi, bellum, quod antea uix magno labore
 sedatum fuit, renouatum est inter eius filium Ludouic-
 cum undecimum, & Carolum Philippi filium, ut ex
 his commentarijs constat. Quo interfecto prope Nan-
 ceium: Rex Burgundicam domum acerrimè persecus-
 tus, non modo Burgundiam utramq;: sed & Picardiam
 & Artesiam bonam partem occupauit, ac bellum deinde
 gessit cum Maximiliano Friderici Cesaris filio, qui Ca-
 roli filiam unicam, & florentissimarum ditionum hæ-
 redem, in matrimonium duxerat. Composito tandem
 & hoc bello per coniubium, & mortuo Ludouico:
 Carolus filius, eius nominis octauus, grandior factus,
 Margaritam Maximiliani filiam, sponsam suam, ante
 annos nouem ad se deductam, domum remisit, & Ana-
 nam, Francisci, Britanniae minoris Ducis, filiam uni-
 cam, Maximiliano publicè in Ecclesia, per internunci-
 um desponsam, uxorem duxit, ut Britannia cuius iam
 bonam partem occupauerat. sine contentione potire-
 tur, eamq; pacatam haberet. Ibi denuo, quod nuper cu-
 ratum erat uulnus, recruidit. & grauissima sunt exor-
 ta bella, propter hanc, quam Maximilianus factam sibi
 putabat esse contumeliam. Ac inter alia cum Carolus
 Regno Neapolitano capto, domum rediret: Maximilia-
 nus foedere coniunctus cum Alexandro Pontifice Ro-
 mano & Hispaniarum Rege, & Venetis & Ludouico

Sfortia,

Sfortia, Mediolani Duce, prope Forum nouum, ad *radices Apennini montis*, illum adortus est. Verum ipse tametsi multò inferior numero: singulari quadam fortuna, peruasit. In publicis etiam Imperij decretis, extat quoddam Maximiliani postulatam, ubi à Principibus Germaniae opem petit aduersus illum, molientem res nouas contra Pontificem, & Italiae procures. Ab eius morte delatus est Galliae Principatus ad Ludouicum, eius nominis duodecimum. Et quanquam de odijs nonnihil iam remissum erat: tamen certa nulla fuit inter eos, aut constans amicitia, turbante omnia Iulio Secundo Pontifice, qui cum esset infestissimus Galliae, traduxit ad se, quaecunque potuit auxilia, & in his Maximilianum. Qui quoniam diutissime regnauit: cum Francisco etiam *Valesio*, eius nominis primo, nunc Galliarum Rege, inimicitias exercuit. Et ab eius interitu, quae sint consecuta bella inter Carolum quintum Caesarem, Maximiliani nepotem, in quo Burgundica stirps, atq; Caroli posteritas renata esse uidetur, & hunc ipsum Franciscum, in recenti est hominum memoria. Ac eò solum hæc omnia ordine recitauimus, ut & lucem aliquam adferrem his *Commentarijs*, & ostenderem, inde ab illa cede Ducis Aureliani, annis ab hinc centum & triginta octo, ferè perpetuum fuisse disidium Francicae familiae cum Burgundica. Quod eò pertinet, ut Principes ac ipsorum familiares, magnopere caueant dissensionum occasiones. Nato enim semel disidio, necesse est multas de-

24. ILLUSTRATIO RERVM, ET

inde præberi causas offensionum, quod hic accidisse uideamus. Dum enim perpetuatis odijs, ab illa cede Aureliani, & Burgundi, nouæ semper diffensionum natæ sunt occasiones: dum Cæsar ereptam sibi suisq; maioribus Burgundiam, & Gallie rex ademptum ab illo sibi Mediolanum queritur: dum insigni rerum facta uicissitudine, quas per Italiam nuper & nostra memoria Reges Gallie tenuerunt prouincias, Neapolitanū regnum, & Insubriam Cæsar hodie possidet: uidemus, quod reciderint omnia. Et quantum ab eo fonte prodierit malorum, ad hoc usq; tempus, adeo sumus experti, ut omnibus precibus à Deo petendum sit nobis, quò familias illas duas, longè potentissimas, à quibus Europæ summa ferè tota pendet, antea sæpe frustra reconciliatas, firmis amicitie uinculis, ad sui nominis gloriam, ita coniungat, ut certò sperare possimus, ac nobis polliceri, tyrannidem illius, qui latrocinij, & immanissimo belli genere nos persequitur, nō esse longius progressuram.

De Anglia nunc dicendum est, & quamobrem illi Galliam ad se pertinere confirment, ut in his commentarijs apparet. Philippus Gallie Rex cognomento Pulcher, qui ante annos ducentos & triginta mortuus est, quatuor habuit liberos, Ludouicum, Hutinum, Philippum Longum, Carolum Formosum, & filiam Isabelam, quæ nupsit Eduardo secundo, Angliæ Regi. Filij principatum ordine tenuerunt, & quum è uita cessissent, nō relictis liberis masculis: Eduardus tertius filius,

Illi Eduardi secundi ex Isabela, missis in Galliam legatis, petebat regnum ad se qui nepos esset Philippi Regis è filia deferri. Proceres ac ordines conuocato concilio, dicebāt antiquitūs ita & institutum et obseruatum esse, ne foeminae ad Gallia principatum admitterentur: et quandoquidem ipsius mater in eo nihil habeat iuris: ipsum quoq; non posse ullum sibi ius uendicare. Et ut foeminae omnino locum habeant: potius tamen esse ius filiarum Ludouici, Philippi, et Caroli Formosi, quàm sororis ipsorum: & meritò illas debere suis patribus succedere, si qua ratione foeminis ad regnum pateret aditus. Post multam utrinq; disceptationem, ij, qui dicuntur Pares Franciae, Regem constituunt Philippum Valesium, Philippi Pulchri ex fratre nepotem. Eduardus igitur bellum statim denunciat, & acerrimè gessit, non ipse modo, sed & illius posterì, ita quidem, ut & Aquitaniae & Normanniae maximam partem, & Lusitaniam, & quicquid circum est, plurimis annis occuparent: donec à Carolo septimo, Philippi Valesij ab nepote prorsus eijcerentur, ut supra diximus. Ab Eduardo igitur tertio, & à Philippi Valesij temporibus, qui ante annos centū & nonaginta quinq; mortuus est, Angliae Reges, ea de causa, quā diximus, & Galliam ad se pertinere dicunt, & eius descriptionē ac titulum sibi usurpant, in hunc usq; diem. A Philippo autem Valesio hi fuerunt ordine reges, ex ea gēte ac familia, Ioannes, Carolus Quintus, Sextus, Septimus, Ludouicus undeci-

144 ILLUSTRATIO RERVM, ET

mus, Carolus octauus, Ludouicus duodecimus, & Franciscus primus. Galli eam legem, qua cauetur inter alia, ne foeminae ad regni successionem admittantur: Salicam uocant, & est ipsis quodammodo peculiaris. Hungaria quoq; si non super sit filius, liberam habet electionem. Dania uero maioribus utitur priuilegijs. Nam etiam si multi sint filij regis iure tamen. successionis ad principatum ex ijs nemo quisquam admittitur, & totum ex arbitrio procerum ac ordinum pendet, sicut ipsorummet scripta testantur. Eadem ratio dicitur esse per Poloniam: tametsi cum idonei sunt filij fratre praeferruntur omnibus alijs. Per Hispanias autem, & Lusitaniam, & Siciliam, & Neapolim, & Nauarrā, & Angliam, et Scotiam, à Principatu foeminae nō excluduntur.

Proximum est, quandoquidem Galliae plurima sit, & locorum in his commentarijs mentio: ut exponam, quibus hodie finibus illa contineatur, quando regū subest imperio, & in quas partita sit prouincias, et quibus ea uocentur nominibus, & quos ille populos, quorum C. Caesar, & alij mentionem fecerunt, comprehendant. Et principio quidem, quā late pateat, & quemadmodum posita sit, post C. Caesarem nemo melius dixit. Manebit igitur illa descriptio immota & integra. Sed hodierno die has ditiones habet maiores. Burgundiam ducatum, Campaniam, Picardiam, Normanniam, Britanniam minorem, Xanthones, Guiennam, Vasconiam, Languedociam, Prouinciam, Massiliensem, & Delphinatum.

GALLIAE DESCRIPTIO. 349

Delphinatum. *Haec sunt uelut extremae orae, quibus tanquam sepimento quodam, & muro, prorsus ambitur interior illa, cuius hi sunt populi, Franci, quorum caput est Lutetia: Carnutes, Cenomani, Andes, Turones, Bituriges, Ambari seu Niuernenses, Boii seu Borbonii, Aruerni, Lemouices, Pictones, Petracorij, Velaunij. Ducatus nomen obtinent Burgundia, Normannia, Britannia, Guienna, Bituriges & Borbonia. Normannia complectitur Neustrios, Ambulates, Bellocassos, Lexouios, Eburonices, Aulercos. Britannia continet Osismos, Diablintres, Venetos, Curiosolitas, Rhedones, Nanetes, Cadetes. Guienna, Vibiscos, Cardurcos, Heluios, Rhutenos. Vasconia, Tarbellos, Dacios, Bigerones, Auscos, Cantabros. Languedocia, Tholosates, Volcas, Nitiobriges. Delphinatus habet Blagonios, Brannonices, Eburodunos. Porrigitur usque ad Allobroges, qui nunc Sabaudi, & Taurinos, qui Pedemontani hodie dicuntur. In Burgundia sunt Hedui, Mandubii, Lingones, & pars aliqua Sequanorum. In Campania Rhemi, Catalauni, Trecentenses. In Picardia, Sueffiones, Ambiani, Bellouaci, Veromandui, Morini. His plane sunt uicini Atrebates & Neruij: sed ij, propter Flandriam, Caesaris Caroli Quinti parent imperio. Mediam Galliae regionem obtinent Bituriges, equali propè spacio undiq; dirempti à finibus. Tenentur hodie Galliarum Reges omnem Aquitaniam & Celticam, praeter Heluetios & Comitatum Burgundi-*

Y V

am, quos Gallorum siue Celtarum nomine Caesar comprehendit. Belgice uero partem, à Sequana & Matrona possidet, usq; ad Atrebatas & Pleumosios, siue Flannodros, & Nervios, & ad Mosam flumen. Tenent præter Ruscinonensem agrum, Narbonensem omnem prouinciam, & quicquid est trans Rhodanum, usq; ad Allobroges, & Taurinos, quorum tamen maximam partem Franciscus primus, ante annos nouem, bello cepit, Guienna & Vasconia propriè ad Aquitaniam pertinent, & eo solo nomine censebatur olim. Quo loco igitur mentio fit in commentarijs, Ludouicum regem fratri suo dedisse partem Aquitanie: hoc de Guienna solum, non autem de Vasconia intelligendum est. Languedocia, pars est Prouinciæ Gallie, sicut Caesar, & antiquitus illam uocarunt. Eam uero partem, quæ est trans Rhodanum, uersus mare Mediterraneum, usq; ad Liguria montes, Galli peculiariter hodie uocant Prouinciam. In ea sunt Auenio, & Aquæ Sextiæ, & Massilia, & Arlate, et Tollonum. Britannia minor, sic appellata propter maiorem, nempe Angliam, eas continet ciuitates, quas Caesar uocat Armoricas. Totius autem Gallie longè maxime sunt & opulentissimæ, Normannia & Britannia. Earum extremi fines, sicut & Picardie, & Xanthonium, & Guienne, et Vasconie, pertinent ad Oceanum: Languedocia uerò & Prouincia Massiliensis, ad mare mediterraneum. Normanniam à multis iam temporibus Gallie Reges tenent, Burgundiam & Prouinciam

Eiam quemadmodum Ludouicus undecimus acquisierit: ex his commentarijs notum est. Britanniam Carolus Octauus adiunxit, quando Francisci Ducis filiam unicam, Annam uxorem duxit, quam deinde Ludouicus duodecimus, quum nulla Carolo superesset proles, in matrimonio habuit. Borboniam & Aruerniam, Franciscus primus, ob Caroli, earum regionum Principis, defectionem ad Caesarem: sibi uendicauit. Gallicae linguae (qui nunc est illius usus) principatum obtinent hodie, Parisienses, Aureliani, Carnutes, Turones. Ab ijs nonnihil uariant, Normanni, & aliorum, quanto magis Picardi, ac Burgundiones, praesertim accentu. Britanniae pars illa, quae est Andibus propinqua, minimum differt: Interior autem illa, prorsus alio sermone utitur, sicut & Vascones, & Aquitani, & Languedocij, & Prouinciales, qui ad Italicam magis accedunt. In iudicijs autem publicis & senatibus: pure loquuntur omnes, ac scribunt Gallicè, quanquam forensis ille stylus à latina lingua maximam partem mutuatur.

Diximus antea de Paribus Francie. Ad eorum arbitrium & iudicium redit omnium rerum et consiliorum summa & constituendi Regis, cum de successione est controuersia, potestatem isti habent, ut accidisse uidemus in Philippo Valesio. Sunt autem numero duodecim, antiquitus instituti, ut ipsorum imprimis consilio reges uterentur, quemadmodum in Germania sunt Principes

cipes Electores, dignitate & gradu ceteris potiores. Ex ijs tres sunt Duces, Burgundus, Normannus, Gui-
 omus seu Aquitanus: Comites uerò totidem, Flandria,
 Campanie, Tholose: Deinde sex Episcopi, Rhemensis,
 Laudanensis, Lingonensis, Nouiodunus, Bellouacus, et
 Catalaunus. Ex priori ordine nulli bodie supersunt,
 præter Flandrie Comitem. A multis enim annis Nor-
 mannam, & Guiennam, & Campaniam, & Tholosan-
 nam ditionem, & à morte Caroli Ducis, Burgundiam
 tenent Galliarum Reges, ac patrimonio suo coniunxe-
 runt. Flandria sola restat, quam Carolus Quintus Cæ-
 sar, superioribus annis, quando cum Francisco Valesio
 Rege, Madricij, & postea Cameraci pactus fuit: exemit
 à fide, qua Gallie prius erat obstricta. Nam illinc ad Sen-
 natum Parisiensem prouocari solebat, sicut octauo li-
 bro recitatur de Burgundie Cancellario & Imbercor-
 to, qui capitis damnati à Gandauenfibus, appellatio-
 nem illam interponebant. Nunc autem, quando
 Franciscus primus ei iuri cessit: prouocationes omnes,
 uel Atrebatum uel Mechliniam deferuntur. Porro tam-
 met si nulli extant pares: tamen cum aliquid solenne
 peragitur, euocantur alij Principes, qui sint ipsorum
 loco, quemadmodum quo tempore Ludouicus duode-
 cimus proximus ante hunc, regno fuit inauguratus:
 Dux Alenconius, & Borbonius & Lotharingius, &
 Cliuensis, & Rauestenus, & Comes Fossensis repræ-
 sentabant sex illos primi ordinis. Quantum ad reli-
 quos

quos pertinet, ij quoniam sunt Ecclesiastici: manent immoti.

De Senatu quoq; Parisiensi, & eius authoritate, mentio fit in his commentarijs, libro tertio. Sunt omnino septem eiusmodi senatus per Galliam (ipsi Parlamenta uocant) à quibus prouocare nō licet, & ad quos ab omnibus alijs iudicijs appellatur. Ii sunt Parisiensis, Tholosanus, Rothomagensis, Diuionensis, Burdegalicus, Aquensis in Prouincia, & Gratianopolitanus in Delphinatu. His omnibus stipendia Rex præbet. De causis omnibus & criminibus isti cognoscunt, & quod à singulis definitum fuerit: ei standum est. Omnium autem latissimè patet, ac amplissimam iurisdictionem habet Parisiensis. In eum aliquando uenire solent ipsi reges, quoties aliquid magni decernere uolunt, quem admodum ante annos octo, mense Ianuario, Franciscus primus, bellum illaturus Carolo Cesari, uenit eò, & per aduocatum suum expositis, quas ab illo sibi factas dicebat, iniurijs, demonstrabat, bellum sibi necessariò suscipiendum esse, ut Flandriam & Artesiam, quæ nunc illius uitio & culpa ad se pertineant, recuperare, & Gallie rursum, è qua prodijissent aliquando coniungeret. Olim ista referebantur ad publicos conuentus ordinum. Ii quoniam aboliti sunt: aliquod adhuc eius rei uestigium manet, dum ad eum senatum itur. quod tamen rarissimè nunc fieri consuevit, quando solus rex, pro suo iudicio quiduis decernit. Illud autem

autem adhuc frequens est ac usitatum, ut passionēs rerū
 gum, & quicquid omnino ad regni constitutionem per-
 tinet: in eo rectetur, & scriptis publicis; quorum ipsi
 custodiam habent, inseratur.

Et quoniam ad Galliæ descriptionem, ventū est: non
 erit alienum adijcere aliquid de fluminibus, quibus irri-
 gatur. Ex ijs prima & maxima sunt, Matrona, Sequa-
 na, Ligeris, Arar, Rhodanus, & Garumna. Deinde,
 Somia, Iona, Elauer, Albis, Axona, Osia, Druentia,
 Isera. Mosam & Mosellam non ponam in eo nume-
 ro. Nam etsi in Gallijs, prout à Cesare illa describitur,
 originem habent: nempe ex Vogeso monte, tamē quo-
 niam extra Franciæ Regum fines labuntur: non huc
 propriè pertinent. Scladem eadem de causa non pono,
 qui prope Veromanduos ortus, perq; Nervios et Flān-
 dros decurrens, non in Mosam, ut Caesar ait, sed millia-
 ribus aliquot, infra Antuerpian, in Oceanū illabitur.
 Dubis etiam, quem Caesar Aduasdalim vocat, non de-
 bet huc referri: qui supra Vefontionem ortus, prope
 Virodunos, Arari sese coniungit. Matrona ortū habet
 ex Lingonibus: labitur per Campaniam, & duobus su-
 pra Luteciam milliaribus, in Sequanam influit. Sequa-
 na provenit ex Burgundia Ducatu, interlabitur Lute-
 ciam, alluit Rothomagum, deinde uoluitur in Ocea-
 nū. Ligeris oritur in Aruernia & longissimè profluens,
 infra Nanetes, in Oceanum exit. Arar scaturit ex diversa
 parte Vogesi montis, & lapsus per Burgundiam, passus
 est alio

bus aliquot infra Lugdunum, Rhodano miscetur. Rhodanus supra Sedunos emanans, et per lacum Lemanium deuectus, ubi Lugdunum praeterijt: ad meridiem conuersus, incredibili rapiditate, infra Arelaten, duobus ostijs in mare Mediterraneum sese eijcit, Isara tamen et Druentia prius receptis. Garumna descendit ex Pyrenaeis montibus: allabitur Tholosam, et prope Burdegalam exonerat in Oceanum. Iona et Albis et Osa, sed haec prius aucta flumine Axona, commiscentur Sequanae, Elauer ex Aruernis profluens, in Ligurim desinit. De Somia satis dictum est in commentarijs: Influit in Oceanum. Multi sunt alij amnes atq; riuus, sed obscuriores. Ii uero, quos diximus, tam secundi, quam primi ordinis, nauigantur omnes. Ceterum, in Rhemorum urbe, Galliarum Reges inaugurantur. Clodoueus rex, qui ante annos mille et triginta mortuus est, omnium primus religionem Christianam complexus fuit, ut ipsorum scripta narrant, et coelitus tunc inter alia dicitur allata fuit pyxis, olei plena, quod deinceps inungerentur reges. Hoc etiam obiter annotare uolui, quoniam eius olei mentio fit postremo libro.

Alterum, cuius te, lector, admonendum putavi, illud est. In his commentarijs uti me uulgaribus atq; protristis uocibus honorum, ordinum atq; dignitatum, cuiusmodi sunt, Dux, Marchio, Comes, Ducatus, Comitatus, Cancellarius, Marefchallus, Connestablius, Amiralus, Cardinalis, Heremita, Canonicus, Officialis,

cialis, Delphinus Abbatia, & alicubi Francorum nomen, quod est monetæ genus apud Gallos. Bini pauldminus aureo coronato æstimantur. His autem uocabulis utendum est nobis, etiam inuitis, nisi magnam uelimus inducere scriptis obscuritatem: & utendum est, donec doctorum hominum approbatione & consensu, meliora fuerint inuenta, & lege sancita. Pleraq; omnia quid sibi uelint, uulgò notum est. Propter imperitos autem rerum Gallicarum, nonnulla sunt explicanda. Marefchallos quatuor habet Gallia, qui sunt uelut magistri equitum, & ad eos introducuntur lites rei militaris. Iis omnibus præest Connestabluus, quo non alius est amplior & magnificentior honos. Eum dignitatis gradum, superioribus annis, apud Franciscum primum obtinuit Carolus Borboniæ Dux, qui ad Cæsarem postea defecit. Principibus autem propriè conuenit hoc munus: uerum quia per se magnum est, & eximium: reges plerunq; tribuunt illud hominibus mediocri conditione & nobilitate, quos facile cobibeant, & qui ex humili loco ad summam dignitatem perducti, magis ipsos reuereantur. Et sicut isti ferè sunt acceptiores regibus: ita uicissim reliqui ordines, ac nobilitas potissimum, malunt principem aliquem ad eam rem deligi. Nam ijs, qui sunt ex illustribus nati familijs, uehementer dolet, quum tenuiores homines præferri sibi uidet, & eorum coguntur imperio parere. Ac multis calamitosum sepe fuit munus hoc administrasse, quos alioqui

uite

aita conditio mediocris poterat inuidie et periculo
 subducere. Sed incidit aliquando tempus, quo nullus est
 Connestablius: et post Caroli Borbonia Ducis defectio-
 nē, per quatuordecim annos, ac eò amplius nullū Fran-
 ciscus Rex creauit. Ad Amirallium pertinet omnis pro-
 curatio et disceptatio rei maritimæ et classis regiæ, sic
 ut Connestablius quodammodo sit legatus Regis, quum
 bellum terra geritur, Amirallius autem maritimo bello
 præsit. Sed totum hoc in Regis arbitrio positum est,
 qui illorū opera, quibus in locis uisum ei fuerit, utitur.
 Delphinum Galli uocant, aut natu maximum Regis
 filium: aut si non sit filius, designatum Regem, hoc est:
 eum, qui Regi successurus est, ob generis propin-
 quitatem. Ad hunc propriè pertinet ea regio, quæ
 Delphinatus dicitur. Vtor etiam consuetis, et hodie
 receptis oppidorum et regionum nominibus, ut om-
 nia sint magis plana. Quod nunc Cameracum dici-
 tur, à Cesare Samarobrinam putant esse uocatam. Ca-
 letum ille portum Iccium uocat, tametsi et Caletorum
 meminit. Eburones dicuntur esse Leodienses. Mea-
 napij, sunt Cliuenses, Iuliacenses, et Geldri. Ego
 ne quid relinquerem obscuri: malui uulgaribus uti. Et
 hæc pauca, solum exempli causa posui, ut et de reliquis
 idem æstimetur, et ne quis conqueratur, neglectam esse
 à me antiquitatem. Cataphractorum frequens admo-
 dium fit mentio, et necessariò quidem ea uoce nobis
 utendum est. Et sicut Caesar uocat ephippiatos equos

24 ILLVSTRATIO RERVM, ET

tes, qui sellis infident inter equitanda: ita nos eos equites, qui toto corpore sunt armati, cataphractos uocamus. greco nomine, quia latino destituimur. Libro tertio per occasionem fit mentio Comitum Veromandorum: Is fuit Herbertus, qui Carolum Simplicem, Gallicae Regem, Perona, per prodicionem, dum simularet amicitiam, cepit, ac in carcere, per biennium ex eo plus detinuit, donec ille moreretur. Eduardus Angliae Rex, cuius frequentem mentionem author facit, est eius nominis quartus. Ei successit filius eiusdem nominis, quem Richardus patruus deinde necauit, occupata regni possessione. Richardum eiicit Henricus septimus, pater Henrici Octavi, nunc Angliae Regis. De milliaribus quoties mentio fit: illud intelligendum est, pro cuiusque regionis modo et consuetudine. Postremo, quam interpretandi rationem in hoc opere sim secutus, facile quivis, ut puto, iudicabit. Non astrinxime ulli scrupulo, et hoc solum spectavi. ut quam uerissimè expressam sententiam, familiari et proprio sermone latino redderem. De rebus Anglicis author, quiddam prolixius recitat: uerum, ne seriem narrationis impeditam redderem, paucioribus illud, libro quarto, explicavi. Author etiam per capita suum opus est partitus: ego uero per libros, ubicumque argumenti qualitas id uisa fuit postulare. Adhuc, ubi de bello scribit, quod à morte Caroli, Rex per Auiracae Principem in Burgundia gerebat, expatiatur in locos, communes,

GALLIAE DESCRIPTIO. 151

communes, ac multas interserit illastres sententias. Verum ne perturbaretur ordo, in finem operis totum hoc reieci. In reliquis omnibus nihil est immutatum. Quicquid autem in eo consumptum est opere et laboris: Germaniae, hoc est patriae, totum est impensum, cui talium rerum cognitionem opinor posse prodesse. Quò magis spero, gratum plerisque futurum esse hoc meum officium. Ea uerò quae hic explicanda causa historiae subieci: ueritate nituntur, et ex fide recitata sunt omnia. quod facile agnoscent Gallicarum rerum non imperiti. Vale.

Argentina, 12. Februarij.

M. D. XLV.

Z

ILLVSTRIORES AC præcipui loci, passim his commentarijs in- spersi.

I Ntemperantiam & luxum Deus punit.	9.
Modestia maxime decet Principes.	23. 200.
Diffidentia summa inter Principes.	10. 91. 95.
Rebus dubijs debent dari consilia.	35.
Describitur ingenium Ludouici Regis.	36. 304.
Principes serè corrumpuntur educatione.	37.
Vnus aliquis uir, nonnunquam est instar multo- rum.	43. 119.
Collocutiones: priuatæ, belli tempore sunt pericu- losæ.	44.
Ludouicus Rex prudenter dirimit fœdus Princi- pum.	47.
Vnius alicuius authoritas sæpe est necessaria.	50.
Duo sunt genera Principum.	51.
Qui sunt confœderati, si dissipentur, in præsens pe- riculum sese coniiciunt.	52.
Multorum audiendæ sunt sententiæ in deliberatio- nibus.	57.
Aduersum prælium facere, est res plena periculi.	62.
	69. 99. 209.
Placidis ingenijs libenter Deus adest.	66.
Ad Principes propriè pertinet, multis benefacere.	66.
Superbiam	

I N D E X.

<i>Superbiam ferè comitatur calamitas.</i>	70.
<i>Historiarum cognitio Principibus est necessaria.</i>	74.
<i>Hominum etas & mores, indies magis magisq; degenerant.</i>	75.
<i>Principes ignavi & uoluptarij sunt indigni, qui regnent,</i>	76. 77.
<i>Non est consultum, ut Reges in colloquutionem ipsi ueniant.</i>	79.
<i>Non est ullo tempore contemnendus hostis.</i>	86.
<i>Hostis desperatus ualde est metuendus.</i>	92.
<i>Vulgus habet opus aliquando duce & moderatore.</i>	97.
<i>Principes honestam aliquam causam sue cupiditati sepe pretexunt.</i>	106.
<i>Eruptiones eorum, qui obsidentur, sunt ipsis ferè periculose.</i>	115.
<i>Ingenium Caroli describitur.</i>	115. 134. 317.
<i>Quomodo sint tractandi legati, tam hostium, quam amicorum.</i>	121. 122.
<i>Abstinerendum est à uerborum contumelijs.</i>	129.
<i>Quomodo aliquis gerere se debeat erga suum Principem.</i>	143.
<i>Crudelitatem nullam Deus finit impunitam.</i>	146. 301.
<i>Quomodo plurimum noceri possit hosti.</i>	147.
<i>Quomodo Reges Angliæ pecuniam à suis eliciant.</i>	149.
<i>Quomodo Ludouicus Rex impetum Caroli frege-</i>	149. 153.

I N D E X.

Responsum Friderici Caesaris ad legatum Ludouici Regis.	136.
Magni sepe uiri, etiam admoniti, pericula uitare non possunt.	189.
Bellorum authores plerumq; tristes habent exitus.	195.
Principum Calamitates oriuntur ab ultore Deo.	198.
Nuper acquisitis prouincijs præficiendi sunt uiri boni & humani.	204.
Rebus aduersis debemus agnoscere peccata, petere ueniam à Deo, & consulere amicos,	218.
Obstinationis calamitosa exemplum,	221.
Principes debent esse alieni à prauis consilijs.	223.
Legatos oportet esse homines peritos & circumspectos.	227.
Bonus Princeps magnum est Dei donum.	232.
Reges, non quid ipsis utile, sed quid honestum sit & equum, respicere debent.	239.
Nemo est omnium Principum, in quo non sit aliquid reprehendendum.	241.
Effrenis & indomiti populi exemplar.	251. 252.
Populus fert inuitus externum imperium.	272.
In celeritate magnum sepe positum est momentum.	278.
Seditio popularis punita.	279. 280.
Benefaciendum est, dum sanitatem corporis & mentis largitur Deus.	285.
Qui metui nolunt, coguntur tandem dios metuere, ac omnia	